


PAULIER

Medicin

Vetus

Novus


81  
50



T H E

x

1901  
81-50



- 47.145 -

# ANDREAE PIQUERII

PROFESSORIS VALENTINI

MEDICINA VETUS , ET NOVA

*Secundis curis retractata, & aucta*

## A D T Y R O N E S.

EDITIO TERTIA.



MANTUAE CARPETANORUM.

---

Apud Joachimum Ibarram Typographum. Anno reparatae sa-  
lutis CD. DCC. LVIII.

Famulūs ut sanitatis spes, ut unicūque et  
sanctorūtūs illis creatura. Plinius.  
Propria dum ega vivere quia sumit pacem  
ti nulla remedia possunt. Celsus  
Medici, fama quidem, ac nomine, multi, re  
autem ac opere perpauci. Oportet enim, qui  
cumque Medicinae scientiam copulam si  
bi verè comparare volet, horum eum com  
potem fieri, naturae, doctrinae, loci studiis  
apti, institutionis à puerō, amici laboris, ac  
temporis. Enim vero primum omnium Natu  
ra opus est. Natura namque repugnante, ir  
rita sunt omnia.

Hipp. Lex. num. 1. Charter. tom. 2. pag. 145.

Certissima omnium erit judicatrix sola experien  
tia, quam qui relinquunt, atque aliundē ra  
tiocinantur, non solum falluntur, sed etiam  
tractationis utilitatem subvertunt.

Galen. de Simpl. Medic. facultat. lib. 1. cap. 40.  
Charter. tom. 1 3. pag. 29.

# EL REY.

POR quanto por parte del Doctor Don Andrès Piquèr, Medico de mi Real Camara , y Prothro-Medico de Castilla , se representò al mi Consejo deseaba reimprimir un Libro intitulado : *Medicina Vetus , & Nova* , de el que era Autor ; y assimisimo unas Addiciones , en las cuales iban insertas diferentes erratas , y algunos yerros , que en la Impression passada salieron , remitiendose éstas à la Censura de la persona que conviniesse ; por lo que suplicò fuese servido concederle Licencia , y Privilegio , por tiempo de diez años, assi para la reimpresion del expressado Libro , como para la impression de lo corregido , aumentado , y Addiciones à ello: Y visto por los del mi Consejo , (y como por su mandado se hicieron las diligencias , que por la Pragmatica ultimamente promulgada sobre la impression de Libros se dispone) se acordò expedir esta mi Cedula : Por la qual concedo Licencia , y facultad al expressado Doctor Don Andrès Piquèr , Medico de mi Real Camara , y Prothro-Medico de Castilla , para que sin incurrir en pena alguna , por tiempo de diez años , primeros siguientes , que han de correr , y contarse desde el dia de la fecha de ella , el susodicho , à la persona que su Poder tuviere , y no otra alguna , pueda reimprimir , è imprimir , y vender el referido Libro intitulado : *Medicina Vetus , & Nova* , y assimismo las Addiciones , en las que van insertas diferentes erratas , y algunos yerros , que en la Impression passada salieron ; con que se haga en papel fino , y por el exemplar original , que en el mi Consejo se viò , que va rubricado , y firmado al fin , de Don Joseph Antonio de Yarza , mi Secretario , Escribano de Camara mas antiguo , y de Gobierno de él , con que antes que se venda se trayga ante ellos , juntamente con dicho original , para que se véa , si la reimpresion , è

impression està conforme à èl , trayendo assimisimo Fé en pública forma, como por Corrector por mi nombrado se viò, y corrigió dicha reimpression , è impression , por el original , para que se taisse el precio à que se ha de vender: Y mando al Impressor, que remprimiere , è imprimiere el referido Libro , no reimprima, è imprima el principio , y primer pliego , ni entregue mas que uno solo con el original al dicho Doctor Don Andrès Piquèr, à cuya costa se reimprime , è imprimie , para efecto de dicha Correccion , hasta que primero este corregido , y tassado el citado Libro por los del mi Consejo ; y estandolo assi , y no de otra manera , pueda reimprimir , è imprimir el principio , y primer pliego , en el qual seguidamente se ponga esta Licencia , la Aprobacion , Tassa , y Erratas , pena de caer , è incurrir en las contenidas en las Pragmaticas , y Leyes de estos mis Reynos , que sobre ello tratan , y disponen : Y mando , que ninguna persona , sin licencia del expressado Doctor Don Andrès Piquèr , pueda reimprimir , è imprimir , ni vender el citado Libro , pena , que el que le reimprimiere , è imprimiere , haya perdido , y pierda todos , y qualesquier Libros , moldes , y pertrechos , que dicho Libro tuviere ; y mas incurra en la de cincuenta mil maravedis ; y sea la tercia parte de ellos para la mi Camara: otra tercia parte para el Juez que lo sentenciare ; y la otra para el Denunciador : y cumplidos los dichos diez años , el referido Doctor Don Andrès Piquèr , ni otra persona en su nombre , quiero no use de esta mi Cedula , ni prosiga en la reimpression , è impression del citado Libro , sin tener para ello nueva Licencia mia , só las penas en que incurren los Concejos , y personas que lo hacen sin tenerla. Y mando à los del mi Consejo , Presidentes , y Oidores de las mis Audiencias , Alcaldes , Alguaciles de la mi Casa , Corte , y Chancillerias , y á todos los Corregidores , Asistente , Gobernadores , Alcaldes Mayores , y Ordinarios , y otros Jueces,

ces , Justicias , Ministros , y personas de todas las Ciudades , Villas , y Lugares de estos mis Reynos , y Señoríos , y à cada uno , y qualquier de ellos , en su distrito , y Jurisdiccion , vean , guarden , cumplan , y executen esta mi Cedula , y todo lo en ella contenido ; y contra su tenor , y forma no vayan , ni passen , ni consentan ir , ni passar en maniera alguna , pena de la mi merced , y de cada cincuenta mil maravedis para la mi Camara. Dada en Buen-Retiro à veinte y ocho de Febrero de mil setecientos cincuenta y ocho. YO EL REY. Por mandado del Rey , nuestro Señor , Don Andrés de Otamendi.

---

FIDES CORRECTORIS.

Pag. 1. lin. 24. animabus , lege *animalibus*. Pag. 4. lin. 25. quo, minus , lege *quominus*. Pag. 12. lin. 16. licoris , lege *liquoris* , & lin. ultima , licor , lege *liquor*. Pag. 18. lin. 1. epyleptiam , lege *Epilepsiam*. Pag. 26. lin. 20. pulso , lege *pulsu*. Pag. 28. lin. 5. saedulo , lege *sedulo*. Pag. 37. lin. 30. edoceant . leg. *edoceant* ? Pag. 39. lin. 10. syincopen , lege *synco- pem*. Pag. 41. lin. 12. excrecent , lege *exercent*. Pag. 65. lin. 17. corrigenda , lege *corrigen- dis*. Pag. 94. lin. 29. ese , lege *est* , & lin. 33. inflamatio- nem , lege *inflationem*. Pag. 109. videre , lege *videret*. Pag. 141. lin. 20. caput , lege *Caput* 3. Pag. 144. lin. 25. adulitionis , lege *aduisionis*. Pag. 163. lin. 14. *Caput* , non legatur. Pag. 166. lin. 8. Caput , lege *Caput* 4. Pag. 172. lin. 11. transeat , lege *transeant*.

Hoc opus : *Medicina Vetus , & Nova* , à D. D. Andrea Piquer , Catholicae Majestatis Cubiculario Medico elaboratum , ut correspon- deat cum suo Originali , advertantur haec menda ; fidem facio Ma- triti die quinta Junii anno Domini millesimo septingentesimo quin- quagesimoque octavo.

Doct. D. Emmanuel Gonzalez Ollero,  
à C. M. Generalis Corrector.



TAS-

T A S S A.

**D**ON Joseph Antonio de Yarza, Secretario del Rey nuestro Señor, su Escribano de Cámara mas antiguo, y de Gabinete del Consejo: Certifico, que haviendose visto por los Señores de él el Libro intitulado: *Medicina Vetus, & Nova*, su Autor D. Andrés Piquér, Medico de Cámara de S.M. que con licencia de dichos Señores, concedida al susodicho, ha sido impresso, tassaron à siete maravedis cada pliego, y dicho Libro parece tiene veinte y uno sin principios, ni tablas, que à este respecto importa ciento y quarenta y siete maravedis; y al dicho precio, y no mas mandaron se venda; y que esta Certificación se ponga al principio de cada libro, para que se sepa el à que se ha de vender. Y para que conste lo firmé en Madrid à nueve de Junio de mil setecientos cincuenta y ocho.

*Don Joseph Antonio de Yarza.*



IN-

# INDEX TRACTATUUM, ET CAPITUM.

## TRACTATUS I. DE URINKS.

- CAPUT I. Quid, & quotuplex sit Urina, pag. 1.  
CAPUT II. De coloribus Urinarum, pag. 7.  
CAPUT III. De Sedimento Urinarum, pag. 12.  
CAPUT IV. Hippocratica doctrina de Urinis expenditur, & explicatur, pag. 16.

## TRACTATUS II. DE PULSIBUS.

- CAPUT I. De Essentia pulsis, pag. 22.  
CAPUT II. De Differentiis pulsuum, pag. 25.  
CAPUT III. Doctrina Galeni de Pulsibus expenditur, & explicatur, pag. 27.

## PHARMACIA GALENICO CHIMICA.

- CAPUT I. De Methodo medendi, pag. 34.  
CAPUT II. De Indicationibus, pag. 36.  
CAPUT III. De Remediorum viribus, & scopis, pag. 39.  
CAPUT IV. De Alterantibus in genere, pag. 42.  
CAPUT V. De Alterantibus specificis, pag. 49.  
CAPUT VI. De Expectorantibus, pag. 53.  
CAPUT VII. De Stomachicis, pag. 58.  
CAPUT VIII. De Hepaticis, & splenicis, pag. 62.  
CAPUT IX. De Nephriticis, & hysterics, pag. 65.  
CAPUT X. De Medicamentis purgantibus, pag. 71.  
CAPUT XI. De Emeticis, pag. 84.  
CAPUT XII. De Diureticis, pag. 90.

CA-

- CAPUT XIII. De Sudoriferis , & diaphoreticis, pag. 93.  
CAPUT XIV. De Clysteribus , pag. 97.  
CAPUT XV. de Anodinis , & vesicantibus, pag. 102.  
CAPUT XVI. De Venae sectione, pag. 106.

*TRACTATUS IV. DE FEBRIBUS.*

- CAPUT I. De Essentia Febris, pag. 116.  
CAPUT II. De Differentiis febrium, pag. 118.  
CAPUT III. De Febribus secundae regionis, pag. 141.  
Febris maligna , pag. 150.  
De Variolis, pag. 156.  
De Febribus puerperarum , pag. 163.  
CAPUT IV. De Febribus tertiae regionis , pag. 166.  
Monita practica ex Medicina Veteri, & Nova deducta, & in formam Aphorismorum disposita ad Tyrone, pag. 173.

I

# DE MEDICINAE STUDIO RECTE

instituendo ad Tyrones.

## P R A E F A T I O

**M**edicinam esse mundo coaequam, certissimum est ; nam cum homines, ob primi Parentis lapsum, morbis afflitti coeperint , & Deus Optimus Maximus pro summa, qua pollet beneficentia , his damnis remedia apposuerit , nemini dubium esse potest , quin antiquissimi homines , mundo coaevi , suis aegritudinibus levandis , ea sumerent medicamina , quae experientia duce , sibi esse consentanea judicarent . Quae autem fuerint fata Medicinae ab antiquissimis his temporibus usque ad Magnun<sup>m</sup> Hippocratem , sub densissimis tenebris latet , nam graeca gens , fabularum feracissima , ea omnia sub figmentis Apollinis , AEsculapii , aliorumque similium involvere voluit . Qui tamen fuerint usus in Medicina exercenda , qui ritus , quae leges sub iis temporibus , quae communiter heroica nominantur , colligere licet ex Herodoto , Homero , Sanchoniatone , aliisque vetustissimis Scriptoribus , quos si videre non lubet , saltim Danieleni Clericum , Auctorem longe celeberrimum , aequum erit consulere ; aut si quae ad Medicinam spectant , ex Sacris Scripturis , purissimae veritatis fontibus , magis arrideat deducere , utile erit Calmetum , ea opportunè tractantem , inspicere , aut ex Vallesii nostri Philosophia Sacra , ea quae ad hanc rem faciunt , prono ore libare . Nam licet id , ad Medicinam faciendam , parum conducere videatur , tamen ad decus artis , & Medici honorem , & dignitatem conferre , nemo negaverit . Hinc dissertissimus Verulamius aptissimè scribit , Historiam Literariam adeo necessariam esse : *Ut si ea deficiat , mundi historia similis sit statuae Polifemi , eruto oculo , cum ea*

B

pars

*pars imaginis desit, quae ingenium, & indolem personae maximè referat. Si igitur homini, rerum non ignaro, profest, historiam suae gentis ex antiquitate eruere, quid ni ortum, progressus, mutationes, & eventa scientiae, cui quisque se dicaverit, cognoscere non oporteat?*

Sub magno Hippocrate, qui floruit Olympiade octuagesima, 460. annis ante Christum natum, medicina maxima coepit incrementa, nam iis temporibus, referente Galeno, tres scholae Medicae erant longè celeberrimae, scilicet, in Insula Coo, in Rhodo, & in Cnido. Vir iste summus, ea omnia colligens, quae in his Scholis publice legebantur, eisque addens, quae, proprio marte experiundo, adquisierat, tunc demum absolutissimum medicinae opus conflavit, quod nunc sub solo Hippocratis nomine communiter circumfertur. Hinc apparet, opera quae sub Hippocratis nomine vulgo leguntur, non omnia esse ab hoc sapientissimo sene composita, sed partim ab ipso, partim ab eius discipulis, aut filiis, partim denique ex his, quae ex supradictis Scholis assumpserat, esse consarcinata. Attamen indubitatum prorsus est, libros Aphorismorum, Prognosticorum, & Epidemiorum primum & tertium esse ab ipso Hippocrate compositos; & attento stilo, brevitate, methodo, ordine, & soliditate doctrinae, facile appareat, hos omnes ab uno eodemque Auctore manasse. Inter caeteros vero libros, qui Hippocrati tribuuntur, quinam ab ipso vere sint compositi, necne? Viri doctissimi certant, & adhuc sub judice lis est. Quisque tamen hanc rem optimè tractatam inveniet apud Eretianum, Galenum, Mercuriale, Lemosium, & Clericum. Nosque etiam, in Praefatione ad Hippocratis Prognostica, abunde discussimus. Ex Hippocratis aetate usque ad Galenum, quo spatio fluxerunt circiter quingenti anni, Medicina floruit Hippocratica, nam celebriores Medici, paucis exceptis, illius viri sententiam sunt amplexi. Post Galenum, florere coepit Medicina ab eo ins-

tituta , ac licet Medici inter Graecos essent clarissimi , ferè omnes tamen , in Galeni placita , descenderunt. Dum vero saeculo Ecclesiae quinto , infelici omine contigit , tum ut barbarae Nationes totam inundarent Europam , tum ut Arabes Imperium suum statuerent in variis Orbis terrae Regionibus , inde factum , ut Medicina in maximum venerit decrementum. Erat tunc temporis in Alexandria, Schola medica toto Orbe celebratissima, quemadmodum ex Ammiano Marcelino colligere licet; eamque Imperatores Mahometani funditus everterunt , ut ex Albusfaragio constat. Necesse igitur fuit , ut extincta Graecorum Medicina , inter Arabes tantum haec scientia sedem suam figuret. Ac licet dubitari nequeat , quin celebratissimos Auctores inter Arabes inveniamus , tamen ea fuit illius gentis conditio , ut quae Graeci per observationes recte statutas fundaverant , philosophicis commentis , sophisticisque ratiociniis , conspurcaverint. Et quod majoris est momenti , sequentibus saeculis maximos habuit sectatores , qui nihil aliud in votis habuerunt , nisi ut ea quae statuerent , Arabum auctoritate firmarent. Ita per plura tempora jacuit Medicina Graecorum , donec incipiente saeculo decimo sexto , Medici Galli praesertim , & Itali , quos postmodum sequiti sunt Hispani , eam postliminio revocarunt. Sic Ballonius , Duretus , Alpinus , Lomius , Vallesius , Esteve Valentinus , Arabum jugo excusso , Hippocratis Medicinam iterum restituerunt. Fatendum tamen est , per haec tempora , Paracelsi , aliorumque Chemicorum imposturas , Graecae Medicinae progressus maximè retardasse , nam ea gens , Turcarum more , ut suum statueret in Medicina Imperium , Graecos omnes intrepidè trucidavit. Ventum tandem est ad felicissima nostra saecula , quibus viri , omni ex parte clarissimi , Medicam artem omni ope , & consilio ad pristinum splendorem restituere conantur.

Sicut historia Civilis nedum facta jejune referre debet , sed etiam consilia , quibus homines ad ea facienda excitabantur , eo-

dem modo historia litteraria expostulat, ut non solum insig-  
nes, quas aliqua scientia, cursu temporum, subierit mutationes,  
enarrentur, sed ea etiam doctrinae pars proponatur, quae cuilibet  
tempori congrueret. Eam ergo opinandi rationem, quam plures  
amplectuntur, sectam appellare, latini Auctores solent. Tres in  
antiquitate sectas celebres in Medicina floruisse ex Celsō, & Gale-  
no didicimus, nempe Empyricam, Methodicam, & Dogma-  
ticam. Empyricae sectae addicti, ad omnia quae in Medicina fa-  
ciebant, experientia unicè dirigebantur, neque philosophiae,  
neque anathomiae curiosae, neque causarum nimis diligenter  
investigationi studentes. Methodici satis diligentes erant in his-  
toriis morborum consignandis, nihil tamen nisi strictum, & la-  
xum pro causa eorum admittebant, unde in curatione, in nihil  
aliud intendebant animum, nisi ut laxarent quod erat strictum,  
& stringerent quod erat laxum. Dogmatici seu rationales dicti  
sunt illi, qui experientiam cum ratione conjungentes, nedum ob-  
servationes in Medicina facienda, sed & causarum investigatio-  
nem omni ope inquirebant. Medicina dogmatica varia etiam ac-  
cepit nomina, juxta diversos ejusdem sectatores, aut diversas opi-  
nandi rationes, in diversis temporibus, unde alia Galenica, alia  
Arabica, alia Chimica, alia Pneumatica, alia demum Me-  
chanica appellari consuevit.

Experientiam esse praecipuum in Medicina fundamentum,  
nemo sane mentis negaverit. Artem experientia fecit, exemplo  
monstrante viam, inquit Manilius de Astronomia loquens, & qui-  
dem recte, nam per ea quae sensibus sunt obvia, in aliarum rerum,  
sensus eodem modo afficientium, cognitionem, nedum in Medi-  
cina, sed in omnibus scientiis naturalibus, homines venerunt.  
Cum vero experientia minime viro sapienti digna sit, si cum  
ratione non conjungatur, consequens est, ut utramque viam ra-  
tionis scilicet, & experientiae in Medicina facienda, tenendam esse  
omnes consentiant. Cum tamen ad experientiam rationalem

adi-

adipiscendam, plurima requirantur, quae Tyrone animadvertebantur, operaे pretium duximus, pro facilitiori eorum institutione, ea nunc breviter atque dilucide enucleare.

Ante omnia distinguere oportet experientiam ab experimento, nam hoc est, opus naturae, seu ejusdem effectus sensibus perceptibilis, illa vero est cognitio rationalis ex experimentorum sufficienti numero adunata. Cum vero effectus naturales nostris sensibus obvii, sedulò attenteque inspici, & notari debeant, & haec inspectio *observatio* soleat appellari, hinc apparet experimenta nobis non aliter innotescere, quam per sedulò attenteque factas observationes. Cum igitur unum, aut alterum experimentum, ad stabiliendam rationalem cognitionem, quam *experientiam* nominavimus, non sufficiat, consequens est, ut plures, & rectè statutae observationes, ad experientiam consequendam, requirantur. Operaе pretium ergo est ut elaboremus quam maxime, in statuendis ritè, & rectè observationibus, ut inde eam demum experientiam nos habere credamus, quae ad Medicinam faciendam necessaria meritò judicatur. Falluntur itaque, aliosque fallunt, qui longam annorum seriem enumerantes, ea sola ratione se expertos autumant, nam temporis cursu major factorum numerus obviam fit sensibus, si tamen ea facta non debitè observentur, nihil aliud majori aetate consequuntur, nisi ut errores, exemplorum male intellectorum numero, foveantur. Optimè praeterea de ipsis cecinit Poeta Venusinus inquiens, tales homines, nihil rectum dicere, nisi quod sibi placeat, & turpe putare, quae imberbes didicere, senes perdenda, fateri. Ut igitur observationes rectè instituantur, necesse est observatorem vitare debere omnes errores, qui in exercitio sensuum committi solent, quod facile consequetur, si logicae regulis fuerit instructus, eaque attente animadverterit, quae inter Graecos Sextus Empyricus, & inter Neotericos Mallebranchius, ea de re, abundè tractarunt.

Opor-

Oportet etiam ut omnis iudicij praecepitatio, tum praeconceptae opiniones prorsus evellantur, nam iis in intellectu existentibus, homo non de his rebus, quae videt, & tangit, sed de iis, quae prius concepit, judicare solet. Interim experimenta, & facta naturæ, diversis rationibus combinari debent, videndumque, num constanter in omnibus temporibus eadem eveniant, num pro diversitate temporis, aetatis, constitutionis anni, aliarumque rerum similium, effectus observabiles sint diversi. Ea omnia acutissimo ingenio, acerrimoque iudicio, perscrutatus magnus Hippocrates, observationes scripsit aeternum duraturas. Et rei gerendæ difficultatem agnoscens, Philosophiae Experimentalis sedulus propagator Robertus Boyleus, post infinita propemodum tentata experimenta, tum demum propriam cognoscens imbecillitatem, tractatum scripsit, aureis litteris dignum : *de infido experimentorum successu*. Videant igitur Tyrones, quae fides adhibenda sit hominibus illis, qui in Medicina facienda consenserunt, & continuo crepant suam experientiam, cum nec logicam, nec criticam, nec rationis criteria, vel ex ipso adhuc limine salutaverint, adeo ut ipsis, siquid boni unquam in praxi effecerint, occinere quisque possit vulgare adagium : *Atheniensium inconsulta temeritas*. Hoc sollicitè animadvertentes sapientissimi Medici Uratslavenses, tractatum composuerunt *de Experientia*, quem Tyronibus eximie commendando, tamquam adeo utilem, ut nihil supra.

Quoad rationis usum in Medicina facienda, id semper curandum, ut ab experientia nunquam sejungatur. Constat ex philosophicis, id quod *rationem* appellamus in homine, ratiocinium quoddam esse ex pluribus compositum propositionibus, quarum primæ, quae antecedentia vocantur, tamquam fundamenta sunt, ut ex ipsis eruatur alia, quae consequens dicuntur. Igitur, ut ratiocinia in Medicina recte disposita sint, necesse est, ut propositiones, quae antecedentia dicuntur, experien-

tia

tia fulciantur , & propositio , quae tamquam consequens ex ipsis deducitur , etiam eidem conveniat , adeo ut quidquid Medicus ratiocinando deducat , quocumque demum modo id efficiat , si experientiae non cohaereat , aut ipsi opponatur , prorsus vanum , & incongruum sit. Aptissimè ad hanc rem Baglivius inquit: „ Medicus naturae minister , & interpres , quidquid mediterretur & faciat , si naturae non optemerat , naturae non imperat. Atque naturae optemerare nihil aliud est , quam ejus opera experiundo cognoscere , ejusque motus in omnibus imitari. Hinc sequitur hypotheses omnes , quae speciosis Philosophorum innituntur speculationibus , veluti Arabum , Cartesiis Neutoni , Chymicorum , aliorumque hujus farinae hominum nihil aliud esse , quam verba otiosorum senum , ad fallendos imperitos juvenes. Naturam non esse abstrahendam , sed secundam , neque excogitandum esse , sed inveniendum , quid natura faciat , aut ferat , jam scitissime animadvertisit Verulamius. Ea quae Philosophi , tum veteres , tum Neoterici citra experientiam statuant , hypotheses sunt , & commenta , quae facile delet dies , ratiocinia quae in experientia fundantur , natura ipsa confirmat. Debet igitur Medicus , ad ratiocinium rectè dirigendum in praxi , plurimas , & recte institutas observationes , tamquam antecedentia assumere , indeque consequens naturae consentaneum deducere , atque hoc modo procedendo , non facile errabit. Exempli gratia : Videt aegrum febricula leni , & ad superficiem corporis parum accidente , laborantem , pertinacissima vigilia , & dolore capitis afflictatum , paucissimo somno , eoque turbulento , gaudentem , cum pulsi interim parvo , & denso. Haec omnia facta ponens , tamquam antecedentia , recte deducet tamquam consequens , aegrum delirio laboraturum , nam nullibi unquam omnes isti effectus apparuerunt , quin aegri in phrenitatem proni fierent. Si vero cognoscere velit hunc morbum per hypothetica ratiocinia , quatenus judicet sanguinem , his aut illis abun-

abundare particulis , per hos , aut illos transire **canaliculos** , fre-  
quenter errabit , quoniam ista ignota sunt Medico , & mere  
supposita , non autem probata , atque adeo singulis centum an-  
nis consenserunt , & in ruinam abeunt . Eodem modo inspicit  
aegrotum , quem nudius tertius febris cum rigore corripuit , &  
vomitu bilis amarissimae , quae per duodecim aut circiter horas  
duravit , cum cardialgia , & anxietate , quo transacto spatio , sudor  
per universum corpus apparuit , remisit febris , donec pe-  
nitus evanesceret . Sequenti die , salva fuerunt omnia . Tertio au-  
tem ab invasione , iterum reddit febris cum vomitu , & cardial-  
gia , & lypotimiis , quae subinde aegrum nimium oppressere , do-  
nec febris cessaret . Medicus experientia instructus , facile agnos-  
cit , hunc morbum esse febrem tertianam , & quidem pernitio-  
sam , & acutissimam , & periculo plenam . Unde nulla inter-  
jecta mora corticem peruvianum praescribit , & aegrum à  
morbo liberat . Si haec gubernaret per hypothesisim , qua statue-  
ret , bilem prius esse praeparandam , purgandam postmodum ,  
accessiones febris ex foco putredinis dimanare , atque adeo ven-  
tilationem necessario praeire debere quaecumque alia reme-  
dia , toto caelo aberraret , & inter vanas Medici speculationes  
aeger interim periret . Hoc argumentum , quod est totius verae  
Medicinae cardo , pro dignitate tractavit Boheravius in Oratio-  
ne de *Honore Medici servitute* , quod omnium Medicorum  
animis vellem , alte esset impressum . Hippocrates , qui haec om-  
nia accuratissime novit , & alii Graeci , ejus vestigia sequentes , in  
eo maximè elaborarunt , ut historias morborum exactissimas ef-  
ficerent , quibus naturae facta , in qualibet aegritudine , diligentis-  
sime ipso ordine , quo ea observabant , annotare tentarunt , prop-  
terea quicumque similes historias legerit , eo ipso tempore aegros  
inspicere , sibi videbitur , adeo enim accurate sint , ut non tam ima-  
gines , quam naturae ipsius opera videantur . Hinc Hallen in sua Sy-  
nopsi Medicinae practicae , postquam historiam peripneumoniae

*ex Caelio Aureliano proposito, tunc deum admiratus exclamavit:*  
*En accurata morbi descriptio, erubescant Moderni.* Jam antea clarissimi Viri Sydenhamius, & Freindius cum quaerela notaverant, recentiorum Medicorum libros, licet speciosis rebus feracissimos, ob harum historiarum morborum defectum, & nimiam hypothesium amplitudinem, parvae esse, in Medicina fovenda, utilitatis. Velle tam, ut Tyrones hac de re legerent diffissimam Nenterii praefationem *de AEgrotis Medicina, & Criticas reflexiones* Domini le Franzois, Auctoris Galli, qui hoc ipsum, quod statuimus, longè, lateque probarunt. Ergo ex tribus sectis superius memoratis, empyrica caeteris est praefienda, non ea tam, quae nomen tantum experientiae praefert, sed illa, quae experimenta, recta ratione disposita, & cum ipsa conjuncta, tanquam sua fundamenta agnoscit. Sub hoc sensu empyrica secta est verè dogmatica, quoniam dogma in Medicina, id est, quod experientia rationali stabilitur; atque ea rationandi libido, quae hypothesibus philosophicis innititur, non dogma, sed sophisima reverè est; neque dogmatica, sed sophistica est ea medendi ars, quae nullo alio fundamento stabilitur quam philosophorum systematibus, vanisque speculationibus.

Quid igitur? Neque Botanica, neque Anathomia, neque Physica utiles erunt in Medicina exercenda? Absit. Utilissima sunt haec omnia, si rectè adhibeantur; rectè autem adhibentur, si secundum experientiam, non secundum hypotheses tractentur. Igitur Botanica ad Medicinam utilis ea est, quae docet vires plantarum ad curandos morbos. Quae vero tradit earumdem plantarum historiam, ad Physicam pertinet. Quaecumque verò, de principiis plantam constituentibus, philosophicè traduntur, ad hypotheses referenda sunt. Ulterius scire convenit, plantarum principia, earumque vires, plurimis modis innotescere, scilicet, per experimenta chymica, & practica, & per systhemata philosophica. Quae nobis per experimenta chimica constant, non satis cer-

## P R A E F A T I O.

tos nos efficiunt de viribus medicamentorum, prout ad corpus humanum referri debent, nam adhuc exploratum non est per experimenta, quid sal efficiat in homine, quid sulphur, quid reliqua Chimica principia corpori applicata; immo Robertus Boyleus longo rerum usu didicit, & in tractatu, cui titulus est: *Chimista scepticus* latissimè docuit, non certo constare, an ipsa principia, quae per analysim chimicam ex medicamentis educuntur, in ipsis praecexitent. Igitur omni opera innitendum est, ut plantarum vires, aliorumque medicamentorum, quatenus ad curandos morbos deservire valent, sedulò examinentur, & per experimenta practica saepius tentata, hoc studium ulterius promoveatur, nam fatendum est, nullam esse Medicinae partem adeo mutilem, & mancam, quam ea, quae de virtutibus medicamentorum in curandis morbis, tractat. Nullus est Medicus, qui sibi magna non polliceatur ex hoc aut illo remedio. Nullus est nebulo, qui hanc, aut illam herbam non jaetet, tamquam praesentaneum ad morbos curandos remedium, & quod magis mirandum, ferè nullus est Auctor, quantumvis gravis in Medica Arte, qui hoc, aut illud medicamentum tamquam specificum non proponat. Relinquo Chemicorum promissa, & vanas suorum remediorum exaggerationes, quia nemo est, vel mediocriter in praxi medica instructus, qui eos fallacissimos esse non agnoscat. Attamen in his omnibus, effectus promissis non respondent, unde apud cordatos viros magna circa has res est diffidentia, & oportet quam maximè, ut nemo unquam alias traderet medicamentorum virtutes, nisi eas, quas certo, & indubitanter exploratas haberet, & unus Junquerus, quod noverim, hucusque Materiam Medicam ea critice scripsit, ut in viribus remediorum assignandis, falsa à veris separaverit. Utile igitur esse poterit Medico, historias plantarum exactissimè à Neotericis descriptas retinere, & ea, quae de ipsis ratione principiis per analysim tradita sunt, cognoscere, quia sic magna parte physices instructus erit, sed

ca-

caveat, ne propterea se magnum Medicum putet, nisi interimi earumdem plantarum vires, indubitanter exploratas, prout ad curandos morbos pertinent, agnoverit, nam si hoc deficiat, ut omnibus ferè Botanicis deficere solet, similis mihi videbitur militi, plurimis, diversisque armis onusto, pugnare tamen nefcio, propter ignorationem usus, & fortasse etiam, propter instrumentorum, vel inertiam, vel non cognitam utilitatem.

Circa res anatomicas dubitandum non est, quin earum notitia utilis esse possit Medico, & certo modo necessaria ad cognoscendam partem in morbis affectam, indeque manantia sympathomata. Hoc studium ab omni retro antiquitate excultum est, nam Hippocratis tempore jam floruisse, ex ejus libris abunde patet. Postmodum Erasistratum, aliosque illorum temporum Medicos corpora dissecuisse, certissime constat. Celsum etiam inter Latinos, anatomica scientia instructum esse, nemo est, qui negare ausit. Nec solum Galenus hanc Medicinae partem amplissimè excolluit, ut constat ex ejus libris *de Uspartium*, & *de locis affectis*, sed etiam Rufus Ephesius omnes humani corporis partes anatomice descripsit, & mira solertia explanavit. Inter Arabes non omnino jacuit anatomiae studium, nam ut caeteros omittam, Avicena antequam de morbis tractatum faciat, prius partis, ubi morbus existit, anatomicam descriptionem praemittit. Videndus est hac de re Goeliche, qui anatomiae historiam à suis initiis, usque ad nostra tempora, satis accurate scriptam, reliquit. His autem ultimis saeculis, plurimi solertissimi viri in rebus anatomicis insudarunt, eorumque laboribus, aliqua de novo patefacta creduntur, priscis Medicis non integrè cognita. Quidquid tamen de hoc sit, dubitari nequit, quin saeculo decimosexto, ante Harveum, celebratissimi viri fluoruerint Eustachius, & Vesalius, ex quibus Neoterici plurima mutuati sunt, quae tamquam nova tradiderunt. Qui in his rebus ulterius edoceri cupiat, adeat Hallerum, qui hoc argumen-

tum longe, lateque discussit. Interim notare oportet, post tot, tam decantatos, nostro hoc saeculo, anatomiae progressus, praxim medicam inde paucum, aut nullum incrementum accepisse, fortasse, quia inter anatomicos alii, in rebus minutissimis, nullius, aut saltem incogniti usus, investigandis laborarunt, alii ea habuerunt tamquam explorata, quae longe distant ab experientia, alii denique hypotheses excogitarunt, quibus naturae opera adaptare intenderunt, non autem, ut par erat, sua ratiocinia ex ipsis naturae operibus, benè, attenteque examinatis, deduxerunt. Igitur mihi compertum est, inter desiderata colocari debere quam plurima, quae hodie à recentioribus anatomicis tamquam certissima nobis offeruntur. Ex his omnibus deducimus, anatomicas exercitationes, quae sensibiles corporis partes demonstrant, eaque omnia patefaciunt, quae in dubium verti nequeunt, utilissimas esse, & fortasse necessarias medicinae promovendas; eas vero, in quibus nobis traduntur, quae non satis explorata sunt, quae insensibilia, quae minutissima, quae hypothetica, curiositati pottuis pascendae, quam Medico instruendo, conduce-re arbitramur. Hinc aptissime, inquit Celsus: „Rationalem qui-„dem puto Medicinam esse debere; instrui vero, ab evidentibus „causis, obscuris omnibus, non à cogitatione artificis, sed ab ip-„sa arte rejectis. Incidere autem vivorum corpora, & crudele, „& supervacuum est, mortuorum vero discentibus necessarium, „nam positum, & ordinem nos docent. (a) Pro coronide tantum restat, ut Tyrones animadvertant, anatomicas cadaverum dissec-tiones ad situm, & ordinem partium corporis cognoscendos, plurimum conferre, ad causas vero morborum indaganandas, non maximè faciendas esse. Si causa morbi, cuius vi homo moritur, sensibilis est, ut lapis, tumor, ulcus, & alia hujusmodi, tunc per cadaverum inspectiones, rimari potest; si vero cau-

fa

---

(a) Cels. de Re Medic. lib. 1. Pref. pag. 20.

Si morbi fuerit subtilissima , ut frequenter fieri solet , tunc cadaverum apertio ad eam investigandam , nihil facit , quia sensus omnes fugit. Uno verbo , si morbus fuerit partium organicarum , seu , ut Medici nunc loqui amant , extiterit in solidis , tunc aperto cadavere , saltem vestigia innotescunt , si vero extiterit in partibus fluidis , quae fuerit causa morbi , agnoscere non potest , atque ea solum apparent , quae mors , nova , & mutata induxit , quae observatio maximi est momenti , ut neque Skenchi , neque Boneti , aliorumque similium , hac de re , observationibus nimium fidamus , quas nihilominus , cum his cautionibus , quandoque utiles esse censemus .

Circa physicae usum in medicina facienda , nulli dubitamus eam , quae in Scholis communiter Aristotelica dicitur , non solum esse inutilem , sed fortasse noxiā , nam nihil aliud habet , quam nomen , & speciem physicae , benè autem inspecta , metaphysica est , multis intricatissimis quaestionibus , ad rem nihil facientibus , referta , quibus homines vanisimis replentur ideis , & ad vera naturae opera indaganda , inhabiles efficiuntur . *Nimium altercando , veritas ammittitur* , inquit Publius Syrus , at , quid aliud quaeſo sunt physicae scholarum quaestiones , quam impetuofae altercationes , numquam terminandae ? Igitur nullam aliam physicam , Medicinæ congruere , censemus , quam experimentalem , quia ea sola est , quae naturae opera per experientia , & observationes investigare docet ; & circa ejus usum , ea ipsa volumus notanda , quae de experientia , in medicina facienda , diximus observari debere . Si ergo Medicus , Physica Experimentali exactè fuerit instructus , camque debito iudicio in Medicinam transferre noverit , maximo eidem auxilio esse posse , non difitemur . Id autem volumus sciant Tyrones , omnem physicam , quae sub Cartesii , Neutoni , Gassendi , aliorumque similium auspiciis , circumfertur , à Medicinæ arte prorsus esse alegandam , quia hypothetica est , non experimentalis ,

sic quae Keilius , Freindius , Meadius per hypothesesim Neutoni explicare contendunt , in Medicina nihil prosumt , licet aliqua eorumdem Auctorum scripta , quæ praxi experimentali fundata sunt, non omnino sfernenda judicemus. Idem censemus de pluribus aliis Auctoribus , suis hypothesesib⁹ addictis , qui magis damnum, quam utilitatem Tyronibus adducere possunt, licet plures videamus, qui eos, nimium patienter, ne dicam stulte, mirantur. Etiam advertere oportet, inter Scriptores Physicae Experimentalis quosdam esse , qui naturam in se ipsa insipientes , ejus opera , prout sensibus observabilia, sedulò, attenteque rimantur, alios vero, qui, certo instrumentorum noviter inventorum apparatus , res physicas investigare contendunt. Ex his autem priores longe esse anteponendos posterioribus non dubitamus , quia illi constantem , perpetuam , & immutabilem naturae operandi modum perscrutantur , hi vero , ipsam naturam cum respectu ad illa instrumenta operantem, inquirunt.

Solum restat, ut de usū auctoritatis in medicina facienda breviter agamus. Igitur Auctores esse consulendos, nemo sanac mentis negaverit ; nam nemo unquam sapiens nascitur , atque adeo oranes indigent Magistris. Cum ad faciendam medicinam, experientia necessaria sit , cum ratione conjuncta , nullique liceat, per se ipsum satis experiri , nec viribus propriæ mentis fidere, facile apparet, ad Auctores eos, debere Tyrone confugere , qui in medicina facienda, longo usū fuerunt exercitati, nobisque observationes indubitateae fidei reliquerunt , ut conjungentes proprias lucubrations , cum illis , quae ipsi tradiderunt, ex omnibus benè collectis, intellectus nosfer uberiori penu, & copia rerum, necessiarum ad artem exercendam, abundet. Hinc deducitur , non quoscumque Auctores esse indiscriminatim admittendos , sed eos tantum , qui Medicinam per experientiam promovere tentarunt , nihilque statuere , quod probè non fuerit cognitum, intenderunt. Igitur in Medicina facienda , & cae-

teris communicanda , alii perfectionis illum gradum assecuti sunt , qui maximè eos commendabiles facit , tum propter utilitatem , tum ob suorum scriptorum praestantiam ; alii mediocritatem tantum attigerunt , seu medendi scientiam spectes , seu scribendi normam ; alii denique , adeo insulse , & vanè de medicis rebus tractarunt , ut nihil aliud , ab eorum lectione , spes res , quam vanam temporis jacturam . Igitur operaepretium est , Tyrones , Auctores dignoscere , eorum utilitatem probè percipere , & inter eos , quinam vanissimi , aut inutiles sint , exakte scrutari , ut tempus omne in illis legendis insūmant , ex quibus certum fructum , solidamque doctrinam uberrimè educere possint . In eorum ergo gratiam nunc praecipuos Auctores Medicos percurremus , ( omnes namque investigare , praeterquam quod nimis laboriosum esset , Tyronibus grave , & injucundum fore , nulli dubitamus ) & crīsim nostram subjicere non gravabimur , licet aliter judicandi , licentiam cuilibet commendemus , nam omnes Scriptores laudare , adulatio[n]is , aut ignorantiae speciem præfērunt ; eos etiam juventuti proponere sine discriminē , idem est , ac si puerum in nundinis sineres , ut optima quaeque feligeret , inter pauca bona , plurimis saepe pessimis mercioniis , immixta .

Ut igitur claritate , & brevitate , Medicae Artis Scriptores , percurramus , clariores , & fama bene , vel male parta ubique cognitos , proponemus , prout pertinent ad tres celebriores Medicinae aetates . Primum igitur trademus Scriptores Græcos , & Latinos , qui floruerunt usque ad Barbarorum saecula . Deinde Arabum tempora lustrabimus . Tandem Scriptores , post renatas in Occidente litteras , examini subjiciemus .

Inter Græcos Scriptores , primo numeramus HIPPOCRATEM , in Insula COO natum . Fuit in Medicina exactissimus observator , & hypothesium spernator acerrimus . Scripsit ea tantum , quae , solis experimentis certissimis , ipsi constabant . Proinde

de justo titulo *Medicinae Parenſ dicitur*. Historias mōborum adeo plenē , & accuratē descriptis , ut nihil ſupra. Uno verbo , omnia Hippocratis opera optima ſunt , & Tyroneſ ſedulō ipſa legere , ac perpetuo volvere debent , ſi velint in praxi proficere , quia ex ejus lectione diſcent , morborum Historias exactas , & ſimplices conſingere , eorum cognitionem habebunt , ex obſervatione fideli earum rerum , quae in aegris contingunt , & denique nihil certi , in medica praxi , ſtatui poſſe agnoscen t , niſi illud quod obſervando diſicerint. Proinde nullus eſt Auctor , qui cum ipſo Hippocrate poſſit comparari. Quoad ejus ſcripta ſciendum eſt , ut jam diximus plures libros ſimul collectos , ſub Hippocratis nomine , circumferri , qui reverā legitimi non ſunt , quod jam adnotavit Soranus , antiquus vitae Hippocratis Scrip tor , & poſtmodum advertit Galenus , & in ultimis ſaeculis docuerunt Hieronymus Mercurialis , Daniel Clericus , Schulzius , Lemosius , aliquie docti viri , qui in examinandis Hippocratis li bris legitimis iuſtudarunt , noſque etiam poſt tantorum viro rum laborem , noſtram operam in ea re , aliās , impendimus. Igitur ex attenta Hippocratis lectione colligimus , libros Aphorismorum , ſeu ſaltem ſententias in eis contentas , li brum primum , & tertium Epidemiorum , & Prognosticorum , & de aere , aquis , & locis debere tantum ad numerari inter certos , & indubitatos Hippocratis libros ; caeteros qui Hippocratis nomine inscribuntur , judicamus ſpureos. Fatendum tamen eſt , inter reliquos libros eſſe aliquos magni pretii , & ſumma ſtimatione dignos , ut de *Victus ratione in acutis* , de *Morbis* , Coace praenotiones , & alii ſimiles , qui à Martia no ſummi laudantur , quia etiā ſimiles libri non ſint Hippocratis , continent nihilominus veram Hippocrates doctrinam , & fortatiſe compoſiti ſunt ab ejus filiis , ut monet Galenus , vel à Medicis Hippocrate posterioribus , & ejus ſchola ſummi profitentibus. Quidquid ſit , abunde conſtat , tales libros

con-

continere doctrinam utilissimam , & observationes constanter stabilitas , unde moneo Tyrones , ut continuo eos evolvant , quia , ut Duretus advertit , *plus utilitatis* sequitur ex Hippocraticis lectione uno die , quam ex omnibus pragmaticis uno saeculo . Certissime tenendum est , sententiarum ordinem in Aphorismis Hippocatris , quem nunc videmus , ab eo non fuisse elaboratum , sed post ejus obitum aliquis compilator , collectionem , quam nunc habemus , composuit , ideoque nihil minus , quod in libris Aphorismorum intrusae fuerint aliquae sententiae , ab Hippocratis doctrina alienae .

**ARETAEUS** Cappadociae in Asia Minore natus , incertum est quo tempore vixerit ; conicere tamen possumus fuisse , vel coetaneum , vel paulò posteriorem Galeno , quia cum hic mentionem faciat de Scriptoribus omnibus ipsi anterioribus , de Araeteo habuit altum silentium . Graecè scripsit Aretaeus libros de Morbis acutis , & cronicis , eorumque curationes , & Hippocraticus fuit imitator , adeo , ut integras sententias hippocraticas in Araeteo reperiamus . Historias morborum nemo melius post Hippocratem descriptis , quam Aretaeus . Debent igitur Medici continuo ipsum legere , & morbos describere simplicitate , brevitate , exactitudine , & observatione fidelissima , sicut descripsit Aretaeus .

Sequitur **CAELIUS AURELIANUS** sectae Methodicorum sectator , cuius patria Sicca Africae Civitas esse creditur ; attamen , quia Graecorum Medicinam secutus est , & in observando fuit exactissimus , propterea ipsum inter Graecos numeramus . Incertum , quo tempore vixerit , antiquissimum tamen esse colligitur ex ejus operibus : Scripsit de Morbis acutis , & cronicis , & dignus est , qui continuo legatur , quia Historias morborum exactissimas , more Hippocratis , compositus . Unicum invenio vitium , quod scilicet stilo utatur barbaro , & in quibusdam locis obscurissimo ; nihilominus cum sit Auctor ad praxim utilissimus , pra-

manibus continuò habendum censeo.

CORNELIUS CELSUS Romae, imperante Tiberio, scripsit stilo elegantissimo libros octo de Medicina, in quibus hippocraticam doctrinam promovet, & sequitur. Auctor est optimus, solidis observationibus abundans, & Chyrurgiae peritisimus. Legendus est continuo, praesertim ejus praefatio, quae est opus absolutissimum, & judicio plenum.

GALENUS PERGAMI in Asia Minoris natus circa annum centesimum trigesimum post Christum natum, Romae Medicinam professus, imperantibus Marco Aurelio, & Antonino. Habet Galenus ingenium acre, facundam imaginationem, & intellectum perspicacem: instructus fuit omni scientia veterum Philosophorum, & Medicorum; & vir fuit incomparabilis eruditio-  
nis; in quibusdam scriptis imitatus est Hippocratem, & alios Graecos, praesertim in observationibus aliquorum morborum, quos recenset in libris de Locis affectis, de Crisibus, de Methodo medendi ad Glauconem, & aliis locis. Scripsit plura volumina, in quibus sparsim reperiuntur consilia practica ad aegrorum sanitatem conducentia, atque adeo, vere dici potest, quod nullus est Galeni liber, ex quo aliquid utile ad proxim deduci non possit. Verum fatendum, Auctorem esse longis ratiocinationibus importunum, & suaे imaginationi, ejusque faecunditati plus tribuere, quam debuit. Corrupit etiam bona consilia practica cum miscela suaे theoriae hypotheticae, & nihil est, quod non reducat ad elementa, qualitates, facultates, aliaque scholae peripateticae principia. Propterea Galenus minimè comparari debet cum Hippocrate, Aretaeo, Aureliano, & Celso, quia eis est multo inferior in observationibus, licet eruditione eos omnes longissimè supererit. Propterea juremerito, inquit Boheravius, incertum esse, an plus damni, quam utilitatis Medicæ arti attulerit. Monendi igitur sunt Tyrones, ut legant Galenum in suis fontibus, & sedulo in ipso distinguant,  
quae

quae observatione stabilita sunt, ab iis, quae hypothesi fundantur, & hoc modo Galeni lectio proficere poterit. Denique in formandis morborum historiis imitentur Tyrones Hippocratem, & Aretaeum, sed non Galenum, ab eo tamen sedulo accipient praecepta quaedam practica magni usus in Medicina facienda, & in ejus operibus seorsim sparsa. Videant Tyrones, si libet, praefationem nostram ad Hippocratis Prognostica, ubi omnia haec longè discutiuntur.

Inter Auctores Latinos praeter Celsum, jam memoratum, floruit sub imperio Claudii Caesaris SCRIBONIUS LARGUS, qui librum de Compositione medicamentorum conscripsit, eumque amplissimis Commentariis Rhodius illustravit. Medicamenta, quae ab hoc Auctore traduntur, nihil speciale habent, nisi immodicas quandoque laudes, quibus ornantur, in ipsis tamen videmus, nimiam credulitatem circa medicamentorum vires, apud quosdam Medicos viguisse. Id tamen commodi ex hujus Scriptoris lectione deduci potest, quod qualis fuerit illorum temporum medicina per eum cognoscamus, & quod simplicia medicamenta, interdum efficaciora esse, quam composita, judicaverit, sic enim Callixto suo, cui opus dirigit, alloquitur: „Initium à capite faciemus... dantes operam, ut sim-„plicia primò ponamus, interdum enim haec efficaciora sunt, „quam ex pluribus composita medicamenta.

Imperante Caracalla, floruit QUINTUS SERENUS SAMONICUS, qui versu heroico medicamenta tradidit singulis corporis partibus, earumque morbis sanandis accommodata, sed mille superstitionibus plenum est hoc opusculum, quod cum eruditissimis notis illustraverit Robertus Keuchenius, videre numquam pigeat, tum propter aliquam, licet tenuem, utilitatem, tum ut medicinae facies, qualis per illa tempora fuerit, innotescat. Singulare tamen monitum, & verissimum, ab hoc Auctore adductum, dum loquitur de ventre molliendo, Tyronibus propo-

nere non gravabor , ita enim de Medicis sui temporis , quibus Medicamenta componere in usu erat, quemadmodum usus apud nostrates obtinuit , ut id munus Pharmacopolis tantum concedatur , sic aptissimè scribit.

*Multos praeterea Medici componere succos  
Assuerunt : praetiosa tamen cum veneris emptum  
Falleris , frustraque immensa nomismata fundes ;  
Quin age , & in tenui certam cognosce salutem.*

Reliquos Latinos Scriptores illorum temporum inter Auctores infimi subselii numerare licet , quorum tamen notitiam , si Tyrone desiderent , satis pro captu suo invenient in Bibliotheca Fabricii. Nunc redeamus ad Graecos. Saeculo Ecclesiae quarto , imperante Juliano Apostata , floruit ORIBASIUS , qui ejusdem Imperatoris iussu , quaecumque sparsim ab aliis Medicis , usque ad illa tempora scripta erant , in unum volumen congregavit , quod propterea Collectanea appellavit ; & licet aliqua hujus Auctoris scripta perdidit sint , ea tamen , quae nunc restant , nobis exhibent compendium praecipuarum rerum , & Auctorum , qui ante ipsum extiterunt. Scriptor hic legi debet à Medicis , quippe plurima continet scitu digna , & de omnibus Medicinae partibus abundè tractat. Fatendum tamen est , illius tempore Medicinam in maximum decrementum abiisse , quemadmodum , & caeteras litteras , nam Oribasius verus Compilator fuit , immodice credulus , nimius medicamentorum laudator , in Historiis Morborum tradendis , neque diligens , neque accuratus , in remediorum formulis , saepe inutilibus , magnam operam impendit. Praeter Collectanea scripsit etiam novem synopseos libros ad Euystium filium , quibus omnem ferè Medicinam in compendium redegit. Opus sane exile , in quo morbi describuntur à capite ad calcem ; atque hic primus est inter

antiquos Medicos , ni fallor , qui methodum sibi comparavit, tractandi de Morbis , qui caput infestant, postmodum de iis, qui thoracem occupant , tum demum de his etiam , qui ventrem , & artus molestare solent , quam methodum ex illis temporibus , usque ad nostra viguisse videmus , magno tamen Artis Medicæ detimento , nam certo , & determinato numero morborum , cavitates , ut vocant, infestantium , tractatus Medicinae complentur , cum re verà omittantur aliae quamplurimae aegritudines , quarum notitia Medico summè est necessaria. Credunt nihilominus quamplures docti homines , sub his, qui hac methodo describuntur morbis, alios quo scumque comprehendendi , cum videant maxima signorum copia eos inter se convenire , attamen cum probè sciamus inter se satis differre, ut distinctam naturam habeant , optandum esset , ut omnes nunc morbi plenissimè describerentur , uti ab Hippocrate, factum conspicimus. Aretaeus , & Celius Aurelianus methodi superius propositae vertigia dederunt , Oribasius verò primus fuit, qui eam ad suum apicem perduxit.

Eodem saeculo floruit AETIUS , qui, ut ex ejus operibus colligitur , fuit Christianus , attamen superstiosus. In morbis describendis Auctor est mediocris , in medicamentorum farragine abundantissimus. Id speciale habet , quod plurimum Medicorum antiquorum fragmenta nobis conservet , quibus omnino careremus , nisi ejus diligentia , & studio conservata essent. Habet praeterea aliquas observationes, non omnino spernendas , præsertim in morbis pectoris tractandis , & in demonstranda vi aeris ad morbos producendo.

Sequitur PAULUS, qui à loco natali, AEgineta dicitur. Hic ab aliquibus simia Galeni appellatur , quoniam eum per omnia sequitur , ejusque opus veluti Galeni compendium haberi potest. Nihilominus in aliquibus rebus consulendus est , præsertim in his , quae de dolore colico tradit , quippe longa oratione

tione démonstrat , suo tempore per Italiam viguisse , hujus mali constitutionem , qua aegri ferè omnes in epilepsiam , & motus convulsivos adigebantur , quodque magis notandum , non per communia anticolica medicamenta , sed per nimis refrigerantia , sanabantur .

Non longè ab iis , temporum ratione , distat ALEXANDER TRALLIANUS Graecorum sui temporis , tum doctrinae ubertate , tum inventorum novitate celebratissimus . In Historiis morborum describendis parcus est , in curationibus tamen instituendis satius accuratus . Galenum , ut plurimum sequitur , ab eo nihilominus aliquando recedit . Hunc Auctorem legere debent , qui in arte velint proficere , nam aliorum morborum curationes optimè instituit .

Tempore Gratiani floruit THEODORUS PRISCIANUS , qui Graecè aliquot scripsit libros ad medicinam spectantes ; & fuit ejusdem Imperatoris Archiatrus . In libris , quibus agit de Morbis internis humani corporis , & *logicos* appellat , de pleuritide tractat , cui in hac parte Commentarios edidit utilissimos DANIEL TRILLERUS , vir eruditissimus , & de re medica optimè meritus . Relinquo PALLADIUM , qui Commentarios scripsit commendatione dignos in librum sextum epidemiorum Hippocratis , THEOPHILUM PROTOSPATARIUM , qui doctrinam de urinis ab Hippocrate , & Galeno traditam in compendium redigit , & ACTUARIUM , Graecorum ultimum , qui tempore Andronici Palaeologi senioris circa annum Christi 1300. seu , ut alii volunt , anno 1100. flouruit . Huic Auctori injuritus est Boheravius , de eo enim ita scribit : *Desinit hic Graeca Schola , nam ea , quae Actuarium , et alii habent , nescio an commendare ausim* . Certè scripsit Actuarium quamplurima commendatione dignissima , praesertim libros duos de Actionibus , & Affectibus , ac de Nutritione spiritus animalis , in iis enim demonstrat existentiam animae rationalis

lis , prout à Medicis Catholicis statuitur , & ab omnibus statui debet , simulque morbos , & affectiones spirituum animalium optimè describit . FREINDIUS in Auctoribus laudandis par- cissimus , Scriptorem hunc pluribus aliis Graecis superiorem agnoscit , in eoque multa inquit occurtere , lectu dignissima , & cu- rationem palpitationis cordis , morbi alioquin , saevissimi ma- xime commendat .

Accedimus jam ad secundam Medicinae aetatem saecula , sci- licet , barbara , quibus ferè omnino extintis litteris simul cum Romano Imperio , in magnum venit Medicina decremen- tum , ea enim apud Arabes tantum excolebatur , paucis Gra- cis exceptis , de quibus superius mentionem fecimus . Arabum Medicorum id vitium generale fuit , scilicet , nedum Medicinam , sed , & Physicam , & omnes Scientias naturales , non ex- perimentis , & observationibus , sed fictis principiis , arbitrariis imaginationibus , & perpetuis sophismatis tractare . Aristote- lem , sumnum Philosophum , mirum quantum corrupterunt , unde eorum Philosophia licet Aristotelica dicatur , quam maxi- mè ab Aristotele distat , ut optimè notavit , vir magni judi- cii , & Scholae Valentinae decus , Ludovicus Vives , dum agit de causis corruptarum artium . Imaginabant sibi Arabes quaedam axiomatica , quae non in recta ratione , sed in fictis principiis ab eorum credulitate nimia , & ignorantia nascentibus , fundata erant , ipsisque in more fuit medicinae , & physicae exactam cognitionem , non ex naturae penu , sed ex falsis axiomatibus deducere . Hinc de ipsis loquens Trillerus , vir judicio pollens , & in Historia Medica versatissimus , sic optimè scribit : „ Dum „ vanis speculationibus , & superstitionibus nimirum addicti essent , „ factum est , ut plus imaginationis oculis cernerent , quam cor- „ poris , & hinc plura fingerent , quam observarent . (a) Verum cum

(a) Triller. de Pleurit. cap. 5. pag. 41.

cum nullus sit Auctor adeo ineptus , ut in ipso aliquid saltem boni non reperiatur , proinde operae pretium est , eorum praecipuos percurrere , ut Tyrones sciant , quid in ipsis eligere , quid vitare debeant. Inter Arabes Medicos primum locum occupat RHAZES , inter cuius scripta palmarum praferunt tractatus *de Peste* , & liber nonus ad Regem Almanzorem , in iis enim observationibus potius , quam ratiociniis procedit. Neque ejus tractatus *de Variolis* est omnino contemnendus : Auctor hic aquae frigidae copiam in peste , febribus putridis , aliisque morbis liberius , quam Graeci , propinavit.

AVICENA grande , & molestum opus consarcinavit , in quo , quae prius à Galeno , Oribasio , Paulo , Aetio , & Alexandro scripta erant , veluti in compendium redacta reperiuntur , non tamen pura , sed barbaris locutionibus , & Arabicis figuramentis conspurcata. Aliquos tamen morbos , licet paucos , exactissimè describit , variolas enim , & morbillos , & morbum *Mirach* (ita affectionem hypocondriacam appellat) adeo graficè , vere que depingit , ut inter Recentiores nemo ipsum , neque Sydenhamio excepto , superaverit.

HALI ABAS Scriptor est inter Arabes satis elegans , & in dicendo liber. Si pulchritudinem operis , & scribendi normam desideres , Hali Abatem , si praecepta practica , Rhazen præferas.

Inter Hispanos Arabes , AVERROES , & AVENZOAR , numerantur. Hic spretis ratiociniis , & vanis theoriis , ad experientiam se contulit , & proprias tradit observationes non contemnendas , qua ratione , meo quidem judicio , est inter omnes Scriptores Arabes meritò commendandus. Ille verò , è converso , nam in libro , quem scripsit , cum titulo *Colliget* , subtilitatibus philosophicis mirum , quantum abundat , practicis observationibus ubique destituitur , & certè Arabicae Philosophiae , corruptaque

que progressus per Hispaniam nostram , ipsi praecipue debentur.

Post memoratos Arabes Auctores , praecipuos , suo ordine memorandi veniunt eorum praincipui sectatores , quos ne nimium oratio nostra excrescat , breviter percurremus. Igitur **CONSTANTINUS** Africanus Monachus Benedictinus , & Medicus,cum fructu legi potest,quippe aliqua ex Hippocrate,& Galeno, quamplurima verò ex Arabibus,brevitate,& concinna methodo scripsit. Nimis longus , & profusus est **ARNALDUS VILLANOVARUS**, Medicus suo saeculo famigeratissimus , licet in dicens liber,& acris quandoque fuerit,ac in Religionem , & vitam Monasticam injurius. Plurima scripsit , quae praxim illorum temporum nobis monstrant,non magnum tamen fructum ex his deduci , quicumque attente legerit , facilè agnoscat. Arabum Medicorum Commentatores sunt multi , qui eorum vero methodum in disputando, fingendo, cavillationibus utendo , sequi , sunt in numeri. In priorum classe collocare oportet **MATTHAEUM de GRADIBUS** ; **JOANNEM ARCUANUM** , **JOANNEM de TORNAMIRA** , **GENTILEM de FULGINEO** , **JACOBUM FOROLIVIENSEM** , aliosque quamplures,inter quos palmarum certè praeripit **PETRUS MICHAEL de HEREDIA** Professor Complutensis , nam licet negari nequeat , Auctorem hunc , in Avicena interpretando , infinitis propemodum involvi Scholae quaestionibus , quisquiliis , vanissimisque argumentationibus , quibus magna ex parte opus suum repletum est , tamen fateri oportet , ex Hippocrate , & Galeno , propriisque observationibus , praecepta practica immiscuisse adeo utilia , ut caeteros omnes Avicenae Commentatores , longissimis intervallis post se reliquerit. In aliorum classe recensendi sunt quotquot rem medicam quaestionibus theoreticis , inutilibusque ratiociniis , & figmentis tractare constierunt ; & quod magis mirandum , adeo per ultima saecula invaluit Arabicae Scholae usus,

ut plures Auctores, non infimae notae, qui Hippocratem, & Galenum, sibi tamquam duces in medendo habuerunt, in disputationes, & tricas Arabicas, nimia subtilitate vigentes, ipsam Hippocratis, & Galeni doctrinam adduxerint.

Venio jam ad tertiam Medicinae aetatem, in qua post renatas litteras, Auctores maximae notae floruerunt, quos nunc attingam, non servato perfecto Chronologiae ordine, sed prout utilitate, aut alia perfectione sese commendaverint; inter eos autem primo loco collocamus LOMMIUM, qui scripsit Historias morborum adeo accurate, ut nihil supra. Soleo Lommium cum Aretaeo, melioribusque Graecis comparare, & moneo Tyrones, ut ipsum diurna, nocturnaque manu versent. Scripsit etiam tractatum de Febribus curandis, in quo, juxta veram hippocraticam doctrinam, utilissima tradit praecepta ad februum curationes. Composuit etiam Commentarios in Cornelii Celsi librum primum de Medicina, dignos qui legantur. Uno verbo Lommius est Auctor, nulli secundus, & floruit circa medium saeculi decimi sexti.

Sequitur NICOLAUS PISO, qui de morbis omnibus tractavit, proponens essentiam morborum, causas, signa, & prognostica, adeo accurate, ut nihil exactius haberri possit. Curationes aegritudinum, quas hic Auctor tradit, non sunt contemnedae, sed tamen multo exactiores, & meliores reperiuntur apud aliquos Neotericos: nihilominus Auctor est maxima notae, & summae utilitatis.

CAROLUS PISO, filius Nicolai Pisonis scripsit *Observationes de Morbis à colluvie serosa oriundis*. Hic liber adeo utilis est ad praxim, ut nemo (meo iudicio) eo carere possit, nam sive species observationum exactitudinem, sive methodum in ratiocinando, seu sagacitatem in inveniendis morborum causis, seu denique exactitudinem in notandis initiis, & progressibus morborum, nihil potest reperiri perfectius. Moneo Ty-

rones, ut hunc librum legant, memoria teneant, ipsumque praemanibus perpetuo habeant, nam incredibilis utilitatis esse poterit. Vixerunt Pisones circa finem saeculi 16. & initia 17.

PROSPER MARTIANUS circa eadem tempora scripsit *Annotationes ad Hippocratis opera*, & mente Graeci sensis in universum (meo judicio) nemo melius explicuit; propterea liber Martiani est utilissimus, & ad praxim necessarius.

Sub initiosis saeculi decimiseptimi floruit LUDOVICUS DURETUS in Galliis, quem omnium Medicorum doctissimum, post Galenum natum, vocat Heurnius. (a) Ego autem judico, profunditate doctrinae, & medendi scientia, Duretum nemini esse secundum. De eo Boheravius ita loquitur: „Habemus hic (sermonem facit de „Commentariis Dureti in Coacas) Thesaurum inestimabilem, „sparsa enim Hippocratis reducit ad unum locum, & Dureti „Commentario certè minus carere quisquam potest, quam Galeni laboribus, hoc enim habet egregium, quod obscura Hip- „pocratis loca explanaverit, utriusque enim linguae, Latinae sci- „licet, & Graecae gnarus erat, & manuscripta legerat, unde qua- „si alter Hippocrates explicat Hippocratem (b) HOLLERIUS, & JACOTIUS, etiam in Coacis illustrandis insisterunt, optimè qui- dem, & utiliter, non ita tamen feliciter, ac Duretus.

JOANNES FERNELIUS Gallus, vir acerrimi ingenii, & optimi judicii, nihil habet, quod non sit aegregium, ejus tamen libri de *Abditis rerum causis*, in naturae operibus scrutandis, & causis naturalibus inveniendis, minimè inferiores sunt omnibus iis speculationibus, quibus hodie Neoterici, naturae arcana intellegere gloriantur.

(a) Heurn. *Comm. in Hip. jusjurand.* pag. 160. | part. 10. tom. 2. pag. 674. edición de Amsterdam de 1751.

(b) Boherav. *Method. Stud. Medic.*

GUILLELMUS BALLONIUS , masculam Medicinam verè professus , ad accuratae praxeos exercitium adeo utilis , ut cum Medicis Graecis comparari possit.

MAURITIUS CORDAEUS , etiam Gallus , librum primum Hippocratis *de Morbis mulierum* , amplissimis Commentariis illustravit , in quibus ea , quae ad mulierum purgamenta spectant , nemo hucusque verius , meliusque tractavit .

Circa medium saeculi decimosextri , floruit SENNERTUS in Germania , vir magni ingenii , multigenae eruditionis , & in veterum placitis adeo versatus , ut ejus opera , veluti totius antiquitatis compendium , haberi possint . Chemicorum tunc nascentium dogmata discussit , & Paracelsum , hominem fanaticum , & superstitiosum , scriptis persecutus est , utpote agirtae , & circumforanaei mores exprimentem . Fuit RIVERIUS Sennerti transcripтор , non tamen in omnibus ipsum sequutus , nam Riverius plures omisit morbos , qui à Sennerto describuntur ; hic etiam omnium veterum dogmata in suas partes traxit , at ille Galeni vestigiis unice innixus . Hinc factum est , ut plenitudo , & cacochymia duo sint generalia principia , quibus tota Riverii praxis stabilitur , nam nullus est morbus , in quo venam secandam , & purgationem exercendam non consulat . Est etiam Riverius in remediis praescribendis largissimus , nam eodem tempore multis medicamentorum formulas consarcinare solet . In curatione phrenitidis videoas aegrum , à capite ad calcem , unguentis , Epithematis , aliisque hujusmodi medicamentis adeo obrutum , ut horrendum tibi monstruum videatur . Si morbus aliquis ex natura sua diutius moram traxerit , tunc nihil est , quod non tentet . In quartana , exempli gratia , prius sanguinem mittit , & purgat , postmodum si morbus durat ( durat autem , quoniam ex propria natura longissimus est ) iterum , & tertio purgat , quo facto , perseverante morbo , ad diuretica , & diaphoretica , tum in forma apozematis , tum pillularum transit , nullumque ferè est me-

medicamenti genus, quod non tentare audeat. Quid tum? Quartana, quae sibi relictā, est omnium febrium securissima, improperae curationis vi, in scirru immēdicabilem, dolores cōlicos vehementissimos, imò, & in saevissimam pleuritidem facile transit. Id unice Riverium, pluresque alios sūi aevi Auctores excusare potest, quod scilicet in Galeni verba juraverint, usque adeò, ut inallent (Massaria praeēunte) cum Galeno errare, quam cum reliquis veritatem dicere. Propterea dum Tyrones virdeant Auctores illius temporis, Galenum perpetuò sequentes, Hippocratis tamen, Aretaei, Celsi, aliorumque Graecorum scripta, non nisi cursim delibantes, eos minime audiant, multo minus, sibi tamquam duces suos, ad praxeos exercitium assumant.

**VALLESIUS**, Professor Complutensis, verè totius Medicinae decus, & ornementum, plurima scripsit commendatione dignissima. Attamen, nullibi magis ejus scientia in medendo eluet, quam in Commentariis, quos scripsit ad libros Epidemiorum Hippocratis, ibi enim veluti Magister loquitur, & Medici quamplurimi, inter exterias nationes, hoc Vallesii opus miris laudibus extulerunt. Perpetuò igitur Auctor hic manibus terendus, & nocturna, diurnaque manu versandus.

Eodem tempore vixit **CHRISTOPHORUS VEGA** in Academia Complutensi Professor, cuius eximia opera summam laudem mererentur, nisi rerum Galeni suisset sectator acerrimus. Si igitur Medici sciant, ejus laboribus uti, magnum inde proventum deducturos, non diffitemur.

**LUDOVICUS MERCATUS**, Medicinam publicè docuit Pinciae Vaccæorum, & libros compositi tanta doctrinae ubertate, & sententiarum copia commendabiles, ut meritò inter Auctores maxime notae numerari debeat. Ejus libri de *Morbis mulierum*, utilissimam, & praestantissimam continent mendendi doctrinam.

Per haec tempora, Valentiae Edetanorum, Medicinam profitebantur, duo clarissima hujus Facultatis lumina, aliquali tamen inter ipsos temporis differentia, nam ESTEVE, qui Commentarios edidit eruditissimos in secundum Epidemiorum Hippocratis librum, viguit circa medium saeculi decimiseptimi; at JACOBUS SEGARRA, qui Commentarios edidit elegantissimos in libros Galeni *de Differentiis, & causis symptomatibus*, floruit sub initium saeculi decimoseptimi. Duo hi Auctores, sententiarum gravitate, & practicis documentis, quibus maximè pollent, summè utiles Tyronibus esse possunt. Relinquo plurimos alios Auctores horum temporum, tum nostros, tum exteris, quippe, non Bibliothecam scribimus, sed delectum eorum tantum facimus, qui praestantia, & utilitate sunt prae caeteris aliis commendabiles.

Saeculis proximè elapsis, duo nova systemata caput extulerunt, Chymicorum, scilicet, & Mechanicorum. Inter Chymicos excellit PARACELSUS homo loquacissimus, & vanissimus: agrita potius, quam Medicus. Ejus vestigia sequutus est HELMONTIUS, qui utilis esse poterit, propter aliqua inventa chimica, & propter quaedam theorematum, quae in quibusdam ejus tractatibus, praesertim in eo, cui titulus: *Aetio regiminis inveniuntur*. Sed nihilominus Auctor est legendus cum cautela, quia est loquax, obscurus, hypothesis chimicae caecus sectator, & naturae opera, nec imitatus est, nec agnovit. QUERCETANUS, MINSICH, MUSITANUS, aliquique hujusmodi, chymici systematis sectatores, possunt esse utiles, propter medicamenta praeparata, seu composita, quae in ipsis reperiuntur, dummodo ampullas, & sexquipedalia verba, quae in eorum laudibus, & virtutibus extollendis, perpetuo projiciunt, sedulò quivis vitare contendat, & omnino spernere. Attamen ad cognoscendos morbos, ad praedicendum, & ad indicationes rectè dirigendas in eorum curatio-

tione , sunt inutiles , & fortassè noxiit?

ETMULLERUS fuit sectator systematis chimici , & compilator celebris , ad praxim veram parum utilis. Comparari potest opus Medicum Etmuleri , cum acervo magno , in quo reperiuntur paleae , pulvis , triticum , stercora , nam ex infinitis ferè Auctoriibus plura desumit , & omnia simul miscet , sine electione. Aliqua tamen , licet pauca notatu digna , in hoc Auctore reperiuntur , inter quae ejus dissertatio : *Parva magnorum morborum initia* , caeteris palmam praeripit.

MANGETUS edidit multos , magnae molis , sed parvae utilitatis , libros.

Qui notitias diversarum rerum vagas quaerunt , & informes , ac rebus solidis non delectantur , citatos Auctores , aliosque similes in scriptis suis imitantur ; undè videant Tyrones , ubi novum librum in lucem editum sciunt , an contineat proxim , & theoriam juxta sistema Chymicorum , vel juxta DO-LAEI , ETMULLERI , & similiū Auctorum doctrinam , eumque tunc , si legere juvat , legant cum cautione.

Tanquam regula certissima , & infallibilis habenda , & eos Scriptores , qui res suas non stabiliriunt observationibus certis , more Hippocratis , & aliorum Graecorum , nec naturam sequuntur in suis operibus , nec Historias morborum simpliciter , & exacte describunt ; sed omnia ad suas hypotheses , & cavillationes detorquent , atque non proponunt , quid natura facit , sed quid ipsi cogitant , naturam posse facere eos , inquam , Scriptores penitus esse rejiciendos , & tamquam hostes humani generis , ex Medicorum manibus , avellendos , atque , ut eos , quilibet cognoscat , videat , si more Hippocratis , Aretaei , Lomii , Pisonis , aliorumque similiū tractant de Morbis , in quo casu optimi erunt , quod si more Helmontii , & Chymicorum , de Morbis tractent , improbi sunt.

Accedo jam ad Neotericos Mechanismi sectatores . LAU-  
REN-

RENTIUS BELLINUS, quorundam mortborum, historias more Hippocratico descripsit, & venae sectionis utilitatem, & effectus, necnon pulsuum, urinarum, & febrium differentias, mechanice explicuit, attamen, magis systematibus, quam observationibus, sua dogmata fulciuntur.

BERGERUS tractatum scripsit de *Natura humana*, in quo, stilo elegantissimo, constitutionem hominis mechanicam more saeculi describit; de rebus autem practicis non tractavit.

GEORGIUS BAGLIVIUS plura scripsit non contemnenda, sed inter ejus opera, excellunt duo libri de *Praxi Medica*, qui sunt opus absolutissimum, & Medicos ad verum studium Hippocraticum sequendum, summoperè excitant. Ejusdem Auctoris *tractatus de Uso*, & *Abusus vesicantium* optimus est, & verè praxi conformis. *Tractatus de Fibra motrice*, & *morbosa* plura continent notatu digna, sed non sunt laudandi, sicut libri de *Praxi Medica*; nam motus fibrarum, earumque morbos, hypothetice tractavit, & minime fecit ipse, quod aliis sialit. De *Febribus mesentericis* egit, sed magno medicae artis detrimento, nam inde factum, ut Medici, novitate harum febrium allecti, quamplurimas febres ardentes, & malignas pro mesentericis habeant, magno aegrorum periculo. Uno verbo; tumultuariè scripsit Baglivius, nec omnia ejus dogmata sunt indiscriminatim admittenda.

JOANNES MARIA LANCISSIUS, Medicus Romanus, & Clementis Undecimi, Pontificis Maximi, per plures annos Archiatrus, plura scripsit utilissima, & curiosissima, inter quae praecipue numerandus est *tractatus de Noxis paludum effluviis*, qui est opus omnibus numeris absolutum. Scripsit etiam elegantissimum tractatum de subitaneis mortibus, & plura alia opuscula lectu dignissima. Dissimilandum tamen non est, hunc Auctorem aliqua ex hypothesi, magis quam observatione scripsisse, more saeculi.

LUCAS TOZZI, non scripsit more Mechanicorum, sed Chemicorum, & in eo laude dignus non est; sed tamen mereatur legi, quia de *Praxi Medica* aliqua scripsit utilia, & in remediorum electione excelluit. Commentaria composuit, in omnes libros Aphorismorum Hippocratis, satis commendabilia, & Auctor esset à Tyronibus expetendus, si non fuisset fermentationum sectator, & venae sectionis impugnator acerimus.

JOANNES BAPTISTA BIANCHIUS scripsit Historiam hepaticam, in qua morbos omnes à bile procedentes more Graecorum describit, propterea opus est utilissimum, nullumque Auctorem vidi, qui de pleuritide, ejusque variis speciebus, copiosius tractaverit. Attamen in rebus merè theoreticis multum temporis insumit, ejusque labores aeternum durarent, nisi magna ex parte hypotheticis fulcirentur principiis.

JOANNES FREIND, plura scripsit curiosa. Ejus emmenologia seu tractatus de *Fluxu menstruo*, secundum mechanismum explicat plura ad fluxum mensium pertinentia, ejusque periodum, & naturam intelligendam. Scripsit etiam Historiam Medicinae à Galeni tempore, usque ad initium saeculi decimiseptimi, in qua brevissime complectitur ea omnia, quae Medici Galeno posteriores, de morborum curatione statuerunt, unde utilissima, & curiosissima adducit, & digna, ut ab omnibus aestimentur. Scripsit etiam commentarios in primum, & tertium librum Epidemiorum Hippocratis, non contemnendos. Historia tamen Medicinae caetera ejus scripta longè antecellit. Id minimè in hoc Auctore placet, quod omnia velit (ne quidem chimicis operationibus exceptis) in partes Neutoni trahere, & novis hujus temporis theoriis nimium delectetur. Hinc ejus scripta ad theoriam potius, quam praxim promovendam, conducent.

SYDENHAMIUS observationes scripsit medicas cum Hip-

pocratis comparandas. Hunc Auctorem in observando imitentur Tyrones, hunc in progresibus morborum notandis sequantur. Eum denique nocturna, diurnaque manu versent, si velint in praxi proficere.

PHILIPPUS HECQUETUS, acerrimus Mechanismi propugnator, plura scripsit non contemnenda. Unicum est in eo vitium, quod omnia, scilicet, tribuit solidis, & humoribus fere nihil, cum certum sit vitia solidarum partium à fluidis vitiatis pendere; propterea legendus est, sed non imitandus. Ejus tractatus *de purganda Medicina à curarum sordibus egrediens* est, & ad proxim utilis. Verum omnia hic Auctor, impietu quodam arreptus, scripsit.

ARCHIBALDUS PITCARNIUS theoriam, & proxim brevissime juxta Mechanismum tractavit, & geometricis legibus omnia humani corporis phenomena subjecit; dignus est, ut legatur, sed non ut imitetur, quia ratiociniis plus fundatur, quam veris observationibus.

JOSEPHUS REGA, Professor Lovaniensis, Aphorismos edidit, in quibus juxta Mechanismi leges, plura docet, non contemnenda.

FRANCISCUS TORTI, Medicus Mutinensis, tractatum edidit, de Febris intermittentibus pernitiosis, exactissimum, & ab omnibus aestimandum. Molestus est hic Scriptor longis ratiociniis, & inutilibus circumlocutionibus, qua propter utilitatem Medicinae induceret, quisquis ex hoc Auctore ea tantum extraheret, quae praxi convenient. De eadem re, & de variolis, & morbillis melius adhuc egit WERLOFF, qui more Graecorum rem tractavit.

FRIDERICUS HOFFMANUS, Auctor est commendabilis ob copiosam, quam continet, doctrinam, quia de omnibus ferè Medicinae partibus tractavit; ad res practicas magis prodest, quam theoreticas, & observationi fuit addictus, atque magis

gis commendabilis esset , si non profusus in longis ratiocinationibus foret , nam per inutiles praefationes , & orationes nimis longas, molestus redditur. Ego , si fas esset , HOFFMANUM colarem inter Medicos mediocres. Quia si veras observationes , & ad praxim utiles , ab infinita philosophandi prurigine separemus , vix tertiam ejus operum partem efficient. Id etiam vitii habet , quod omnia laudet , omnia vituperet , neque scire quisquam possit , quid ex hujus Auctoris mente faciendum. Exempli gratia , dum *de aqua* tractat , eam facit remedium universale ; postmodum *de vino* tractans , idem efficit omnium medicamentorum praetiosissimum. Auctores antiquos passim damnat , ex his tamen , si quid solidi continet , semper deducit.

RICARDUS MORTONUS exactissimus fuit observator , atque ejus tractatus de *Phthysi* optimus est , & hujus morbi historiam , causas , & curationem perfecte , & complete proposuit. Tractatus de *Febribus ejusdem Mortoni* , & de *variolis* , & *morbillis* sunt incomparabiles , & unicum est in eo vitium , quod scilicet , cortici peruviano plus virium & virtutis tribuit , quam re vera conveniat. Praeterea , calidis medicamentis , & sudorificis , in variolis , & morbis acutis intempestivè utitur , in iisque rebus non est sequendus , de cetero vellem , ut Medici Mortonum perpetuo in manibus haberent.

BERNARDINUS RAMAZZINI plura scripsit non contemnda , praesertim ejus *Epidemicae constitutiones* sunt utiles. Tractatus de *Morbis Artificum* , utilis est ad praxim. Hic Auctor fuit eruditissimus , atque ejus lectio dulcis est propter ornatum , quo sua investit ratiocinia. Attamen fermentationum sectator cum fuerit , plura immiscet , minimè approbanda.

JOANNES ASTRUC scripsit duos libros de *Morbis vene-*  
*F 2* *ne-*

*nereis*, in quibus historiam morbi gallici , ejus causas , & curationem tam perfectè describit , ut nihil possit reperiri exactius. Aliqua tamen adducit , ad theoriam tanti morbi , & historiam temporum ejus originis, spectantia , quae non facilè approbari possunt.

GEORGIUS HERNESTUS STHALIUS, acerrimus Mechanismi impugnator , plura scripsit , licet non omnia ad manus nostras pervenerint. Ex his , quae de ipso habemus , habemus autem satis multa , colligimus , Sthalium fuisse excellensissimum Chemicum , sed mediocrem Medicum , & parum Anatomicum. Legenda ergo sunt ejus scripta , praeferuntur chimica , sed obscuritas , & morositas hujus Auctoris plurimos homines emunctae naris à lectione deterrent.

JUNQUERUS, discipulus STHALII , de rebus practicis iudiciorē scripsit ; propterea ejus opera optima sunt , si theoriam excipias , in qua non solum res vanissimas circa naturam comprehendit , sed , & formales haereses continet in tractatu de *Generatione*. Id magnopere in hoc Auctore exoscular , quod Materiam Medicam vera critice indagaverit , neque medicamentorum vires ulla approbat , nisi eas experientia confirmatas sciat. Utinam in hac parte omnes Medicos haberet sui imitatores!

HALLEN , Medicus Anglus , promptuarium exhibet valde commodum Tyronibus , quia optima consilia celebriorum Auctorum , & remedia selectiora brevi methodo describit. Id in hoc Auctore mihi displaceat , quod , scilicet , observationes practicas ex Etmullero , aliisque Neotericis desumiat , Hippocratem autem , Galenum , caeterosque tum Graecos , tum Arabes Medicos , omnino ferè omissat , certeque foret hoc opusculum multo magis utile , si Medicinae Principum regulas practicas , potius quam multas Etmulleri naenias , juventuti traderet.

HERMANUS BOHERAVIUS, Medicorum nostri saeculi Coriphaeus, summam laudem ex eo potissimum adeptus, quod nostri temporis Professores à recta medendi via devios, postliminio revocavit, hippocraticam medicinam ferè omnino jacentem suscitavit, & observationibus fidis, artem locupletavit. Vir fuit subtilis ingenii, optimi judicii, & lectionis immensae; atque fateri oportet, hoc saeculo maximam mutationem, eamque magna ex parte utilem, attulisse Medicinae. Inter ejus orationes commendandae præcaeteris sunt de *Honore Medici servitute*; de *adquirendo certo in physicis*; de *commendando studio Hippocratico*. Ejus chimia opus est absolutissimum, seu diligentiam spectes in observandis naturae operibus, seu in chimicarum operationum processibus annotandis, solertiam. *Aphorismi de cognoscendis, & curandis morbis*, methodo facili, brevi, & clara tradunt morborum Historias, & curationem. Ejus *institutiones Medicae*, ea omnia comprehendunt, quae ultimis his saeculis circa nova inventa anatomica circumferuntur. Hunc Auctorem, qui alia quamplurima scripsit commendatione dignissima, legant Tyrones, & venerentur. Attamen sciant oportet, duo esse in Boheravii scriptis consideranda, observationes, scilicet, & ratiocinia. Si observationes spectes, nihil exactius, si ratiocinia, more, saeculi multum habent pulchritudinis, utilitatis parum; negari enim nequit, quin plurima Boheravii themata, aut incerta sint, aut non sat firmis fundamentis statuta. Solus Hallerius ejus discipulus, aliqua confutavit à Praeceptore inconcusse admissa. Sic, quae de inflammationibus afferit, & vasis arteriarum lateralibus, inania esse satis constat. Pariter inter anatomica plura admittit, tamquam certè inventa, quae Halleritis ipse verè collocat inter desiderata. Adeo potens est saeculi cuiusvis genium, ut homines quantumvis

vis eruditos, gloriae cupiditate allectos, ad se trahat. Ita benè multa in Boheravio sunt, quae confirmatione egent, & hypothesi potius, quam veris observationibus fulcuntur, atque sperandum est, ut ex his multa, in lucem clariorum dies protrahat, & longioris aevi diligentia.

GERARDUS VANSWIETENIUS, BOHERAVII per plures annos Auditor, commentarios edidit in ejus Aphorismos de cognoscendis, & curandis morbis, vera Medicinae sapientia refertos. In iis invenient Tyrones quidquid solidum, & utile ab antiquitate circa morborum indolem, & curationem, dictum, interimque novas nostrorum saeculorum observationes longo usū probatas, in usum practicum, & veterum illustrationem adducit. Ea omnia complectitur stilo puro, gravi, perspicuo, adeò, ut ejus lectio summè utilitatis Tyronibus esse possit. Id unicè hunc Aucto-ratum minus memorabilem reddet, quod ob Boheravii adhaesionem nimiam pluribus rebus saeculi non benè discutis, teneatur saepissimè mentem Authoris explicando, commentationes efficere longas, quae ad Theoriam magis, quam praxim inclinant. Verum quidem est, optimum hunc, & sapientissimum Virum, id agnoscentem, tali arte se gerere, ut Theorias illas, quantum possit, vel physicis, vel medicis observationibus immisceat, quae totam rem ornant, & illustrant.

JOANNES GORTERUS, etiam BOHERAVII discipulus, plura scripsit non contemnenda, inter quae ejus dissertatione de *Actione viventium particulari, & Medicina hippocratica* palmam praeripiunt. Auctor est eximus, vere Medicinae assecla, idque unum ipsi non favet, quod theoreticis nostri temporis conclusionibus nimium delectetur, usque adeò, ut aliquos Hippocratis Aphorismos, ea sola ratione rejiciat, quod rebus neotericorum, aut op-

po-

ponantur , aut non convenient. Si haec ab hoc Auctore demantur , caetera quae praxim pertinent , Tyronibus summe utilia esse possunt.

ALBERTUS HALLERIUS , Boheravii discipulus , vir est eruditissimus , immensae lectionis , in omnibus medicinae partibus versatissimus , verum in rebus anatomicas discutiendis , praecipuam operam collocavit. Plurima scripsit , tum ad suas , orbi litterario communicandas , lucubrationes , tum ad Boheravium illustrandum ; sed in omnibus ejus laboribus elucet maximè ingenium , labor , diligentia , & studium improbum. Rebus practicis parum delectatur , unde Tyronibus ad omnia , qua latè patent , medicinae ornamenta utilis est , res tamen ad praxim spectantes , ex alis jam memoratis Boheravii discipulis , melius deducent. Intervim fatendum , hunc Scriptorem , orbi litterario communicare quandoque , celebriorum praticorum scripta , quae propriis praefationibus ornare solet. Sic historia morborum Uratslaviensium , ad res practicas utilissima , ejus auspiciis in lucem prodiit.

Hucusque egimus de Auctoribus ad praxim praecipue spectantibus , pauca nunc afferemus de his , qui circa Pharmaciam , & anatomiam versantur. Igitur Heisteri compendium anatomicum , pro usu Tyronum , in hac parte sufficere poterit , quoniam hypothesi omni rejecta , res anatomicas breviter , & perspicue describit. Pro phar-macia , quatenus ad morborum curationem conduit , summe utilis est Geofrojus , Junquerus , qui si attentè legantur , sufficere possunt , quoad usum medicamentorum simplicium ; quoad composita vero medicamenta Pharmacopea universalis Leimerii , extemporanea Fuller , & Joannis Bathei , pro Tyronibus sufficere possunt , quoniam medicamina continent selectiora , & p[re] caeteris

ris aliis , usū probata. Qui longiorem de Anctoribus tractationem desideret , adeat Boheravium , & ejus illustratorem Hallerium in libro cuius titulus : *Methodus discendi Medicinam.*

*Natura impotens coll' objectus certae leges  
ex fodena, ex dictaminati nostri, prout in illis  
juste, specij tam unum naturam, et justa  
ad quisitam dispositionem, eoque haber possunt  
ut vocatur quod dicitur, bellis in tertio, malitia  
tia in quarto, nisi apia irritando properet  
prodigiū auctoritate. ex hac loge certis partibus  
alium provida ut terminis conservationis, sic  
ut non deficit in necessitatibus, nec superfluit  
in adiundantibus pro inducitur conservato-  
runc, qui nostri voluntatis potest a copia, qua  
litate, alterius materialis coniunctione: si potest  
veniore habeat uniformitas, permissa, pri-  
pari in melancholia fit, que impura reddit  
ob diversos modos substantias, que haber co-  
muntur in certa materiali, accidit ut sint  
apertant, sciri, frigidi tunc mortis, complexe-  
phantias, & orbitus mortis,*

TRAC.

# TRACTATUS I. DE URINIS.

## C A P U T I.

*QUID, ET QUOTUPLEX SIT URINA.*



UM occulta internorum morborum conditio non nisi per externa signa queat facile adipisci , atque debitus humorum motus , & ordo , non nisi per particulas ab eisdem separatas cognosci possit , idcirco mos fuit à Medicinae initio inter Medicos , aegrorum suorum urinas inspicere , ut juxta diversam earum naturam , distinctam arguerent morborum rationem ; atque licet inter Neotericos aliqui inutile esse Medicis urinas inspicere , asseruerint , imo & ipsis indecorosum judicaverint , tamen qui recte per observationes morborum , aegros curare voluerit , attente debet , & urinas , & alvi excrementa sedulò considerare ; nam licet urina non ita fidum sit signum , & certum , ut sit prorsus infallibile , tamen signum est aliquando curiosè notandum ad recte in aliquibus morbis praesagiendum.

2 Veteres Medici Galeni , & Arabum doctrinae adhaerentes , sic urinam diffiniunt : *Serum humorum à renibus attractum , indeque per ureteres in vesicam transcolatum , ut utile fiat sanguis animabus nutrimentum.* Verum haec diffinitio explicat partes , per quas urina expellitur , & finem quem natura in ejus evacuatione intendit , potius quam ipsius urinae naturam . Neoterici sic urinam explicant : *Liquidum lymphaticum,*

A

cum,

## TRACTATUS I.

cum , & serosum , salibus , & sulphure repletum , & à natura  
 in animalis commodum per vesicam evacuatum . Haec urinae ex-  
 plicatio licet exactior sit quam antecedens , tamen terminis  
 expressa est inusitatis , quae propterea aliqua indiget declara-  
 tione . Liquidum urinae dicitur lymphaticum , quod idem est  
 ac aqueum , quia major urinae pars aqua est . Additur se-  
 rosus , quia urina non est mera aqua , sed portio fluidior  
 humorum nostri corporis nedum ex aqua , sed ex subtiliori-  
 bus eorumdem humorum particulis cum ipsa permixtis consti-  
 tuta , quae ut distinguitur à pura aqua , serum dicitur . Omne  
 illud quod linguam pungit , sal à Neotericis appellatur , non  
 quidem propriè , sed per similitudinem cum sale communi qui  
 linguam vehementer pungit . Cum vero in urina reperiantur  
 particulae pungentes , & stimulum in lingua , & ore excitan-  
 tes , proptera dicitur urinam esse serum salibus repletum . Quae-  
 cumque materia inflammationem concipere apta , & foetori  
 acquirendo idonea , dicitur à recentioribus sulphur , propter si-  
 militudinem cum sulphure communi , quod maximè foetidum ,  
 & inflammabile est . Cum vero in urina plures reperiantur par-  
 ticulae foetorem , & inflammationem facile concipientes , inde  
 fit , ut sulphure constare dicatur . Denique cum aqua humo-  
 rum portio salibus & sulphure repleta , seu quod idem est se-  
 rum particulis impuris , & à naturali humorum vitalium con-  
 titutione alienis , calore partium primum sit in putredinem ,  
 inde fit ut à natura extra corpus expellatur . Quaenam vero  
 sint partes illae per quas fit expulsio urinae non omnino  
 compertum est . Veteres plumiri , & ex recentioribus non pau-  
 ci crediderunt urinam duci cum sanguine ad renes , indeque  
 per ureteres & vesicam expelli ; verum diverso modo id fieri  
 assuererunt ; nam Galenico-Arabes facultate renum attractrice  
 fieri autumant , recentiores vero hanc attractionem negan-  
 tes in varias abiere sententias , nam Chymici à fermento reni-  
 bus implantato urinae secretionem fieri contendebant ; mecha-  
 nismi autem sectatores multum inter se discrepant , nam ipso-  
 rum aliqui certos poros determinata figura praeditos in reni-  
 bus statuunt cum particulis urinam componentibus exacte con-  
 gruentes , unde fit ut sanguine lege circulationis per arterias  
 emul-

## DE URINIS.

emulgentes in renes delabente, particulas urinae ibidem unice deponat, quoniam ipsis recipiendis pori solum adaptantur, reliqua sanguinis pars ut potè minus proportionata figurae pororum atque adeò per ipsos transgredi inepta, ad cursum suum per corpus peragendum progreditur. Alii vero quibus istae pororum conformatio[n]es minimè placent, probare contendunt urinae secretionem in renibus fieri per pressio[n]em sanguinis per arterias delabentis, per proportionem vasorum lateraliū ex ultimis arteriarum ramusculis prodeuntium, ac denique per specialem renū structuram huic operi destinatam adeò, ut his omnibus simul concurrentibus, urinae secre[ti]o necessario fieri debeat. Verum quis non videt haec omnia mera esse figmenta in mente Auctorum elaborata, & à naturae operibus multum aliena? Intendunt homines sciendi nimium cupidi intelligere ea, quae natura sub densissimis tenebris occulta esse voluit, cumque ipsis deficiant lumina quae sola praestare natura apta nata est, inde pro suo arbitrio supponunt non quae revera sunt, sed quae si essent, ipsorum menti satisfaciendae apta forent.

3 Ex antiquissimis Medicis Hippocrates non uno tantum in loco statuit urinae secretionem fieri partim recta via ex ventriculo, & hypochondriis ad vesicam; partim vero à toto corpore in renes fluere, ut inde per ureteres ad vesicam deducta expellatur. Hanc Hippocratis doctrinam pluribus argumentis probat Marcianus, eamque Praxi Medicæ congruere innegabile est. Inter recentiores plures sunt qui urinam recto tramite duci ex ventriculo in vesicam crediderunt, verum inter ipsos longe caeteros superavit tum argumentorum pondere, tum experimentorum numero celebris Morinus, uti apparet ex dissertatione quam Parisiensi Academiae anno 1701. obtulit. Ego autem ut multum verosimile judico urinae secretionem utraque via fieri, partim scilicet ex ventriculo in vesicam per primam regionem, & per ductus soli naturae cognitos, partim vero per renes & ureteres. Inter argumenta quae ad probandum transitum urinae ex ventriculo recto tramite in vesicam adducuntur, duo tantum Tyronibus proponenda duimus, caetera in Auctoribus citatis legenda relinquentes.

## TRACTATUS I.

Primum est quod sumitur ex usu quorumdam alimentorum, & potuum, nam ex esu asparragorum citissime olet urina; neque fieri potest, ut tanta celeritate asparragi vertantur in chilum, postmodum in sanguinem, ac tandem serum ex his conflatum per renes transeat, ut urinam constituat. Similiter quotidie videmus aquas quorumdam fontium, praesertim mineralium, adeo celeriter transire ex ventriculo in vesicam, ut nullo modo tanta brevitate fieri possit per renes. Secundum argumentum deducitur ex usu cantharidum, nam ipsis assumptis, citissime laeditur vesica; ac emulsiones, lac, aliaque similia diuentia, quae ad temperandum ardorem à cantharidibus inductum praescribuntur, suum effectum illico praefstant, quin longam renum viam transgredi teneantur, per quam longa mora virtutem amitterent. Ex his igitur concludendum est, urinam partim duci recta via ex ventriculo in vesicam, partim vero ex sanguine & toto corpore per renes expurgari. Hinc deducitur observatio magni momenti in praxi, nam in morbis ventriculi, hypochondriorum, aliorumque viscerum primae regionis, certum indicium dat urina carum aegritudinum, quae ipsa molestant.

4. Sed quomodo fertur urina in vesicam, an attractione, an pressione, an denique proportione pororum cum particulis? Id hominibus nimium curiosis investigandum relinquimus. Sufficiat nunc innuere, urinae secretionem simul fieri posse pressione, & attractione; quid enim vetat, quo, minus ventriculus undique se se constringendo aqueam alimentorum portionem premat versus partes illi subjectas? Quid etiam vetat, quominus vesica attrahat ad se aquae portionem à ventriculo, & partibus ei subjectis compressam? Idem quod dicimus de ventriculo, intelligendum est de caeteris corporis partibus, quatenus premendo serum humorum, & attrahentibus ipsum renibus, postmodum sequitur expulsio. Dicit fortasse aliquis eas attractiones esse ignorantiae asilum. Fatemur ingenue ignorare nos, quomodo fiant hae, aliaeque similes naturae operationes, sed quocumque modo efficiantur, id certum est, naturam aqueam humorum substantiam per vesicam educere, hancque operationem sensibus nostris perceptibilem, & observabilem ex parte vesicae,

vocamus attractionem , qua voce significamus effectum nobis conspicuum , licet modus quo fit , sit incognitus. Sentimus nos ipsum quod Neutonianii inter Neotericos Philosophos minimè erubescunt docere , scilicet attractionem universale esse rerum principium , quo natura sua opera mirabiliter exercet. Quidquid sit de hac attractione , abunde nobis constat , quamcumque aliam hypotesim à recentioribus excogitataam ad urinae secretionem explicandam , verbis magnificis , magnisque am pullis esse propositam , sed à veritate etiam scimus procul abesse.

5 Circa differentias urinarum agnoscendas , advertant Tyrones nunquam esse inspiciendas in ordine ad naturam communem , sed particularem , ut perfectior fiat cognitio. Sic ratione suae texturae ( modum substantiae vocant Galenici ) vel est tenuis , crassa , aut mediocris ; hinc urina , quae respectu unius individui est mediocris , tenuis est , aut crassa respectu alterius , & è contra , quod nascitur ex diversitate naturae , & temperamentorum cuiuscumque individui ; unde genericè statui non potest , quaenam sit tenuis , aut crassa , cum hoc potissimum à peculiari cuiuscumque natura desumatur ; nihilominus dici potest , urinam mediocrem esse eam , quam quisque mingit dum omnino est secundum naturam ; tenuis igitur erit quae limpida instar aquae apparet , magis , vel minus , prout magis , vel minus tenuis fuerit ; & crassâ , quae similis est liquori turbido , caenoſo , faeculento , &c.

6 Tenuis igitur urina juxta morborum diversitatem , in quibus apparere solet , diversa etiam indicat ; nam si appareat in principio febrium acutarum , aut morbum capititis citò venturum , aut aegrum in deterius ire demonstrat. Est ratio , quia talis urina indicat febribiles , impurasque particulas adeo cum sanguine misceri , ut ulla vi queant quovis modo ab ipso separari , unde tenax morborum cruditas oritur ; hinc fit , ut vel istae particulae sanguini mixtæ suas exerant tragedias in capite , delirium , soporem , aliudve symptoma inducentes , quod saepissimè accidit ; aut alibi affixaे symptomata febrium exasperent , sanguinemque in majoren effervescentiam promoveant. Si in hysteris appareat , instantis paroxismi est certum indicium ,

## TRACTATUS I.

cium, eis enim solemne est, aliquibus horis ante paroxismi invasionem, urinam instar aquae limpidae è rupibus scaturientis ejicere; simili modo in scorbuticis, gallicis, & hypochondriacis talis urina eos, magis quam par est, molestari demonstrat.

7 Si urina tenuis mingatur, & postmodum fiat crassa, albicans, turbida, & veluti caenosa, signum est pravae digestionis alimentorum in ventriculo, & consequenter multorum flatuum exinde nascentium, proinde tales urinae tempore hyemis familiares sunt scorbuticis, hysterics, ventriculo debilibus, & hominibus studiosis, quos omnes, praeterquam quod māle digerunt, molesti flatus solent vehementer ingruere. At haec omnia intelligenda sunt de urina tenui, quae fit à causis internis, & à peculiari solidorum, aut liquidorum dispositione; saepissimè enim à rebus externis, earumque abusu procedit urinae tenuitas, quin significet ea, quae fuere proposita; sic à magna, & immodica aquae communis assumptione, sicut à largo vini albi potū urinae solent tenues apparere. Praeterea in aquis thermalibus experimur, statim ab earum sumptione urinas tenues, imo & tenuissimas mingi.

8 Urina crassā semper indicat in febribus potissimum multam salium in corpore redundantium, aut copiosam impuritatum in eo existentium multitudinem; si autem fuerit immode dicē crassā instar urinae jumentorum, praesentem, vel futurum capitī dolorem demonstrat, juxta illud Hippocratis: *Quibus urinae crassae sunt veluti jumentorum, in eis dolor capitī, aut adest, aut aderit.* Urina crassā, turbida, & variis arenulis saturata in declinationibus febrium bonum indicat, significat enim impuras sanguinis particulas à corpore per urinas expurgari; propterea statuit antiquitas: *Craffescere urinam oportere morbo cunte in iudicationem.* In febribus tertianis, aliisque intermittentibus frequentissimae sunt tales urinae; fieri ergo solent à salibus diversi generis in sanguine hospitantibus, & febrilibus impuritatibus in eo existentibus.

9 Circa causas urinarum tenuium, & crassarum non est ut in eis immoremur, quia juxta morborum diversitatem diversae esse solent earum causae, generaliter tamen fiunt urinae te-

tenues instar aquae , propter defectum aliquarum particula-  
rum , & salium in ipsa naturaliter innatantium , sive istae par-  
ticulae deficiant , quia in aliis partibus stagnent , & ad urinae  
vias non perveniant , ut accidit in affectibus convulsivis , sive à  
sanguinis consortio non separentur , ut accidit in febribus acu-  
tis , sive in lympha diutius detentae , & à nimia ejus copia  
immodicè dilutae non patefiant , ut accidit in scorbuticis , &  
hystericis. Urinae crassae tales fiunt à nimia copia particula-  
rum , salium , aut impuritatum liquidorum , quae impuritates , &  
particulae diversæ naturae esse solent , juxta diversitatem mor-  
borum , in quibus apparent . *Si auipam uenina iablime peticit  
ocellato ex dolore deliciosa, regificat.*

## CAPUT II.

## DE COLORIBUS URINARUM.

**N**ihil igitur in urina inspiciendum majori attentione , quam  
color , ex ejus enim natura , & varietate deducunt  
Medici tum ad aegros sanandos praecepta , tum ad praesagien-  
dum in morbis indicia ; verum ante omnia notandum est urin-  
arum colores non à qualitatibus physicis , ut aliquibus An-  
tiquis visum est , provenire , sed juxta ea , quae superius dixi-  
mus ab ordine , & connexione , qua partes urinae mutuo  
combinantur , & connectuntur . Ex ea enim connexione , ori-  
tur , ut radii lucis hoc , vel illo modo reflectentur , & colo-  
res hii , aut illi nascantur . Urinarum colores alii sunt secun-  
dum naturam , hominibus sanis convenientes , & alii praeter-  
naturam ipsis aegrotantibus familiares . Colores naturales  
urinae sunt color subpallidus , subrufus , subflavus , id est , mo-  
dicè pallidus , rufus , aut flavus . Color pallidus urinarum si-  
milis est vino albo tenui , seu paleis maturis ; color rufus si-  
milis est auro , & flavus croco .

**I**11. Dum ergo dicti colores apparent , non semper sunt natu-  
rales respectu cuiusque individui , licet dicantur absolutè na-  
turales , quia si aliquis , v.g. fuerit temperamento biliosus , &  
urinam subpallidam excreverit , certè haec non erit ei natura-

*Ut teste se uaria judicetur requiritur; ut v. 4. atque in his, sitas.  
Terri, angusto longi, fuso rotundo, siccari arguit, continuas uocis,  
quanto tam unius viae, ostendit, ut appropinqua, latenter in-  
fatu in ipsa apponatur, non statim inspiciatur, non itinere fisio-  
ne ualide, post coenam non editio perputem; tunc aeris, tempeste*

## TRACTATUS I.

lis, quia ejus naturae non competit, licet naturalis absolute  
censeatur; propterea urina subpallida naturalis est naturis pa-  
rum calidis, subrufa naturis mediocriter calidis, & subflava  
calidissimis. Crediderunt Antiqui urinas has naturales tingi,  
suumque accipere colorem à bile, eò quod viderint bilem in  
vesica similem cum illis servare colorem. Neoterici autem urinas  
naturales suum colorem accipere statuunt à copia salium ammoniacalium,  
& aliquibus globulis in sanguine hospitantibus, & per  
urinam excretis, quod plurima juxta ipsos probant, primo, te-  
territimus, & fracidus urinae odor: secundo, maxima particula-  
rum urinae subtilitas, & penetratio, ex urina enim elicetur spi-  
ritus adeò volatilis, ut diaforesim moveat, coagulationem dis-  
solvat, appoplexias sanet, &c. Haec tamen dissentio parvi est  
momenti, nam particulas in urina calidas, subtile, inflamma-  
tioni, & putredini pronas, seu bilem nomines, seu sulphur  
cum sale permixtum, perinde est, nihilque ex hac diversitate  
immutatur, seu species morborum cognitionem, seu prog-  
nosim.

*augustus 12. 1511  
facti super  
natura lux*

12 Colores praeter naturales sunt color albus, rubicundus, vi-  
fidis, lividus, & niger. Color albus in urina saepissimè ori-  
solet à nimia sanguinis liquidorumque faeculentia, ac depravata  
chili in sanguinem conversione, sicut ab alimentorum in ven-  
triculo praepostera digestione, quia quando chili, & ali-  
mentorum partes in ventriculo male subiectæ in sanguinis con-  
sortium feruntur, nequeunt ibidem ejus particulis facile adap-  
tari, unde plures remanent, quae in sanguinem verri non  
possunt, & per urinas à natura amandantur, propterea simi-  
les urinae familiares esse solent veneri, Baccho, & gulæ ni-  
mium indulgentibus, & quibus propter ventriculi languorem,  
vel alimentorum perniciem, pravè fit chili generatio. Idcirco  
si tales urinae appareant in principiis morborum, pravam hu-  
morum crassorum colluviem in sanguine, & primis viis stag-  
nare demonstrant, ac primam alimentorum digestionem im-  
propere celebrari. Si autem in declinationibus febrium appa-  
re incipient tales urinae crissim moliri naturam per eas par-  
tes significant.

13 Accidit aliquando ut urina alba fiat à pure, cum scilicet  
*præ-*

praecessit aliqua inflammatio in jecore , reñibus , aut aliis partibus , eaque in suppurationem versa , pus excernitur per urinam , eam albam reddens . Cognoscitur ergo pus in urina ex inflammatione antecedenti , ulcere , aut aliis , ex quibus pus generari potest , quia si haec prius praecesserint , & postmodum urina alba excernatur , signum est eam urinam tingi à pure ; quod si praeter dicta , acrimonia inter mingendum accedit , certissimum signum est puris per urinam excreti ; alii addunt pus in urinis cognosci , quia semper fundum matulae petat , non ita crassi humores , sed cum ipse id serio in empiematicis observaverim , infidum signum esse deprehendi . Tandem solent urinae albae fieri ab icoribus quibusdam cum ipsa permixtis , eamque tingentibus , qui solent potissimum apparere in mulieribus gallica lue infectis , & gonorrhœa laborantibus , quod cognoscitur ex ipsa relatione aegrotantis se gallico morbo affectum esse dicentis .

14 Color rubicundus urinarum antiquis credebatur fieri à sanguine in majori , vel minori copia prout color magis , vel minus rubicundus esset . Nos tamen fatemur quandoquidem ita esse , potissimum in febribus sinochis , & quibus aliquo vase rupto sanguis excernitur per urinam , verum hoc manifeste cognoscitur ex ipso sanguine , qui clarè conspicitur in ipsa urina ; sed cum in febribus acutis ab inflammatoria sanguinis diathesi nascentibus , ac in messentericis à pravo humorum apparatu in messenterio ortis , sicut etiam in tertianis intermittentibus urinae rubrae appareant , eaque rubedo non fiat à sanguine , proinde videndum est quid significant , & unde procedant tales urinae . Dum igitur Medicus urinam rubram videat , statim inspiciat linguam , quae si fuerit sicca , aspera , nigra , & febris aliquo modo ardens , tunc signum est urinae rubedinem ab alchalicis salibus , sulphureisque particulis nimis ebullientibus , & exaltatis provenire , ac interim sanguinem inflammatoria dispositione esse affectum . At si urina fuerit rubra , ac lingua fuerit alba , spurca , & viscida mucagine plena , tunc plerumque signum est urinae rubedinem à salibus acribus , & muriaticis in ipsa existentibus nasci ; quapropter in tertianis intermittentibus , in febribus messen-

## TRACTATUS I.

tericis , ac tandem in scorbuticis , hypochondriacis , & hydropticis ( in quibus solent aliquando tales urinæ apparere) si quis experiri velit , quod de urina rubra diximus , ipsa refrigerata post duodecim horas à mictione plus , vel minus , panno subtili eam percolet , & trajiciat , quo factò videbit in panno remanere innumeros sales rubicundos instar laterum pulveratorum , à quibus provenit urinae rubedo. Hinc miserè errant aliqui , dum visa urina rubicunda , eandem à nimio sanguinis ardore semper proficiunt judicantes , statim clamant pro venae sectione exercenda , ac nihil aliud certè faciunt sanguinem mittendo in similibus casibus , quam febres satis leves , & morbos citò curabiles , reddere inexpugnabiles , & acutos , ac febres facile solubiles , in chronicas , difficile curabiles , & hecticas lethales convertere. Haec urinæ , & linguae connexio in morbis modo jam explicato clare deducitur ex illa Hippocratis doctrina : *Lingua lotium significat, &c.* Diximus plerumque , quoniam aliquando urinæ rubrae cum lingua alba , & viscida , etiam significant sanguinis inflammationem , quod per caetera signa cognoscere oportet , nam si urina fuerit rubra , & aeger in delirium proclivis , aut convulsione prehensus , aut aliis quibuscumque affectionibus inflammatoriis , licet lingua alba sit & spurca nihilominus inflammationem significat.

15 Urinas virides , & lividas adhuc paucis licuit observare in praxi , crediderim propterea ipse similes urinas rarissime apparere; verum si aliquando appareant urinæ virides in principiis morborum acutorum summam significant acidi humoris , præsertim melancolici , exaltationem , ac nimias proinde effervescentias in corpore ab ipso acido inductas , propterea perniciose esse solent , & aegrum male se habere significant. Similiter urina livida magnam significant sanguinis exsolutionem , proindeque ut plurimum est lethalis , proprium enim est coloris lividi in quacumque corporis parte existat mortem significare , juxta illud magni Hippocratis 2. Prognosticorum , sententia 8. dicentis : *Si ungues , ac digitii lividi fiant , expectanda mors continuò est ;* quod confirmat 4. Aphorismorum , sententia 47. ubi ait: *Excreções in febribus non inter-*


## DE URINIS.

II

*termittentibus, lividae, cruentae, foetidae, & biliosae omnes malaæ, &c.* Urinae ergo lividae sunt adeò perniciosæ, vel quia significant extinctionem caloris nativi, vel compagem sanguinis laxari, & particulas ipsum componentes à se mutuo discedere.

16 Tandem urinae nigrae non adeo infrequentes sunt in præxi, ac à partibus tartareis, & faeculentis sanguinis ( vulgo ab humore melancholico ) tinguntur, propterea illis naturis, quibus tales particulae redundant, familiares sunt, & quandoquidem utiles; si mulieribus supprimantur menstrua, & hominibus haemorroydes, ac postmodum urinae nigrae reddantur, indicant tunc faeculentas sanguinis partes, quas per uterum in mulieribus, & per haemorroydes in hominibus natura solita erat evacuare, per urinas excerni, propter quod tales urinae utiles esse solent. Urina nigra in hypochondriacis, & ictericis cum duritie dextri, aut sinistri hypochondrii lethalis est ut plurimum, si minus longum fore morbum significat. Si urina nigra appareat in principiis morborum acutorum, magnam significat sanguinis ebullitionem, vel ut vulgus loquitur, adustionem, proindeque morbum nimis acutum, vel laethalem fore demonstrat; si autem appareat in declinatione, crissim per illam partem significat, & aliquando bonum signum est. Denique si aegro nimis lacesito urina appareat nigra, & perlucida, mortis jam jam advenientis certissimum signum est, quia nigrae excretiones, & lucidae fiunt ab atrabile, quam vocant exquisita, quae semper in aegris mali ominis est juxta illud Divini Senis præceptum: *Morbis quibuslibet incipientibus, si atrabilis superne, vel inferne exeat laethalis.*

*Propterea nos de secundis uenientibus, subuenientibus que nihil de incendiis, neque sublimantiis delictis significantur.*



## CAPUT III.

## DE SEDIMENTO URINARUM.

17 Inspectur in urinis, naturalibus potissimum, sedimentum quoddam album, seu nubecula quaedam instar velleris lanae albissimae, in fundo matulae ut plurimum residens, ex quo signa coctionis à Medicis desumuntur. Hoc sedimentum in sanis portionem crudam chili esse, in aegris verò febre putrida laborantibus, non solum portionem chili crudam, sed & portionem humoris putrescentis in foco crediderunt Antiqui, proindeque coctionem incipere judicabant, dum tale sedimentum in feribus inciperet apparere, coctionem autem perfectam esse dicebant, dum sedimentum esset album, leve, aquale, & in fundo matulae. Ut haec autem melius intelligant Tyrones, scire oportet, hoc urinae sedimentum, quandoque existere in supra urinarum superficie, quod tunc nubes dicitur, quandoque in media aquae licoris parte, & Graecè aeneorema, Latine suspensum nominatur, aliquando, imò & frequentissimae existit in fundo matulae, & sedimentum appellatur.

18 Nunc autem ex qua materia sedimentum fiat, & quid significet breviter exponamus. Arabes Medici sedimentum in hominibus sanis docent fieri ex portione chili cruda, quae non conversa in sanguinem virtute hepatis, cum aqua ejus portione secedit, & cum urina expellitur; in aegris vero febri praesertim putrida laborantibus, nedum ex portione chili cruda jam dicta, effici sedimentum statuunt, verum etiam ex portione humoris (ut ipsi loquuntur) putrescentis in foco, hoc est, ex portione illius humoris calidi, qui praecipuum dat fomitem febri putridae. Haec sententia, si rectè intelligatur, & commode explicetur, non est omnino aspernenda, imò Tyronum captui accommodata, & Praxi Medicae satis congruens. Igitur sedimentum in sanis portionem chili crudam esse, hoc modo intelligere oportet. Cum licor aqueus recta via

Sedimentum partem humorum migrationis et advectionem significat, vix de bilium processu cur exurgit, non rara significari et tendit ad migrationem.

via ex ventriculo in vesicam per primam regionem progradientur, secum arripit, & adducit aliquam portionem alimenti, quae communiter pars est tenuior, & coctioni aptior alimentorum, recteque dicitur portio chili cruda, quoniam majori elaboratione indigeret, ut esset chilus perfectè coccus; inde fit, ut si pluribus ingestis alimentis, & plurimo etiam assumpto potu aliquis paucum transfacto tempore ad mingendum excitetur, prima urina paucum, aut nullum habet sedimentum, idque crudum ac crassum est, caeterae vero urinae, quae progrediente ulterius coctione ventriculi, ejiciuntur, sedimentum habent magis coctum, & copiosum. Ea pars humorum aquae, quae in tota corporis superficie, ejusque vasis minimis existit, dum ad renes progreditur pro urina efformanda, secum defert portionem alimenti chilosii in sanguinem non conversi, neque satis apti ad partium nutritionem. Cum vero febres omnes putridae fomitem suum habere debeant (seu hic fomes cum vera inflammatione, seu tantum cum aestuatione, & calore nimium aucto conjungatur) vel in prima regione, vel in caeteris quibuscumque corporis partibus, talisque fomes igneae sit naturae, inde fit ut vis coquendi alimentum maxime minuatur, humoresque nimia agitatione commoti perturbentur, unde accidit, ut incipientibus his febribus sedimentum paucum, aut prorsus nullum appareat, non quod materia sedimenti non reperiatur in urina, sed quoniam partes alimenti cum portione aquae mixti, propter nimiam agitationem, caliditatem, & perturbationem cum caeteris partibus urinae confunduntur, neque ab illis separantur; progressu vero temporis natura coctionem alimenti iterum suscipiente, ac humorum perturbatione aliquatenus correcta, sedimentum incipit apparere, quod proprieà dicitur in aegris constitui ex portione chili cruda, & ex humore in putredinem prono.

19 Cum vero inspectio urinarum praecipue à Medicis fiat, ut per ipsas signa coctionis, & cruditatis humorum in morbis cognoscere valeant, propterea, quid per coctionem, & cruditatem intelligamus, explicare oportet. Humores nostri corporis, seu sunt alibiles, hoc est ad aliendum corpus proportionati, seu

*Cohesum adiumentum & bile flavo ute;*  
*Liquidum & viscidum, aurum auro ute;*  
*Adiut mortificatio-*  
*Sedimentum sublimum. i. farinum lactale*

sint excrementitii, hoc est, ad nutritionem inepti, ad alios tamen usus naturae congruentes destinati, si suam indolem, quantitatem, & qualitates naturae ordini consentaneas servent, cocti dicuntur; si vero à natura recedant, tum quantitate, tum qualitate, tum ordine, tunc crudi appellantur. Igitur incipientibus morbis acutis à putredine ortis, seu cum ipsa conjunctis, summa adest humorum cruditas, quoniam tenuer illud, atque subtilissimum igneae naturae principium, quod omnes febres procreat, maximam inducit in humoribus disgregationem, aestuationem, & recessum à statu naturali, unde eos maxime crudos reddit: progressu vero temporis, & incremente morbo, cum natura nullo non momento nitatur, humores ad statum sibi convenientem reducere, hinc sit, ut in aegritudinis augmento aliqua jam appareant in excretis signa coctionis. Quod si natura suo robore humorum vitium corrignendo ulterius progrediatur, in statu morborum perfectam coctionem in humoribus observamus, hoc est, perfectam eorum restitutionem ad statum naturae omnino congruentem. Hinc deducitur, quod si in excretis signa coctionis apparent, & haec ulterius procedente morbo non augeantur, aegrum, vel moriturum, vel longo tempore laboraturum indicium est iuxta illud magni Hippocratis: *Coctiones celeritatem, & securitatem judicij ostendunt, cruda enim, & incocta, & in pravos abscessus conversa, aut mortem, aut acrisias, aut morbi longitudinem significant.* Propterea rectè dixit Galenus: se neminem unquam pereuntem vidisse cum bonis signis coctionis. Deducitur etiam, symptomata maxime esse observanda simul cum humorum coctione, nam si haec incipiat apparere, & ulterius progrediatur, ut diximus, atque symptomata sint prorsus morbo convenientia, & appropriata, licet gravia, & vehementia fuerint, tunc de aegro semper bene sperandum, è contra vero si coctionis signa incipiunt apparere, nec ulterius rectè progrediantur, ac symptomata pejora sint, & graviora, quam pro morbi ratione, & naturae viribus oportet, tunc aegrum, vel moriturum, vel longo tempore laboraturum significant. Haec omnia tamen ita intelligenda sunt, ut in morbis tantum à putredine procedentibus

bus vera esse sciamus, nam si malignitas aliqua specialis tunc vigeat, cum signis coctionis humorum moritur aeger, quoniam vitium praeter naturale malignitatis non tam in humoribus, quam in spiritibus suam tragediam exerit. Significant ergo sedimenta, quae in urinis apparent coctionem, vel cruditatem hoc modo; si sedimentum fuerit colore album, superficie leve, & infundo matulae extiterit, tunc significat bonam coctionem, quoniam in homine perfecte sano in quo coctio exactissima est, sedimentum propositas habet conditiones; quod si non extiterit in fundo matulae, neque fuerit leve, sed divulsum, neque colore album, tunc cruditatem significat majorem, vel minorem, prout res istae magis, vel minus recedunt à sedimento sanorum. Haec omnia sequenti capite uberiori exponuntur.

20 Solent quandoquidem urinae quaedam oleosae apparere, quae si sint in aegris febre acuta laborantibus, signum est colliquationis carnium, ac pinguedinis, & consequenter febris colliquantis; si autem in homine sano, febre, aut alio morbo gravi minimè affecto, appareant, morbi gallici indicium esse solent; si in urina hominis acutè febricitantis appareat in superficie pinguedo, instar telae aranearum, aut saevi liquati, signum est magnae colliquationis, & gravissimi morbi; si autem talis pinguedo in hominibus sanis appareat, tunc pravum signum non est; quia in his non significat liquationem, sed potius quoddam sulphur rancidum, & crassum in sanguine redundare, & per urinas excretum, sub forma pinguedinis apparere, idcirco in hypochondriacis, & scorbuticis similes urinas, absque ullo aegri detimento, non semel observavi. Solent etiam in urinae apparere carunculae, veluti capilli, quae in hominibus aegrotantibus renum vitium significare solent, potissimum eorum exulcerationem, juxta illud magni Hippocratis 4. Aphorismorum, sententia 77. dicentis: *Quibus cum urina crassa carunculae parvae, ac veluti capilli una exeunt, iis à renibus excernitur.* Verum si haec filamenta, seu capilli alba fuerint, & homo non aegrotaverit, tunc significant, aut pollutionem nocturnam, aut gonorraeam veram; si autem haec filamenta fuer-

fuerint rubra, concretionem sanguinis in partibus internis indicant, & mictum cruentum superventurum demonstrant.

## C A P U T IV.

*HIPPOCRATICA DOCTRINA DE URINIS  
expenditur, & explicatur.*

**21** **H**ippocratis doctrinam de urinis tamquam verissimam, & praxi medicæ congruam Tyronibus proponendam duximus, ut potè ad morborum naturam cognoscendam apprime necessariam. Galenus sparsim in suis libris, plura scripsit de urinis, non contemnenda. Postea Teophilus, qui Protospatarius dicitur, & vixit saeculo Christi quinto, in compendium redegit, quae ab Hippocrate, & Galeno de Urinis scripta sunt. Demum Actuarius ultimus Graecorum tractatum amplissimum de urinis nobis reliquit, dignum certe, qui legatur ab omnibus medicam artem debite exercere volentibus. Verum cum Hippocrates omnium Medicorum Praeceptor, & Princeps doctrinam de urinis tradiderit, brevitate, utilitate, & veritate adeò commendandam, ut nihil supra, propterea eam Tyronibus tamquam normam certam proponimus, hortantes, ut ipsam memoriae commendent, neque umquam eam oblivioni tradant.

*Urinam autem copia potui respondentem reddere oportet, & semper aequalem, & quam maxime effusam, & ad paulò crassius inclinantem, quam quod potu sumptum est. (a)*

Loquitur Hippocrates de urina, quae in statu naturali mingitur ab homine sano, quae conditiones habere debet in textu propositas, scilicet, quod potui quantitate respondeat, & semper sit similis, & una vice magna copia effundatur, & paulò crassior sit, quam potus assumptus. Si his conditionibus ad-

jun-

(a) Hipp. Praedict. lib. 2, cap. 4. | Chart. tom. 8. pag. 813.

jungas colorēm debitum cum sedimento proportionato, optimas habebis conditiones urinae perfectissimae.

*Si verò fuerit aquosa, & copiosior, quam pro eo, quod bibi imperatum est; significat hominem non obedire, sed copiosore potu uti, aut non posse renutrirri, quandiu talem urinam faciunt. (a)*

Inquit Hippocrates in hoc textu, urinam copiosiorem ipso potu, & summe dilutam, indicare hominem non recta uti victus ratione, unde urinam ejicit copiosam, & crudam. Haec omnia intelligenda sunt de homine alioquin sano, nam si aegrotet, diversa significatio ab hujusmodi urinis deducitur. Unde quid significet urina aqua, & copiosa, in aegris videamus.

*Cum caput immoderatus incaluerit, copiosa urina redditur. Liquatur enim in eo pituita; liquefcens autem partim quidem ad nares, partim ad os, partim etiam per venas, quae ad pudendum ducunt, secedit. (b)*

Igitur in affectionibus catharrosis, de quibus in praesenti textu loquitur Hippocrates, saepissime contingit, ut capite calido, urina copiosa, & aquea ejiciatur. Eam affectionem Medicus colligere poterit partim ex relatione aegrotantis, partim vero ex signis, quae catharrum praesentem demonstrant. Si mile quid accidit illis hominibus, qui caput studiis, nocturnis lucubrationibus, & vigiliis nimis calefaciunt, quibus omnibus, nullum praesidium praestantius est, quam pediluvia ex aqua simplici, aut cum lactuca decocta.

*Epilepticis urinae praeter monem tenues & crudae, si repletio nulla adsit, de instante casu admonent, &c. (c)*

C

Hac

(a) Hipp. loc. cit.

(c) Hipp. Coac. Praenot. lib. 2.

(b) Hippoc. de Morb. lib. 2. cap. 2. Chart. tom. 7. pag. 550.

cap. 3. sent. 5. Duret. pag. 522.

Hac sententia admonemur, eos qui proni sunt ad epylepsiam, facile in ipsam incidere, si urinam ejicient tenuem, & crudam, idque non proveniat à repletione. Admonemur etiam hystericas foeminas, si urinam aqueam, & crudam magna copia ejicient, paroxismum jam proximum spectare debere, quod in quibuscumque aliis morbis convulsivis, ut plurimum eodem modo accidere solet.

*At vero urina cruda jam diu sic reddita, si caetera sint salutaria, abcessum denunciat cum dolore, idque in partibus, quae infra sunt sub diaphragmate. (a)*

Certa est haec sententia prout jacet, nihilque aliud requiriatur, nisi ut Tyrones advertant verba illa, *si caetera sint salutaria*, nam urina tenuis, & cruda, quae longo tempore perseverat, tunc solum abcessum sub diaphragmate venturum significat, cum non adsint signa laethalia, imò potius dominantur in aegro signa salubria.

*In longis febris, exiguis, & erraticis urinae tenues mejendo emissae, lienosae. (b)*

Hac sententia docet Hippocrates cognoscendum esse fomitem febris longae, exiguae, & erraticae esse in liene, atque adeò medicamenta spleni congruentia, tali febri sanandae esse opportuna.

*Quibus urinae pellucidae, & albae sunt, malae, maxime vero si in phreniticis appareant. (c)*

Nullum siquidem vidi ( inquit Galenus ) in quo talis apparuit esset urina, phreniticum servatum, melius enim esset, si quemadmodum totus biliosus morbus est, ita urinae quoque apparent biliosae ; aquosae vero urinae, ejusmodi enim sunt pel-

(a) Hipp. loc. cit. sent. 24. Duret. pag. 507.

(b) Hipp. loc. cit. Duret. pag. 510.  
(c) Hipp. lib. 4. Aphor. sent. 72.

pelluentes albae, maximam ostendunt cruditatem, & praeterea totius bilis flavae motum sursum in caput factum esse denunciant. (a)

*Quibus per febres urinae turbatae quales jumentorum, his dolor capitis, vel adeſt, vel aderit. (b)*

Quoniam Hippocrates in hac sententia de crassis urinis loquitur, comprehendamus nunc in ejus explicazione ea omnia, quae circa urinas crassas oportet ut Tyrone intelligent. Igitur ex urinis crassis, quaedam diutissimè turbatae manent, nonnullae autem, licet crassae mingantur, sedimentum relinquunt crassum statim, quae tardam morbi solutionem significant. Aliae urinae crassae sunt, quae neque statim, neque longo post tempore sedimentum relinquunt, immò potius in tota sua substantia perpetuo turbatae manent. Hae si vires constent, longum fore morbum denunciant, si tamen earum imbecillitas adsit, aegri mortem denotant. Haec doctrina, quae desumpta est ex Galeno (c) certissima est in praxi. Si vero urina crassa fiat in febribus, sitque veluti jumentorum, certe etiam significat capitum dolorem, aut praesentem, aut venturum, quoniam talis urina multum calorem, multumque flatuosum spiritum dominari in corpore demonstrat. Quod si cum tali urina aliquod signum in febre appareat malignum, nedium capitum dolorem, sed & convulsionem, & mortem significat.

*Urina illa optima est, in qua per totum morbi decursum sedimentum est album, leve, aequale, & residet in fundo; haec nimirum securitatem, brevemque morbum significat. Quod si aliquid horum deest, ut modo pura sit, modo album, leveque in ipsa fuerit sedimentum, longiorem morbum, & minus securum offendit. (d)*

C2

In

(a) Galen. Comm. in lib. 4. Aphor. Hippocr. text. 72.

(b) Hipp. 4. Aphorism. sent. 70.

(c) Galen. Comm. in lib. 4. Aphor. Hipp. sent. 70.

(d) Hipp. Prognost. sect. 2. sent. 26.

In hac sententia habent Tyrones optimi sedimenti notas, quippe album debet esse, leve, aequale, & in fundo matulae residere, atque eo magis crudum morbum significat, quo ab his conditionibus magis recedit.

*Si vero paulatim stridat urina, aut medicamentis hominem opus habere significat, aut morbum aliquem circa vesicam habere. (a)*

Stridere urinam, inquit Hippocrates, urinam mingere paulatim, & impellendo, eodem modo quo alvis in tenesmo excernere solet, seu id fiat cum dolore, seu sine illo. Cum igitur urina sic dejicitur, duo significat, aut hominem indigere medicamento purganti, aut morbum aliquem adesse in vesica, vel partibus ei proximis. Contingit aliquando ut ventre nimis repleto urina paulatim emittatur, quod malum, medicamento ventrem exonerante, facile evanescit. Cognoscitur ex ventris repletione procedere urinae paucitatem, partim ex relatione aegrotantis, partim vero ex aliis signis concurrentibus; nam si homo alioquin sanus cibo, & potu nimium se ingurgitaverit, & postea in mejendo difficultatem quandam senserit, medicamento leniente sanabitur, quod in pueris gulae nimium indulgentibus familiare esse solet. Si vero urina paulatim mingatur, idque non fiat à ventris repletione, tunc morbum aliquem circa vesicam adesse necesse est. Morbus autem vesicae, vel partium ei vicinarum potest esse proprius, & peculiaris ipsis partibus, vel fieri propter transmutationem, seu humorum metastasim ex partibus superioribus in regionem vesicae, idque saedulo animadvertere debent Tyrones, nam si partes urinae primario laborent, curatio instituenda est, sin autem per metastasim, tunc curatio eodirigi debet, ut partes primario laborantes corrigantur, urinae autem vitium paucis, aut nullis remediis attingatur. Morbi autem, qui per metastasim in urinae vias transgrediviuntur, sunt dolores colici, & iliaci, affectio flatulenta, quae nunc hypochondriaca dicitur, melancholia per consensum sto-

ma-

(a) Hipp. Praedict. lib. 2. cap. 4. | Chart. tom. 8. pag. 813.

machi , & hypochondriorum , haemorroydes , seu inflammatae , seu fluentes , & alii hujusmodi , quibus addi potest terminatio quazrumdam febrium continuarum epidemice grassantium , quae fit transmissio humore febris in vesicam . In his omnibus attente observandum , num mutatio morbi in partes urinæ fiat cum commodo aegrotantis necne ? nam si primo modo fiat , nihil agendum , quoad urinae morbum ; si vero secundo modo accidat , tunc curatio magna cautela instituenda est .

*At sanguinem mingere , raro quidem , & sine febre , ac dolore , nihil mali significat , sed laxitudinum solutio fit . Si vero saepius mingat , & aliquid ex his accesserit , malum est ; verum praedicere oportet sive cum dolore mingatur , sive cum febre , fore , ut insuper pus mingat . (a)*

Haec sententia verissima est in praxi , & prout jacet est intelligenda , hac unice facta distinctione , scilicet non esse idem sanguinem mingere , ac urinam ejicere sanguineam , nam dum sanguis mingitur , si urina aliquo tempore servetur , sanguinem in fundo vasis deponit , dum vero sanguineum liquidum mingitur , licet urina longo tempore servetur , nihil ad fundum projicit , sed potius totus urinae licor semper permanet sanguineus . Hac facta distinctione textus Hippocratis intelligendus est de urina , in qua vere sanguis ejicitur , non autem de urina mere sanguinea . Si igitur sanguis mingatur , idque non saepius fiat , sed raro , neque tunc febris adsit , neque dolor , significat per renes plenitudinem expurgari , qua evacuatione laxitudo tollitur ; quod si sanguis cum febre , aut dolore excernatur , tunc scire oportet urinam purulentam postmodum esse mingendam . De urina mere sanguinea , seu sanguinis colorem exactè referente , aliter sentiendum , nam si diutius perseveraverit , pravam sanguificationem significat , eamque ex male affectis hypochondriis provenire . Videndus Marcianus , qui Hippocratis mentem hac de re optimè explicavit . (b)

(a) Hippoc. Praedict. lib. 2. cap. 4.  
Chart. tom. 8. pag. 813.

Hipp. sect. 4. sent. 75. & in lib. 2.  
Praedict. sect. 1. vers. 138.

(b) Marcian. Comment. in Aphor.

# TRACTATUS II.

## DE PULSIBUS.

### C A P U T I.

#### DE ESSENTIA PULSUS.

**I**Nter signa , tum statum sanum , tum morbosum demonstrantia , recte enumeratur pulsus. Galenus libro quarto *de Differentiis Pulsuum* capite secundo , longe persequitur omnes pulsus diffinitiones , quae à Medicis ipso anterioribus traditae fuerunt , & postquam eas discussit , & longo sermone declaravit , tum demum suam pulsuum diffinitionem his verbis proposuit : *Aetio praeципue cordis, deinde arteriarum, quae dilatatione, & compressione moventur a facultate vitali, ut caloris nativi mediocritas conservetur, & generentur in cerebro spiritus animales.* Haec Galeni diffinitione , seu potius descriptio pulsuum exactissima est , nam sub se comprehendit essentiam rei , ejusque causam efficientem , instrumentalem , & finaliem . Igitur pulsus essentialiter est actio cordis , & arteriarum , non quaelibet , sed illa tantum , quae dupli oposito constituitur motu , scilicet dilatatione , & compressione . Causa efficiens horum motuum est , facultas vitalis hoc est vis vitae , quae in corde , & arteriis praesertim effulget . Ipsum cor , & arteriae sunt causae instrumentales pulsuum , hoc est , sunt instrumenta , quibus facultas vitalis exercet actionem pulsificam . Denique causa finalis pulsuum consistit in conservatione mediocritatis caloris nativi , & in generatione spirituum animalium in cerebro , quia isti sunt fines quos natura intendit per actionem pulsus . Si igitur Tyrones ex physiologicis intelligent , quid sit calor nativus ex mente Galeni , & in quo consistat ejus mediocritas , si scient etiam quid sint spiritus animales , & ad quos usus

usus destinentur ; si denique ex anatomicis calleant struc-  
turam cordis , & arteriarum , invenient certe diffinitionem  
pulsuum à Galeno adductam , esse omnibus numeris absolu-  
tam.

2 Recentiores vero , licet convenient cum Galeno in esen-  
tia pulsus constituenda , sicut etiam in instrumentis , quibus  
dilatationis , & constrictiois motus peraguntur , non tamen  
aeque congruunt in causa finali stabilienda , nam eos motus  
fieri statuunt non ad mediocritatem caloris nativi confér-  
vandam , sed ad efficiendam , & promovendam sanguinis cir-  
culationem , in qua , & vitam , & calorem nativum , & ho-  
minis conservationem consistere diffiniunt . Verum id velim Ty-  
rones notent , Galenum , ejusque sectatores minime inter se  
dissentire , quoad causas finales pulsuum , imò unanimi con-  
sensu statuere , mediocritatem caloris nativi conservari per mo-  
deratam refrigerationem inductam praecipue ab aere , nam à  
nimia frigiditate calor obruitur , atquè si nulla adsit frigi-  
ditas , omnino suffocatur . E contra Neoterici in his assign-  
nandis adeò vagantur , ut summa inter ipsos discordia ap-  
pareat . Alii namque circulationem sanguinis unius horae spa-  
tio plusquam sexages celebrari , alii trigintaquatuor vici-  
bus unius horae spatio absolvi credunt , alii ter tantum unius  
horae spatio , & septuages & bis intra vigintiquatuor ho-  
rarum terminum sanguinis circulum peragi credunt . Neque  
in eo tantum homines isti variant , sed in assignanda san-  
guinis quantitate , quae singulis dilatationibus cordis in ejus  
ventriculos ingreditur , mire inter se distant . Ne quid memo-  
rem de summa ipsorum Auctorum discrepancia in his legi-  
bus stabiliendis , quas sanguis in sua circulatione peragen-  
da observare creditur . Michellotus suas posuit regulas , eas  
impugnavit Robinsonius ; hunc vicissim destruere conatus est  
Morgagnus , eosque omnes novissime Senacus nimis acerbè  
persequitur . Quid igitur faciendum in tanta opinionum va-  
rietate ? Mihi credant Tyrones , & in Medicina perpetuo an-  
te oculos habeamus magni Hippocratis effatum : nihil temere  
affirmandum , nihil contemnendum ; sequamur igitur nunc  
Galeni diffinitionem , quae simpliciter nobis naturae opera-

de-

demonstrat, & circa Neotericorum hac de re opiniones judicium nostrum suspendamus, donec meliora dies. Sed quoniam respiratio magnam affinitatem habet cum pulsū, aliqua nunc de ea Tyronibus proponamus. Igitur in respiratione thorax dupli motu dilatationis, & contractionis movetur, ut dilatatione aerem trahat, & contractione expellat. Propterea ad diversos motus peragendos, diversis etiam gaudet instrumentis, nam certi musculi cum diaphragmate thoracem elevant in dilatatione, atque alii ipsis oppositi per actionem contraria operantur in contractione. Hos omnes musculos, eorumque situm, & operandi modum facile quisque poterit ex anatomicis intelligere. Quid secum deferat aer ad vitam sustinendam adeò necessarium, ut ne quidem momento temporis vivere homo possit sine respiratione, omnino adhuc incomptum est. Galenus propter frigiditatem necessarium esse aerem statuebat; ex Neotericis aliqui nitrum quoddam finixerunt in aere necessarium ad sanguinis circulum promovendum; alii autem non nitrum, sed vim elasticam in eo reperitam, judicarunt esse necessariam ad vitam hominis conservandam, sed figura haec jam penitus obsoleta sunt, neque refutatione indigent. Nos igitur censemus respirationem propter duos usus esse à natura institutam; primo ad sustinendum commercium inter spiritum vivificum corporis humani, qui in corde, & cerebro potissimum residet, & spiritum in aere existentem, qui à Coelo & Astris ipsi communicatus necessarius est sustentandae plantarum, & animalium vitae; secundo propter attemperationem nimii caloris in corde, & sanguine accensi, nam per certissima constat experimenta, aerem plus justo calidum ad respirationem non deservire, imo aliquando vehementem, & subitam suffocationem inducere. Igitur pulsus, & respiratio in unum, eundemque finem collimant, scilicet in mutuam communicacionem interni, & externi spiritus, atque in moderatam attemperationem nimii caloris nostri corporis,

## CAPUT II.

## DE DIFFERENTIIS PULSUUM.

**N**ihil ergò utilius in praxi, quam omnes pulsuum differentias praescire, eorumque praesagia; adeò enim invaluit usus apud nostrates Medicos pulsum pertractandi in morbis, ut nullus sit et si exiguus, in quo aegri non cupiant pulsum à Medicis explorari; ac licet ab antiquissimis Medicis non fuerit in usu, à nostris tamen propter maximam, quae exinde sequitur utilitatem, sedulò pertractatur. Tot differentias tradidit Galenus, ut plures libros eis adnumerandis insumpserit, cuius vestigia sequentes plures ex antiquis Medicis multas, ne dicam innumeratas, & certè incomprehensibiles pulsuum differentias tradiderunt, at contra eos insurgit Joannes Baptista Montanus asserens: impostores esse eos, qui plusquam sex differentias pulsuum in praxi agnoscent. Nos tamen ordinem naturae insequentes eas tantum differentias pulsuum trademus, quae in praxi quotidiè observantur, & Tyronibus capti faciles fiunt. Sunt ergo pulsus magnus, & parvus; celer, & tardus; vehemens, & languidus; durus, & mollis; frequens, & rarus; aequalis, & inaequalis. Pulsus magnus tria debet habere, ut sit absolutè magnus, id est, debet esse longus, latus, & altus, sicut pulsus parvus debet esse brevis, angustus, & humilius. Cognoscitur pulsus magnus cum applicata manu, arteria extenditur quoad longitudinem ad tres, vel plures digitos, & quoad latitudinem adimplet omnem pulpam digitorum, quoad altitudinem tandem gibosa apparet arteria. E contra, cognoscitur pulsus parvus, cum arteria penes longitudinem ad unum tantum digitum extenditur, penes latitudinem digitorum pulpam parum implet, & adeò humilius est, ut in altum fere nequeat elevari. Haec intelligentia sunt comparatione facta ad pulsum mediocrem, sive ad pulsum ejusdem hominis, dum sanus esset, pluribus enim commune est pulsum ex natura sua parvum, & humilium in statu sanitatis habere, ut pueris, & foeminis familiare.

4 Pulsus celer ille dicitur , in quo arteria celeriter , & concitatè movetur , tardus verò dum arteria nimis tardè , & exsolutè decurrit. Pulsus vehemens est qui violenter ferit , & impellit tactum , languidus verò qui tactui remisè , imbecilliter , & citra violentiam occurrit ; ideo ad cognoscendum pulsū vehementem necessum est manum fortiter applicare , nam cum hic viribus robustis semper fiat , tangentis manum , et si fortiter comprimentem , facile impellit. Pulsus durus ille dicitur , in quo arteria veluti rigida , & tensa instar corii tactui sese offert , mollis verò dicitur in quo arteria suavis , & quasi carnea tactui apparet. Pulsus frequens est ille , in quo arteria inter utrumque motum parum quiescit ; rarus ille , in quo arteria multum detinetur in quiete. AEqualis est ille , cuius pulsationes proportionem servant adinvicem ; inaequalis est ille , cuius pulsationes , aut ordinem , aut proportionem non servant. Explicatis differentiis pulsuum aliqua nunc offeruntur dicenda ad praxim pertinentia ex ipsa pulsuum cognitione desumpta. Licet pulsus magnus à vi-  
rium robore fere semper procedat , tamen quandoquidem fallax esse solet , saepè enim accidit , ut cum pulso magno aegri cito moriantur , potissimum in morbis pectoris dum magna adeat spirandi difficultas , qua instantे cum pulsū magno suffocantur aegri , sic accidit aliquando in pleuritide , asthmate , peripneumonia , &c. Similiter licet pulsus parvus vi-  
res debiles frequenter supponat , tamen aliquibus morbis est adeò familiaris , ut saepè appareat aegro satis robusto , sic in magnis , vehementissimisque partium internarum doloribus pulsus parvi fiunt propter impedimentum arteriae motum , ob nimiam solidorum crispaturam toto membranoso sistematici à parte dolente communicatam , quapropter ne terreatur Tyrone in praxi , si doloribus incipientibus pulsus parvi statim fiunt. Eodem modo in iis , qui ventriculo debiles sunt , pulsus parvi fieri solent ob magnum stomachi cum corde consensum. Nec pulsus celer confundendus est cum frequenti , facile enim distinguntur , quia pulsus celer semper fit viribus robustis existentibus , pulsus autem frequens ipsis debilibus , quapropter celeritas illa , quae apparere videtur in

moribundis in pulsu , non est celeritas , sed frequentia.

5 Tandem solum restat , ut aliquas peculiares differentias pulsuum in praxi quotidie occurrentes , breviter percurramus . Pulsus intermittens , aut alio nomine intercurrrens , est ille , in quo arteria post duas , aut tres pulsationes in totum quiescit , ac postmodum iterum pulsans post duas , aut tres secundo quiescit , & sic deinceps . Fatalis est talis pulsus in morbis acutis , asserit enim Galenus nullum vidisse servatum ex his , qui pulsum intermittentem habuerunt , quod quotidiè experiuntur Medici in morbis acutis ; verum in morbis chronicis apparet aliquando absque ullo periculo , potissimum in pueris , & senibus , in quibus talis pulsus apparere solet sine imminenti discrimine . Pulsus formicans est ille , qui adeò exigue pulsat , ut motum formicæ aemuletur ; familiaris est mortui jam proximis , quia à viribus nimis postratis procedit .

### CAPUT III.

### DOCTRINA GALENI DE PULSIBUS expenditur , & explicatur .

6 **H**ippocrates pauca de Pulsibus scripsit . Medici autem qui post Hippocratem , usque ad Galeni tempora floruerunt , de pulsibus multa tradiderunt , quae temporum perierunt transcurso , qualia sunt Erasistrati , & Archigenis scripta , quos Galenus longa oratione saepè reprehendit , neque de eorum placitis quidquam nobis notum esset , nisi Galeni diligentia plura essent eorum conservata fragmenta . Galenus vero tam longe de pulsibus tractavit , ut sexdecim libros de ipsis conscriperit . In ejus tractatibus de Pulsibus plura certe sunt notata dignissima , plura etiam scitu necessaria , plurima demum adeò subtiliter exagitata , ut ad Philosophiam potius , quam ad Medicinam pertinere videantur . Cum tamen Galenus ipse videbit , doctrinam de pulsibus nimis longa , & difficile oratione tractasse , in gratiam Tyronum in compendium redegit ea omnia , quae sparsum in longis tractatibus posuerat , & fraxi Medicæ congruentia esse poterant . At recentiores pauca

notatu digna hucusque attulere de pulsibus, nam Bellinus, qui hac de re caeteros excelluit, rationes potius suo systhematico congruas, quam observationes ex naturae penu deductas assert. Propterea Galeni vestigia sequentes, ea quae in libro *de Pulsibus ad Tyrone*s adduxit, tamquam praxi utilia saeculo persequamur.

*Sanè frequenter tangenda arteria est, praesertim hominis integræ sanitatis praediti, atque vacui omnis vehementis motus, jam vero, & caeteris in statibus. (a)*

Omnis pulsus differentia, quae à statu sano recedit, cognoscenda est per recessum ab illa mediocritate motus, quae humanae naturae in universum competit. Cum vero in quolibet homine determinato peculiaris adsit idiosincrasia, vi cuius mediocritas motus in illo determinatur, necesse est, ut Medicus quantum fieri possit, nedum naturam communem agnoscat, sed etiam particularem, & uniuscujusque propriam, & per arteriae tactum in statu sanitatis intelligat, qualis sit in unoquoque mediocritas, ut sic melius, assequi recessum ab illa mediocritate, in quolibet individuo, valeat.

*Viri mulieribus pulsus ferè habent longè tum majorem, tum vehementiorem, paulò tardiorem, satisque rariorem. (b)*

Veritas hujus sententiae observatione comprobatur, & fortassis pulsus in viris vehementiores sunt, quam in foeminis propter majus virium robur, & rariores quoniam usus, & finis pulsus in viris completur per magnitudinem, & vehementiam; in mulieribus vero per majorem celeritatem.

*Calidi natura multo habent majorem celeritatem, crebriorem, vehementiorem non item multo. Graciliores majorem, rarioremque multo, vehementiorem paulò. (c)*

(a) Galen. *de Pulsib. ad Tyrone*. cap. 9.  
Chart. tom. 8. pag. 4.

(b) Galen. loc. cit.  
(c) Galen. loc. cit.

Loquitur hic Galenus de his, quae communiter contingunt, namque homines nimium calidi graciles esse solent, pulsusque habent aliquantulum celerem, attamen non nimium vehementem, quia in ipsis robur facultatis, seu ut Neoterici loqui amant, fibrarum vis non nimis valida est. Hinc advertere oportet, non esse idem fibram tensam, ac robustam, nam si siccitas vigeat, fibra tensa est, & quandoque cum ea tensione debilis, unde in praxi videmus homines biliosos, & graciles pulsus aliquantulum tensum habere, non tamen vehementem. Multo magis id experimur in his, qui ob duritatem ventris marcescunt, in quibus pulsus tensus, & vibrans est cum magna debilitate.

*Porrò pro aetatibus hoc pacto immutantur. Infantis pulsus cerebrimus est; rarissimus senis; omnes, qui inter hos intercedunt, proportionem servant, prout, vel ad puerum, vel ad senem, proprius accedant, celerrimus item pueri pulsus, senis tardissimus. (a)*

Quae refert in hoc textu Galenus, certa quidem sunt, & practicis observationibus congrua, eorum tamen rationem reddere haud facile. Crediderim ipse spiritum subtilissimum, quo corporeae operationes instrumentaliter efficiuntur, circa initia sui motus summè esse mobile, & elasticum, atque adeò ad celeres motus peragendos apprime proportionatum; cum vero aetatum progressu magnas subeat mutationes, quibus vis ejus elastica minuitur, tum propter dissipationem, tum propter consumptionem, & exsiccationem ejus nativae humiditatis, inde fit, ut accidente senectute, tardiores fiant motus, ad modum quo in arboribus observamus, quae, dum tenerae sunt, & suae origini proximae, multum virtutis elasticae possident, ipsis autem ob senectutem marcescentibus, languidos, & fere nullos habeant motus.

*Praegnantium majores, crebriores, celerioresque pulsus sunt.  
Praeterea nihil mutatur. (b)*

(a) Galen. loc. citat.

I (b) Galen. loc. cit.

## TRACTATUS II.

Non male Galenus statuit, pulsus praegnantium majores, & celeriores esse, quoniam gravida mulier non sibi soli respirat, & pulsat, sed etiam haec efficit propter foetum. (a)

*Jam somni etiam sunt, si quid aliud, secundum naturam, qui & ipsi variant pulsus; dum incipiunt, minores, languidores, tardiores, rarioresque reddunt.... Qui expurgisuntur, è vestigio pulsus magnos, vehementes, celeres, crebros, & cum quadam vibratione habent: qui mox mediocritatem affequuntur.* (b)

Mireris certè Galeni industriam in pulsuum differentiis annostandis, quippè ea, quae de somni pulsu afferit, certissima sunt. Mireris etiam, dum observations tradit de pulsibus, qui correspondent cuicunque temperamento, sicut de his, qui apparent in exercitiis, in balneo tum calido, tum frigido, in diversis anni tempestatibus, in naturae mutationibus ex obesitate in gracilitatem, aliisque hujusmodi hominis statibus, quorum pulsus prout cuicunque confert graphicè, verèque describit. Nec omittit pulsus mutations, quae ex cibo, & vino procedunt, quemadmodum alterationes, quae animi passionibus, ira videlicet, laetitia, tristitia, & timore continentur; quae omnia Tyrone in Galeno ipso videre, dum ipsius per otium liceat, oportet.

*Dolor, qui quidem variat pulsus, ( variat autem ingens, aut qui principes partes tenet, ut etiam inflammatio) dum parvus est, atque initio, pulsum edit majorem, vehementiorem, celeriorem, crebriorem. Auctus vero jam, & admodum validus, ut etiam vitalem contentionem offendat, minorem, languidorem, celerem, crebrum.* (c)

In omni dolore excitatur natura ad avertendam causam ipsius productivam, unde aucto naturae conamine, augetur etiam

---

(a) Galen. de Caus. Puls. lib. 3. cap. 8. Chart. tom. 8. pag. 211. (b) Galen. loc. cit. (c) Galen. loc. cit.

etiam pulsus, & magnitudinem, ac vehementiam acquirit; si vero ejus conatus irriti fiant, & causa doloris naturam gravare pergit, tunc pulsus parvi, & languidi fiunt. Ex hac Galeni doctrina duo deducuntur in praxi pracepta Tyronibus utilissima. Primum est, in quocumque, dolore si pulsus ex magnitudine in parvitatem transeant, aegri vires maximè debilitari; quod si ab initio doloris jam pulsus parvi fiant, unum ex duobus significat, aut partem summe sensibilem laborare, quale os ventriculi esse solet, aut materiam aliquam malignam esse causam doloris. Secundum est, has pulsus mutationes, quae in dolore contingunt, reperiri etiam in quacumque alia molestia nimis sensibili, ut in anxietate, inquietudine, aliisque similibus, in quibus supradicta omnia verificantur in praxi.

*Inflammatio habet omnis communem pulsum, veluti ferrantem; ut alia pars attolli arteriae, alia non videatur, quum illa scilicet videatur durior. Habet etiam vibrationis aliquid hic pulsus, ac celer quidem, & creber est, non perpetuò magnus tamen. At singulis est suus proprius.* (a)

Igitur in omni inflammatione pulsus est durus, & veluti serratus, varius tamen quoad magnitudinem, & parvitatem, nam in quibusdam inflammationibus magnus esse solet, in aliis autem parvus; celeritatem vero in omnibus habet inflammationibus. Jocantur quidam, quoniam pulsum serratum nullibi existere credunt, sed falluntur, quoniam nemo est, vel in praxi mediocriter, vel naturae operibus attentus, qui tales pulsum frequenter non videat in pleuride, peripneumonia, aliisque quarundam partium internarum inflammationibus.

*Pleuriticorum celer pulsus est, & creber, nec admodum magnus, videtur etiam vebemens esse..... Simili modo illa inaequalitatis species, quae serrantis imaginem praebet in pri-*

*mis*

(a) Galen. de Pulsib. ad Tyron. cap. I 12. Chart. tom. 8. pag. 8.

*mis, pleuritidis proprium est signum, si remissa est, mollis, & probè maturanda, si verò magna, difficultis, & admodum cruda pleuritidis. (a)*

Pulchra quidem praecepta proponit Galenus in explicatione hujus sententiae, (b) etenim magna pleuritidis cruditas ex pulsu multum serratili deducitur, si vero haec pleuritis nimium cruda cum viribus debilibus conjugatur, mortem inducit, si autem cum facultate fortiori, aut morbum longum, aut insuppurationem vertendum demonstrat. Rursus si procedente pleuritide, pulsus in magnam crebritatem, aut frequentiam, mutetur, signum est syncopis, aut peripneumoniae venturae, si vero morbo crudo existente, neque sputo procedente secundum rationem, pulsus in tarditatem veniant, delirium, aut soporem venturum indicant.

*Peripneumonicorum magnus est pulsus, & languidus, mollisque, velut lethargicorum pulsus, nisi quatenus praepolleat inaequalitate..... Lethargicorum pulsus similis peripneumonicorum est magnitudine, imbecillitate, mollitie; sed eo est tardior, rariusque, ac minus inaequalis, intermittens potius quam intercurrrens. (c)*

Peripneumonia quandoque aliquid pleuritidis admixtum habet, tumque non pulsus absolutè molles, sed minus duros, quam in pleuritide facit. Pulsus lethargicorum in hoc textu adeò accuratè à Galeno describuntur, ut nihil supra. Notare tantum hic convenit, in omni peripneumonia semper aliquid comatosum adesse, si vero parum comatis adest, pulsus crebri sunt, si verò in magnum soporem morbus vergat, tunc pulsus tardi fiunt.

*Phreniticorum parvus pulsus est, (rariissime autem conspectus est magnus esse) & contentus est modice, durus, & nervosus*

(a) Galen. loc. cit.

(b) Galen. de Caus. Puls. lib. 4.

cap. 8. Chart. tom. 8. pag. 224.

(c) Galen. loc. cit.

*sus est, valde est celer, & creber; habet praeterea non nibil undosi, interdumque, vel subtremere tibi videbitur, interdum etiam praecisus cum convulsione quadam. (a)*

Quos Galenus in phrenitide vocat pulsus duros, & nervosos, Coelius Aurelianus densos appellabat. Igitur incipiente phrenitide tria haec necessario contingunt, vigilia pertinax cum dolore capitis; pulsus parvi, celeres, nervosi, densi; & febris acuta cum paucō calore, seu ut loquitur Coelius Aurelianus, febris difficile ad superficem corporis ascendens.

*Orthophnoea acuta inaequalem, & inordinatum pulsum habet, & nonnihil deficientem, quae mediocriter est gravis, crebrum, quae violentissima, tardum, & deficientem, quae jam perimit hominem, crebrum, & languidum. (b)*

Orthophnoeam Graeci dicebant eam affectionem, in qua aegrotantes non nisi erecta cervice respirare possunt, quae dum vehementissimā est, pulsus reddit tardos, quod velim Tyrones notent, ne in pectoris morbis fallantur, dum bonum pulsū videntes, aegrū moriturū, non ita gravatum, credant.

*Stomachus inflamatus ita mutat pulsū, ut corporis nervosi, diximus, pulsū solere.... Si vellicationes, vomitus, naufragia, singultus, aut langor in ipso, non solum parvum, & languidum efficiunt pulsū, interim etiam modice celerem, verum & admodum crebrum. (c)*

Igitur stomachi inflammatio pulsū efficit similem pulsū phreniticorum. Langor vero, vomitus, singultus, aliaque hujusmodi oris ventriculi sympthomata, pulsū parvum.

Supererat nunc Tyronibus proponere alias pulsus differentias, quae in Medicorum libris, Galeni praesertim traduntur, qualis est pulsus dicrotus, capriscans, vermicularis, miurus,

(a) Galen. loc. cit.

12. Chart. tom. 8. pag. 134

(b) Galen. de Puls. ad Tyron. cap.

(c) Galen. loc. cit.

alique hujusmodi. Verum cum hae pulsuum differentiae non satis observatione constent, imo, & sint gravissimi Autores, qui eas differentias, tamquam futilis, & vanas rejiciunt, proinde ab earum explicacione abstinere consultum duximus, imo negari non posse fatemur, Galenum plurima, quae de his pulsuum differentiis tradidit, ingenio potius Philosophico, quam observatione Medica fuisse affectum.



# PHARMACIA GALENICO-CHYMICA AD TYRONES.

## C A P U T I.

### *D E M E T H O D O M E D E N D I.*

**I**Methodus medendi est via rationalis, qua Medicus mentem suam dirigit ad curationem morborum efficiendam. Duo tantum sunt principia, quibus Medicus dirigitur in morbis curandis, scilicet experientia, & ratio, ea tamen lege, ut experientia primum, praecipuumque debeat obtinere locum, & ratio ipsi experientiae debeat subjici. Experientia est cognitio rationalis ex experimentis, & observationibus deducta, quapropter si observations, & experimenta fiunt exacte, uti fieri debent, experientia prorsus infallibilis est; quod si Medici quandoque inter se dissideant, & quilibet pro se stare experientiam asseveret, credendum est ipsorum aliquem in experiendo non fuisse exactum, quod

CUBI

cum frequenter contingat inter Medicinae Professores, proinde curare debent quam maximè Tyrones, ut experimenta, & observationes recte, debiteque exerceant, ut inde veram consequantur experientiam. Quae igitur sint advertenda in exercitio sensuum ad debitas obseruationes adipiscendas, quae etiam vitanda, & cavenda, longè exposuimus in Logica, & in Praefatione ad Hippocratis Prognosticum, quam lingua vernacula edidimus. Ratio, quae alterum est fundamentum methodi medendi non debet esse Philosophica, neque geometrica, hoc est, neque vulgaris Philosophiae Principis stabilita, neque geometricis demonstrationibus fundata, nam haec omnia ad ornatum potius, & ad mentem aliquo modo illustrandam conducunt, quam ad morbos sanandos; propterea ad medicinam faciendam requiritur ratiocinatio ex ipsa experientia, tamquam fundamento, deducta, adeò ut quæcumque rationes quantumvis subtiles fuerint, si cum experientia non cohærent, vel ab ipsa dissentiant, prorsus inutiles, & vanæ censenda sint. Medendi methodus dividi solet in universalē, & particularem. Dicitur methodus universalis, quae regulas in universum praescribit ad omnes morbos sanandos; particularis ea est, quae circa morbos in particulari versatur. In methodo universalī certae proponuntur regulæ, quae tamquam axiomata habentur. Sic dicitur in universum, omnem morbum esse tollendum, contraria contrariis debere curari, aliaque hujusmodi proponuntur, quae parvi sunt momenti ad medicinam, nam ipsis lipis, & tonsoribus lumine naturae patent, & prorsus inutilia axiomata, vanaque sunt. *Quis enim est, qui nesciat, calida frigidis, frigida calidis amoveri? Quis adeò rudis est, ut morbum auferendum esse non judicet?* His accedit, quod methodus medendi semper circa particularia versatur, ex ipsis autem particularibus probè observatione notatis, generales deducuntur notiones experientiae congruae, & ad medendum utiles. Exempli gratia, nostra methodus medendi semper versatur circa Petrum, Joannem, vel Franciscum in particulari, attamen in natura humana quaedam sunt leges, quae ipsis universaliter convenient, ut cibos concoquere ad nutritionem, excrementa expellere, salivam spuere, la-

erymas effundere , aliaque hujusmodi , quae exactè in quolibet homine particulari notata , deserviunt ad regulam generalē efficiendam ; sunt aliae leges speciales naturae in quolibet individuo , quae ipsi adeo peculiariter inhaerent , ut in aliis non reperiantur. Hae igitur leges particulares ad methodum speciale tantum conducunt , at cognitio aliarum legum naturae universalium ad methodum medendi generalem maximè confert.

## C A P U T II.

## DE INDICATIONIBUS.

**I**ndicatio in Scholis communiter diffinitur : *Comprehensio rei juvantis , simul cum comprehensione nocentis , sine experientia , & analogismo.* Haec diffinitio nedum pessima est , sed medicinae progressibus omnino opposita , nam quae comprehensio rei juvantis , & nocentis esse potest in Medico sine experientia , & analogismo , cum potius omnia , quae Medicus in exercitio artis solidè cognoscit ab experientia necessario manare debeant ? Imò si tota praxis , quoad curationem attinet morborum , in indicationibus recte instituendis innititur , quid quaesio distinguet Medicum juvenem à sene , expertum ab inexperito. Certè , si ea diffinitio valet , Medicus experientia defititus indicationes aqua rectitudine instituet , ac Medicus longa annorum serie in artis exercitio versatus , quo nihil potest absurdius excogitari. Accedit , quod quaecumque ab Hippocrate dicta sunt , & solidis experimentis stabilita , in Medica arte prorsus inutilia forent ad indicationes rectè dirigendas , si indicatio experientiam excludere debeat. Concludendum igitur est indicationis ideam , quae in proposita diffinitione comprehenditur esse falsam , verae medicinae adversam , ipsiusque progressibus oppositam. Quid tamen Medicos impulerit , ut eam in Scholis fere communi consensu acceperint , paucis attingam. Indicatio à Graecis *Endeixis* dicitur , cuius vocis nec mentio quidem habetur in universis magni Hippo-

eratis operibus , neque de indicationibus ulla mentio habeatur in Medicis Graecis Galeno antiquioribus. Galenus vero, magni ingenii vir , cum Romam temporibus Adriani appulisset , & Medicorum tunc in Urbe aeterna degentium sibi invidiam comparasset , summa gloriae cupiditate inductus, aduersus eos strenue pugnare coepit. Cum vero per illud tempus Medici fere omnes ( paucis methodicis exceptis ) experientiam pro fundamento Medicinae haberent , idque negare non posset Galenus , modum sibi finxit , quo Medicos tunc vigentes oppugnaret , invenitque novam indicationum doctrinam , ipsis prorsus incognitam. Intendit igitur Galenus Medicum debere comprehendere res juvantes , atque nocentes in morbis per meram Philosophiam , independenter ab omni experientia. Sic statuit lumine naturae constare axioma illud: omnem morbum esse tollendum , seu postulare sui ablationem , sicut & contraria contrariis esse tollenda , calida frigidis , & frigida calidis esse oppugnanda , aliaque huiusmodi in antecedenti capite propofita. Sed quid insulsius excogitari potest? Nam haec omnia , quae Galenus per meram Philosophiam vult adipisci , certe per solam experientiam homini innotescunt ; nam unde scirent unquam homines , contraria contrariis , & frigida calidis esse tollenda , nisi id experiendo didicissent ? Neque ignem urere , neque aquam infrigidare unquam noviscent , nisi ipsis per varia tentata experimenta notum esset ? Igitur ea , quae Galenus axiomata vocat Philosophica , regulae sunt experimentales , ab experientia scilicet universalis , constanti , perpetua , & immutabili , deductae. Et quid utilitatis , quae nō adducerent haec axiomata , etiam si essent philosophica , cum circa res juvantes , & nocentes in morbis particularibus nihil edoceant. Qui igitur Galeni librum legere voluerit de optima secta ad Thrasibulum , & libros Methodi Medendi ad Hieronem , & libellum de Praecognitione ad Posthumum , facile cognoscet , Galenum non ex animi sententia , neque veritatis amore impulsum , eam tradidisse doctrinam de indicationibus tam longe discussam , sed potius novitatis , & gloriae impetu eam tractationem composuisse. Igitur indicatio , prout Tyronum instructioni congruit , diffinienda est: Com-

*prehensio rei juvantis, simul cum comprehensione nocentis, ab experientia, & ratiocinio.* Fundamentum verae indicationis debet esse experientia, & ratiocinium cum experientia coniunctum. Igitur Tyrones, ad indicationes recte instituendas, ante omnia morbum debent agnoscere, ipsius causam quantum fieri possit inquirere, aegrotantis naturam, temperamentum, mores, actiones attentè observare, anni constitutionem, aetatem pacientis, ejusque consuetudines inquirere, hisque omnibus per experimenta sedulò instituta animadversis, tum demum indicationes recte instituent, atque adeò quid juvare, quid nocere aegro possit, optimè invenient. Hinc deducitur, ratiocinium requisitum ad indicationem non debere esse Philosophicum, sed experimentale, hoc est, non debere inniti principiis Philosophicis, sed fundamentis ab experientia deductis, quemadmodum longè explicuimus in Praefatione ad Librum Prognosticorum Hippocratis, quam Tyronibus legendam, si per otium liceat, maxime commendamus.

3 Quoad differentias indicationum attinet, mihi credant Tyrones, Galeni asseclas in his afferendis nimis longos esse, cum revera quaecumque de his tradunt, nimis generalia sint, & praeceos exercitio prorsus inutilia. Quid enim, quae, conferre potest, agnoscere indicationem aliam esse genericam, aliam specificam, aliam conservatoriam, aliam curativam; caeteraque hujusmodi à Senerto, ejusque transcriptore Riberio tam longè discussa? Quid etiam sibi volunt ea, quae de indicantibus, eorumque conditionibus, & ea omnia quae de indicatis, indicantibus, & contra coindicantibus ab ipsis auctoribus traduntur, quam tempus, rem pretiosissimam, inutiliter consumere? Ea igitur Tyrones prorsus ejificant, ipsaque, autument, verba esse otiosorum senum ad imperitos juvenes. Igitur una tantum est indicationis idea scilicet cognitio rei, quae juvare potest ad salutem, tum conservandam, tum acquirendam. Haec cognitio semper versatur circa particularia, quia experimenta, quibus innititur, ex rebus particularibus semper deducuntur, scilicet ex morbo determinato, ex tempore anni certo, ex subjecto particulari,

&amp;

& sic de aliis. Quod si in mente Medici cognitio adsit applicabilis multitudini hominum, ea certè ex observationibus particularibus conflata est. Si vero in praxi quaedam occurrant facienda, quae inter se videantur opponi, tunc urgentiori succurrendum esse, re minus urgenti non neglecta, quantum fieri possit, ipsa ratio naturalis apertissimè dictat. Exempli gratia, sit aeger difficultate respirandi adeò correptus, ut fere suffocari videatur, simulque languore ventriculi adeò maximè labore, ut à quacumque evacuatione pronus sit in syncope. Tunc Medicus debet sanguinem mittere, ut imminentem suffocationem avertat, quae urgentissima est, simulque langorem ventriculi non spernat in mittendo sanguine, quod efficiet paucam sanguinis quantitatem educendo, ipsamque evacuationem alternis vicibus, & roboratis viribus, si opus fuerit, repetendo. Cum vero quaecumque res, ut bene dispositae sint, debitum ordinem in agendo postulent, proinde in morborum curationibus sedulò attendere oportet, quid prius, quid posterius agendum conveniat, & quae nam operatio antecedens, quaenam consequens esse debeat. Exempli gratia si simul adsit necessitas mittendi sanguinem & expurgandi humores, prius debet Medicus sanguinem mittere, quam expurgare. Haec omnia, aliaque hujusmodi, quae in praxi frequenter occurrent, ipsa experientia duce cognoscuntur, nec aliter unquam agnosci possunt; unde omnis doctrina de indicationibus nusquam est à rationali experientia separanda.

## CAPUT III.

**D E R E M E D I O R U M V I R I B U S**  
*Scopis.*

**A**nte omnia, oportet, Tyrones animadvertant, omnium remediorum maximum ad tollendos morbos esse ipsam Naturam, quae vera est, ex Hippocrate, aegritudinum medicatrix; eo enim ordine, & constitutione à Sapientissimo Crea-

Creatore constituta est , ut in seipsa habeat principia requisita ad actionem sui conservaticem eliciendam ; cum vero conservatio fieri nequeat absque expulsione illarum rerum, quae ipsam destruere valent , idcirco natura in seipsa continet eam vim , quae ad morbos , eorumque causas tollendas requiritur. Inde sequitur , ut ipsa natura vias habeat sibi proprias , nobis autem incognitas , ad rerum noxiatum expulsionem moliendam , habet etiam motus sibi congruos , & speciales ad quemcumque morbum eliminandum. Igitur maximum remedium erit naturam relinquere , ut juxta leges sibi proprias morborum curationem aggrediatur , ipsius motus minimè turbare , ejus actiones salutiferas , quantum fieri posse , promovere , neque eam unquam à suo tramite divertere. Hac methodo usi sunt omnes Medicinae Principes in aegris tractandis adeò , ut nullum umquam medicamentum praescripserint , quin prius naturae operibus fovendis aptum esse cognoverint , probè scientes , ullum medicamentum ex se vim habere aliquam , nisi à natura regatur , vel ad opera congrua dirigatur. Hoc esse maximum in Medicina arcanum , scilicet naturam per omnia sequi , & imitari , plures viri docti non immerito statuerunt , eaque semper Tyronibus via est calcanda , ut maximam curationis spem , in naturae viribus , ipsiusque operationibus recte institutis , collocare intendant.

5 Quoad medicamentorum vires attinet , scire oportet , eam Medicinae partem , quae de his tractat , & Pharmaceutica dicitur , esse fallacissimam , & nugis ac erroribus plenam , solent enim Auctores sua medicamina tantis extollere laudibus , ut si ipsis credere fas esset , liceret etiam credere homines , unquam esse morituros ; propterea caveant Tyrones , ne nimium fidant remediorum virtutibus , sed ea tantum feligant , quae usū , & experientia constiterit , eas habere vires , quae ipsis tribuuntur. Ex hac medicamentorum incertitudine natum est , ut aliqui viri doctissimi , qui prius fuerunt fictis remediorum virtutibus delusi , tum demum ea tantum elegerint , quae experientia suffragante , utilia esse cognoverint. Consuli possunt hac de re Hoffmanus , Junquerus , Hecquetus , Charteseius , aliique pauci qui in medicamentis eligendis severa cri-

ticē , multisque cautelis adhibitis , processere. Scire etiam Tyrōnes oportet , medicamenta simplicia , caeteris paribus , compositis semper esse praferenda , quippe natura simplicissimē semper operatur , & inter composita ea praeferrī debent , quae minus composita sint. Denique scire necessē est , medicamenta non operari tantum per calorem , & frigiditatem , aliasque qualitates , quemadmodum Galenici , & Arabes crediderunt , neque per salia , & olea , aliaque chymicorum principia , ut ipsi intendunt , sed etiam per quandam vim specialem , unicuique rei propriam , & ingenitam , & à Creatore Sapientissimo communicatam , qua effectus suos in humano corpore excrecent , neque alia via , nisi per usum , & experientiam haec vis potest nobis esse nota. Igitur in hac compendiosa Pharmacia , quam Tyronibus tradere instituimus , ea proponemus remedia , queae in Auctoribus reperiuntur , ut de his Tyrōnes notitiam habeant ; attamen non omnia aequē probamus , sed pauca tantum , eaque indicabimus , ut ipsis magis fidere possint.

6 Scopus remediorum est finis ille , quem Medicus sibi proponit in eorum administratione. Hic finis nullo modo consequi potest , nisi quatuor hae obseruentur conditiones , scilicet quantitas , qualitas , occasio , & utendi modus. 1. Quantitas , seu dosis medicamentorum , cum certò in quolibet homine statui non possit , longo practicorum studio , ac sedula , maturaque observatione solummodo potest adipisci ; id tamen certum est , medicamenta in minima dosi exhibita esse inefficacia , quia eorum virtus morbi virtutem non superat ; in immodica dosi praescripta esse noxia , quia & morbi , & naturae limites excedunt , quare debent moderata dosi praescribi , ut sint utilia. 2. Advertenda est , in medicamentorum praescriptione , eorundem natura , an scilicet sint acria , subtilia , spirituosa , anodina , calida , frigida , &c. 3. Sedulō inquirenda est debita praescribendorum remediorum occasio , si enim tempore debito non propinentur , vel inutilia , vel noxia fient , proinde occasionem utpote velocissimam , & nimis fugacem omni artis ingenio quaerant Tyrōnes , aliter enim male consulent nomini suo , & aegrorum saluti ; ideo Hipp. 1. aph.

sent. i. *Occasio praeceps.* 4. Attentè inspiciendus est modus utendi , an scilicet praescribenda sint medicamenta in forma solida , liquida , apozematis , aut potionis , &c. si enim medicamenta debite non praescribantur in schedulis , praeterquam quod aegris fient incommoda , peritis Pharmacopeis risui erunt .  
 5. Videndum est , ut quantum possibile sit , ea praescribantur medicamenta , quae aegris fuerint gratiora , tenetur namque Medicus , ut ait Celsus , aegros curare citò , tutò , & jucundè .  
 6. Antequam medicamenta exhibeantur , omni cura investiganda aegrotantis natura , temperamentum , aetas , anni tempus , causae antecedentes , animi passiones , & minima quaecumque aegris prius dederint somitem ad aegrotandum , & denuo ipsis jam morbo afflictis supervenerint , aliter enim mille committentur errores in remediorum administratione ; minima enim in morbis , quantumvis minima , semper in Medicorum contemplatione sunt maxima , ac ex rebus ita minimis , basis curationis quandoque desumitur .

## C A P U T I V .

## DE ALTERANTIBUS IN GENERE.

7. **C**UM natura certè providissima , per varia sibi apposita , & accommodata loca , fluidorum impuritates morbum foventes , aut eidem occasionem tribuentes , sepe exonerando , expellere nitatur ; id tamen assequi non potest nisi solidis ad tonum naturalem reductis , & liquidis ad perfectam despumationem advenientibus . Cumque hoc non ita facile , licet intendat , valeat semper adipisci , tum quod solidis , & liquidis corrigendis non sint vires satis robustae , tum quod fluida difficillime valeant emendari ; Medico propterea , ejusdem ministero , & interprete indiget , ut ei suppetias ferens , unitis quasi viribus , simul queant , solidorum , fluidorumque vim superare , ac morbos consequenter expellere . Hoc ergo assequitur Medicus per alterantia medicamenta , quae talia dicuntur ob vim illam , & virtutem , quam secum ferunt restituendis foliis .

lidis, & corrigendis liquidis opportunam; cumque tum fluidorum, tum fluidorum vitia multa sint, atque diversa, medicamenta idcirco alterantia proponam, communioribus solidi, & fluidi vitiis emendandis opportuna.

8 Vitium ergo liquidis maxime familiare est nimia crassitie, lento, & coagulatio, quando minimae scilicet eorum particulae adinvicem adeo cohaerent, & consociantur, ut in grumos veluti videantur abire; magis, vel minus, prout fuerit major, vel minor coagulatio. Ex hac ergo crassitie, lento, & liquidorum coagulatione, nascuntur eorundem in variis partibus stagnationes, obstructions, exindeque morbi. Hoc igitur liquidorum vitium, appellant antiqui, humorem pituitosum, unde ea omnia quae conferunt ad dissolvendam coagulationem, ad praeparandum humorem pituitosum conferre judicant. Medicamenta ergo dissolventia, seu sanguinem, & lympham nimis coagulatos attenuantia, aut (ut cum Galenicis loquar) pituitam praeparantia sunt ea omnia, quae sa- libus alchaticis, seu fixis, seu volatilibus lentorem corrigunt, & vincula quibus irretiuntur sanguis, & lympha, dirumpunt, & enervant. Ex vegetabilium regno convenientiunt radices quinque aperitivae, enulae, brioniae, eringii, valerianae. Folia centaur. minor. absinth. menth. salv. camaedrios; gummi ammoniacum, lignum sanctum, radix schinae, sal saparrill. item sales fixi praedictarum plantarum, ut sal absinth. centaur. minor. gentianae, genist. prodest etiam camphora, & ex ea parata remedia, spiritu succin. sal ammoniac. ex regno animali spirit. c. c. urinae, sal volatile viperarum, c. c. ac denique omnia diaphoretica de quibus infra.

9 Haec medicamenta (adhibitis specificis infra proponendis) convenientiunt in apoplexia à crassitie, & lento lymphae, vulgo pituitosa, in catharro suffocativo ab eadem causa, in asthmate, pleurite à coagulatione, & stagnatione lymphae. Convenientiunt pariter in febribus malignis à coagulatione, in febribus lymphaticis, mesentericis, cachexia, chlorosi, omnibusque morbis in quibus indicatio adest attenuandi, dissolvendi, liquandi, & liberum motum liquidis tribuendi. Proinde sequentes formulae sunt ad dictos usus utilissimae.

R. Rasur.ligni sanct. 3. s. rad.schin. sals.parrill. ana. 3.j.  
infund. in aquae font. tb. iiiij. stent in infusione per 24.  
horas sub cineribus calidis , postea coque ad mediae par-  
tis consumptionem.

R. Rad. enul. camp. apii. petrosel. ana. 3.j. broniae, 3. s.  
fol. absinth. manip. j. cortic. citr. 3. s. cinam. 3.iii. fiat de-  
coct. ab tb.j. s. pro tribus dosibus , cuilibet adde salis tart.  
3.i. sal. ammon. gr. iii. me.

R. Pulv. c. c. pp. antimon. diaph. ana. 3.j. sal volat. c. c.  
gr. vi. me. fiat pulvis sumend. duabus dosibus.

R. Gummi ammon. 3.j. antimon. diaph. 3. s. sal.ammon.  
gr. iii. fiant pill. pro una dosi.

10 In horum medicamentorum praescriptione viden-  
dum est , an aeger humoribus crassis refertus , sit tem-  
peramenti biliosi , & viscerum intemperie calida gaudeat , ut  
nóstro climati familiare est , nam si ita sit , dicta humorum  
crassities , lensor , & coagulatio non à frigiditate , ut vulgus  
credit , sed ab immodico viscerum , & sanguinis aestu pro-  
cedunt , nihil enim fluida corporis humani citius coagulat , quia  
immodicus calor ex Boheraavii doctrina , in quo casu formu-  
lae superius positae inutiles sunt , & noxiae , quia eorum me-  
dicamentorum nimis calidorum ratione , calida viscerum in-  
temperie aucta , lympha in dies magis concrescit , ac novis  
morbis producendis fit apta , propterea in eo casu ad lento-  
rem , & coagulationem lymphae impediendam , diluentibus  
& temperantibus est utendum.

11 Post medicamenta attenuantia , sequuntur medicamenta  
coagulantia , incrassantia , ac sanguinem nimis dissolutum ad  
naturalem statum reducentia , & ut loquuntur alii , bilem te-  
nuem praeparantia . Radices acetos. gram. tarax. cichor. plan-  
tag. fol. endiv. semperf. major. portul. cichori. acetos. flores  
violar. rosar. nymph. buglos. hordeum , quatuor semina frigida  
majora , & minora , sal prunel. spirit. sulphur. sal. nitr. sirup.  
acetositat. citri. rosar. violar. endiv. succus limon. arantior.  
citri, amigdalata , hordeata , & alia quamplurima ab Aucto-

ribus longè descripta , quibus meritò adduntur opiate , & narcotica , quae melius quam reliqua , bilis fervorem , & sanguinis dissolutionem coercent . Ex his ergò medicamentis , plures formulae deduci possunt utiles ad febres ardentes , malignas cum dissolutione , aliosque morbos à bile aestuante , indeque nata sanguinis dissolutione productos .

R. Radic. gramin. fragar. cichor. anà. ȝ.i. fol. endiv. ♂ portul. anà. manip. j. 4. semin. frigidor. major. anà. ȝ.j. hord. pug. j. fiat decoctio secundum artem ad ℥. ii. pro iiiij. dosibus , cuilibet adde sirup. acetositat. citr. ȝ.j. me. vel

R. Radic. fragar. taraxac. acetos. anà. ȝ. i. fol. semperv. major. manip. j. flor. cord. ♂ nymph. anà. pug. j. 4. semin. frig. major. anà. ȝ. j. fiat decoct. ad ℥. ii. pro iiiij. dosibus , cui libet adde suci limon. ȝ. j. sacchar. q. s.

R. Pulv. c. c. p. ȝ. i. spirit. nitr. gs. vj. laud. liq. Sidenh. gs. ix. sirup. de nimphea ȝ. ii. aquae hord. ȝ. iii. m.

R. Amigd. dulc. exorticatar. ♂ in aqua rosar. prius infusar. par. vj. 4. semin. frigid. maj. anà. ȝ. j. contundantur in mortario marmoreo , sensim affund. aquae hord. q. s. extrahatur emulsio , cui adde sal. prunel. ȝ. i. m.

12 Licet Tench in cap. de Emulsionib. optimè adverrat , acida non esse emulsionibus miscenda , quia lactescentem substantiam coagulant , tamen sal prunel. ipse praescribit , quia ab eo talis effectus non procedit , imò emulsionibus admixtum , innumeris morbis mira praefstat .

13 Foeculentas , crassas , austero-acidas fluidorum partes , seu humorem melancholicum corrigunt , & praeparant , rad. bugl. ering. apii brusc. fol. cetherac , fumar. melys. borrag. cortic. cappar. fraxin. tamarisc. sambusc. passulae, cappar. pom. tedol. grana kermes , flor. genistae , borrag. buglos. calendul. camomil. sirup. de pom. fumar. capill. vener. borrag. sal tamarisci , fraxini , silit. favar. tremor tart. terra foliat. tart. tartar. vitriolat. tinct. tarta. tartar. nitrat. Mininch. oculi

cancr. marg. pp. c. c. ustum , aliaque absorbentia , tartarea , & oleosa , quae sua partium ramositate eas sanguinis partes inviscant , & enervant , ut oleum essentiale juniper. lavendul. cinnamonom. &c. Praecipue autem conferunt martialis , non quia suo pondere obstructions infra projiciant , ut vulgaribus creditum , sed quia sale volatili subtili , ut loquitur Fuller , adeo sanguinem depurant , & exaltant , ut qui ( ob globulorum rubrorum penuriam ) ferè prius pallebat , sensim fiat rutilans , spirituosus , & spumans. Inter haec verò , primas ferunt crocus martis aperit , aqua mart. cuius descriptio haec est:

*R. Sal mart. 3. ij. infund. & coque in tb. ii. aquae ad consumpt. 3. partis. Dosis 3. ii. singulis diebus matutinis horis.*

Ac tandem aqua martialis Lemort caeteras longè antecelles.

*R. Miner. ferr. integr. q. v. contundat. quantum possibile , in pollin. humectetur aqua pluviali , stent in maceratione in umbra per duas , vel tres septimanas , cavendo ne massa nimio humore obruatur , vel illo nimis privetur. Dein fiat destillatio per cucurbit. vitream in arena positam ad siccitatem usque. Dosis 3. iiiij. singulis diebus.*

14 Denique cum bilis duplex sit , alia tenuis de cuius præparatione jam satis loquuti sumus , alia crassa , iners , vapida , principiis activis destituta , ut in ictero , febribus intermittentibus , aliisque hujusmodi morbis videre est , haec propterea distincta postulat remedia ab illa. Huic ergo conferunt omnia amara salibus lixiviosis , & alchalicis imprægnata , inter quae , primum locum obtinet decoctum amarum Pharmaceœ bateanae infra propositum tractatu de Febribus.

15 Interim sedulò notandum est , an partes sanguinis foeculentæ , & tartareae cum intemperie viscerum calida jungantur , tunc enim ab aliquibus dicuntur melancholia per adulteriolum , quae nostris popularibus familiaris est , in quo casu , nec

con-

conferunt martialis , nec oleosa superius adducta , sed potius diluentia , temperantia , & absorbentia ; quare specificè profund serum lactis , c.c. calcinatum , mater. perlar. crystal. mont. aliaque testacea , & absorbentia ; idcirco cum in scorbuticis , & hypochondriacis , ac histericis , similes particulae redundant , eaeque cum intemperie viscerum calida saepè jungantur , eis proinde convenient , ac mirificè prosunt . Hic obiter notandum adeò apud hodiernos Medicos invaluisse usum , ne dicam , abusum praescribendi absorbentia medicamenta , ut in quolibet morbo commune habeant , ea indifferenter propinare , ipse tamen licet in pluribus morbis censeam utilissima , in aliis judico omnino inefficacia , unde praecipue convenire autumo histericis , hypochondriacis , scorbuticis , febribus ardentibus , doloribus partium internarum , imò & scabiei , leprae , similibusque morbis ab acri materia procedentibus . Dicta ergò medicamenta operantur , quatenus acres , & acutos fluidorum sales imbibunt , & absorbent , ac eos sua acri monia destitutos ad morbos producendos reddunt inhabiles . Monere hic oportet Tyrones , quaedam praecepta in praxi necessaria . Primum est , nullum esse humorem in humano corpore absolutè frigidum , quippè omnes , viribus vitalibus generantur , quae semper conjunctum habent calorem ; hinc humores viscidī , & crassi , quos pituitosos appellant , vel aliquid calidi admixtum habent , vel à tali viscerum dispositio ne generantur , quae cum immodico calore conjungitur . Propterea , quo magis crassi , & densi fiunt humores , eo maiorem indicant calorem , ut videmus in crusta alba sanguinis , in inflammationibus apparente . Hac de causa olea , quae chymici essentialia vocant prorsus ablenganda sunt in praxi medica , neque unquam praescribenda , nisi in casibus forte desperatis , & in minima dosi . Similiter , decoctum lignorum supra praescriptum , in morbo gallico , & in affectibus arthriticis , nunc male rheumaticis appellatis , non nisi magna cautela praescribendum , quia calidum est , & humores nimium agitat , unde nedum crassos non attenuat , sed & crassiores reddit . Praescribi igitur tantum debet , sedata prius inflammatione , & calore temperato per venae sectiones , per usum lactis ,

tis , & medicamentorum diluentium. Haec omnia intelligenda etiam sunt de remediis , quae diaphoretica dicuntur , & inter attenuantia recensentur , quippe nunquam , nisi cautelis appositis praescribenda. Secundum monitum est , alterantia medicamenta , quae etiam praeparantia dicuntur , alia esse generica , illa scilicet , quae superius propositius , alia especifica , seu propria , quae nedum generale humorum vitium corrigit , sed speciale. Scire igitur convenit , dum humores calefiant , & inflammat , non uno , eodemque modo id fieri , sed aliter in erysipelate , aliter in phlegmone , aliter in herpete , multo aliter in cancro , & sic de aliis. Similiter bilis uno modo peccat in ictero , alio in febre ardenti , diverso ab his in colera morbo , & sic de reliquis. Pariter , humor pituitosus habet in leucophlegmatia diversam indolem , ab humor pituitoso chlorosis , & sic de aliis. Humores melancholici in scorbuto specialem habent naturam , nulli alteri morbo propriam , at diversa est indoles ejusdem humoris ad producendam maniam ab illa , quae melancholiā inducit. Oportet ergo ut Tyrone generalibus alterantibus non acquiescant , sed ipsis semper misceant specialia. Exempli gratia , in Scorbuto , qui morbus calidus est , convenient medicamenta , quae pro bile praeparanda adduximus , ipsis tamen miscenda sunt anti-scorbutica , nasturcum scilicet aquaticum , becabunga , &c. Tertium monitum est , ut alterantia semper praecedant evacuantia , quippe humores prius concoquere oportet , & deinde à corpore eliminare , sequentes naturae legem , quae eo modo semper operatur in commodum aegrotantium. Denique advertere oportet , curationes chronicorum morborum , alterantibus potius quam purgantibus esse absolvendas , quippe natura tales morbos , magis humorum correctione , quam excretione curat ; atque in horum medicaminum praescriptione , leviora , & dulciora caeteris sunt semper praefenda , atque adeò martialia , & reliqua medicamenta ex metallis , & mineralibus deprompta praescribenda sunt post adhibitum usum aliorum medicamentorum fibras laxantium , humores emollientium , & aperientium vias.

## CAPUT V.

## DE ALTERANTIBUS SPECIFICIS.

16 **S**icut alterantia in genere ea dicuntur, quae virtutis solidorum, & fluidorum corrigendis genericè profundunt, ita alterantia specifica ea sunt, quae cuilibet, & peculiari parti sunt appropriata, propterea alia sunt cephalica, quae capiti roborando, ejusque morbis extirpandis sunt apta, alia bechica, seu thoracica, quae morbis thoracis specificè profundunt, cardiaca quae cordi, & stomachica, quae stomacho praecipue favent, &c. Cephalica ergo operari creduntur, quantum suo sale volatili, & sulphure balsamico-oleoso, quo gaudent, cerebri fibras, glandulas, & tubulos etsi minimos penetrando, lympham in eis stagnantem, crassam, & coagulatam dissolvunt, attenuant, & incidunt, ac ad suum motum jam ferè deperditum, restaurandum, iterum disponunt. Simili modo sale suo volatili pungendo, & vellicando durae, piaque meningis fibras, easdem quasi languescentes, & consopitas ad motum vibrationis perpetuandum commovent, & excitant, atque hoc modo in solidis nostri corporis operando, maximè adjuvant. Sed dices, si hoc ita esset, omnia quae sale volatili abundant, essent cephalica, quod ita non est? Respondeo omnia volatilia, & spirituosa capiti aliquo modo convenire, verum ea, quae à Medicis cephalica dicuntur, capiti ejusque morbis magis esse appropriata. Ratio est, quia licet omnia sint volatilia, tamen sal volatile unius medicamenti diversae est naturae, configurationis, & ordinis ab alio, minimaque ejus particulae diverso modo combinantur, & ordinantur adinvicem, ac diversam nanciscuntur figuram respectu alterius, propterea medicamenta, quae apud Medicos cephalica audiunt, sale volatili constant ejusdem figurae, & ordinis, cuius sunt partes cerebri, & durae, piaque meningis, quapropter per eas facile mutua proportione insinuata, lympham in eisdem imbibitam dissolvunt, & attenuant, quod

manifestum fiet hoc exemplo: sicut in renibus solae separantur urinae particulae, eo quod dispositionem ibi inventant huic muneri accommodatam, in hepate partes bilis, propter eamdem rationem, &c. ita medicamenta cephalica capiti specificè prosunt, hepatica jecori, &c. quia eorum medicamentorum particulae substantiae dictarum partium adeò adaptantur, ut facile per eam proportionem queant ipsas adire, & humores in illis detentos discutere.

17 Galenici, & Arabes horum medicamentorum operationem tribuunt eorum caliditati, quatenus cerebrum, partem ex se frigidam, calefaciunt, & roborant. Crediderim tamen ipse in medicamentis cephalicis latere mucilaginosam quandam substantiam multò spiritu repletam, & cerebri substantiae analogam, qua ipsum roboratur. Inter medicamenta cephalica proponenda pulvis marchionis, & de gutteta, qui parum inter se differunt, elixir proprietatis Helmontii, & electuarium peruvianum Fuller, caeteris aliis medicamentis praferenda. Inter simplicia cephalica, prout mihi observatio ne constat, decoctum betonicae longo tempore usitatum, caput maximè roborat.

*Medicamenta ergò cephalica calida sunt sequentia:*  
*pulv. marchion. à 3. j. ad 3. j. pulv. de gutteta sine aromatib. à 3. j. ad 3. j. pulv. ungul. alces, crani human.*  
*& rad. valerian. à 3. j. ad 3. j. spirit. fulig. à gs. vi.*  
*ad 3. j. aqua meliss. spirit. à 3. j. ad 3. ii. sal. volat. viper. c. c. cran. human. à gr. iiiij. ad x. tintct. succin.*  
*à gs. vi. ad 3. j. elix. proprietat. Helmont. à gs. vij. ad*  
*3. j. spirit. volat. sal. ammon. à gs. vij. ad 3. j. spirit.*  
*corn. Cerv. succinat. à gs. vi. ad 3. j. oleum essential.*  
*cariophill. lavendul. ror. marin. à gs. iiiij. ad viij. spirit. si-*  
*napi, à gs. vij. ad 3. j. sirup. flor. tunicae ab 3. j. ad 3. j.*  
*sirup. betonic. peoniae ab 3. j. ad 3. ii. aqua flor. tiliae ab 3. j.*  
*ad 3. j. aqua lilior. conval. ab 3. j. ad 3. ii. sterc. pavon. à*  
*3. j. ad 3. j. cinabar. nativ. spirit. sanguin. human. à 3. j.*  
*ad*

*ad 3. j. aqua hirund. ab 3. s. ad 3. j.*

In Apoplexia.

R. Spirit. c.c. succinat. 3.j. aquae theriacal. Rhaenod. 3.iii.  
effent. castor. gs. vj. sirup. peon. 3.j. aquae flor. til. 3.ii. m.

R. Spirit. fulig. & sang. human. ana 3. s. tinct. succin.  
gs. vj. sal. volat. cran. human. gr. iiiij. sirup. betonic. 3.j. aquae  
salv. 3. ii. m.

Ubi dicta medicamenta non sunt.

R. Pulv. march. 3. j. spirit. sal. ammon. gs. xij. effent.  
castor. gs. iiiij. sirup. peon. 3.j. aquae flor. til. 3. ii. m.

Haec omnia medicamenta conferunt in paroxismo epilepsiae, sicut in apoplexia; ad utriusque tamen praecautionem.

R. Conserv. flor. anth. 3. ij. conf. alcherm. incompl. 3. s.  
succin. alb. pp. 3. ii. pulv. rad. zedoar. & lign. visc. quer-  
cini ana. 3. s. spirit. bux. 3. s. cum sirup. cort. citr. fiat  
elect. dosis 3. j. mane, & vesperi, accidente potissimum ple-  
nilunio.

R. Stercor. pavon. & ung. alc. pulv. ana 3. iii. cinabar.  
nativ. gr. iv. sacch. albi q.s. fiat pulv. praescribatur cum aqua  
salv. aut decoct. the, vel caphe. Antiepilepticum insigne. Vel

R. Cortic. peruv. 3. vj. radic. serpent. virg. pulv. 3. ii. cum  
s. q. sirup. peoniae fiat elect.

Hoc electuarium caeteris anteponendum remedium in prae-  
servatione epilepsiae judicat Thomas Fuller, atque per  
duos, vel tres menses vult esse continuandum dosis sit 3.i.  
mane, & vesperi in adultis, in pueris 3.s.

18 Nota, haec omnia medicamenta supra posita utilia esse  
omnibus morbis capitis à viscida, concretaque lympha pro-

cedentibus , unde conueniunt in doloribus capitis à causa frigida , ut vocant , in lethargo , catalepsi , comate , aliisque affectibus soporofis , item in vertigine , epilepsia , & aliis. Praeterea notandum , nimis fidendum non esse remediis ex craneo humano desumptis , idem enim praestare possunt , quod reliqua , vel animalibus , vel mineralibus deprompta ex observatione Zuingeri , imò piè consideratum melius esset cranium humatum , quam in officinis , ut advertit Fuller. Interim notandum , tum epilepsiam , tum apoplexiā suos habere paroxismos accedente plenilunio potius , quam reliquis temporibus , propterea disponendi sunt aegri medicamentis supra positis antequam istud accedat. Tandem confect. alcherimes , quae his medicamentis misceri solent , alia est cum aromatis , alia sine illis , 1. dicitur completa ; 2. incompleta. Idem advertendum de confect. hiacinthor. quae vel est cum aromatis , vel sine ille illis , utraque ergo confectio utilissima est ad vires instaurandas in omni morbo , in quo id necesse est , ideoque cuicunque potionē , aut formulae pro libito addi potest. Verum cum aromata caput tentare , & mulieres histericas commovere notum sit , idcirco mulieribus semper praescribitur sine aromatis , ac pariter in capitis morbis ; licet in utroque casū cum aromatis eam praescribat Michael Etmull. affirmans , aromata naribus admota , & caput tentare , & uterus commovere , verum intus assumpta , utrumque , absque ulla noxa , juvare.

- 19 Nota insuper , nihil magis deseruire ad præcautionem apoplexiae potissimum pituitae , quam alvum libere fluentem habere ; observare enim licet , omnes ferè eos , qui apoplexia semel tentati sunt , tali alvi stipticitate laborare , ut non nisi medicamentis adjuti , facile faeces deponere valeant , id fortasse accidit , quia fibrae omnes membranose , & nervosae veluti consopitae , languide excercent suos vibrationis , & oscillationis motus , unde motu intestinorum peristaltico diminuto , tardè nimis procedunt in faecibus deponendis , quare utile est , eis qui semel ab invasione apoplexiae liberati sunt , alternis diebus , aut singulis saltem septimanis sequentes , aut alias pillulas praescribere .

*R. Mass. pill. cathol. 3. i. pulv. march. 3. f. fiant pill. xxij.  
singulis septem adde resin. jalap. gr. iiiij. m. Dosis septem  
pill. hora proportionata noctis.*

20 Cephalica frigida convenient in phrenitide , vigilia,  
delirio , mania , & aliis. Eadem ergo sunt , quae superius ad-  
ducta ad temperandum , diluendum , refrigerandum , & in-  
crasiam ; exinde propterea deduci possunt , specialiter  
tamen confert sirupus , aut aqua flor. nimph. decoctum hord.  
& alia , quae supra proponuntur.

## CAPUT VI.

## DE EXPECTORANTIBUS.

21 **E**xpectorantia sunt , quae materiam morbosam in  
bronchiis pulmonum haerentem per laringem ex-  
pellunt. Alia sunt calida in asthmate, orthophnoea , tuſi , con-  
venientia , alia frigida in calidis pectoris morbis opportuna.

Medicamenta ergo morbis frigidis pectoris utilia sunt  
oleum essential. anis. ad gs. vi. tinct. sulph. ad gs. viii. lac,  
aut magisterium sulphuris ad gr. x. flor. benjoin. ad gr.vi.  
tinct. ex vitriol. antim. ad gs. vi. sperma cet. ad 3. j. gumin.  
ammon. ad 3. j. balsam. sulph. anisat. ad gs. viii. balsam.  
sulph. therebent. ad 3. f. decoct. fol. tabac. ad 3. j. mille  
pedum pp. pulv. ad 3. j. succus raphan. cum sacchar. ad  
3. ii. Tandem ex vegetabilibus conferunt hyſſopus , tuſi-  
lag. marrub. paſſul. ficus pingues , & alia mucilagino-  
ſa , sirup. tuſilag. viol. jujubar. capill. veneſ. ad 3. ii. ſirup.  
de altehea Fernel. ad 3. j. ſirup. de peto Quercet. ad 3. f.  
miſturae camphorata Tachenii ad diſſolven- dūm , expe-  
ctorandum in asthmate mirè prodeſt , item pill. pectoral.  
Menſich. & alia ab Authoribus longè deſcripta. Verum  
ty-

tyronibus aliquas proponam formulas, ex dictis medicamentis deductas.

R. Gumm. amm. & spermat. cet. ana 3. j. sumat. in juscule.

R. Magisterii sulphur. gr. vij. spirit. anis. 3. f. sirup. tusilag. 3. iiij. aquae hissop. 3. iiiij. m.

R. Radic. enud. 3. j. ireos flor. 3. f. fol. marrub. tusilag. pulmonar. ana manip. j. heder. terrestr. veronic. ana manip. f. passul. expurg. 3. iiiij. fiat decoctum pectoral. ad lib. iiij. calide sorbilletur.

R. Mille ped. num. 120. contusis, sensim affund. in mortar. aquae puleg. 3. vij. in liquor. fortiter expresso dissolv. gumm. amm. 3. iiiij. colatur. adde tinct. benzoin. 3. iiij. m. Dosis cochlear. j. cum haust. decoct. praescript.

R. Gumm. ammon. colat. 3. j. croc. flor. benzoin. ana 3. f. ol. ror. marin. gs. vij. balsam. peruvian. q. s. fiant pill. Dosis iiiij. ter in die.

R. Millep. pp. 3. iiiij. gumm. ammon. colat. 3. j. flor. benzoin. 3. f. pulv. croc. balsam. peruvian. ana gr. xv. balsam. sulphur. q.s. fiat massa, & dentur iiiij. ter in die.

22 Multa alia adsunt apud Authores medicamenta pectoralia, quae hic, ne minis longus sim, non appono. Pillulae balsamic. Ricard. Morton. pill. antiasthmat. Palacios, Lohoch Lucatell. Decoct. Gall. veter. ex Riverio, & alia quae in Authoribus ad nauseam offeruntur.

23 Nota sirupos pectorales ut violar. tusilag. & alios in usu esse apud hodiernos Medicos ad sensim, & cocleatim lambendum, unde lambitivi appellantur, ad quem finem utuntur mulierculae tabellis saccharatis, saccharo rosat. & aliis hujusmodi, quibus aegros saginant, & inferciunt, non curant; quia tamen clarissimos in medicina viros de hoc dissentientes video, eorum idcirco verba apponam, ut quisque in praxi distinguat, quid verum sit, aut falsum, noxiun aut opportunum.

24 Alii judicant saccharata utilia esse pectoris morbis, sic Quercetanus de saccharo ait, esse de especie salis ad dissolven- dum apti, ipsumque propterea commendat in calculis infrin- gendis, in quam opinionem accedit Heredia tract. de Calcul. ren. Similiter Boeraave tract. de Viribus medicament. cap. de Expectorantib. de saccharo ait : *Atque saccharum saltem in pauciori dosi, licet enim hoc à quibusdam improbetur, certum tamen est, illud esse sal rectificatum, nec balsamo nostro naturali adeò perniciosum, ut nonnulli opinantur.* Contra autem Joannes Doleus in Encyclopaedia Medica, cap. de Phthis. de saccharatis loquens ait : *Sunt in cortice mel, & in nucleo fel.* De le boe Silvius vehementer reprehendit Medicos qui aegros, dum de tussi conquaeruntur, conserva rofarum, & saccha- ratis inferciunt, quibus ut ipse ait, non modo non abstergitur, & fanatur pulmo, sed potius pituita aucta, viscida ma- teria in dies glutinosior evadit.

25 Tandem, in insula Sancti Thomae ( ait Fuller ) sub aequare molunt cannas saccharinas, & quod superest ex- pressio succo objiciunt porcis ; qui inde in tam miram tene- ritudinem pingueſcunt, ut de bonitate cum capis hispanicis certent, denturque ventriculis invalidis. Unde colligere est, quod si saccharum, ea vi, & facultate polleat, ut suillarem, omnium ferè carnium, tenacissimam, ad tantam teneritudi- nem adducat, eadem prorsus ratione corruptelam, & sphacelum in pulmonibus accelerabit, cum ipsi sint mollis, ac spongiosae substantiae, & stipticis, *adstringentibusque conser- ventur.* Haec ille. Nos tamen tyrones monemus ut *nequid ni- mis*, ac medium in hisce viam pergent, sirupi enim lambiti- vi, aliaque hujusmodi saccharata moderate sumpta in morbis pectoris prosunt, quatenus suavi illo rore fibras laringis ma- defaciendo, tuſsim, & expectorationem moliuntur. Ut tamen dulcia non adeò noxia esse, ut plures statuunt, quisque cog- noscere posse, videre sufficiat dissertationem de sacchari uiu- in supplementis ad Hoffmannum appositam.

26 In tuſsi ergo, & repletione pulmonum à materia acri, ut in distillationibus fassis, & aliis confert sequens de- coctum,

R. Hord. mund. rad. alth. simp. anà 3. vij. Glyzirrisae rafae, & contusae, jujubar. passul. purgat. anà 3. s. fol. tussilag. capill. vener. scabios. anà manip. j. coq. in aquae commun. fl. iv. ad tertiae partis consumptionem.

R. Amig. dulc. excorticat. pari. vi. semin. 4. frigidor. major. anà 3. j. semin. alth. & papaver. alb. anà 3. j. semin. bombac. 3. ij. cum aqua hord. extrahatur emulsi.

27 Postquam his medicamentis materia crassa in pectore contenta satis evacuata est, ad opia tamquam ad sacram anchoram confugiendum, sola enim haec distillationes similes, foeliciter curant.

R. Succ. liquirit. 3. j. mirrh. 3. s. laud. opiat. gr. x. fiant pill. 40. ex quibus sumantur quatuor, singulis noctibus, hora somni.

R. Succ. cinoglos. fl. j. s. coque dum inclarescat, & cum sacc. alb. fl. j. s. fiat sirupus. Ex eo sumantur duo cochlearia bis in die, optimè enim fluxiones acres sedare solet.

28 Multi timent laudano opiatu, ac cinaglosso propter vim soporiferam, ipse tamen dicam cum Sylvio: *Velle non esse Medicus, si opiate non haberem.* Si ergo in moderata dosi praescribantur, vix eis par est in medicina remedium, de quo videatur Etmull. de vi opii diaphoret.

*In sputo sanguinis conferunt sal saturn. à gr. ij. ad iiiij. croc. mart. adstring. ad 3. j. coral. pp. ad 3. j. tinct. lapid. hemat. ad gs. zo. aqua arterial. ad 3. j. tinct. coral. ad 3. j. sirup. coral. ad 3. j. aqua urtic. plantag. rosar. ad 3. iiiij. sirup. de simp. Fernel. ad 3. j. sirup. mirtill. ad 3. ij. quibus omnibus longè antecellit cortex peruv. semel, & iterum exhibitus experimento Richard. Morton. ac decoct. contra sputum sanguin. Iunkens. sicut etiam decoctum vul-*

ne-

nerarium , quod in omni sanguinis eruptione est praestan-  
tissimum. Licet herbae vulner. plures ab aliquibus assignen-  
tur . sequentes tamen caeteris praestant : Alchimil. sanicul.  
veronica, Pirola, virga aur. angelic. flor. hiperic. Eodem ergo  
modo fit harum decoctum , sicut herbae the , leve namque  
harum herbarum pugillum in ȝ. viij. aut x. aquae commu-  
nis parum coquitur , ac postmodum sorbillando calide affu-  
mitur.

29 In phthisi dictum decoctum lacti caprillo , aut asinino  
maritatum, omnem paginam adimpleret , nam licet multa phthi-  
sicas remedia ab authoribus praescribantur , ut tintetur. anti-  
phthisic. Etmull. Balsam. lucatel. pulv. hali pharmacop. august.  
balsamum sulphur. therebintinat. & alia , tamen talis est hujus  
morbi saevitia , ut soli lacti cum decocto vulneratio , cedat,  
quapropter errant medici , dum prius phthisicos variis reme-  
diis saginant , ac denique lac , cum jam profuturum non est,  
praescribunt , quod si propinaretur in principio , fortasse pro-  
dессет.

In pleuritide specificè prosunt pulv. sang. hirc. pp. ad 3. i.  
pulv. mandib. lucii pisc. & dent. apr. ad 3. i. antimon. dia-  
phoret. ad 3. j. ol. lini sine igne extract. ad ȝ. ii. sperma ce-  
ti ad 3. j. in juscule. Item pomum Quercetan. cuius de-  
scriptio est apud Riverium , cap. de Pleuritid. Praete-  
rea fuligo camini à Dolaeo magnis laudibus exaltata.  
Nitrum similiter purificatum ; atque ex vegetabilibus  
card. bened. & Mariae , praecipue tamen flor. papav.  
rheas , quorum decoct. pro potu ordinario per totum  
morbi decursum mirè prodest. Cavendum tamen , ne  
sub initiis morbi fortiora dissolventia , qualia sunt san-  
guis hirci pp. & alia praescribantur , nam febre eorum  
ratione adaucta , nova symptomata subinde exurgunt,  
atque accedit illud Horatii:

*Stulti, dum vitant vitia, in contraria currunt.*

30 Satis ergò est sub initii pulv. dentis apri , aut alium similem propinare , ac postmodum morbo jam inducias dante ad alia devenire. Medicamentum ergo omnia longè antecellens sunt duo vesicantia tibiis admota, de quo infra. Inter Authores antiquos, qui de pleuritide rectè tractarunt videre convenit Coelium Aurelianum, & Theodorum Priscianum, inter Neotericos Trillerum , qui methodum pleuritidem curandi praescribit longè excellentissimam. Inter medicamenta pectoralia praescripta, fuligo camini, à Dolaeo tantoperè decantata, nihil prodest , neque quidquam prodest sanguis hirci ab Helmoncio adeò laudatus , neque credidi unquam mandibulam luci piscis , & dentem apri , quidquam in pleuritide valere , neque etiam pomum Quoerctani. Igitur selectiora medicamenta in morbis frigidis pectoris sunt vulneraria , & expressio millepedum , in morbis calidis, si sint acuti, decoctum hordei, quod superius pro tussi adduximus ; si sint chronici, lac , & vulneraria temperata omnem adimplent paginam. Verum de omnibus medicamentis, pectoris morbis, convenientibus tenere oportet, prodesse tantum dum tales morbi leves sunt , dum vero fortes, & radicati , parum ab his omnibus sperandum , quia nullum hucusque agnoscimus certae , & eximiae virtutis remedium pro his tollendis.

## C A P U T VII.

### D E S T O M A C H I C I S.

31 **Q**uia verò stomachica ea dicuntur medicamenta quae primae alimentorum digestioni corrigendae, aut adjuvandae inserviunt , atque tot sunt Authorum opiniones hac de re , eas idcirco obiter innuam , ut insignium stomachicorum perfectior habeatur cognitio. Omnes ferè galenici coctionem alimentorum in ventriculo à quadam facultate concoctrice , calore tanquam instrumento utente,

pro-

procedere censuerunt. Postmodum priores chymici cum Helmontio fermentum quoddam acidum ex liene in ventriculum per vas breve descendens esse causam digestionis judicarunt, quatenus illud fermentum cum alimentis mixtum, fermentationem excitat, ac purum ab impuro secernit. Prima opinio refellitur praeter alias rationes, quia canes ossa, ac aves glandes integras, unius quandoque horae spatio minuant, & in chilum vertunt, quod impossibile videtur provenire posse à tam paucis, ventriculi canis, & avium, calore. Secundam recentiorum anatomam uno actu, & iactu invertit, quia vas breve, uti nunc creditur, vena est, per quam nihil descendit ex liene ad ventriculum, sed potius lege circulationis per ipsum sanguis ascendit ex ventriculo ad lienem, quod patet experimento, nam ligato vase brevi in cane vivo intumescit penes partem stomachi, ac exinanitur in parte lienis. Propter quod Uvilisius, & cum eo plures alii dixerunt, fermentum illud separari à sanguine in ipsis glandulis tunicae interioris ventriculi, ibidemque servari, donec cum alimentis mixtum suam excerceat fermentationem, ac alimentorum coctionem perficiat. Hanc opinionem ( licet multo tempore ab omnibus inconcusse admis-  
sam) à foro medico penitus ablegarunt recentiores anatomici judicantes, nullibi reperiri acidum in corpore nostro, si hoc secundum naturam se habeat, solummodo autem inveniri, dum praeternaturam est, unde affirmant coctionem in ventriculo fieri ope cuiusdam triturationis in ore jam inceptae, & in stomacho postmodum absolutae, eamque alternis ventriculi, & abdominalis iactibus perfici, in quam opinionem feruntur omnes ferè hujus saeculi Authores qui mechanismum, ut ipsi ajunt, in corpore, pro omnium actionum causa agnoscunt:

32 Nos tamen alimentorum in ventriculo digestionem fieri credimus concursu simul fluidi, & solidi, nisi enim unitis simul viribus concurrent solidam, ac liquida perfectum coctionis negotium fieri nequit. Fluida ergo concurrunt, quatenus in tunicis ventriculi liquor quidam de indole salivae separatur, *liquor gastricus vulgo dictus*, & alimentis permixtus adjuvat quam maximè ad particularum alibilium alimentorum

extractionem ; hic autem liquor in statu naturali nec acidus est , nec fermentando operatur , bene autem in statu praeter-naturali , ut accidit in hypochondriacis , & aliis. Solida ergò concurrunt , quatenus alimenta jam satis saliva , & liquore gastrico diluta , alternis motibus ventriculi , comminuant , & atterunt , ad perfectam utilium particularum extractionem. Quid ergò juxta hanc hypothesim dicendum de bile , & succo pancreatico quorum mutua fermentatio in intestino duodeno ad depurandum chilum tantoperè à Sylvio decantatur ? Pariter igitur negamus id ita esse in statu naturali , non in praeter-naturali ; bilis namque ad depurandum chilum per duodenum in-testinum transeuntem conducere creditur , quatenus sua vi sapo-nacea sordes quascumque in eo relictas abstergit , ac mundi-ficat , ut purior sic in sanguinis consortium feratur , succus autem pancreaticus eidem intestino occurrens ad diluendum chilum praecipue confert , ut per tot laetorum vasorum an-gustos ductus queat facile transire. Verum haec omnia unicè juventuti proponimus , ne harum rerum notitia careat , non enim intendimus , ut ea tamquam optimè , & perfectè discussa admittat , imò ingenue fatemur , venturis saeculis per novas observationes ex his plura esse abolenda.

33 Ut ergo ad nostrum propositum revertamur medica-menta , quae primam alimentorum digestionem corrigunt , sunt praecipue :

*Conf. alcherm. ad 3. j. aqua melis. composit. ad 3. iiij. aqua theriacal. Crol. ad 3. j. aqua mastichin. composit. ad 3. j. aqua lacticinof. cinamom. & menth. ad 3. iiiij. eleosachar. cinam. & cort. citr. ad 3. f. effent. anis. menth. cort.citr. & cinam. ad gs. iiiij. sirup. de cortic. citr. flor. tunic. menth. sin. acid. ad 3. ij. aqua menth. meliss. ad 3. iiiij. Pulv. stomachich. Quercet. ad 3. ij. elixir. propriet. Paracel. ad gs. xv. balsam. peruv. ad 3. f. sal absinth. ad 3. j. ex vegetabilibus absinth. menth. calam. aromat. cortic. citr. arant.*

34 Conferunt etiam elixir viotriol. mensich. vinum ex ci-ne-

neribus absinth. paratum. Item ambra in ovo sorbili ad drachm. j. & alia ex quibus fieri possunt potionis pill. decoct. electuar. & aliae medicamentor. formulae pro Medici intentione, modo quo in superioribus dictum est. Conveniunt ergo dicta medicamenta in languore ventriculi cum cruditate acida, in qua specificè prodest sal ammoniacum ad scrup. j. in vino absinth. maritatum ex observatione Etmull. in lienteria, caeliaca passione, cholera morbo, & vomitu cui specificè prodest cortex peruvianus cum laudano liquido Sydenham. Verum est advertendum ventriculi languores, & cruditates acidæ non raro ab immodicò viscerum aestu procedere, ut accidit biliosis, & hypochondriacis, in quo casu fugienda sunt supra-dicta medicamenta, quia nimis volatilia, & acria, & ad alia stomachica blandiora, cum temperantibus mixta transeundum, pro quo fine specificè prodest rhabarbarum masticatum ad plures dies, tremor tartari, spirit. sal. dulc. vinum absinth. & reliqua diluentia, temperantia, ac aperientia. Item absorbentia temperantibus mixta pro eo fine conducunt, similiter emulsiones ex seminibus frigidis, & semine anisi paratae. Notatu autem dignum est eos, qui ventriculi cruditatibus acidis nimis frequenter molestantur, sanguinem ut plurimum habere nimis serosum, & coagulationi ferè ineptum, ut videre est in scorbuticis, fortasse quia chilus non potens recte in sanguinem verti, totus abeat in serositates, in quo sensu intelligendus est Hippocr. dum ait : *Qui acidum eructant, non valde lateralì morbo afficiuntur.* Insuper in cruditate ventriculi nidorosa, eadem conveniunt refrigerantia, & diluentia, quae pro acida ab intemperie viscerum calida orta, adducta sunt.

35 Tandem sedulò advertendum inter medicamenta stomachica non insimum obtinere locum medicamenta externa, ut oleum absinth. nucis moschat. cariophil. balsam. catholic. cum aromatib. vel sine illis, cataplasmata ex vino generoso, pane testo, & trito, addito cinamomo, aut pulvere restrictivo magistrali, ut nostris mulierculis in usu est, item sequens emplastr. aliis praefero.

R. *Gum. tacamac. colat. 3. viij. pulv. cinamom. 3. j. ol. effent. carioph. gs. iii. balsam. peruv. 3. s. fiat ex arte emplastr. pro stomacho.*

R. *Mastich. q. s. ol. anis. gs. vi. fiat emplastr. &c.*

36 Inter medicamenta stomachica selectiora numerare oportet decoctum amarum, itemque vinum, quod optimum stomachicum est quandoque solum, quandoque aqua, quandoque herbis amaricantibus mixtum; idque perpetuo tenendum, numquam calidiora stomachica convenire, ut spiritus, tincturas, olea essentialia, aliaque hujusmodi, quia nimis calefaciendo laedunt. Mihi autem observatione constat in cruditatibus nidorosis nihil magis conferre quam aquam simpli- cem, cui mixtus sit licor ex nitro, & marte compositus. Notare hic oportet omnia stomachica medicamenta quantumvis valida non aequa conferre pro stomacho roborando ac bonam dietam, cujus regimen in tali casu videre possunt Tyrone apud Cornelium Celsum, ejusque Commentatorem optimum, Lomium.

## C A P U T VIII.

### *DE HEPATICIS, ET SPLENICIS.*

37 **H**epatica vulgo dividuntur in calida, & frigida. Calida utilia sunt in obstructionibus, schirro, ictero, & aliis hepatis morbis; frigida utilia sunt in eisdem morbis, dum viscerum intemperie calida junguntur. Nos ergo omnia hepatica consideramus prout bilem respiciunt, nam si bilis est nimis subtilis, principisque activis impraegnata, conferunt hepatica frigida, ut sal prunel. ad drachm. j. spirit. sal. ad scrupul. s. acidum limonum ad unc. ij. decoctum tamarindor. ad unc. iij. decoct. radic. fragar. cichor. & flor. nimph. & alia diluentia, ut serum lactis, emulsiones, & similia, quae utilia sunt in febribus ardentibus, inflammatoriis, & aliis in quibus nimis effrenata bilis, est subjuganda.

Si

38 Si autem bilis fuerit crassa , iners , vappida , principiis activis destituta , ut in ictero , cachexia , hydrope , obstrukione , schirro , & aliis conferunt ea omnia quae salibus lixivialibus , & volatilebus acribus sunt impraeagnata , ut absinth. chelidon. maj. centaur. minus , marrubium , praecipue tamen rhabar. quod ab aliquibus ideo anima hepatis appellatur , & aloes , nam sua amaritudine bili valde analoga , eidem principia activa restituit . Verum attentè notandum , non rarò accidere , ut bilis crassa , & iners , cum immodo sanguinis , aut viscerum aestu jungatur , ut videre est in hypochondriacis , ventriculo debilibus , & aliis ; in quo casu fugienda sunt nimis calida medicamenta , & supradictis mixtis cum diluentibus est utendum , pro quo fine praecipue conferunt , aut aquae acidulae , aut thermales , quae licet ab aliquibus practicis , nescio qua futili ratione impugnantur , ut legi potest in Uvalsmidio in epistola ad Dolaeum , tamen experimen-to notum est plures ex hypochondriacis , aliis remediis frustra tentatis , hisce solis fuisse ferè integrè restitutos ; at sciant Tyrone aquas acidulas utiles esse his , qui sicco , & squalido sunt corpore , ac quibus bilis excedens vappida , & iners cum intemperie viscerum calida juncta est , ac denique quibus salvis pulmonibus , pectore , & nervis humores acres , calidi , biliosi , redundant , & fibrae ferè jam arefactae præ siccitate crispantur . Thermae verò magis conferunt , quibus acidi humores exuperant , corpus magis laxum est , & non ita viscerum intemperie calida gaudent , de quo consuli possunt Hoffm. & Manget. Bibliothec. Pharmaceutico-Medic. tom. 1. pag. 162. ubi haec omnia longissimè offeruntur .

39 Splenica medicamenta ea dicuntur , quae morbis lie-nis sunt accommodata , cumque in eo viscere , propter magnam , & intricatam vasorum multitudinem , sanguis lentè admodum moveri teneatur , hinc facile in ejusdem substantia , præ mora , partes tartareae , foeculentas , crassas , & austero-acidas re-linquit , unde obstrukiones , cachexiae , schirri , tumores , & alii morbi in eo generantur . Verum notatu dignum est , rarò praedictos morbos adesse , sine depravata ventriculi digestio-ne , quia si hic in suo opere male se gerat , crassae , ac ter-ref-

restres particulae , acidique succi exinde proveniunt , qui in liene , & hepate , tum propter vasorum angustiam , tum propter vicinitatem cum stomacho , stagnantes , praeditis morbis viam sternunt , propterea non raro accidit affectio liene , hepar similiter affici , & è converso . Sunt ergo splenica medicamenta ea omnia , quae ad partes sanguinis tartareas corrigen das superius adducta sunt , scilicet martialis , oleosa , absorb entia , & aperitiva , quae cum cautionibus ibidem propositis , oblata , in morbis splenis omnem paginam adimplent . Insuper aquae minerales acidulæ , aut thermales pro aegro rum varietate , ut supra dictum est , in morbis splenis unicum solent esse remedium . Huc pertinent medicamenta antiscorbutica , quae sale volatili acri , succos austero-acidos in scor buto quandoque regnantes , enervant ; talia sunt succus , aut spiritus cochleariae , becabungae , nasturtii utriusque , che refolii , raphani , trifolii fibrini , & alia , in quorum praescrip tione notandum , eis non esse nimis , & incaute utendum in scorbuto sulphureo-salino , ut loquitur Uvulis , nostris popula ribus frequentiori , exinde enim magis laborare scorbuticos observabimus , imò & in tali specie scorbuti omnibus temediis frustra tentatis , lac asinimum per menses , & annum , cum moderata dictorum succorum quantitate exhibitum , mirè prodest , caeteraque antecellit remedia . In scorbuto autem salino-sulphureo , in quo scilicet sal sulphuri praedominatur , ad aucter , & majori dosi convenient , aut succi , aut decocta dictarum herbarum , adhibitis aliquibus absorbentibus , item de coctum summittatum abietis , & pini , quod ex consilio Man get . caetera omnia pro eo scorbuto superat Biblioth .

Pharm. tom. I. pag. 2.



## CAPUT IX.

## DE NEPHRITICIS, ET HISTERICIS.

**40** **L**icet hysterica medicamenta ea sint propriæ, quae affectioni histericae potissimum convenient, tamen ulus apud Authores obtinuit, ut sub eodem capite, & nomine medicamentorum histericorum ea comprehendantur, quae communioribus mulierum morbis specificè prosunt; atque cum uteri suffocatio, seu passio hysterica inter mulierum affectiones frequentior sit, de ejus medicamentis idcirco primum loquemur. Infelix igitur est morbus, quo miserae mulieres adeò molestantur, ut igne quasi expurgatorio, (ut Sydenhamii verbis utar) veluti videantur torqueri, ac talem habet cum affectione hypochondriaca in suis symptomatibus similitudinem, ut unus, & idem morbus, licet in subjectis diversis, à memorato Authore non immerito censeatur, proinde omnia medicamenta, quae pro affectione hypochondriaca, morbis lienis, & humore melancholico corrigenda adducta sunt, histericis certis cautionibus exhibita, sunt utilia. Verum quia aliqua ab Authoribus afferuntur remedia huic malo propria, ea propterea nunc proponam.

**41** Aqua melis. spirituosa, spirit. c. c. succinatus, oleum essent. juniper. sal volatil. c. c. aqua lacticinosa cinamomi, elixir propriet. sin. acid. tinct. mirrh. tinct. castor. tinct. croc. tinct. succin. alsa foetida, sirup. capill. vener. artemiss. menth. sine acido, sal jovis; aqua naphae, melis. & alia medicamenta volatilia, spirituosa, & absorbentia, quibus merito adduntur opiate, & cortex chinæ chinac, qui semel, & iterum exhibitus histericos paroxismos mirifice sedat. In forti paroxismo ubi motus convulsivi praesertim adsunt.

R. *Affae foetid. castor. laud. opiat. anà gr. i. fiant pill.*  
**4.** *sumantur una dosi. Vel*

R. *Conf. alcherm. incompl. & pulv. matr. perl. pp. anà*

3. f. tinct. castor. 3. f. laudan. liquid. Sydenham. gs.x. sirup.  
capill. vener. 3. ii. aquae naph. 3. iii.

R. Moschi gr. viij. pulv. cristal. mont. pp. & sacchar. alb.  
anà 3. j. balsam. peruvian. q. s. fiant pill. pro 4. dosibus.

42 Pillulae istae adducuntur à Solenandro , Fuller,  
& aliis , pro quarum praescriptione notandum , aromata  
naribus admota hystericas mulieres adeò commovere , ut in  
vehementes paroxismos eas evolant , contra vero foetida,  
naribus admota paroxismos hystericos sanare expertum est.  
Verum ut superius diximus , aromatica medicamenta , ut  
optimè notat Etmuller. intus assumpta hystericas affectiones  
faepissimè sanant , atque ut majori certitudine in his praescriv-  
bendis procedant Tyrones, notandum, alias esse hystericas foe-  
minas sicci corporis , cuius fibrae rigidae , & tensae ad motus  
spasmodicos concipiendos sunt aptae , in quibus similiter san-  
guis nimis rutilans , & spirituosus spasmodicas oscillationes,  
& hystericos paroxismos producit. In his prosunt succinata,  
castoreum , & medicamenta similia cum opiatis maritata ; aliae  
autem sunt hystericae fibra laxa , sanguine vappido , & parum  
turgescenti praeditae, in quibus aromata absorbentibus mixta  
summè prosunt , ut ipse sedulò observavi.

43 Praeterea in omnibus hysteris genericè notandum,  
plus prodesse dietam , quam pharmaciam , quod verum simi-  
liter est in hypochondriacis , uterque enim morbus flagellum,  
& oppobrium Medicorum vulgo appellatur. Insuper est adver-  
tendum , inter evacuationes nullam esse magis noxiā histeri-  
cis , quam purgationem ex observatione Sydenhamii, ac nullam  
esse magis utilem quam sanguinis eruptionem per haemorroy-  
des , vel arte , vel sponte productam ex Hipp. consilio. Dein-  
de advertant Tyrones , an hystericae viscerum intemperie ca-  
lida gaudeant , nam si ita sit , ut commune est , abstinendum  
à nimis calidis medicamentis , quae paroxismū tollunt, aliū  
fortiorem subinde productura , & venae sectionibus , decoctis  
temperantibus , & absorbentibus medicamentis sunt tractan-  
dae. Circa aquas minerales , & martialia idem dicendum, quod  
in affectione hypochondriaca superius diximus , solummodo  
in-

innuere licet, quod si limatura martis cruda alicui praescribatur, attendendum est, an post ejus usum ructus nidorosi, & veluti alliacei surgant, ac spontanea alvi laxatio cum egestione faciem nigricantium sequatur, haec enim signa foelicis operationis sunt, atque ulterius continuandum suadent.

44 In mensium suppressione conferunt omnia aperientia, tartarea, & martialia jam satis superius recensita; specificè vero prossunt sabina, crocus, mirra, & ex his parata remedia, item tinctura castorei, angelica, artemis. melis. ex quibus sequentes formulae, aut aliae fieri possunt.

R. Gumm. ammon. acet. solut. 3. j. tinct. croc. & castor. anà gs.vj. extract. panchimagog. Crol. 3. s. trosisc. de mirrh. 3. j. ol. succin. q.s. fiant pill. de quibus capiat aegra aliquot, singulis quatuor, vel quinque diebus. Tempore igitur intermedio assumat sequens infus.

R. Rad. angelic. zedoar. anà 3. j. folior. matricar. sabin. anà manip. j. baccarum juniper. recent. 3. s. cinamom. 3. iiiij. croci 3. j. sal. tart. 3. s. infund. in vini albi veter. mensur. j. Dosis 3. iv. singulis diebus.

R. Borac. 3. s. mirrh. gr. xvij. cinam. 3. s. m. fiat pulvis tribus dosibus propinandus.

Si ergo dictis medicamentis menses non obediant

R. Dictamn. cretic. aristoloch. utriusq. & trochischor. de mirrh. anà 3. s. sirup. capill. vener. & artemis. anà 3. j. aquae sabin. 3. iiij. m. fiat potio tribus vicis sumenda.

R. Sal artemis. 3. ii. borac. venet. tartar. vitriol. anà 3. s. croc. 3. j. olei essent. sabin. succin. anà gs. iiij. m. fiat pulvis pro 4. dosibus.

45 Nephritica medicamenta ea dicuntur, quae morbis renum

Sanandis sunt opportuna , propterea non sunt cum diureticis confundenda , haec enim , vel sanguinem attenuando , vel ipsum ad urinae vias majori copia affundendo , seruos humores ex toto corpore per urinae vias expurgant , illa autem solum renum morbis sunt accommodata , atque pro morborum renum diversitate sunt omnino distincta.

46 Calculum in primis expellunt , & infringunt sal stipit. favar. parietar. genist. succus raphan. limon. betulae , semen hiperici , cortex rad. fraxin. lapis judaicus , lincis , nephriticus , lignum nephriticum , testae ovor. calcinat. lumbrici , millepedes in vino albo infusi , & expresi , borax. & omnia ex therebenth. composit. sirup. de alth. Fernel. de mucilaginib. Matthaei de Gradi aqua cicer. imperial. &c. nuclei perlicorum , pulv. olsium mespilorum , virga aurea , oleum amigdal. dulc. sine igne extr. & alia quam plurima medicamenta , quae ad infringendos calculos , & arenulas detergendas commendantur , quorum operandi modum , sicut & calculi generationem hic ne longus nimis sim , non appono , legi tamen potest ad naufragium in Daniel. Senerto , Hered. in tract. propri. ac denique in Tachenio , & aliis.

47 Decoctum nephriticum Foresti nedum ad calculos , sed ad urinae ardores utile.

R. Semin. malv. alth. ana 3. ij. cicer. rubr. 3. iiiij. 4. sem. frig. maj. ana 3. iiij. bord. mund. 3. iiij. caric. ping. num. ix. rad. liq. 3. vi. coq. in aquae simpl. tb. iiiij. ad med. part. consumpt. Dos. 3. iiiij. singulis duabus , vel tribus horis.

R. Rad. alth. liquir. ana 3.vj. fol. malv. manip. j. caric. ping. daetil. ana num. vi. semin. viol. 3. j. coq. in s. q. aquae bord. & serv.

R. Sal. stip. favar. & pariet. ana 3. s. pulv. rad. ononid. & virg. aur. ana 3. j. ol. amigd. dulc. sin. ign. extract. 3. iiiij. spirit. baccar. junip. gs. iv. sirup. de alth. Fernel. 3. iiij. aquae cicer. imper. 3. iv. m.

R. Rad. apii , saxifrag. ana 3. iiij. rad. virg. aur. 3. j. ocul.

**ocul. cancer. pp. 3. j. tart. vitriol. lap. prunel. anà 3. ii. cre-**  
**mor. tart. 3. iv. ol. junip. gs. iv. m. fiat pulvis praescribendus**  
**cum haustu sequentis decocti.**

R. Rad. alth. 3. i. s. glycirb. 3. s. herb. virg. aur. manip. ii.  
 alth. parietar. anà manip. i. ficum num. iv. baccar. junip.  
 semin. petrosel. bardan. milii sol. anà 3. j. coq. in vini albi  
 tb. ii. ad tb. ii. pro quatuor dosibus colatur. adde sirup. de alth.  
 Fernel. 3. j. pro qualibet dosi.

48 Ante horum medicamentorum praescriptionem notandum, non esse adhibenda pro calculis minuendis acria diuretica, nec nimis fortia, medicamenta, quia cum fibrae renum à calculi asperitate crispentur, & contrahantur, horum medicamentorum nimis acrum adventu magis, ac magis tenduntur, & convelluntur, unde aucta praeternaturali fibrarum crispatura, dolores acerbissimi excitantur, & calculus, propter inversam vasorum figuram à nimia fibrarum tensione ortam, non solum non expellitur, sed & fortius ibidem impingitur. Quapropter in principio doloris nephritici, nec acria purgantia, nec clisteres acres, nec fortia medicamenta convenient, sed emollientia, laxantia, & fibrarum crispaturam corrigentia. Plura alia remedia pro eo fine ab Authoribus feruntur lithontripica appellata, verum pro usu Tyronum superius adducta sufficient, qui plura desiderat, legat Schrod. Etmull. Manget. Zuvelser. & alios.

49 Tandem ea decocta, quae nunc à nobis pro calculis adducta sunt, ad urinae ardores temperandos mirè prosunt, quibus nihilominus addi potest emulsio arabica Fuller.

R. Gum. arabic. 3. j. coq. in aquae hord. tb. ii. ad solut.  
 cum hac solutione, & semin. malv. papaver. alb. amigd.  
 dulc. excorticat. anà 3. s. fiat emulsio secund. art. cui adde  
 sacchar. satur. gr. xvij. sirup. alth. Fernel. 3. iii. m.

50 Notare oportet urinae ardores in senibus adeò frequentes, non tam ab immodico eorum calore, quam primae

di-

digestionis defectu provenire , quatenus languescens jam bilis , ac tonus fibrarum ventriculi ob laxitatem nimiam inversus , alimenta recte subigere nequeunt , quae in mucos , & excrementa ut plurimum abeunt ; haec postmodum diurna mora sales suos extricant , & ad urinae vias adducta salibus suis pungendo urinae ardores excitant , quod jam agnovit Hippocr. 6. aphor. sent. 44. ubi febrem pro ardore urinae commendat. Et Galenus in Comm. ejusd. sententiae latè id explicat. Idcirco Heredia in Comm. Histor. Appoll. pag. 193. haec scribit : *Quibus aciditas in excrementis abundat , caveant urinae ardorem , quod symptoma omnes practici ad urinae salsedinem sine lite reducunt , ut ignorata causa aegros sine curatione relinquant.* Quapropter fugienda sunt in dicto casu medicamenta nimis temperantia , & frigida , ac obtundentia , quippè tonum ventriculi relaxando , & salivae stomachalis , & bilis in senibus languescentium principia activa obscurando , inversa prima digestione , nedum ardorem urinae non corrigunt , sed & aegros in dies ad pejora damna praeccipitant ; conferunt potius pro eo fine stomachica blandiora , quibus prima alimento digestione correcta , urinae ardores sensim , sensimque minuuntur.

51 Denique notare oportet nulla esse medicamenta , quae directè habeant virtutem ad menses movendos , ut optimè probat Hoffmannus , quare quae superius praescripsimus , indirectè tantum id efficiunt , quatenus uterum respicientia sanguinem in eo exagitant , ejusque fibras irritant ad expulsione , atque inter tot medicamina huic usui destinata , praferenda caeteris sunt myrrha , artemisia , dictamnum creticum , & aristolochia , quae raro propinare oportet , & non nisi magna cautela , quippè tam longè abest , ut communiter menses moveant , ut potius ipsos remoren tur , & sua acrimonia inflammations , & convulsiones inducant. Praestat potius hoc opus naturae , & tempori relinquere , & mulieres mensum suppressione laborantes venae sectione , & medicamentis quam mollissimis tractare. Animadvertere etiam oportet nulla esse medicamenta , quae propria , & specifica virtute gaudeant ad calculos comminuendos , quapropter ea quae

su-

superius adduximus, omnia ferè vana sunt. Sunt tamen aliqua medicamina renes respicientia, quae ipsis roborandis, & depurandis inserviunt, quorum virtus ex accidenti in calculo maxime prodest, inter quae omnibus meo judicio praeferendae sunt species illa buxi, quae à graecis agallochum dicitur, & herba ab ipsis Parthenon appellata, à latinis matriaria, etenim praescriptis venae sectionibus in calculo, sicut emulsione arabiga, aliisque diluentibus, quae necessario antecedere debent quaecumque alia remedia, decoctum supradictarum herbarum in hoc morbo mirificè prodest.

## C A P U T X.

*DE MEDICAMENTIS PURGANTIBUS.*

52 **C**UM corpus humanum ad sui conservationem aliamenta necessario assumere teneatur, eaque saepissimè, vel ob solidum nimis laxatum, & debile, aut quovis alio modo male affectum; vel ob liquidum nimis iners, ventriculus exactè digerere nequeat, nascuntur subinde succi, & excrementa inutilia, quae vel in prima regione stabulantia, vel ad sanguinis rivulos deducta naturalem solidorum, & fluidorum texturam invertunt, & ad morbos producendos reddunt propensa; idcirco natura eorum pondere non rarò grava, per spontaneum alvi fluxum ab eis quandoque se exonerat, sin minus Medicus ejusdem minister, & interpres per medicamenta purgantia id praefstat; propterea in usu est apud Medicos, dummodo morbus id postulaverit, purgantia medicamenta praescribere, quibus fluida à suis impuritatibus libera, ad naturalem suum ordinem revertantur; ac licet plures ex antiquissimis Medicis, potissimum Erasistratus, & ex recentioribus Chymicis nonnulli, praesertim Helmontius dicta medicamenta à foro medico prorsus excludenda voluerint, eo quod in venenorū classe reponenda esse judicaverint, *lib. de Febrīb. cap. 5.* & alibi, tamen ea quandoquidem utilissima esse, monuit magnus Hipp. suadet ratio, & experientia confirmat,

ac quilibet Chymicus, qui Helmontii vestigia sequens, ea proficerit, experientiae scutica in morborum curationibus, serio percutietur. Nec laudamus similiter impunem illam methodum, qua abutuntur aliqui in quolibet morbo ea indifferenter propinantes, imò medium in eo tenendum esse ducimus, ut secundum Hipp. leges non semper sit ex corpore *detrabendum*, imò *adjiciendum* aliquando, quia sicut purgans medicamentum mature *praescriptum*, salutem non raro accerfit, ita immaturè propinatum mortem quandoque producit, propterea ut Tyronibus notum sit, quomodo se gerere debeant, & selectiora purgantia, & methodum ipsa exhibendi breviter describam.

53 Est ergò medicamentum purgans: *Quod corpori, vel externe, vel internè applicatum materiam morbosam per intestinum rectum evacuat.* Purgatio est: *Excretio per alvum eorum, quae ex corpore per intestina fluere possunt.* Licet igitur medicamentum purgans propriè comprehendat quodlibet medicamentum quo-vis modo corpus ab impuritatibus liberans, ut diuretica, sternutatoria, emetica, &c. tamen usus obtinuit, ut sub eo nomine ea quae per intestina solummodo evacuant, intelligentur, atque in eo sensu in diffinitione verbum illud, *per alvum*, apposuimus. Purgantia dividuntur: 1. ab effectu, unde alia benigna, alia fortia, de quibus rectè loquitur Galen. lib. 3. simpl. cap. 24. 2. à modo actionis, unde alia sunt quae primas tantum vias expurgant, *lenientia*, dicta, alia quae ex sanguinis alveo fluida expellere faciunt, & propriè cathartica appellantur. 3. à loco, unde alia sunt, quae internè applicata effectum suum producunt; alia quae externè adhibita mirificè purgant, ut unguent. de arthanith. imò solo visu, & odore purgantium plures purgatos fuisse commemorant. Autores plurimi quos citat, & adducit Boeraave tract. de Virib. Medic. pag. 254. Praecipue ergo dividi solent purgantia in cholagogia, phlegmagoga, melanagoga, & hidragoga. Cholagogia dici solent, quae bilem expurgant, ut rhabar. oloes, &c. Plegmagoga, quae pituitam, ut agaricus, turbith, &c. Melanagoga, quae humorem melancholicum, ut folia fanae, lapis lazul. & alia. Tandem hidragoga, quae serofos humores

res evacuant , ut tamarindi , cassia , sal cathart . &c. Haec medicamentorum purgantium divisio , postquam per plurima sacula in medicina pluris habita est , proximis nostris tamen temporibus ex Neotericis quamplures eam inutilem esse censuerunt , eò quod quocumque adhibito purganti medicamento , quilibet humor indifferenter ejiciatur , ut videri potest apud Etmuller.

54 At recentiores alii , qui non tam vanis hypothesibus , quam sedula observatione , morborum curationi incumbunt , curiosè animadvertunt , dicta medicamenta non eum solum , quem veteres dixerunt , humorem , evacuare , sed ipsum praecipue , licet aliis adjunctum , v. g. Cholagoga licet praecipue bilis , tamen alias simul cum ipsa protrudunt humores , sic testatur Fredericus Dekkers Exercitationib. Pract. pag. 122. Manger. Biblioth. Pharm. pag. 172. tom. 2. Boeraave tract. de Virib. Med. pag. 248. Fuller pag. 293. Unde licet non ita strictè credendum sit , solum dictos humores evacuare , ut crediderunt veteres , nec pluribus etiam Neotericis fidendum est , qui huic potius quam alteri humoris expellendo conferre negant , quapropter moneo Tyrones , ut in morbis in quibus bilis excedit , eligant prae caeteris ad purgandum , cholagoga , in humoribus serosis , hydragoga , &c.

55 Dividunt aliqui ulterius purgantia in eradicativa , & minorativa. Priora vocant , quae materiam morborum in totum evacuant , alia vero dicunt esse ea , quae tantum materiam morbificam minuunt , non autem integrè educunt. Verum haec divisio vana est , & aegrorum saluti perniciossima , quippè ab scholasticis facta est , & nullatenus experientiae conformis , imò Medici eam sequentes audaciores sunt , quam oportet , in purgantibus praescribendis circa morborum initia , falsa decepti opinione , quod causam morbi eo modo minuere valeant. Cum igitur nullus sit morbus acutus , qui non aliquid acre , & inflammatorium secum afferat , quod natura per leges coctionis subjugando vincat , hinc sit , ut purgantia , quaecumque fuerint , initia morborum adhibita nedium non minuere , sed morbum sua acrimonia , & irritatio ne augere debent , imò coctionem turbando naturam def-

truere. Quod ergò Medicos hucusque fecellit, ut crederent medicamenta purgantia minuere posse vim morbi, in principiis adhibita, id fuit, quoniam medicamento praescripto viderunt, ægrotum aliquas efficere dejectiones humoris. Sed quid quaeso insulsius excoxitari potest? Nonne homo sanus, si purgans medicamen accipiat, idem efficit? Quis est qui nesciat, purgantia medicamina humores bonos, & sibi obedientes liquare, eos autem, qui eorum virtuti resistunt, intus relinquere? Ex conferentia igitur, & tolerantia dignoscenda est utilitas purgantis, minime ex numero, & quantitate dejectionum.

56 Circa modum, quo hujusmodi medicamenta propriè cathartica operantur in corpore, plures sunt Authorum opiniones, nam ex antiquissimis Asclepiades, ejusque affæclae, medicamenta purgantia, non humores præexistentes trahere, sed ipsos potius in putredinem vertere, & naturae molestos reddere, tenuerunt. Verum praeterquamquod haec opinio satis refellitur à Galen. lib. de Purg. Med. Facul. cap. i. impugnat satis apud omnes ferè Authores, eò quod tam cità humorum in putredinem conversio à leni purganti, quandoque exhibito, sit incredibilis. Postmodum Laurentius Joubertus cathartica per antipathiam operari creditit, quatenus medicamento in corpore existenti, humores veluti fugientes expelluntur. Sed hujus opinionis error, vel ipsis Tyronibus innotescit, eamque propterea sententiam relinquo, tanquam refutatione prorsus indignam. Galenus, ejusque sectatores per magnetismum operari asseruerunt, quatenus medicamenta à calore ventriculi subacta, & in actum reducta, vim humorum attractricem eis connaturalem exercentia, ipsos etsi à longinquis partibus instar magnetis attrahunt, & ad intestina, ac ventriculum facultate expultrice ejecti, facile foras exploduntur. Ex Neotericis aliqui judicarunt, purgantia medicamenta operari inita fermentatione in succis primæ regionis, aut in sanguine, qua partes inutiles ab utilibus separantur, & per stimulum ab ipsis catharticis inductum excluduntur. Ita ferè omnes Chymici cum Etmüller. Uvilis. & aliis asseruerunt. Verum postquam Archibaldus Pitcarnius in Instit. Physico-Mathem. Boeraave tract. citat. Hecquet, & alii nostri tem-

poris Medici ad oculum , ut ajunt , ostenderunt non esse in humano corpore principia ad fermentationem requisita , hancque proinde reperiri non posse , eam opinionem penitus spreviunt , & aliam subinde ex naturae fortasse fontibus plenius deductam , ejusdemque operibus magis congruam tradi- derunt.

57 Citati ergo Authores judicant , medicamenta propriè purgantia , cathartica dicta ( nam lenientia , & eccoprotica , quae primam tantum regionem expurgant , lubri- cando , laxando , & leviter stimulando agere lippis , & tonsoribus notum est ) in solidis , & liquidis agendo operari ; in solidis , quatenus ea irritando , pungendo , stimulando , motus oscillationis , & vibrationis augent , & ad expellendum quidquid dispositum est , excitant , ac commovent . In liquidis quatenus ea exagitando , movendo , attenuando , ad inutilium particularum separationem citius peragendam , quasi cogunt ; hinc , aucto ratione cathartici totius solidorum , ac liquidorum systematis motu , totum similiter corpus turbatur , & commo- vetur , & ab adhibito purganti dolores in ventre , & capite , caloris austio , pulsus celeritas , & alia contingunt . Sed dices , quare omnia purgantia humores ad intestina , & non in alias partes avocant ? Respondent id ex mechanice , qua corpus constructum , est facile deduci , quippè cum cathartica ventri- culum , & intestina potius quam caeteras partes pervadant , ea proinde magis irritant , & stimulando motum eorum peri- stalticum plus commovent , unde cum liquida eo velociùs , & majori copia currant , ubi major est oscillatio , ut optimè explicat Bagliv. tract. de Fibr. Motr. cap. 8. ideo currentibus liquidis , purganti exhibito , majori copia ad intestina , particulas ibidem impuras relinquent , quae motus peristal- tici ope foras avocantur . Iterum dices unde provenit , ut chologoga bilem potius , quam reliquos humores eva- cuent , &c? Respondent , id provenire à diversa textura me- dicamenti purgantis , & obedientia , vel tenacitate , humo- ris excernendi ? Sic biliosi humores cum facile mobiles sint , medicamentis illis expurgantur , quae salibus alchalino-volati- libus potissimum constant , contra pituitosi humores medica-

menta postulant, quae suis partibus viscoso-tenacibus, & resinosis in solida magis impingant, & eos ad excretiones excitent, &c. unde temere negandum non est cholagogia, melanagoga, hidragoga, & alia huic potius, quam alteri humoris expellendo non conferre. Qui plura de his velit legat Zuingerum Institut. Med. tom. 1. pag. 278. Fatendum nihilominus est, supradicta haec omnia nimis generalia esse, ac leges tantum communes humani corporis attingere, non tamen proprias, & speciales, quae in usu purgantium medicamentorum observantur. Nam quis non videt, plura esse remedia irritationem in intestinis inducentia, & liquida commoventia juxta mechanicae leges, quin tamen sint purgantia? Imò in colicis doloribus adeat acre irritans intestina, & humorum afluxum ibi plusquam par est, provocans, cum tamen ab hac irritatione minimè alvi fluxus sequatur: ergo aliquid aliud requiritur in medicamento purganti, praeter irritationem, ad humores educendos. Igitur Galeni attractionem si conjungamus irritationi, res erit confecta. Neque id displicebit nostrorum temporum Philosophis, qui attractionem cum Newtono renovantes, eam per omnia ferè naturae opera diffundunt.

58 Quia verò saepius in praxi oportet, medicamenta lenitiva ad primas vias expurgandas offerre, ea idcirco primum trademus, & deinde vera cathartica examinabimus.

*Medicamenta ergo, quae in officinis pro eo usū prostant sunt: Manna ab ʒ. ij. ad ʒ. iii. rhabarb. à ʒ. f. ad ʒ. i. pulpae tamarind. ab ʒ. i. ad ʒ. iii. cassia ab ʒ. i. ad ʒ. iii. folia senae à ʒ. ii. ad ʒ. vi. sirup. aur. ex ror. majal. ad ʒ. iii. sirup. de cichor. cum rhab. ad ʒ. ii. ex quib. fieri possunt diversae formulae.*

R. Tamarind. ʒ. f. fol. sen. ʒ. ii. rhei ʒ. i. coque in f. q. aquae ad ʒ. iii. in colatur. dissolv. mann. ♂ sirup. rosar. solut. ana ʒ. f. m.

Huc pertinet ptifana laxans regia dicta, cuius haec est descriptio.

R.

R. Seri lact. depurat. fl. vi. folior. sen. 3. ii. cinamom. & sal. tart. ana 3. ii. infundant. per 4. horas, dein leviter bul- liant, col. & servet. ad usum.

59 Praescribitur ptisana pro una dosi ad uncias v. aut vi. nondum semel, sed quandoque, bis in die, si opus sit, ut defec- tus virtutis suppleatur per quantitatem; propinari solet in ca- su, quo necessarium sit purgare, ac propter virium imbe- cillitatem, id aliis medicamentis magis efficacibus fieri non po- test. Quibus amara, & ingrata medicamenta non placent, ut foeminis commune est, fieri potest potio sine rhabar. & sena.

R. Decoct. tamarind. & sirup. aur. ex ror. maj. ana 3. ii. tremor. tart. 3. j. aquae lacticinosae cinam. q. s. ad gratum saporem me.

60 Pro eodem fine confert potio angelica ex manna in aqua soluto, ut videri potest apud Palacios pag. 647. Pro ea- dem intentione, in usu sunt apud pharmacopolas, pillulae ex aloe, cinamomo, & diagridio, vulgo stomachicae, aut usuales dictae, quae unius drachmae quantitate assumptae mi- re, quandoque purgant.

61 Haec medicamenta conferunt in omni casu, in quo va- sa primae regionis sint à fordinibus liberanda, proinde non ita stricta præparatione indigent, sicut verè cathartica.

62 Purgantia propria, quae in officinis pro Medicorum usit habentur, vel sunt sub forma solida, vel liquida; in forma solida, continentur pillulae, pulveres, boli, electuar. &c. in forma liquida, potiones, apozemata, & alia. Pillulae ergo, quae frequentius in officinis existunt, sunt pill. de tribus, pill. de duob. pill. angelic. de succino Craton. caephalic. Carol. Musitan. familiares ejusdem, pill. de fumar. arthritic. opticae, sive lucis major. pill. hermodactil. aggreg. de rhabarb. aureae, pill. sine quib. esse nolo Nicolai, pill. faetid. chochiae mi- nor. de agaric. de lapid. lazul. alephangin. catholic. ara- bic. quarum omnium dosis est à scrup. ij. ad drachm. j. seu ad scrup.

scrup. iv. demptis pill. catholic. & de lapid. lazul. , quae à scrup. s. ad scrup. j. vel ad summum ad drachm. s. praescribuntur.

63 Licet has omnes pillulas, aliquibus tantum exceptis, superflua esse plures afferant, eo quod omnium purgantia eadem sint, tamen quandoquidem, data occasione, omnes prodesse certum est, cum non solum purgationis effectus, sed alios quandoque desideremus, qui non quibuslibet pillulis perficiuntur. Sic in morbis capitis specificè prosunt pill. de succin. Crat. & caephal. Carol. Musitan. In morbis infimi ventris, praesertim obstructionibus lienis, hepatis, &c. conserunt pill. famil. Musitan. Tartareae Bontii, aut Cachectiae Quercetani, & sic de reliquis. Deaurari solent pill. pro Medici arbitrio, vel ut visui fiant gratiore, vel ut earum amaritudo aliquo modo obscuretur.

R. Mass. pill. angelic. 3. j. tart. solub. Ə. s. diagr. gr. vi.  
cum liquor. idoneo fiant pill. Ə deaurent.

R. Mass. pill. cochiar. minor. Ə angelicar. anà Ə. ij. sca-  
mon. sulphurat. gr. iv. fiant pill. Ə deaurent.

R. Mass. pill. catholicar. Ə. j. fiant pill. Ə deaurent.

Pillulae panchimagogae ad omnes simul humores exclu-  
dendos, sic parantur.

R. Agaric. albissim. rhabarb. elect. anà 3. s. extract. hel-  
lebor. Ə. s. resin. jalap. scamon. sulphurat. anà gr. vi. tremor.  
tart. Ə. j. cum liquore idoneo fiant pill. pro duabus dosib.

Ad seruos humores potenter educendos.

R. Gutt. gambae gr. x. ol. junip. confect. mitridat. q. s.  
ut forment. pill.

64 Pillulae istae, ait Fuller, inassuetis vomitiones duas, aut  
tres solent excitare, postquam verò vis vomitiva infringitur  
adeò

adeò vehementer educunt humores ferosos , ut saepius 12.  
aut 15. sedes merè aquosae ex earum usū profluxerint , quare  
eas in hydropicis maximè commendat , atque adeò inter hi-  
dragoga purgantia merito enumerat.

R. *Maff. pill. tart. Quercet. 3. j. tremor. tart. 3. j. dia-*  
*grid. gr. vi. fiant pillulae , & deaurent.*

Ad purgandos humores melancholicos sunt utilissimae , at-  
que inter melanagoga recensentur.

R. *Gumm. amm. acet. solut. & traject. aloes succotrin.*  
*ana 3. s. turbith. gomos. 3. j. agaric. 3. ii. resinae scamon.*  
*gr. iv. cum liq. idon. fiant pill. pro duabus dosib.*

Phlegmagogae sunt , ad pituitosos humores educendos.

R. *Maff. pill. cachecticar. Quercet. 3. j. mercur. dulc.*  
*gr. xvij. resin. jalap. gr. iv. fiant pill. pro duabus dosib.*

65 Optimae sunt ad purgandos humores crassos in lue ve-  
nerea. In forma pulveris in usū est pulvis Cornachini , seu de  
tribus , sic praescribitur.

R. *Pulv. Cornachin. 3. ij.*

Componitur hic pulvis ex aequis partibus antimonii diapho-  
ret. tremor. tartar. & scamon. sulphurat. ac maxima ejus dosis  
est ad scrupulos duos , atque tot laudibus ab ejus Authore  
Marco Cornachino , qui de ejus viribus librum integrum  
conscriptis , extollit , ut aliud par ei non sit in medicina re-  
medium. Verum Reidlin observat. 91. inquit pulveris Corna-  
chini usum Romae fuisse damnatum sub poena damnationis ad  
tiremes. Ex contilio nihilominus Georg. Bagliv. Medici Ro-  
mani praestantissimi , in morbis capititis per consensum ventris ,  
utilissimus est.

66 Pillulae exhibendae sunt sub noctem hora somni dua-  
bus,

bus, aut tribus horis à coena, atque eis assumptis probè dormiendum, quippè hora consueta stimulando, expergefacere solent. In stomacho debilibus curandum est, ut recentes, si fieri possit, assumantur, si enim nimis siccae sint, solent immutatae per alvum ejici, & minorem praestant effectum. Praeterea usus pillularum notabant antiqui utiliores esse, quam potiones ad purgandos humores ex parte distanti, eo quod in ventriculo diutius detentae majorem operationem facere posse creduntur. Potiones purgantes fieri solent apud nostrates Medicos ex rhabarbaro, foliis senae, manna, sale cathartico, & aliis, additis sirupo rosar. solutiv. Reg. Philippi Princip. aureo composito, flor. persic. de rhamn. cathar. Potio cholagogia.

R. Rhabarb. 3. i. tart. solub. 3. f. infundant. in seri lact. depurat. 3. iv. colatura adde sirup. rosar. solutiv. 3. ii. me. Vel

R. Rhabarb. 3. j. crystall. tartar. 3. f. infund. in aquae endiv. 3. iv. in colatur. dissolv. mann. elect. 3. j. in expressione dilue sirup. Reg. Philipp. 3. ii. me.

Potio plegmagoga.

R. Agar. elect. 3. j. turbith. gumm. 3. f. tart. vitriolat. 3. j. infund. in aquae melis. 3. iv. colatur. adde sirup. flor. persic. 3. ii. aquae lacticinos. cinam. q. f. ad gratum saporem me.

Potio melanagoga.

R. Fol. sen. 3. iii. sal. tartar. 3. j. infund. & leviter coque in aquae borrag. 3. iv. colatura adde extrat. hellebor. 3. f. sirup. Princip. 3. ii. me.

Potio hydragoga.

R. Rhabarb. 3. j. infund. in aquae menth. 3. v. colat. add. sal. Anglic. 3. f. sirup. rosar. solut. 3. j. me.

Ad

67 Ad omnes humores simul purgandos, conferunt praetipue electuarium panchimagogum Zuvelferi, extract. panchimagog. Crol. & alia. Dictae ergo potionis sufficient pro usu Tyronum, qui plura vero medicamenta desideret, sequentia in suis Autioribus inveniet, eaque hic numero, ut Tyrones facilius, ac minori labore ad usum habere possint; non appono, quia non pharmaciam integrum, sed levem Tyronibus tantum notitiam medicamentorum ninius usitatorum colligo. Inter cholagoga excellunt sirup. de colocynthide Silvii De le boe ex pulpa colocynthid. in aqua tartarifat. cum succo glixirrhisi. & sacchar. compositus. Sirup. diacartham. Zuvelfer. in sua Pharm. Aug. Spirit. vitae aureus Rulandi, adeo ab Authore in suis curationibus laudatus, ex pulpa colocynthid. ac gummi. tragacanth. arabic. rhabarb. & cinamomo, cum spiritu vini, & vino malvatico compositus; videri potest ejus descriptio apud Dekkers. Inter melanagogha excellunt electuar. melanagog. Zuvelfer. in animadverzionib. in Pharmacop. Augusti. sirup. de sene ejusdem in Pharmac. Reg. Extract. melanagog. Quercet. cuius descript. habetur apud Mang. Bibl. Pharm. tom. 1. pag. 894. Pillul. tart. Quercet. apud Schroder.

68 Inter phlegmagoga, praestant extract. phlegmagogum Quercetan. pillulae catholic. familiares Hadriani Minsic. &c. Inter hydragoga electuarium hydragogum Silv. De le boe hydragogum Zuvelf. Pharmacop. Reg. pag. 839. & alia hydragoga ejusdem Authoris, item pill. hydragogae Hadriani Menlich. &c. Tandem tinctura cathartica Caroli Musitani, quae in officinis parata est, optimum est purgans. Praescribitur ad drach. j. Item ex solis sirupis purgantibus cum aqua appropriat. praescriptis, institui solent à nostris Medicis potionis catharticae, quae sat foelices producunt effectus.

69 In medicamentis purgantibus, miscere solebant antiqui aromatica, vel alia correctiva; at Neoterici diversa purgantibus addunt, ut ipsa corrigan, sic cum eis miscent sal. tartar. card. bened. absinth. tartar. vitriolat. tart. solubil., qui partes resinas, ac viscoso-tenaces purgantium solubiles reddunt, & ad suos effectus foelicius, & facilius producendos aptiores, ut ita

ne stomacho, & intestinis tenaciter haereant, & superpurgationes inducant, idcirco dicti sales pillul. aut potionibus purgantium frequenter misceri solent.

70 Haec omnia medicamenta, si recta methodo non praescribantur, nedum fient inefficacia, sed maximè noxia, & nihil medicum magis honorari facit apud vulgus, quam cathartorum recta exhibendi methodus; sicut contra, ut innuit Hipp. lib. de Medic. Purg. *Turpis est calamitas, adhibito purganti, hominem occidere.* Proinde quibus, & quomodo praescribenda sint, breviter innuam. Primo advertere oportet, maximum esse errorem credere, cacochimiam esse objectum purgationis adeò, ut ipsa praesente, purgans medicamentum exhiberi possit. Neque satis exaggerari potest, quantum damni attulerit aegrotantibus, perniciosa haec scholarum doctrina, cum ea Tyrone, procliviores plusquam decet, propinatio purgantium, reddiderit. Quid tamen in hac re credendum sit breviter exponemus. Cacochimia, ut Graeca vox sonat, est pravi humoris redundantia, seu ut nunc dicitur, vitium humoris qualitate peccantis. Igitur veneranda antiquitas asserebat, medicamenta purgantia nunquam esse praescribenda, nisi praesenti cacochimia, non tamen praecipiebat, ut semper, & praecise existente cacochimia, praescriberentur. Haec lex tanquam generalissima ab ipsis observabatur, ut in cacochimia tum demum propinarentur purgantia, cum natura id postularerit, & monstraverit tempus opportunum ea praescribendi. Dicebant ultra, naturam constantissima lege, & immutabili, humores utiliter excernere in omni morborum, tum acutorum, tum chronicorum specie, peracta prius coctione, atque adeò ea solum praecedente, purgantia esse adhibenda, quod praecepsum nedum in morbis acutis, sed etiam in chronicis districtè observandum, ex antiquitatis mente, censeo. Unde errant quidam Medici, & maximo aegrorum periculo errant, qui titulo obstructionum tollerandarum, neque humoribus preparatis, neque coctis, perpetuo purgant, & morbos prorsus incurabiles reddunt. Si humores pravi ab aliqua internarum partium diathesi, & intemperie procedant, purgando frequenter, nihil aliud efficiunt, quam latere lavare, & partes mor-

morbo oppressas magis offendere. Igitur in morbis chronicis plus prodest, virium pravorum humorum generativum emmendare, & corrigere per alterantia, tum genericā, tum specificā, quam repetitis purgantibus naturam importunè fatigare. Legant primò Tyrones aureum Hippocratis lib. de Medicinis Purgantibus, & ediscent ab hujusmodi remediis consulto abstinerē. Secundò scire convenit, purgantium medicamentorum quantitatē, variam esse debere, pro diversitate aeratis, sexus, temperamenti, &c. adeò ut pueris, senibus foeminiis, & naturis delicatis semper leviora purgantia, & parca manu, sint praescribenda. Tertiò advertere oportet, quibus morbis conveniat purgatio, pro quo legant Tyrones Hippocratem Authorem fidissimum, & naturam veri magistrām semper sequantur; innuere tantum sufficiat, in inflammationibus internis, & febribus acutis, in principiis non conferre, ut deducitur ex Hipp. vulgari illa doctrina 4. acut. text. 22. *Quicumque ea, quae inflammantur, medicamento statim in initiis, solvere conantur, hi non solum ab intensa, inflammataque parte nihil adimunt, cum non cedat, obsequaturque, quae adhuc cruda est affectio, &c.* quod nos longius explicamus tract. de Febris. Quartò praemittenda sunt alterantia purgantibus, tum ut mediis illis, impuritates à sanguine separentur, & ad obedendum purganti, veluti corrigantur, quod significat divinus Senex 1. aphor. sent. 22, per verba illa: *Cocita medicari oportet, non cruda, &c.* tum ut viae, per quas humores purgandi sunt, apertiores, & magis aptae reddantur, unde in magnis, & inveteratis ventris obstruktionibus, prius aperientia, & praeparantia offerenda sunt, quibus viae lubricae fiant, postmodum adhibenda purgantia. Similiter in magnis, & vehementibus partium internarum doloribus, praesertim convulsivis, ut colica hysterica, convulsiva, illiaca passione, & aliis, non sunt exhibenda purgantia, nisi prius emollientia, & laxantia praecedant, nam cum viae, & cavitates intestinalium, ob nimiam fibrarum tensionem, & crispaturam, quasi occlusae sint adeò, ut nec flatus erumpere queant, si oleosis, emollientibus, & similibus prius non laxentur, medicamenti purgantis ratione magis crispantur, ac nedium humores non excernuntur, sed

& dolores nimis augmentur, idque significavit Hipp. per illud: *Corpora dum quis purgare voluerit, oportet fluida facere.* Quinto, quaerendum est tempus opportunum ad catharticum exhibendum, ac licet quodlibet anni tempus, necessitate urgente, ac morbo id postulante, ad ipsum propinandum commodum sit, tamen ver, & autumnus caeteris temporibus praestant, ut ait Cous noster: *Quibus venae sectio, aut medicatio convenit, his verè venam secare, aut medicari oportet;* propterea in cane, & aestate minus convenire purgationes docet: *In cane, & ante canem difficiles sunt medications.*

71 Tandem hominibus sanis non sunt exhibenda purgaria: *Corpora enim sana difficile ferunt medications,* ex Hipp. Excipiendi tamen sunt sani illi homines, qui integrum sanitatem non adipiscuntur, sed in statu quem vocant, neutro, vindentur constituti, ut gallici, hypochondriaci, hystericae, & alii, quibus adduntur illi, qui a morbo liberati, integrè non convalescant, propter aliquas fortasse morbi reliquias, quae medicamento extrahendae sunt, aliter namque: *Quae relinquentur in morbis post iudicationem, recidivas facere consueverunt.* Dicti ergo homines purgandi sunt, tempore potissimum veris, ne in morbos incident, melius enim est, ut ait Galen, morbos praecavere, quam ipsos curare.

## CAPUT XL.

## DE EMETICIS.

72 **E**metica medicamenta, seu vomitoria sunt: quae, *contenta ventriculi sursum in os per gulam projicere faciunt.* Est igitur vomitus: *Motus spasmodicus ventriculi, ad liquida in eo contenta per os expellenda, ex fibrillarum nervarum irritatione procedens.* Mirandum ergo est, adeò in his nostris regionibus, ex Medicorum usq; exolevisse emetica medicamenta, ut penè jam de ipsis actum esset, si clarissimorum quorundam in re medica virorum studio, ac opera non fuissent iterum noviter exsuscitata; mirandum inquam cum tempore:

Hip-

Hippocratis solemne esset, vomitoria medicamenta bis in mensa pro praecautione assumere, eaque tam serio diversis locis divinus Senex commendet, ut lib. 1. de Diaeta , lib. 1. de Morb. mul. & alibi. Praeterea cum plures incurabiles morbi per alia remedia , omnibus jam frustra tentatis , unius emerici exhibitione foeliciter quandoque expellantur , nescio equidem an vulgi ignari petulantia , an Medicorum contemplatione nimia , ex medicinae ordine , in praxi , sint collapsa? Propterea ut Tyronibus pateat , ea saepissimè rectè exhibita , aliquorum morborum curationem adimplere , sicut praepositer propinata , innumera mala producere , selectiora , ac securiora emetica describam , quibus conferant , aut non , aperriam.

73 Medicamenta emetica , vel sunt suavia , & benigna , vel fortia , ac violenta. Prima sunt quaecumque , magna quantitate , assumpta , quae ventriculum immodicè gravando , ad expulsionem per superiora sollicitant , quatenus eo nimis impleto , ejusque fibris nimis distentis , dorsales in contractiōnem coguntur , quo fit ut Pylorus constringatur , ac brevi nausea , & vomitus sequantur , sic accidit in aqua calida magna copia sumpta , hidraclao , cerevisia , & aliis ; vel ea quae ventriculum immodicè laxando , lubricando faciunt , ut contenta , minima arrepta occasione , facile in superiora ferantur , & vomitus excitetur. Hac ratione vomitum provocant oleosa , & pinguia , ut oleum amigdal. dulcum sine igne extractum , quod ad uncias duas exhibitum blande vomitum excitat. Huc pertinent etiam quaecumque externa , quae mechanice vomitus causare solent , ut penna oleo illita faucibus admota , digitus in gulam intrusi , & alia quibus , irritatis nervis fibris esophagi , & fauciū (quas easdem esse , & ab eadem origine nasci , cum fibris nervis pulmonum , cordis , ventriculi , diaphragmatis , & musculorum intercostalium , unde tam magnus oritur dictarum partium consensus , jam satis explicuit , & demonstravit Uvilisius ) aucta ibidem propter stimulum vibratione solidorum , feruntur versus suum originem , ac contractione illa dictarum fibrarum , ventriculo communicata , hic per consensum quasi convellitur , & ad vomen-

mendum cogitur. Ad hanc similiter suavium emeticorum classem revocantur motus corporis inordinati , & inassueti, ut navigatio , vectio in rhaeda , & alii , ac actus imaginationis, quibus adeo quandoque ventriculus commovetur , ut in spastmodicos , & vomitionis actus adigatur.

74 Secunda sunt, quae aut vellicando , irritando , aut fibras ventriculi nerveas , plus quam par est , commovendo, vomitum cent. talia sunt ex regno vegetabili , tinctura nicotianae ex foliis vulgaris nicotianae ope spiritus yini rectificari educata. Dosis à drachm. j. ad ij. succus recens expressus raphan. qui nisi intra horam integrum sumatur , vires amittit, ab uncia j. ad ij. raphani semen. ad unciam semis. anethi semina. ad unciam semis. verum haec nauseam diurnarnam post se relinquere solent. Helleborus albus ad gr. vi. fortissimum est vomitorium , non ita helleborus niger ad drachm. semis. radix asari in sustantia ad drachm. j. in decoct. ad unc. iii. folia gratiolae ad scrup. ij. sedi vermicular. ad drachm. semis. Gutt. gamandr. (aliis gummi guttae) à gr. vj. ad xij. Pluraque alia afferunt ex vegetabilium regno Nenter pag. 255. Manget. Bibl. Pharmaceut. tom. i. pag. 811. Dekkers pag. 89. & alii. Verum praedicta medicamenta, in usu non sunt apud Medicos , vel ob nimis fortia , vel ob ineficacia , atque raro à cordatioribus Medicis praescribuntur. Est ergo in vegetantium classe emeticum , caeteris vel ex ipso minerali regno desumptis, maximè excedens, radix scilicet hipecachuanae, hispanis *Vejuquillo* , ab omnibus alio nomine radix dissenterica, dicta , eò quod in dissenteriis exhibita, eas mirifice curet , nec solum in dissenteria , verum & omni sanguinis fluxu cum mastiche , & balsamo judaico , ac Compaibae mirè prodest. Qui hujus radicis originem , & analisim desiderat , legat Petrum Pomet in sua aromatum historia , Nicolaum Lemeri in Universal. Histor. medicam. simplic. Jacob. Mang. Biblioth. Pharm. tom. 2. pag. 1143. Praescribitur ergo haec radix ad drachm. j. in juscule , aut alio liquore idoneo.

75 Ex regno animali credunt aliqui ungues humanos , eorumque rasuram vomitum commovere ita Heer. & Zuinger. tom. i. pag. 527. Verum ipse cum Mang. tom. i. pag. 811. crede-

derem, id potius nausea, quam speciali virtute praestare. Ex regno minerali plura desumuntur vomitoria, apud Authores Chymicis longè recensita.

*Aqua benedicta Rulandi ab 3. f. ad ii. Oxisaccharum Angeli salae à 3. ii. ad 3. vi. Mercurius vitae (vel mortis) in Substantia à gr. ii. ad iv. in infuso ad gr. vi. Gilla Theophrastr. seu sal vomitivum vitriol. à 3. f. ad 3. s. Tartar. emeticus à gr. iv. ad vi. Vitrum antimon. à gr. i. ad iii. Vitriol. alb. à 3. f. ad 3. ii. Viride aeris à gr. semis. ad gr. ii. Turpethum mineral. à gr. ii. ad vi. Ex quibus sequentes formulae deduci possunt.*

R. Aquae tepidae lib. ii. ol. amig. dulc. sin. igne extract. 3. ii. me. pro haustu.

R. Pulv. hipeccachuan. 3. i. sumatur in juscule.

R. Tart. emetic. gr. iv. sumatur in haustu aquae commun.

R. Aquae bened. Ruland. 3. ii.

R. Sal. vitriol. 3. f. dissolv. in aquae 3. iii.

R. Mercur. vit. gr. iv. conserv. rosar. q. s. fiat bolus.

R. Rad. asar. 3. iii. agaric. alb. 3. i. semin. urtic. 3. ii. flor. genist. pug. i. fiat decoct. in aqua hord. ad 3. viii. colatur. exhibeat. &c.

76 Hic obiter monendi sunt Tyrones, ut quantum possibile sit, ab emeticis mineralibus fortioribus abstineant, in hac potissimum regione, quia non nisi summa violentia purgant, antimonialia praesertim (si vinum emeticum excipias, quod recte adhibitum, sat tuto vomitum excitat) à quibus abstinendum enixè rogat Fuller. pag. 90. Tench cap. de Emetic. Fredericus Dekkers pag. 92. Satis ergo sunt ad omnes indicaciones vomendi implendas radix dissentrica, oleum amigd. dulc. in juscule, aut aqua tepida, aqua benedicta Ruland. & tart. emetic.

77. Circa modum, quo operantur hujusmodi medicamenta, satis vulgaris est opinio Galenicorum afflentium, fieri per facultatem expultricem irritatam, qua ventriculus quidquid sibi noxiū est, expellit, ea tamen lege, ut irritatio, quae ad vomitum requiritur, fieri debeat in orificio superiori ventriculi, sicut ad alvi fluxum excitandum, oportet, ut irritatio fiat, vel in fundo ventriculi, vel intestinis. Neoterici circa emeticorum operationem, non nisi systemata nimis generalia adducunt, neque quidquam tradunt notatu dignum, quod observationibus practicis innitatur, propterea ab ejus opinionibus tradendis supersedendum duximus, interim Tyrones videre possum tractatum de Viribus Medicamentorum Boerahavio tributum. Igitur Galeni doctrina circa emeticorum operationem vera est, ipsique solum addendum, quod in medicamentis emeticis specialis adest particularum contextura, nobis à priori incognita, quae ex se capax est irritandi orificium superius ventriculi, & ipsum ad inversos motus adigendi. Hinc fit, ut omnis vomitus sit actio contra naturam, quippè motus ille naturalis, qui peristalticus dicitur, & vergit ab aësophago, usque ad intestinum rectum, in vomitu invertitur, & à naturae lege discedit.

78. Tandem solum restat, explicata emeticorum operatione, ut quibus convenient, & in quo morbo emética, explicemus. Omnibus febribus intermittentibus convenire, omnes ferè Authores Neoterici cum Hippocrat. & Galeno testantur, imò multiplici experimento constat, solius quandoque emeticī exhibitione, omnibus frustra tentatis, fuisse integrè sanatas, quod longius ostendimus tractatu de Febris. In febribus acutis, ubi pravi praesertim humores in primis viis redundant, adeò necessarium judicat emeticum Sydenhamius, ut nisi mature adhibeat, in sentinam quamplurium malorum, ut ejus verbis utar, pag. 57. sintabituri. Verum obiter notandum in pluribus acutis febribus propter sanguinis orgalimum, & ipsius acres particulas in ventriculo immorantes, vomitus aliquando excitari, unde judicantes plures Medici eò ducendum, quo natura vergat, ex doctrina divini Senis, ob pravè detortam eam sententiam, emetica exhibent, quibus miseri

aegri

aegri, quoisque animam evomant, vomere non desinunt, quia propter sedulo notandum, in his febribus eos vomitus à sanguine nimis aestuante productos, potius venae sectionem, quam aliud quidpiam indicare, ut optimè notat Hieronymus Thench cap. de Emet. Idem dicendum de Pleuritide, quiae licet à vomitu frequenter incipiat, vomitorium non indicat, imò venae sectiones moderate praescriptas, quod de omnibus inflammationibus intelligendum velim.

79 In apoplexia, pituitosa praesertim, & fortia cathartica, & vehementiora emetica praescribenda, quippè omni opera incumbendum, ut fibrae profundo illo somno consopitae, valide expergesiant, & motum suum ferè deperditum iterum exerceant, imò nostrates Medici, foelici quandoque eventu, emetica, & cathartica mixta, simul pro haustu propinat, ut vel per vomitum, vel alvi fluxum, à somno adeò molesto excitentur. Insuper sat apud Authores practicos, apud Etmuller. praesertim, videre possunt Tyrones, quibus morbis emetica convenient, innuere tantum sufficiat, in omnibus morbis à repletione ventriculi, vel depravata digestione nascientibus, praestantius non esse remedium, ut praeter alias latè explicat Galen. in Method. med. ad Glaucon. contra autem cancrebus, & angue fugiendum esse in phthisi, hectica essentiali, hydrope, angina, quidquid Riverius pro ea curanda laudet aquam benedictam Rulandi, cap. prop. de Ang. & aliis hujusmodi. Praeterea nec convenient emetica gravidis, puerperis, hernia affectis, nec hominibus valde carnosis, nec his qui angusto sunt pectore; his enim omnibus, insigne detrimentum ex vomitu sequi solet, quod plures ex his, vanis quorundum Medicorum hypothesibus, ne dicam audaciis, miserè lugent. Aptiores ergo sunt ad vomendum graciles, natura biliosi, stomacho robusto praediti, ad vomendum assueti, quibus pectus amplum, & latum est, aliquique similes, qui minus vomendi illo conatu molestantur, quae omnia ex solidissima, Hippocratis magni doctrina desumpta, à multis Authoribus, quos hic brevitatis gratia non adduxi, sedulo recensentur. Id pro corone dicendum restat, tām purgantia, quām emetica matutino tempore esse praescribenda excepta apoplexia, aliōve urgēti

ti casu , quo , qualibet hora , ipsa necesse sit propinare . Adhibito autem purganti aeger sinendus est , donec duabus , aut tribus horis tractatis juscum assumat . In emetico autem observandum , ut eo adhibito dum aeger vomere incipit , aut aqua tepida , aut juscum ei praescribatur , quousque iterum evomens , aut aqua tepida , aut juscule iterum diluatur , idque toties repetendum , donec actus vomitionis cessaverint .

## CAPUT XII.

## DE DIURETICIS.

80 **D** iuretica ea dicuntur medicamenta , quae aquosos humores , serosam scilicet sanguinis substantiam , per urinas expurgant . Alia sunt propria , ea scilicet , quae sanguinem fundendo , liquando , & solvendo , ac fibras renum stimulando , & uno verbo , solida , & liquida disponendo urinas cient . Alia impropria , quae vel serosos humores augendo , diluendo , solidaque laxando , aut alio quovis modo , urinas movent . Inter impropriè diuretica enumerandae veniunt emulsiones , aperientia medicamenta , laxantia , & nephritica , de quibus superius loqui sumus . Proprie diuretica sunt radic . apii , erisim , broniae , ononid . petrosel . raphan . virg . aur . saxifrag . fol . veronic . heder . terrestr . chaerfol . urtic . nat . turc . matricariae , quae in renum affectibus omnes longè superat experimento Montagnanae , flor . bellid . viol . genit . semen hiper . violar . milii sol . baccar juniper . alkekeng . amigd . amar . nuclei persicor . gumm . ammoniac . succin . therebent . & ex ea parata remedia . Lapis percar . ocul . cancr . lumbrici terrestr . pp . aselli , seu milleped . pp . Cantharides , vesicae specialiter infensae creduntur , eis proinde non nisi summa cautela utendum , ac non nisi in casu desperato , omnibus iam frustra tentatis , sunt praescribendae , & quidem mixtae illis medicamentis , quae ejus acrimoniam coercere valeant , vel prout eas in calculis , & lotii suppressione praescribit Thomas Bartholin .

R. *Cantharid.* pulv. 3. j. infund. in vin. Rhenan. 3. iii.  
*(vel si mavis in vino albo, aut spirit. vini)* stent in infusione per aliquot dies, deinde per chart. bibul. filtrantur.  
*Ex colatur. cochlear. j. septem aliis vini cochlearibus mixtum exhibeatur.*

81 Inter diuretica pariter numerantur, spirit. sal. vitriol. & sulphur. cremor. tart. chalibeat. tinct. tartar. tinct. sal. nitri, spirit. vitrioli dulcis, spiritus therebentinae, sal stipt. favar. succini, pulv. scorpionum, bufonum, & alia quae superiorius adducta sunt ad humores pituitosos praeparandos, ex quibus variae fieri possunt remediorum formulae ad libitum Tyronum. Inter ea vero, quae à graviissimis Authoribus adducuntur, praestant aqua antinephritica Minisch in armamentar. Medico-Chymic. pag. 328. aqua, seu essentia nephritica Joann. Zuvelfer. Pharmacop. Reg. pag. 897. Decoctum nephriticum Forest. supra descriptum. Decoct. diuretic. Full. Pharmacop. ex tempor. pag. 40. Optimus est pulvis diureticus Rofinicii.

R. *Ocul. cancr. pp. sang. hirc. pp. anà 3. j. s. lapid. judaic. nephrit. anà 3. j. ocul. lucu pisc. semin. mil. sol. anà 3. ii. cristal. tart. 3. j. sal. 3. j. me. fiat pulvis.*

82 Dicta ergo medicamenta conferunt in pluribus morbis chronicis, in quibus materia crassa est attenuanda, viae reseranda, & serositates à corpore extrudenda, cum hoc discrimine, ut si aeger fuerit temperamenti biliosi, viscerum intemperie calida gaudeat, aut febre cum atrophia comittetur, fugienda sunt nimis calida, & moderate calidis aperientibus, cum diluentibus mixtis utendum est. Proinde in usu sunt in hydrope; cui praeter alia specificè prodest Vicentoxicum ex observatione Nenter pag. 264. & Mang. Bibl. Pharm. tom. 1. pag. 732. & flores liliorum pallidorum in formam conservae cum melle, mense Majo collecti, qui nondum per urinas, sed per alvum potentissime aquas educunt. Dosis co-

chlearē unum , aut duo , superbibendo haustulum aquae grāminis , aut alterius similis . In ictero etiam convenient , cui praeter dicta specificē prodest aqua ex albo albi , ex alburnīne ovi cum aqua florū camomill. parata , ejus descriptio habetur apud clarissimum Lucam Tozzi cap. de Icter.

83 Insuper in febribus intermittentibus eradicatu difficultibus , adeo commendantur à Riverio , ut febres , quas caetera medicamenta sanare non potuerunt , ex ejus mente , decoctum diureticum saepissimè curet . Similiter ulcera , & obstructiones partis gibbae hepatis per urinas curari docuit Galenus lib. 13. Method. medend. cap. 15. Praeterea in empyematicis , aliisque pectoris morbis , convenire diuretica docuit Hipp. & ejus aliquando sedulus imitator Baglivius cap. de Asthma. pag. 64. quod experientia confirmare videtur , eō quod disuria asthmati superveniens utilis sit , & ab omnibus practicis celebretur . Verum non omnia diuretica morbis pectoris sunt appropriata , praesertim acida , quae thoraci , uti diximus sunt inimica ; imò nondum pectoris morbis , sed & aliis quibuslibet , securius praescribuntur prae reliquis vegetantia in nostro precipue climate , de quo dicere possumus , quod Baglivius de suis Romanis agens de bile , pag. 274. plus scilicet in curatione morborum , prodesse remedia ex vegetabilibus desumpta , quam omnia quaecumque inventa , ex chimiae furnis deponpta , quod sedulo notent , qui arcana pro quolibet , et si minimo morbo , statim jactant , & ore pleno vociferant . Nec opus est in praesenti vias , per quas ex pectore ducuntur humores ad urinas , explicare , quia praeterquamquod cultri Anatomici aciem fugiunt ( quidquid in contrarium velit Fallopius ) eas optimè natura scit , & per vias soli ipsi notas , dictos humores expellit .

84 Tandem in diureticis adhibendis , memoria tenendum est , quod diximus cap. de Nephtiticis , & cum cautelis ibi appositis praescribantur , hoc unicum addendo , in ulcere scilicet renūm , & vesicae , nullo modo esse adhibenda , quippè ut optimè notat Galen . humor educendus non est per partem affectam .

85 Ex dictis facile deduci potest diureticorum operatio;

non

non uno enim , & eodem modo operantur ; sed diverso; alia enim diuresim movent , aqueos humores suppeditando , & acres liquidorum sales diluendo , ut emulsiones , aperientia frigida , & similia ; alia, serum sanguinis praecipitando, ut acidum limonum , spiritus vitrioli , &c. quaedam sanguinem fundendo , & solvendo , ut cantharides , millepedes , & alia; quaedam laxando fibras crispatas, ut oleum amigd. dulcium sine igne extractum , & alia emollientia , quaedam denique crassos humores attenuando , & fibris naturale robur inducendo , diuretica sunt , ut radix petroselini , & alia aperientia non nimis calida , & sic de reliquis. Hinc patet divisionem diureticorum in propria , & in impropria quam superius adduximus , non ex propria sententia , sed ex mente communii Authorum esse deductam ; nos enim credimus nulla esse medicamenta verè , & propriè diuretica , hoc est , quae ex se virtutem habeant urinas movendi , nam id experientia non confitat , neque videmus applicatis medicamentis diureticis , certo sequi effectum , quemadmodum in purgantibus , quapropter per accidens , ut dicitur , quemadmodum supra explicuimus , operationem suam exercent , unde impropriè tantum sunt diuretica.

## C A P U T XIII.

## DE SUDORIFERIS , ET DIAPHORETICIS.

86 **N**ON sunt confundenda sudorifera , cum diaphoreticis , haec enim sunt omnia illa , quae perspirationem insensibilem Sanctorianam augent , illa vero , quae madorem sensibilem per cutim exhalare faciunt. Cum ergo in humano corpore solidis , & liquidis integrè constituto , omnia sint in perpetuo motu , adeò , ut liquida per solidorum impulsu huc , illuc , & undequaque ferantur , & solida vi innatae suae propensionis , liquidorum vi oscillent , & moveantur , poris perinde instructum , & foraminulis undique dispersis praeditum esse oportuit , tum ut insensibilis illa materia , quam in magna copia , perpetim ex corpore effluere jam satis de-

monstrat

monstravit Sanctorius, per eadem continuò migraret, tum ut corpus inflexible non maneret, quippè si pori non adeslent, hique à continuò praeterlabente materia non retinerentur aperti, carni fierent absdubio, totumque exinde corpus rigidum instar trunci, & inflexible prorsus evaderet. Ex quibus concludendum est subtilissimos halitus, aut vapores ex continuò liquidorum attritu, & solidorum impulsu, excitari, qui per cutis foraminula avolantes, materiam transpirationis constituunt. Quia nunc tamen mentio de vaporibus facta est, quid de eo sentiam, breviter innuam. Sinapius in suis *Paradoxis Medicis*, non tam certis, firmisque rationibus, quam vanis, & inanibus dicteriis, quibus totum illud opus planè constructum est, omne vaporum, & halituum genus ab humano corpore intendit excludere, quod futilis cujusdam theoriae, potius quam verae praxeos documentis asseruisse, credam. Ac licet minimè in eo fidendum sit antiquis, qui morbos ferè omnes per consensum, statim per ascendentess vapores (neglectis spasmodicis fibrillarum oscillationibus, vaporum species repraesentantibus, quibus plures aegritudines fieri verosimilius est) explicare conantur, nec similiter omnino ab eis recedendum, praxeos eventus demonstrant, quae omnia utpotè omnibus notissima opus non est, hic nunc multis probare velle; verum quia vapores, flatus, aliaque hujusmodi frequenter in morbis Medici accusare solent, idque, præ aliis dissertissime, quantum ipse judicare valeo, explicat Fuller pag. 114. ejus idcirco aurea verba placuit, Tyronibus hic subnectere. *Quo clarius hac de re mentem meam explicem dico, flatus, & vapores res esse, & materialiter, & localiter planè distinctas. Flatum materia esse cruda, & crassa, flatulentæ dietæ, pravae digestioni, aut utrisque simul ortum ducens. Nusquam ferè reperiuntur praeterquam in primis viis, & sese manifestant præcertim mox à pastu per leviusculam indipositionem, oscillationem, abdominis inflammationem, & torsionem vagam.* Postmodum addit: *Vapores, quos vocat Helmontius Gas silvestre, impalpabilem, & incoercibilem spiritum, oriuntur à maxime volatili, acri succo glanduloso vitiosam fermentationem ineunte cum viscosa materia (non in canalibus intestinorum, sed eo-*

*rum, flatu enim humore attenuatu & debili calore qui non potest eum disuadere; Vapo habet motum suorum absente spiritum mortali coniunctum, præter insigcent calorem atque fortem.*

rum, & mesenteri membranis, atque etiam ultimis, & intimis quibuscumque corporis recessibus, ubicumque arteriarum extrema illam de posuerunt miras trepidationes, confusiones, subsultus, & explosiones adigunt. Hi furias agunt maximè vacuo ventriculo, longè à pastu, ultima jam peracta digestione, atque pro varia materia, loco, & ataxiae ratione (hactenus non satis clarè, & distinctè à quolibet Authorum perspectis, & definitis) affectio-nes, vel hystericas, vel hypochondriacas (vulgò dictas) excitant. Hisce in casibus evacuationia generaliter obsunt, & enemata, ac carminativa malum intendere solent. Haec ille.

87 Diaphoretica (ut ad nostrum propositum reverratur) sunt ea omnia, quae vel liquida atterendo, vel solida agitando, vel utriusque motum adaugendo, vel viscera roborando, vel cutis foraminula aperiendo, aut alio quovis modo insensibilem transpirationem augent; talia sunt medicamenta spirituosa, cardiaca, excerptum corporis, equitatio, vectio in curru, ac omnia adstringentia ex doctrina Boeraavii tract. de Virib. med. pag. 364.

88 Sudorifera ergò medicamenta sunt, quae per cutis foramina, materiam sensibilem instar aquae excernere faciunt. Hinc colligitur sudorem ex toto corpore educere, totumque sanguinem inter alias evacuationes melius expurgare. Sudor quandoquidem planè aquosus, nullius saporis, & odoris par-ticeps, ut phthisicis, & puerperis accidit, quandoquidem sum-mè factens appetit, ut gallicis, aliisque morbis commune est.

89 Porro medicamenta, quae sudores movent, sunt praeci-pue: radic. angelic. contrahiev. schinæ, imperatoriaæ, viperinae, valerianæ, zedoariae, enulæ. Fol. card. benedict. scabio-sæ, scordii, cochleariae, centauraæ minoris. Flores calendulae, papaver. rheas; borraginis, buglossæ. Lignum guajacum, sassafras, juniperi, falsaparrilla. Rafura eboris, c.c. pulvis mandibulae lucii piscis, pulvis Unicornu, sanguinis hirci pp. lapis bezoardicus orientalis, & occidentalis, Bezoardicum animale, antimonium diaphoreticum, bezoardicum minerale, camphora, aqua theriacal. Crol. & Rhenodaci, sal volatile viperarum, cornu cervi, urinæ, sal ammoniacum, spiritus fuliginis, c. c.

salis ammoniaci , sang. humani , urinae , & alia volatilia , spirituosa , subtilia , attenuantia in superioribus jam satis repetita . Decoctum sacrum Fuller pag. 55. optimum sudoriferum est.

R. Rad serpeniar. virginian. contus. 3. vij. coq. in aquae font. tb. j. ad tb. s. colatura , & magmati residuo affunde de novo aquae tb. j. rursum coque ( sub medium coctionis addendo coccinel. 3. f. ) ad tb. s. col. iterum : utrasque colaturas misce , usque dissolv. calidè , & clause melis 3. j. cola , & serva.

88 Hoc decoctum , in febribus malignis cum coagulatione , dyarrhaea praesertim symptomatica stupatis , caetera quaecumque antecellit.

R. Antimon. diaphoret. 3. j. spirit. c. c. gs. viij. camphor. gr. ij. sirup. papaver. rubr. 3. i. aquae card. bened. 3. iii.

89 Plures aliae fieri possunt ex dictis medicamentis remediiorum formulae , jam sat superius adductae , & infra tract. de Febribus longius adducendae , utiles in omnibus morbis à nimia sanguinis , aut lymphae concretione nascientibus , ut pleuritide , ac iis , quibus natura per sudores solita est expurgari , ut in pluribus febribus , haec enim medicamenta , sanguinem fundendo , attenuando , & ad habitum corporis expellendo , sudores excitant . Verum in principiis acutorum morborum , in inflammatoria scilicet sanguinis diathesi , cane pejus , & angue fagienda sunt ex Sidenhamii , & Hippocrat. consilio , ut nos longius ostendimus tractatu de Febribus .

90 Praeterea observare licet , haec omnia supra adducta sudorifera , quantumvis larga dosi exhibeantur , saepissime sudores non movere , imo eorum ratione , & sanguine magis coagulato , ut supra probavimus , & fibris magis tensis , ac crispatis , viae eliciendo sudori occluduntur , quod nostris regionibus , ut plurimum accidit ; convenient potius popularibus nostris levia sudorifera , quae aut solida laxando , cuti- que

que poros aperiendo , aut acres liquidorum particulas obtundendo , & diluendo , aut liquida versus circumferentiam ablegando , sudores movent , qualia sunt balnea , frictiones , decoctum the , aut papaver . rubr . calide sorbillatum ; imò ex largo aquae frigidae haustu , sudores copiosissimos cum levamine patientum observamus , quos , omnibus jam dictis volatilibus medicamentis , assequi fortasse non potuimus .

91 Tandem , sciendum est , bezoardicum animale praescribi pro una dosi ad scrup. j. mineral . ad scrupul. f. utrumque lapidem bezoardicum ad gr. vj. reliquorum verò sudoriferorum dosis jam satis ex superioribus innotescit . Circa operationem medicamentorum sudorificorum idem dicendum est , quod de diureticis , nam medicamenta propriè sudorem moventia , nulla dantur , & omnia quae in hoc capite proposita sunt sudorifica , impropriè tantum , & per accidens talia dicenda sunt .

## CAPUT XIV.

## DE CLYSTERIBUS.

92 **C**lyster est : Medicamentum per sedem injectum ad deponendas potissimum intestinorum impuritates , aliosque usus institutum . Liquor enim per siphonem injectus , motus naturalis antiperistaltici ope , quem jam adesse , experimentis confirmat Uveper tract. de Cicuta aquatica , pag . 325 . sursum aliquo modo fertur , donec ipse irritans , motum peristalticum naturalemi auget , & intestina movet , ut ipsum simul cum excrementis expellant , idcirco , dum adeò validus est motus antiperistalticus , ut peristalticum supereret , tum clysteres per os immutati rejiciuntur , ut accedit in illo . Nec solum ex intestinis evacuant , sed ex toto etiam corpore , ut longè probat Galen . & experientia confirmat , equidem in apoplexia , nephritide , angina , & aliis morbis plurimum juvare solent , eosque Hipp . strenue commendat innumeris locis , praesertim lib . 2 . de Morb . lib . de Med . Purgant . & de Vix ration . in acut . & alibi .

N

Nec

93 Nec solum ad deponenda primae regionis excrementa, verum ad alterandum, imò & ad nutriendum saepissimè juvant, licet aliqui id negent cum Paracelso, & Helmontio (qui tanquam sordidum medicamentum, prorsus ablegandum judicarunt) nutrire enim quandoque clysteres experimento probat Hildanus observ. 30. cent. 4. An autem id fiat sola particularum subtilium elevatione, & communicatione ad genus nervosum, & sanguinem; an recta chili in intestinis generatione? Id dubitandum relinquimus; judicamus igitur particulas alibiles minimas intestinis, clysteris ope communicatas, exinde sanguini, & nervis immisceri, sicque nutritre; eodem modo quo, dum quis nimis famelicus est, & debilis, juscule solum assumpto, plurimum roboratur, antequam id in chilum converti possit, per particulas scilicet minimas, ex ventriculo in sanguinem transmissas, & systemati etiam nervoso ad citam refectionem communicatas.

Enema nutriens.

R. *Juris carnis ariet.* & capon. anà 3. iv. vini optimi 3. ii.  
pan. tritic. exsiccat. & pulv. 3. f. vitell. ovor. num. ii. me. fiat  
enema.

94 Hoc enema in angina, dum aegri nihil, nisi magno suffocationis periculo deglutire valent, in apoplexia, paralysi linguae, aut aliis hujusmodi morbis, tepidum injiciendum, & quantum fieri possit, in intestinis retinendum, imò pauca quantitate praescribi debet, ut diutius servetur, & repetendum est, prout necessitas postulaverit.

Enema commune.

R. *Decoc̄t. herbar. emollient.* fl. j. olei commun. & mell.  
anà 3. i. sal. 3. ii. me.

95 Hic clyster à mulierculis, ut plurimum laborari solet in quolibet casu, quo intestina sint à faecibus depuranda.

Addi

Addi potest , si majori stimulo opus est , benedicta laxativa , confectio de bacc. lauri , ad uncias duas , oleum absinth. ac rutaceum ad unc. ij. f.

R. Decoct. capit. & intestinor. vervec. tb. j. ol. amigdal. dulc. ȝ. ij. pulp. cass. ȝ. j. me. pro enemate. Calidum administretur. Vel

R. Herb. malv. pariet. mercurial. ana manip. j. flor. camomill. pug. j. fiat decoct. pro enemate. ad tb. j. cui adde ol. lin. ȝ. ij. sacchar. rubr. parum, me.

96 Haec enemata conferunt in dolore ileo , colico , nephritico , aliisque morbis , in quibus acris materia demulcenda , fibrae laxandae , & flatus expellendi. Si dolor nimium urgeat , eis addi potest laudanum liquidum ad gs. xvj. Si simul in animo sit , emollire , laxare , & humores educere , addi possunt pulpa cassiae , benedict. laxativa , mel mercurial. & alia hujusmodi.

#### Clyster carminativus.

R. Flor. camomil. baccar. laur. ana ȝ. s. semin. fenicul. anis. ana ȝ. j. herb. absinth. manipul. j. coq. ad tb. j. in vino , adde ol. absinth. ȝ. j. me.

97 Hoc enema commendatur in hypochondriaca , & hysterica affectione , ad flatus expellendos , in colica flatulenta , & aliis. Sedulò nota , an colica sit convulsiva cum nimia scilicet tensione , & crispatura intestinorum , & messenterii conjuncta , nam in tali specie colicae carminantia , & purgantia aegros in mortem ducunt , aucta magis eorum ratione praeternaturali fibrarum crispatura ; praescribenda potius tunc sunt laxantia , emollientia , & anodina , quae dicto morbo specificè occurunt. Consule Sydenhamium , Uvilisium , & alios. Nec , dum Medici tensiones hypochondriorum , & ventris in febribus , aliisque morbis inspiciunt , statim configuant ad carminativa , id à flatibus provenire judicantes , quippe ali-

quando fit à materia acri fibras pungente , easque prætermodum crispante, unde totius abdominis tensio subsequitur.

Enema apoplecticum.

R. Rad. pirethr. 3. s. herb. rut. manip. ii. puluae colocynthid. (in nodulo) 3. s. coq. ad tb. i. colat. adde vini emetic. 3. ij. me.

98 Ad omnes soporosos affectus optimum est. Quod si propter musculi sphinctheris paralism , ac motum deperditum, ut saepè accidit , parum detineatur , iterum , & iterum est repetendum.

Enema è 4. oleis Fuller.

R. Ol. lin. ol. camomil. anà 3. vi. ol. scorp. 3. ij. ol. therabent. 3. ij. me.

99 Ad calculum , & arenulas in ipso doloris nephritici paroxismo pellendas optimum , & nulli secundum medicamentum.

Enema dulce.

R. Lact. vaccin. recent. 3. vi. mell. optim. 3. ij. me.

Enema amarum.

R. Radic. serpent. virginian. contus. 3. j. puluae colocynthid. (in nodulo ) 3. j. herb. tenacet. sumitat. sabin. anà manip. s. fiat decoct. ad 3. viij. colat. adde ol. absinth. 3. j. me.

100 Haec enemata ad lumbricos præscribi solent, ea tamen lege , ut prius enema dulce ad ipsos alliciendos , postmodum amarum ad enecandos injiciatur. Sed haec vana sunt, quippe ex certis , & in dubitatis observationibus à Francisco Redi factis , constat lumbricos humani corporis ab amaris medicamentis minimè laedi , à dulcibus offendit quam maximè , qua propter vigentibus lumbricis , satius erit enema dulce præcri-

cribere, ipsumque, prout opus fuerit, repetere.

Enema febrifugum.

R. Cortic. peruvian. pulv. ȝ. j. sal. tart. ȝ.j. coque in fl. iiiij.  
aqua flor. camomil. ad fl.j. colatura fine expressione adde.  
Sacchar. parum me.

101 Hic clyster in febribus quibuslibet intermittentibus tollendis, optimum est remedium; praescribi incipit, finito paxifismo, & saepius repetitur ad alium usque, donec febris, aut tollatur, aut minuatur. Hoc remedii genus praeter alias adducit Helvetius Medicus Parisiensis, qui de hac corticem praescribendi methodo, integrum librum conscripsit.

Clyster Anodinus.

R. Decoct. intestinor. vervec. fl. j. vitell. ovor. num. ii.  
balsam. Lucatell. ȝ. s. saevi hircini ȝ. ii. me. Usurpetur calidè antequam saevum concrescat.

Optimè confert ad tormenta, & cruciatus sedandos in differenteria, &c.

102 Fieri possunt diversae clysterum formulae pro varia Medici intentione, ut clyster somniferus ex opio in aqua paveris dissoluto, modica tamen dosi. Tempus ergò opportunitum ad enemata accipienda est diversum, pro diversitate morbi, & Medici intentione. Id tamen sciant Tyrones, in principiis accessionum febrium non esse adhibendos, quippe perturbando naturam, eas solent immodecē prolongare.

103 Huc pertinent suppositoria, quae sunt, medicamentum solidum filo ligatum instar rotundae, & medicamentis aliquibus pro variis finibus consarcinatum.

Suppositorium commune.

R. Pulv. aloes, hier. picr. ana ȝ. s. mell. & salis q. s. fiat  
suppositor.

Sup.

Suppositorium irritans in soporosis affectibus.

R. Pulv. agaric. trofischor. alhandal ana 3. j. hellebor. nigr. 3. s. sal gemmae, nutri ana 3. j. mellis quod sat. fiant duo suppositoria.

104 Eodem modo fieri possunt ex aliis medicamentis, pro varia Medici intentione. Suppositoria, & clysteres non sunt applicanda his, qui haemorrhoidibus, siccis praesertim, laborant, nec his qui hernia afficiuntur; minus praegnantibus, & puerperis; parciori copia in pueris, & senibus, quibus potius suppositoria, quam clysteres convenient.

## C A P U T X V .

### DE ANODINIS, ET VESICANTIBUS.

105 CUM corpus humanum, innumeris subjectum labi-  
ribus, praeter alia vehementia, quibus affli-  
gitur, symptomata, dolore, omnium aliorum symptomatum longè excedente saevitiam, hinc, indeque molestetur, ne  
quid divinae arti nostrae, pro humani generis subsidio deficeret, medicamentis usâ est anodinis, narcoticis, hypnoticis,  
& paregoricis, ad dolores sedandos utilissimis, quae licet ad  
eos levando omnia conducant aliqua ratione; nihilominus,  
quoad modum scilicet, quo dolorem auferunt, diversificantur,  
alia namque dolores mitigant solida laxando, & acres liqui-  
dorum particulas obtundendo, ut emollientia, & laxantia,  
v. g. balnea, fatus herbarum emollientium, lac, crocus, &  
similia, haecque à Medicis magis propriè anodina dicuntur,  
alia dolores auferunt somnum inducendo, ut opium, papa-  
ver. &c. alia, sensum partis obstupefaciendo, ut hiosciamus,  
mandragora, solanum, cicuta, & hujusmodi alia, quae ex-  
trinsecus applicata sensum obtundunt, internè verò assumpta  
somnum profundum creant. At inter caetera omnia medica-  
menta, & ad somnum conciliandum, & ad dolores tollendos  
oppor-

opportuna, longè antecellit opium, & medicamenta ex eo composita, Laudanum scilicet opiatum Helmontii, aut Quercetani, ac Laudanum liquidum Sydenhamii, quibus recte administratis, adversus innumeros morbos strenue quilibet Medicci pugnare possunt. Nec opus est in praesenti naturam opii, ejusque operandi modum inquirere, quippe id esset tractatum hunc ferè in infinitum extendere, consuli nihilominus possunt Etmuller. in celebrii dissert. de Vi opii diaphoret. Mang. in sua Opiologia, & alii; obiter innuere sufficiat, opium, nec esse frigidum, nec frigiditate operari, ut pluribus creditum, sed imo calidum, & sulphure crastlo, & foetido constitutum, ut testatur ejus amaritudo, inflammabilitas, acrimonia, aliaque in opio existentia, & ejus calorem potius quam frigiditatem demonstrantia, quod latè probat Heredia tract. de Morb. acut. cap. de Apoplexia, & novissimè Geofroi testatur. Laudanum ergò opiatum, seu extractum opii, fortius multò operatur, quam liquidum, hoc propterea praescribi potest ad gs. xx. illud ad summum, & in casu magnae urgentiae ad grana duo, aliter autem ad granum semif. licet Riverius cap. de Choler. morb. satis temere ad grana iv. praescribat. Conveniunt ergò opiata in omni dolore sedando, in fluxionibus catharroicis detinendis, in quibuslibet fluxibus sistendis, in effrenato sanguinis, & liquidorum cursu strangulando, in hystericis paroxysmis tollendis, in febrilibus exacerbationibus eliminandis, ac denique innumeris aliis, gravissimisque morbis, & sympathetibus corrigendis.

106 Verum notent Tyrones, semper in casu doloris sedandi, & somni inducendi, incipiendum esse à levioribus anominiis, ut pediluvii, balneationibus, aliisque hujusmodi, quibus non proficientibus, & dolore nihilominus magis molestante, ad opiate transeundum, ea vel in pillulis, vel potionibus morbo appropriatis miscendo, incipientes à leviori dofi, & sensim eam augendo, usque quo, aut dolor leniatur, aut somnus concilietur, numquam tamen dosis superius praescripta excedenda. Praeterea si fieri possit, ideo, si dolor nimis non urgeat, praemittantur evacuationes causae dolorem inducentis, antequam opiate praescribantur, aliter enim  
do-

dolorem tollunt, alium fortiorum fortasse, productura. Verum si dolor adeo affligat, ut aeger inquietudine magna, viribus immodecē deficientibus, laboret, tunc sat, tuto urgentiori malo occurrendo, praescribuntur. Insuper in destillationibus acribus, saltis, & tenuibus, unicum solent esse remedium post evacuantia praemissa, attamen advertant Tyrones, quod si materia multa impacta sit in pulmonibus, eaque levem difficultatem spirandi producat, tunc medicamenta appropriata superius adducta, prius sunt offerenda, ad materiam in pectore existentem educandam, & postmodum, praescribantur opiata, aliter enim, haec materiam illam in pulmonibus magis, ac magis incrassant, & ejus motu impedito, ibidem diutius stagnans, majorem spirandi difficultatem producit, quod ipse sedulo observavi.

107 Insuper pueris, & senibus minori dosi sunt exhibenda, quippe solidorum laxitas in ipsis, eorum nimium usum non permittit. Similiter numquam viribus debilibus existentibus propincentur, quia vires magis dejiciunt, & aegrum in praecipicium ducunt. Quapropter Tyrones moneo, ut magnis vigentibus doloribus, aut immodecē fluentibus liquidis (quibus duobus affectibus tanquam infallibile arcanum occurunt opiata) semper omni cura animum dirigant ad vires, & interim quantum fieri possit, dolores sedent per opiata, pro quo sine miseri haec solent in potiunculis, pillulis, aut aliis hujusmodi formulis, ex medicamentis vires recreantibus constitutis, ut utrique sic indicationi satisfaciendo, omni malo strenue occurrant.

108 Quod ad vesicantia spectat, ea sunt medicamenta, quae cuti applicata, sua acrimonia, cam in bullas elevant, & lymphaticam substantiam educunt. Hippocrates, & Galenus medicamenta vesicantia nusquam, quod sciam, adhibuerunt. Postiores Graeci Medici ea applicuerunt ad varios morbos sanandos, credentes ipsorum operationem consistere in forti attractione, revulsione, & serosi humoris evacuatione. Recentiores vero ea omnia improbantes, statuunt particulas vesicantium in sanguinem introductas, eum commovere, & dissolvere, eoque modo effectum suum producere, sed ut ingenue loquamus, fateri cogimur effectus attractionis, & revul-

tionis , & evacuationis nostris sensibus patere , quod vero humores coagulatos dissolvant , nobis observationibus non constare , atque adeò , quae à Neotericis dicuntur hac de re , inter systematica , incerta , & parum fida referenda. Id igitur certum , vesicantia medicamenta opportunè applicata , in quibusdam morbis mirificos effectus producere , praesertim in difficultate spirandi , fluxionibus à capite , aliisque hujusmodi affectionibus. Nec solum cruribus , sed ipsi thoracis regioni , quorundam Graecorum more , applicare ea oportet in astmate , & ortophnoea , nam vesicantia in his morbis , applicata in parte posteriori thoracis inter scapulas , naturam quam optimè juvare solent. Utilia sunt in apoplexia , epilepsia , hemi-crana , ophthalmia inveterata , comate , omnibusque aliis affectibus soporosis , pleuritide , febribus malignis cum coagulatione , aliisque hujusmodi morbis , in quibus humores revellendi , sanguis , & lympha attenuandi , liber liquidorum cursus promovendus , & solidorum vibrationes stimulanda : secus verò , nocent in febribus ardentibus , malignis cum dissolutione , in delirio , aliisque morbis in quibus sanguis nimis celeriter currit , liquida immodice commoventur , & solida praeter modum crispantur. Consuli potest Bagliv. in tract. de Usu , & abuso vesicantium.

R. Mass. emplastr. vesicant. 3. ii. cantharid. pp. Ə. s. cum acet. acri fiant duo vesicatoria ad formam bolae manus.

R. Pic. burgund. therebintin. venet. anà 3. iii. cantharid. pp. 3. i. me. fiant duo vesicantia.

R. Cantharid. in acet. maceratar. Ə. i. zinziber. piper. alb. anà Ə. s. pulv. majoran. Ə. j. ferment. acerrim. q.s. fiant duo vesicantia ad formam semilunae , applicanda pone aures.

109 In pleuritide vix praestantius est remedium , quam duo vesicantia tibiis admota ex Bagliv. In ophthalmia , aliisque inveteratis oculorum morbis , maximè juvat vesicatorium

nuchae applicatum , & per plures dies ibidem permanens. Tandem in apoplexia fortissima observavi, malum signum esse, si vesicantibus adhibitis , vesiculae non excitentur.

## C A P U T X V I .

## DE VENAE SECTIONE.

110 **V**enae sectio est : *Evacuatio sanguinis ex venis ab arte facta, ad varios usus naturae congruos.* Commu-  
niter creditur , venae sectionis usum introductum esse, quoniam homines antiquitus viderint hipopotatum , quod animal robustum est , dum sanguine turget, inter spinas involvi, sicque corpus dilacerando ipsum à plenitudine liberare. Ego autem crediderim ex ipsa naturae observatione , venae sectionis usum per analogiam quandam innotuisse , nam cum naturae lege quaedam fiant sanguinis evacuationes , quibus ipsa , nedum à morbis liberatur , sed & maximas praecavet aegritudines, hinc homines naturam imitari conantes , eandem evacuacionem artificiose venas aperiendo instituerunt. Quidquid ta-  
men sit , prorsus indubitatum est , venae sectionem maximum esse remedium , & praestantissimum ad morbos praecavendos , & curandos. Propter plures usus instituitur venae sectio. Pri-  
mo pro sanguinis quantitate minuenda. Secundo pro ipso sanguine nimis calido , & acri temperando. Tertio pro eodem licore revellendo hoc est, removendo à partibus, ad quas nimo impetu fluere solet. Hinc colliges falsissimum esse quo-  
rundam Neotericorum placitum afferentium , solam plenitudinem sanguinis esse indicans venae sectionis , cum etiam haec propter revulsionem , nimium fervorem , & acrimoniam mag-  
no cum fructu exerceri soleat. Ex qua parte sanguis mitten-  
dus sit , non aequa constat. Galenus in revulsionum legibus explicandis nimis prolixus fuit ; è contra vero inter recentio-  
res, aliqui, omnes regulas revulsionis tamquam ficticias destru-  
xerunt. Hinc infinitae propemodum natae sunt controver-  
siae , quae Medicorum mentes prorsus obscurant , & vere pra-

præcœs progressibus aduersantur. Nos vero his omnibus relictis , quac ad usum medicum incondicibilia judicamus , Tyronibus pro regula firmissima præscribimus , ut leges revulsionis , & derivationis non ex libris , neque ex Authoribus inter se disceptantibus , sed ex ipsa natura , vias monstrante , deducant. Igitur revulſio eſt : evacuatio ſanguinis ex parte ni- mium diſtantι ab ea , quae in morbo affecta eſt. Derivatio eſt : eductio ſanguinis à parte , maximoperè proxima parti la- boranti. Sedulo igitur animadvertere oportet , quomodo na- tura ſe gerat in curandis morbis , per ſanguinis evacuationem ſponte factam , ejusque leges imitando , tum demum agnoscē- mus , quid agendum in revulſione , & deriyatione. Exempli gratia , ſi phrenitis cauſam ſuam habeat in cerebro , eam na- tura ſanat per narium haemorragiam , hincque edocemur pa- rum , aut nihil prodeſſe venae ſectionem ex pede , confeſſe tamen quam maximè venarum jugularium , & frontis aper- tionem. Si phrenitis ſedem ſuam habeat in hepate , aut ſepto transverſo , tunc natura eam tollere ſolet , tum per narium haemorragiam , tum per haemorroides. Ex hac naturae lege diſcit Medicus aperire primum venas partium inferiorum , deinde ſuperiorum. Pleuritidem , & peripneumoniam ſanat quando- que natura , aut per haemorragiam narium , aut per ſputum flavum ſanguine permixtum. Intelligit hinc Medicus , venas partium ſuperiorum eſſe in pleuride , & peripneumonia aperiendas. Velim igitur Tyroneſ ſemper , natura duce , opera- ri , maximumque ſtudium collocent in ejus legibus exactè cog- noſcendis , & obſervatione diſcant , quae agenda ſunt in mor- bis , interim animadvertentis , noſtrorum temporum libros , mu- lta inania hac de re tractare , quoniam ex hypotesiſibus confi- tis , practica praecepta eruere volunt. Hinc falſum eſt , in mor- bis acutis capitis , ſecundam eſſe venam ex pede , quia nimius eſt impetus ſanguinis ad caput , qui ejus conveſtione ad pe- des ſiſtitur , quia haec omnia hypoteſi nituntur , & experien- tia non confirmantur , nam deliria febrium ardentium , poſt multas , imò & importunas venae ſectiones ex pede , non ceſſant. Falſum etiam eſt , quod dicitur , derivationem non eſſe iſtituendam , niſi praecedente priu revulſione , nam haec

regula observationibus non innititur, sed ex Spurcissimis Aratum fontibus emanat, quinimò Hippocrates contrarium suadet, & quod magis est ipsa natura. Videant Tyrones, si lubeat, Martianum hac de re acutè, & solide differenter. Hippocrates, Galenus, aliique Medicinæ Principes regulas revulsionis, & derivationis in praxi observandas statuerunt. nostris autem temporibus, dum sanguinem per corpus circulare crediderunt Medici, tamquam vanas, & futilles habuerunt leges revulsionis, & derivationis ab antiquis statutas, quia si sanguis, qui lege circulationis modo est in capite, citissimè descendit ad pedes, quid inquiunt, juvare poterit, ipsum ex pede, vel ex brachio educere, si omnis, qui in corpore existit, nunc est in pedibus, nunc in brachiis, nunc in capite? Attamen cum experimenta practica saepius iterata, hanc ratiocinationem destruxerint, hinc factum est, ut prudentiores Neoterici, tamquam axioma statuerint: posita sanguinis circulatione, leges revulsionis, & derivationis esse observandas. Nostro autem saeculo, magna exorta est controversia inter quosdam Medicos Parisienses, num in febribus acutis, dum humores ad caput impetuose feruntur secare oporteat venas brachiorum, an pedum? Acri-ter hac de re disputatione Philippus Hecquetus, & Silva, defendens ille, venas superiores, hic vero inferiores esse appetiendas. Multo antea, saeculo scilicet decimo sexto, floruit inter Parisienses Renatus Moreau, qui dissertationem fecit de missione sanguinis in pleuritide eruditam certè, & utilem, in qua probat, omnes fere Auctores gravissimæ notæ, ab Hippocrate usque ad sua tempora, sanguinem in pleuritide mitendum ex vena brachii lateri affectò respondentis, docuisse. Ego autem in omni morbo acuto à fluxione inflammatoria pendente, derivationem potius, quam revulsionem convenire, cum Hippocrate suadeo. Ut tamen Tyrones, quibus in morbis secunda sit vena, & quibus cautionibus id faciendum sit, aperte cognoscant, Cornelii Celsi sententiam apponam, utpote, qui inter Medicinæ Principes hanc rem accuratissimè exposuit.

*Sanguinem incissa vena mitti, novum non est: sed nullum pene morbum esse, in quo non mittatur, novum est. (a)*

111 Quid Celsus nostris temporibus diceret, si videre Medicos nostrates, in omni morbo semper, & ubique venam secare? Profecto natura non omnes morbos, vult per sanguinis expulsionem tollere; cur vero ars, quae naturam in omnibus ducem habere debet, sanguinem perpetuo, & ubique mittendum suadeat? Certè si nihil aliud facere oportet in morbis, quam sanguinem mittere, & purgare, inutile est artem praeceptis ornare ex ipso naturae penu deductis.

*Item mitti junioribus, & foeminis uterum non gerentibus, vetus est; in pueris vero idem experiri, & in senioribus, & in gravidis quoque mulieribus, vetus non est. Siquidem antiqui primam, ultimamque actatem sustinere non posse hoc auxiliū genus judicabant, persuaserantque sibi, mulierem gravidam, quae ita curata esset, abortum esse facturam. Postea vero usus ostendit, nihil ex his esse perpetuum. (b)*

112 Galenus non uno tantum in loco docuit, in pueris, & senibus venam non esse secandam, utope in his aetatibus non adeat virium robur, ad venae sectionem sustinendam requisitum. Ego autem propria observatione didici, in pueris parum proficere venae sectionem, imò & quam maximè officere, etiamsi acutis morbis infestentur, vel quod eorum compages laxa sit, vel quod humore gelatinoso plurimum abundant, & paucō sanguine, vel alia quavis de causa id fiat; tamquam certum igitur teneo in praxi praeceptum in pueris, & senibus raro sanguinem esse mittendum. Dixi raro, quoniam firmus puer, & robustus senex tuto sic (ut Celsus loquitur (c)) quandoque curantur, non enim semper pueri, & senex annorum numero, sed virium robore stimandi-

(a) Celsus de Medicin. lib. 2. cap. 10.

(b) Cels. loc. citat.

(c) Cels. de Medic. lib. 2. cap. 10.

di sunt ; maximè tamen in his actatibus Medicus imperitus falli potest , quia fere in iis minus roboris subest . Cum vero in mittendo sanguine vires semper contemplari oporteat , scire nunc expedit , plurimum estè discriminis inter valens corpus , & obesum , inter tenue , & infirmum . Nam obesa corpora paucò sanguine abundant , adeoque qui nimium pinguis est , ejus detractione licet modica , affligitur , contra vero tenues , si infirmi non sint , detractionem hujusmodi faciliter sustinent . Propterea vis corporis melius ex venis , ut dicebat Cicero , (a) & Arteriarum pulsatu , quam ex ipsa specie aestimari debet .

*Neque solum haec consideranda sunt , sed etiam morbi genus quod sit , utrum superans , an deficiens materia laeserit , corruptum corpus sit , an integrum . Nam si materia vel deficit , vel integra est , istud alienum est ; at si vel copia sui male habet , vel corrupta est , nullo modo melius succurritur . (b)*

113 Falsum esse , observationes evincunt , solam plenitudinem esse indicans venae sectionis , nam sanguinis corruptio nullo modo melius quam venae sectione corrigitur .,, Vetus nam igitur tundere oportet , inquit , Actuarius , (c) in plenitudine , & calidorum humorum putredine , in anni tempore , vere potissimum , secundo loco autumno : in aetatibus à pubescentibus usque ad declinationem . Nam si sanguis vacuatur cum neque copia , neque humoris superat caliditas , refrigeratio , cruditas , malusque habitus sicut cedit . Igitur à vero aberrant , qui in omni morbo , in omni aetate , in omni tempore sanguinem detrahunt , sicut etiam illi , qui sola copia redundant , ipsum detrahendum suadent .

*Ergo vehementis febris , ubi rubet corpus , plena que venae tument , sanguinis detractionem requirit ; item viscerum morbi ,*

(a) Cicer. in Orat. cap. 2.

(b) Cels. loc. cit.

(c) Actuar. de Method. Medend.

lib. 3. cap. 1.

*bi, nervorumque resolutio, & rigor, & distentio, quidquid denique fauces difficultate spiritus strangulat; quidquid subito supprimit vocem: quisquis intolerabilis dolor est, & quemque de causa ruptum aliquid intus, atque colisum est.* (a)

114. In hac morborum enumeratione, omnes fere illi continentur, qui sanguinis detractione curantur, nam si attente ea, quae à Celso proponuntur, inspiciamus, certè inveniemus in casibus ab eo propositis, plenitudinem universalem, vel saltèm particularem adesse, aut sanguinis corruptionem, quae venae sectionem expostulat. Igitur in fluxionibus, & destilationibus humoris serosi à capite, item in nimio sanguinis fluxu, & in morbis à bile, seu pituita pendentibus, non video qua ratione sit sanguis mittendus.

*Fieri tamen potest, ut morbus quidem id desideret, corpus autem vix pati posse videatur: sed si nullum tamen appareat aliud auxilium, periturusque sit, qui laborat, nisi temeraria quoque via fuerit adjutus, in hoc statu boni Medici est ostendere quam nulla spes, sine sanguinis detractione sit, faterique, quantus in bac ipsa re metus sit, & tum denum si exigitur, sanguinem mittere. De quo dubitare in hujusmodi re non oportet, satius est enim anceps auxilium experiri quam nullum; idque maximè fieri debet, ubi nervi resoluti sunt, ubi subito aliquis obmutuit, ubi angina strangulatur, ubi prioris febris accessio pene confecit, paremque subsequi verisimile est, neque eam videntur sustinere aegri vires posse.* (b)

115 Optima sunt, quae Celsus hic adducit & praxi quam maximè congruentia. Id unum excipio, quod Celsus suo tempore agnoscere non potuit, cum scilicet, accessio febris aegrum pene confecit, & aliam succedere spes est, cui sustinendae vires impares sint, tunc non venae sectione aeger suc-

(a) Cels. loc. citat.

(b) Cels. loc. citat.

succurrendus, sed cortice peruviano, à quo unice certum auxilium sperandum est.

*Cum sit autem minime crudo, sanguis mittendus, tamen ne id quidem perpetuum est, &c. (a)*

116 Duo praecepta notat hic Celsus, Tyronibus scitu necessaria. Primum est, sanguinem non esse mittendum existente cruditate in primis viis. Secundum est in casu magnae urgentiae seu suffocationis, seu contusionis vehementis, seu magnae inflammationis, sanguinem esse detrahendum, et si cruditas adsit, imò si duae simul concurrent indicationes, altera scilicet, purgandi humores crudos, altera vero mittenendi sanguinem cum urgentia, satius est primum, sanguinem detrahere, & postmodum cruditati succurrere. Si vero non adsit urgentia mittendi sanguinem, uti communiter accidit, tunc tutior via est, quae abstinet à sanguine detrahendo, donec cruditas omnino corrigatur. Tanto tempore, inquit Galenus, differre oportet sanguinis missionem, existente cruditate in ventriculo, quanto opus est, ut cruditas evacuetur. Hic oportet Tyrones advertant cruditatem ante venae sectionem non esse evacuandam in acutis per medicamentum purgans, sed per clisteres, vel usu olei amigdalarum dulcium in jufculo propinati. Hinc deducitur in cholera morbo, in cardialgia, & affectionibus oris ventriculi, periculosem esse sanguinem mittere, nam in his casibus virtus facillimè labitur, quod optime, variis locis praeceperunt Hippocrates, & Galenus.

*Sed ut aliquando etiam, primo die sanguinem mittere necesse est, sic numquam utile post diem quartum est, cum jam spatio ipso materia, vel exhausta est, vel corpus corruptum. (b)*

117 Optimum consilium hic praescribit Celsus, & experien-

(a) Cels. loc. citat.

(b) Cels. loc. citat.

tientia confirmatum , quod utinam Professores hodierni executioni mandarent , cum videamus , quibuscumque diebus , & quocumque tempore morbi , sanguinem immoderate fundere , & indiscriminatim hoc remedii genus , sine delectu temporum morbi , passim tentare .

*Fere etiam ista Medicina , ubi necessaria est , in biduum dividenda est . (a)*

118 Gloriabatur Galenus , se , unica venae sectione , febres quandoque jugulasse , atque Medicis antiquis in usu erat sanguinem mittere usque ad animi deliquium . Tyrones tamen monendi sunt , ne id umquam intendant , cum maximè periculosum sit multum sanguinem una vicè extrahere , & possit aeger syncope confectus perire . Praestat certè repetitis vicibus extrahere eam copiam , quae morbo congruat , nam si , ut idem Celsus optime monet , in aqua hydropicorum educenda id valet , quanto magis necesse est , in sanguine educendo valeat ?

*Mitti vero is debet , si totius corporis causa fit , ex brachio , si partis alicujus , ex ea ipsa parte , aut certè quam proxima : a Neque ignoro quosdam dicere , quam longissimè sanguinem , inde ubi laedit , esse mittendum , sic enim averti materiae cursum , at illo modo in idipsum quod gravatur , evocat . Sed id ipsum falso est , proximum enim locum primo exbaurit , ex ulterioribus autem eatenus sanguis sequitur , quatenus emititur . (b)*

119 Habent hic Tyrones regulas revulsionis , & derivationis , observata semper lege ducendi sanguinem ex loco propinquiori parti affectae . Denique , ut omnia haec brevi methodo comprehendamus , scire oportet sanguinem numquam esse detrahendum per regulas ex hypotesi deductas , sed per P prae-

(a) Cels. loc. citat.

(b) Cels. loc. citat.

praecepta practica ex certa, & indubitate observatione de-  
prompta, atque adeò minimè tenendum, plenitudinem esse  
unicum indicans sanguinis missionis, quia id ex hypotelii ma-  
nat, & observatis practicis constat, plenitudinem in sanis adesse  
prorsus innoxiam, quae neque sanguinis detractionem postu-  
lat, neque specialem curationem requirit; neque satis certa  
sunt plenitudinis indicia, cum communiter ex pulsu, ex rubo-  
re faciei, & ex corporis mole sumantur, quae omnia qua-  
tenus ad hanc rem spectant, fallacia sunt.

120 Neque verum est Scholarum axioma, morbum, sci-  
licet, magnum postulare venae sectionem, aut purgationem,  
nam licet verum sit morbum magnum remedia magna pos-  
tulare, si ea fortasse dentur, tamen non aequa verum est  
solam venae sectionem, & purgationem esse remedia magna,  
uti inter Arabum sectatores plurimi crediderunt, nam cor-  
tex peruvianus, aqua frigida, juxta regulas artis praescripta,  
aliaque hujusmodi medicamina nedum magna, sed & maxi-  
ma sunt, imò in aliquibus morbis magnis, tum venae sec-  
tio, tum purgatio medicamenta pessima esse solent. Igitur  
verum indicans venae sectionis, observatione tantummodo  
innotescit, & per eam nobis constat sanguinis detractionem  
in iis casibus indicari, in quibus, natura ipsa duce, morbi  
per sanguinem ultro fluentem, aut sanantur, aut mitescunt.  
Juxta hanc legem utilis est venae sectio in suppressione haem-  
morroidum, aliarumque sanguinis excretionum, quae certis,  
& determinatis temporibus fieri solent. Utilis etiam est in  
omnibus internis inflammationibus, quoniam si in ipsis vi-  
naturae sanguis expellatur per nares, aut aliud quemcum-  
que locum conferentem, morbus certè mitior redditur. Idem  
accidit in febribus sinochis, aliisque ardentibus, quae à san-  
guine potius, quam bile procedunt. Constat etiam observa-  
tione, aliquos morbos, citissimè venae sectione, aut minui,  
aut tolli. Sic suffocatio vehemens in astmate, apoplexia for-  
tis, convulsiones vehementes, contusiones partium, aliaeque  
hujusmodi affectiones sanguinis detractione levantur, idque  
cognoscimus non per illa ratiocinia, quae communiter ad-  
mittuntur, scilicet, venae sectione promoveri sanguinis mo-  
tum,

tum, laxari fibras, aliaque hujusmodi, quibus nostri homines maximè abundant, quia si non omnino falsa, saltèm incerta sunt, sed quia naturam imitantes, ejus opera sequimur, videmus enim eos, qui casu ab alto apoplectici fiunt, nullo modo melius sanescere, quam si sanguinem ex vulnerata parte largiter fundant. Videmus etiam, in magnis suffocationibus maximè prodesse, sanguinem per haemorroides, aut per uterum in mulieribus copiose effluere. Nec solum scire oportet, quaenam illa sint, quae venae sectionem ex postulent, sed necesse etiam est intelligere, quaenam ea sint, quae permittunt, aut impediunt ejus operationem. Igitur plenitudo, vires robustae, aetas juvenilis, temperamentum sanguineum, & inter anni tempora ver, & autumnus sanguinis detractionem permittunt; è contra vero, sanguinis paucitas, virium debilitas, aetas puerilis, & senilis, aestas, & hiems, venae sectionis usum dehortantur. Pro coronide tantum restat animadvertere, Galenum plurima scripsisse de venae sectione, ac licet, dubitari nequeat, quin optima proposuerit praecepta circa hanc rem in libro de Methodo Medendi per sanguinis detractionem, tamen neque negari potest, audacem nimis fuisse in mittendo sanguine, licet non tantum ac nostrorum temporum Medici, idque effecit ductus systemate plenitudinis, quam unicè in sanguine mittendo attendebat. Verum ipse Author est in pueris, & senibus, in natura frigidis, & debilibus, & in quibus os ventriculi quavis de causa affectum est, minime sanguinem esse detrahendum, quae omnia in citato libro latè persequitur, & eum legere Tyrones oportet cum iis cautionibus, quae supra adduximus circa plethoras; imò divisio plethorae in eam, quae est ad vires, & ad vasa tamquam inutilis est rejicienda, quoniam in fraxi difficile est, imò impossibile eas exacte distinguere, neque Galenus signa dedit sufficientia ad utramque plethoram dignoscendam, & quod magis est, Medici Graeci Galeno posteriores, & qui cum fere in omnibus sequuntur, de tali plethorae distinctio ne parum, aut nihil egerunt, neque in detrahendo sanguine eam pro norma habuerunt.

---

# TRACTATUS IV. DE FEBRIBUS.

## CAPUT I.

*DE ESSENTIA FEBRIS.*

**I**icut nullus sanè est morbus adeò frequens ut febris, cuius immanem saevitiam nemo est, qui non sit expertus, sic adeò difficilis est curationis, ut vel peritissimos Medicos saepissimè fallat, & judicium quantumvis perspicax ferè semper illudat. Non immerito ergo quod Galenus de temperamentis dixit, traduci potest ad febres, eum scilicet esse optimum Medicum, qui methodum sibi comparaverit febres sanandi.

**2** Antiqui cum Galeno sic febrem diffiniunt : *Calor praeternaturalam accensus in corde, & per arterias in universas corporis partes delatus.* Hinc duo afferunt, & cor esse primum subjectum febris, & febrem essentialiter esse calorem. Sed haec diffinitio, neque omnino admittenda, neque prorsus rejicienda est, nam, omnem febrem cor debere primario afficere, indeque arterias, certissimum est ; eam tamen in calore consistere non ita certum, nam calor est effectus febris, non ipsa febris ; nam si febris est calor, quomodo tollitur per medicamenta calida ? Deinde cùm calor remissus valdè est, febris est maxima, ut videre est in febribus malignis : ergo febris non est calor. Ex Neotericis ergo quamplures, inter quos praecipue Uvilisius, febrem in praeternaturaliter aucta sanguinis fermentatione consistere judicant. Verum cùm plura ad fermentationem requisita necessaria sint, quae in sanguine ullo mo-

modò inveniri possunt , eam idcirco Recentiores alii penitus spreverunt , aliamque viam in febrium natura investiganda subinde secuti sunt . Evidem cum liquida fermentescientia vi nosam quandam indolem nancisci debeant , ut spiritum ardentem ex eisdem distillatio eliciat , atque in acetum facile transcant , quod ipsum etiam insigni acore pollet ; & spiritum acidum destillando exhibet ; cumque haec omnia hactenus in sanguine observari non potuerint , idcirco fermentationem pati non posse , arbitrantur .

3 Verum licet cordatiiores Medici fermentationem in sanguine , & caeteris humani corporis liquidis non adesse contendant , tamen in praeternaturali saltè statu , effervescentiam , seu ebullitionem ab acribus , subtilibus , sulphureisque eorum partibus exaltatis , vel pugnam ab improportione duorum liquidorum heterogeneorum sese intime misceri non potentium reperiri , non repugnant , imò ab hoc fonte nedum plures febres , verum alios similiter morbos procedere gravissimi , expertissimique Medici testantur , hoc proindè negare non audeam , imò si in hoc nostro opusculo fermentationis quandoque nomen intercedit , non pro stricta , uti volunt Chimici , fermentatione , sed potius pro pugna , seu effervescentia ex improportione duorum liquidorum sese exactè misceri nequeuntium orta , velim intelligendum .

4 Proindè nostri temporis Medici febrem in nimis aucto solidorum , cordis praecipue , motu , & nimis celeri sanguinis circulo febrem confistere judicant ; quam opinionem licet verosimilē censemus , innumerā certum est pati difficultates ex ipso praxeos exercitio desumptas , propter quod Hermanus Boeraave in suo tract. de Febr. postquam omnes opinione recenset , ad suam ostendendam oneri fere succumbit .

5 Nos ergò cùm febrem consideremus non prout mentis conceptibus subjacet , sed prout ex naturae penu deducitur , eam proindè tamquam naturae opus contemplamur , quatenus imbutus sanguis , vel reliqua liquida particulis sibi extraneis , & improportionatis , ejus figuram invertentibus , na-

natura , quasi ad arma confugiens , omni opera intendit sanguinem ab impuris particulis liberare , quapropter aucto , ad id assequendum , solidorum , liquidorumve motu , hisque praeter modum à materia febrili commotis , & turbatis , eo usque eorum commotio procedit , donec purum ab impuro separaverint ; aut aliam diathesim , & ordinem acquisierint .

*6* Ex his jam clare constat , cur in quacumque febre calor statim augeatur ? quia cum hic in motu celeri , inordinato , & perturbato ignearum particularum consistat , cumque sanguinis particulae ignae in febre , propter praeternaturalem ejusdem commotionem , inordinato , & vorticoso motu moveantur , citò exinde calorem repraesentant . Adde attritum earundem minimarum particularum à solidis in febre praetermodum se moventibus , ortum . Observatio ergò nos docet talis naturae esse sanguinis in febribus ebullitionem , aut commotionem , ut quoisque integrum adipiscatur , ut Sidenhamius ait , despumationem , seu partium febrilium separationem ( sive ad id 14. diebus indigeat , ut in febribus acutis , sive amplius , ut in aliis ) à fine suo non recedat , nisi natura prius succumbente , aut id assequi non potente , aegrum de medio tollant .

## CAPUT II.

*DE DIFFERENTIIS FEBRIUM.*

*7* **G**Alenici febres dividunt in diarias , putridas , & hec-  
ticas : Diarias dicunt residere in spiritibus , quibus  
accensis totum corpus consequenter accenditur , cumque  
spiritus propter eorum subtilitatem facile dissipetur , hinc  
asserunt diarias febres spatio unius diei finiri . Putridas fe-  
bres appellant , quae fiunt ex putredine humorum ; ad hoc  
supponunt unum ex humoribus in aliqua corporis parte de-  
tentum putrescere , indeque vapores calidos ad cor emittere ,  
quibus , corde calefacto , totum corpus per consequens cale-  
fit ,

fit, unde afferunt bilem putrescere in tertiana, melancholiam in quartana, pituitam in quotidiana, &c. Tandem hecicas febres in solidis partibus radicari judicant; dum enim hae quavis de causa calefiunt, adeo ut calor in eisdem partibus quasi in proprio fomite accendatur, tunc febres fiunt hecicas. Supradictam igitur divisionem admittimus bona Galeniconrum pace, sed eam aliter explanamus; credimus ergo omne genus febrium, diarias scilicet, putridas, & hecicas, in sanguine, tamquam in proprio subjecto residere, licet aliunde vitium sanguini queat communicari, differunt solum in eo, quod in diariis febribus adeo levis sit sanguinis, liquidorumve commotio ut unius diei spatio ipsi satis sit ad despumationem; in putridis talis sanguinis commotio, & ebullitio, ut quatuordecim diebus ad integrum despumationem indigeat, ac tandem hecica ab aliis differt, quod sanguis lentè admodum ebulliat, & ad particularum febrilium excretionem, & despumationem multo tempore opus habeat, verum haec omnia magis patebunt, dum de his sigillatim agemus.

8 Praecipua ergo febris divisio, ac Tyronibus ad febres clarius cognoscendas utilior est, in febres, primae, secundae, aut tertiae regionis. Explicatur divisio; dum Medicus ad aegrum febrentem vocatur, primum sibi ante oculos proponat, num febris suum praecipuum fomitem habeat in prima regione, num in secunda, an in tertia, num denique in duabus, aut tribus simul, ex ea enim cognitione utilissimae sumuntur indicationes ad aegros sanandos. Per primam regionem intelligimus ventriculum, intestina, partem cavam hepatis, mesenterium, pancreatem, vesicam, lienem cum vasis lacteis, & glandulis earumdem partium. Per secundam intelligimus gibbam hepatis partem cum vasis majoribus, ut arteria magna, vena cava, porta, & aliis. Per tertiam regionem intelligimus totum corporis habitum.

9 Sic febres diarias ex prima regione experiuntur Medici in infantibus ex lactis coagulatione in ventriculo, levique primarum viarum obstructione, quod olim jam subodoravit Galenus. Febres diarias ex secunda regione videmus in febribus, in quibus ebullit sanguis ab insolatione, vigilia, ani-

mi pathemate, &c. Ac febres diarias ex tertia regione quotidie videre licet in constipationibus. Similiter febres putridas ex prima regione experimur passim in febribus messentericis; putridas ex secunda regione in febribus malignis, ardenteribus, acutis, inflammatoriis, &c. Tandem putridas ex tertia regione saepissime observant Medici in tumoribus, ulceribus, aliisque hujusmodi morbis in habitu corporis existentibus, ac in lymphaticis febribus.

10. Insuper febres hecicas ex prima regione saepè vident practici in abscessu, & schirro hepatis, in perrinacibus messenterii obstructionibus, ac in hysterics, scorbuticis, & hipochondriacis. Deinde febres hecicas ex secunda regione advertunt observatores in phthisicis, empiematicis, & illis quibus naturalis adeat sanguinis dispositio ad febres hecicas. Denique febres hecicas ex tertia regione videmus in leucophlegmatia, atrophyia, &c. Haec omnia nisi ad unguem sciant Tyroneum unum pro alio assument, & febres recte non curabunt. Sed dices: si omnis febris est in sanguine, frustra statuimus febres, primae, & tertiae regionis? Respondeo, quod licet in omni febre sanguis, aut ebulliat, aut plusquam par est, cominoveatur, fomes tamen & vitium sanguini potest aliunde communicari, unde fit ut alibi arrepta occasione in praeter naturales motus adigatur, & febricitet, propter quod dum fomes ille est in prima regione, indeque effervescentias producit in sanguine, tunc febris dicitur primae regionis, & sic de reliquis.

11. Postremò dividitur febris tam primae, quam secundae regionis (dummodo putrida sit, de ea enim hic loquimur) in tertianam, quotidianam, quartanam, quintanam, &c. tertiana dicitur cuius accessiones tertio quoque die correspondent, quartana cuius accessiones quartoquoque die, & quotidiana in qua singulis diebus sibi respondent, &c. Rufus quelibet ex his potest esse continua, vel intermittens, continua dicitur, in qua aegri semper, & continuo febricitant, licet accessionis tempore magis aegrotent; intermittens est in qua tempore illo quod inter unam, & aliam mediat accessionem, non febricitant. Verum ut clarioris doctrinae

methodo procedamus , à dignotione , & curatione febrium primæ regionis incipiemos , ut ad alias deinceps facilius queamus devenire.

12 Inter febres ergo primæ regionis primum sibi vendicant locum febres mesentericae , quae ita dicuntur , non quod à solo mesenterio , sed quia ab eo , ejusque glandulis potissimum ( licet etiam in aliis primæ regionis latibulis existat ) harum febrium fomes majori ex parte nascitur. Hominibus studiosis , laboribus , vigiliis , animique passionibus affectis , necnon hypochondriacis , scorbuticis , hystericis , veneri , & ingluvici deditis sunt maximè familiares ; propterea inter populares nostros ob ventriculi languores , alimenterum vappiditatem , & stomachi debilitates sunt frequentes. Cognoscuntur ex sequentibus signis : febris ad tactum nimis ardens non est , imo quasi lento suavique calore tēle explicat , etsi continua sit , accessiones habet singulis diebus , ac tertioquoque die , tertianarum more , sibi mutuo correspondent . Pulsus parvus est ut plurimum , ut in omnibus morbis stomachi solempne est , & aliquantulum celer ; urina parum diffat à naturali , nisi à nimia salium muriaticorum copia rubicunda , & quasi lateritio tincta colore appareat , quandoquidem autem crassia est maximè , furfure in fundo matulae quasi plena ; os amarum , aut insipidum est , cum levi quadam nausea , & inappetentia ; lingua viscida est , glutinosa , spurca , pellicula scabra , & alba vestita ; faetor circa dentes peracta ventriculi digestione frequens est. Alvis plerumque est sicca , aliquando tamen fluida ; accessiones frequentius circa noctem advenire solent , aliquando duae accessiones eodem die , quandoquidem nec typum , nec ordinem servant , unde ab aliquibus erraticæ febres merito dicuntur ; non adveniunt accessiones cum rigore , sed aut levi quadam horrore , aut pedum refrigeratione , ac dum pedes frigidi sunt , volæ manuum ardere solent ; certissimum mesenterii male affecti , indicium . Caput denique semper patitur , quandoquidem dolore , quandoquidem gravitate , & pulsatione circa tempora , ac si partiens in lecto perpendiculariter erigatur , caput hinc , inde nutando gravitat , & quasi vertiginosis motibus laborat .

Q

Ad-

13 Advertant tamen Tyrōnes, non haec omnia supradicta signa in omnibus aegris reperiri, nam propter temperamentorum diversitatem, aliarumque causarum, quae occasionem morbo tribuerunt, magis, vel minus, plura, vel pauciora apparent aliquando, verum in febribus mesentericis majori ex parte solent concurrere. Causa proxima, & immediata febrium mesentericarum sunt congesti, crudique humores in mesenterio, primisque viis, qui ibi diutius detenti, & putredinem, & pravam naturam adquirunt.

14 Causa interna non ita proxima est prima alimentorum digestio vitiata, unde vulgare illud oritur : *Qui male ingerit, digerit, aut egerit, sanus non est.* Haec autem vitiaatur, aut per nimiam alimentorum quantitatem, quae lymphae stomachicae vim superando, eandem ad digerendum prorsus imparem efficit ; aut per vitium ejusdem liquoris gastrici ipsi jam à sanguine tamquam à primo fonte fugatum, aut denique per magnam inertiam bilis, nimiamque succi pancreatici exaltationem, perfectam chili in intestino duodeno depurationem ob mutuam improportionem facere non potentium ; hinc enim fit ut alimentis bene non subactis, nec chilo satis perfectè elaborato, cruditates sensim accrescant in prima regione, donec naturam heterogeneam adquirentes, sanguinique commixtae, eum in praeter naturales cogant effervescentias, febrilesque commotiones excitari. Causae externae sunt omnes illae, quae primam alimentorum digestionem valent impedire, ut studia, venus, animi maiores, labores insueti, vigiliae, aliaque hujusmodi tonum ventriculi laxantia, aut ejus liquoris vim minuentia.

15 Febres istae chronicæ sunt ut plurimum, ac nisi recte tractentur, in hecticas mesentericas facile transeunt. In hypocondriacis, scorbuticis, & hystericis difficilis præ caeteris sunt curationis, si à dispositione præsertim cancerosa hypochondriorum, ut temperamentis nimis adustis, ac baccho, liquoribusque ardentibus deditis commune est, proveniant.

16 Curatio hujus febris tribus perficitur indicationibus, evacuandi scilicet putres, & impuros humores primarum viarum ; stomachum, & primam digestionem roborandi ; ac febri

bri etiam succurrenti. Primam indicationem statim sub initiis debet Medicus totis viribus adimplere, aliter enim humores illi nimis detenti, febrem perniciosaam creare solent, ut non semel observant practici, ad eam proinde implendam statim sub primis diebus sequentem praescribat potionem.

R. Rhabarb. 3. i. infund. in ȝ. iii. aquae gramin. culturae. adde sirup. aurei ex rore ȝ. i. sal absinth. ȝ. s. me. matutino tempore praescribatur.

17 Hanc potionem iterum, & saepius praescribat aliquibus interpositis diebus ab una ad aliam purgationem, donec mesenterium ab humorum infarctu satis purgatum agnoverit; diebus autem à purgatione liberis ad vires recreandas, & stomachum roborandum sequentem potest propinare potionem horis pomeridianis cum moderato haustu aquae nive, aut glacie refrigeratae.

R. Confec̄t. alcherm. incompl. & sal. absinthi anà ȝ. i. pulv. margarit. pp. ȝ. s. sirup. rosar. virid. ȝ. ii. aquae gramin. ȝ. iii. me.

18 Licet Baglivus practicus celeberrimus variis in locis agens de febribus messentericis, absorbentię medicamenta ad eas febres damnaverit, in nostris tamen popularibus ea utilissima deprehendimus, imò cum non semel in dictis febribus ea praescripserimus ex consilio D. Fuller in sua Pharmacopeja extemporanea, felices eventus ab eis semper observavimus, quatenus aut succum pancreaticum salibus nimis scaturientem absorbendo, aut acres humorum particulas hebetando, suum praestant effectum. Pro potu ordinario bibant aegroti in hisce febribus ptisanam ex radicibus graminis, & fragariae compositam, radices enim istae utrique indicationi satisfaciunt. Si aliae potionē purgantes, aut stomachum roborantes pro curandis his febribus magis arrideant, consultant Tyrones pharmaciam nostram in tractatu de Stomachicis, & purgantibus cum animadyversionibus ibidem satis re-

petitis. Si ea methodo febris adhuc pertinax non cedat, ad amara, incidentia, & aperitiva confugiendum est, inter quae reliqua omnia longè antecellit decoctum amarum Pharmaco-peae Bateanae, cuius haec est descriptio.

R. Summat. centaur. minor. flor. camomil. & folior. agrimon. ana manip. ss. semin. card. bened. citri ana 3. ii. flor. calendul. pug. ij. radic. gentian. 3. ij. sennae 3. vij. rhabarb. 3. i. vini albi, & aquae font. ana tb. i. coque ad dimid.

19 Si purgantia auferas, merè alterans fiet, atque conueniens erit in casu, quo propter vires lacesitas tibi solum in animo sit febrem fugare, non purgare. Hoc decoctum in quibus intemperies viscerum calida regnat, aut febris est nimis intensa, utile non est propter medicamenta ingredientia nimis calida, & amara, in eo casu convenit maximè sirupum de cichor. cum dupl. rhabarb. ad unc. ii. singulis diebus propinare cum moderato haustu ptisanae supra posita; quod si decocto opus sit ad febrem tollendam, hoc modo componi potest.

R. Radic. gramin. fragar. ana 3. i. summat. centaur. minor. flor. camomil. & fol. agrimon. ana manip. ss. semin. 4. frigidor. major. & card. bened. ana 3. i. aquae fontis tb. iii. coque ad medi. cola pro tribus dosibus.

20 Si autem praedictis remediis febris non cedat, tunc utile est decoctum aperiens, deobstructivum, diluens, factum cum sero lactis; prodest etiam sal febrifugum Silvi, sal absinthi, centuar. minor. card. benedicti, & alia; sequens decoctum ad has febres eradicandas summè praedicat Fuller, idque appellat decoctum febrifugum salsum.

R. Sal. absinthi 3. ij. aquae fontis tb. ij. coque ad tertiae partis consumptionem.

Sequens febrifugum utile etiam est.

R. *Sal. centauri minor. absinthi ana 3. i. tremor. tartar. 3. ii. c. c. philosophic. calcinati. 3. i. f. spirit. vitriol. rectificat. 3. f. sandal. rubr. pulv. 3. i. spiritum vitrioli affunde guttatum, pulverem miscendo spatula lignea in vase vitro, deinde lento igne mixturam exsicca. Detur ad 3. i. tribus horis ante paroxismum.*

21 Quod si praedictis medicamentis febris non cedat, ad usum corticis chiae de china tamquam ad sacram anchoram configiendum, licet enim hujus saluberrimi corticis usus in hisce febribus à Bagliv. damnetur, id fortasse, ut ipse loquitur ab aere Romano procedet, at in nostro climate observamus, febres mesentericas, repurgato prius mesenterio, recta illius pulveris praescriptione cito; & tutò fugari, quapropter post repetitas purgationes, roborato jam stomacho, utile erit, eum sic praescribere.

R. *Corticis peruv. 3. iiiij. sal. tartar. 3. i. infund. in aquae cichor. 3. vi. & fiat tintura. Dosis 3. ii. singulis diebus, horis ab accessione liberis.*

Si in forma pill. magis arrideat.

R. *Sal. febrifugi silvi 3. i. sal centaur. minor. & pulv. flor. camomil. ana 3. f. cortic. peruviani 3. f. antim. diaphor. 3. f. fiat massa cum liquore idoneo, & dentur hujusmodi pill. ad 3. iiij. pro qualibet dosi.*

Vel si hunc corticem purgantibus admiscere

R. *Sal. absinth. & cortic. peruviani ana 3. iiiij. extracti gentianae 3. i. aloes succotrin. 3. ii. sirup. de cichor. cum rhabarb. q. s. fiat confectio. Dosis cochlearia duo superbibendo haustulum prisanae descriptae.*

22 Tandem pro integra febrium mesentericarum curatio-

tione duo restant advertenda. Primo ventrem esse laxandum ab initio morbi clysteribus emollientibus, refrigerantibus, & leviter irritantibus ex foliis scilicet malvarum, absinth. ruta, additis oleis camomelino, absinth. aut communi cum benedicta laxativa, aut si opus fuerit confectione de baccis lauri, &c. Secundo, notandum est, venae sectionem in his febribus perniciosa esse potius, quam utilem, unde moneo Tyrones, ut in ea facienda cauti procedant, non enim omnis febrium curatio à venae sectione indifferenter est incipienda, potissimum dum humorum faburra redundat in prima regione, eam enim tunc nocere potius, quam prodesse notat Galen. & experientia confirmat, quapropter in febribus mesentericis ex usu non est, imò penitus est ableganda. Verum hoc unicum advertant Tyrones, non semel febres mesentericas omnibus aliis remediis frustra tentatis, sola una sanguinis missione fuisse restitutas. Attamen magnis cautonibus opus est ad eam prudenter excercendam, ac si opus sit eam quandoque excercere, fiat id bene repurgato prius mesenterio, ac omnibus jam supradictis attente inspectis.

23 Denique sedulò notandum est, infantes hujusmodi febribus potius, quam adultos laborare; ex lactis enim coagulatione, & putredine in stomacho, & vasis lacteis ipsis faecissimè advenit, praesertim si fructus, aliaque hujusmodi, ut pueris solempne est nimis voraciter deglutiant, quae solent in hecicas, & difficile curabiles, saepe transire. Feblicitare incipiunt pueri, & infantes, lac veluti coagulatum vomendo, quandoquidem autem diarrhaea serosa, & cruda corripiuntur, quae simpthomata si simul in pueris occurrant, certissimum sunt stomachi, & mesenterii pravis humoribus refertorum signum, unde toto coelo errant Medici, qui in hisce febribus diarrhaea perterriti, statim ad adstringentia configitunt, atque intus inclusio hoste, morti tribuunt occasionem. Tuitius tunc est, diarrhaea non obstante, deobstruentibus, levibusque purgantibus curationem moliri.

R. Pulv. Chornachin. gr. xij. rodome. Alexandr. 3. j.  
aqua menth. q. s. praescribatur cochleatim.

In-

Interim per externa sequens inunctio pro toto ventre conductit.

R. Ol. absinth. cappar. ana 3. ij. ung. de opilativ. 3. i. me.

24 Si his medicamentis materia mucosa , viscida , alba, aut viridis per alvum excernatur , tunc jam affulget salutis spes , unde repeti saepius possunt , prout ipsi potuerint tolerare , & opus fuerit ; quod si ( ut saepe accidit ) praedictam potionem pueri assumere , aut nolint , aut nequeant , tunc solo suppositorio felices videbis effectus.

R. Pulv. hier. picr. & aloes ana 3. f. mell. & sal. q. s.  
fiat suppositor. pro puero.

25 Hic oportet Tyrone admonere , & omni animi contentione admoneo , ut advertant sedulò , phrenitidem morbum saevissimum , & communissimum sub larva febris messentericae frequenter ingruere , & Medicos licet expertos saepissime fallere. Habet enim phrenitis sub initiis febrem veluti lentam , pulsus parvum , celerem , & frequentem , urinas rubras , & linguam albam , mucilaginosam , quae omnia cum febribus mesentericis confunduntur. Attamen differunt inter se quam maximè , quoniam phrenitide incipiente adsunt dolores capitis , in febre mesenterica gravitas potius quam dolor ; in phrenitide adeo vigilia pertinax , in febre mesenterica somnus moderatus ; in phrenitide pulsus duritatem , seu densitatem habent cum parvitate , in febre mesenterica parvi sunt , & molles. Denique urina harum febrium rubicunda quandoque est , sed simul crassa cum sedimento lateritio; attamen phreniticorum urina in initiis est rubra , & tenuis. Multa alia adsunt signa incipientis phrenitidis , quae Tyrones attentè inspiciant , & obseruent oportet , atque omnia apud Caelium Aurelianum collecta , & adeò nitidè explicata reperient , ut nihil supra.

26 Post febres mesentericas , inter febres primae regionis adnumeratur omne genus intermittentium , de quibus quaestio est inter Authores antiquos , & Neotericos , num suum somitem habeant in prima , an in secunda regione ? Omnes

an-

antiqui ( dempto Joanne Fernelio ) in secunda regione , tamquam in proprio loco residere judicant , non alia ratione ducti , nisi quia ad rigorem in accessionibus causandum , si in prima regione esset , ineptus fieret . Recentiores autem experimentis , & rationibus contrariam suadent opinionem , quam nos in praesenti sequimur , afferentes omnes febres intermittententes , majori ex parte , pendere à prima regione .

27 Nostrae hujus assertionis veritatem felix ipsius curationis eventus sat clare demonstrat , cum enim intermittententes febres , ut inferius dicemus , non nisi emeticis cedant , ac à venae sectione ingravescant , certum indicium est eas à prima regione praecipue nasci , nec in aliis tradendis rationibus immoror , quippe vanis inutilibusque quaestionibus numquam immisceri me patiar . Intermittentes febres , vel sunt simplices , vel duplices ; simplices sunt , cum singulis diebus non repetunt , sed per unius saltēm diei spatium intermittunt ; duplices dicuntur , cum singulis diebus repetunt , licet aliquod mediet tempus sine febre , ab una ad aliam accessionem . Inter intermittentes febres praecipue sunt tertiana , & quartana ( omittimus quotidianam , quae eadem omnino est cum mesentericis ) atque ut clariori ordine procedamus , loquemur primum de tertiana , postmodum de quartana . Tertianam intermittentem dividebant Antiqui in exquisitam , & notham ; exquisitam credebant esse illam , quae à sola bile , pura , & impermixta procedebat ; notham vero illam , quae à bile cum reliquis humoribus permixta . Crediderim vero ipse intermittentes exquisitas non dari , in nostris potissimum popularibus , in quibus eas adhuc paucis licuit observare . Imò compertum mihi est , tertianas , tum intermittentes , tum continuas exactè , ut vocant , exquisitas , raram avim esse in praxi , frequentius tamen apparere tertianas , aut nothas , aut alias , quae licet non sint perfectè exquisitae , accedunt ferè ad exquisitas , proindè loquemur solummodo in praesenti de tertianis intermittentibus nothis , nostris popularibus valde communibus , atque huic climati familiaribus .

28 Incipiunt tertianae intermittentes nothae per rigorem , aut horrorem , quos postmodum ingens subsequitur calor ;

*Febri inveneruntur, si non horrore incepient quandoque fin-*  
*maligne*

singulis accessionibus invadit rigor, aliquando adeò fortis, ut quodcumque vestium pondus valeat aeger motu illo elevare; accessiones itidem duodecim, sexdecim, aut viginti horarum spatio finiuntur; lingua in accessione sicca est, & scabra, extra accessionem alba, & humida; urina, quae in fine accessionum iningitur, rubicunda, haecque est veluti pathognomonicum signum febrium intermittentium, credendum enim est similes urinas non ab inflammatoria sanguinis diathesi, sed à salibus acribus, muriaticis, & diversi generis pendere, ideo in his casibus observare licet, tales urinas post sex, aut septem horas à mictione, sedimentum lateritium in fundo matulae relinquere, quasi pulvere laterum refractorum implerentur, quod indicat multos sales in corpore redundare, & per urinam ejectos eum ruborem ipsi tribuere. Hanc doctrinam jam olim subodoravit Sennertus, & post ipsum eam disserte proponit Petrus Michael de Heredia in Commentario historiae Cleannætidis. Caput in accessione, vel dolore, vel gravitate affligitur, ac totum corpus lassum est, veluti si fuerit fustibus dedolatum. Tandem infallibile est signum tertianaæ intermittentis, accessiones tertioquoque die advenire, & tempus medium inter unam, & aliam accessionem à febre vacare. Verum, quia rigorem diximus inter praecipua intermittentium simpthomata esse numerandum, & ab eo dictas febres incipere, easque tertioquoque die sibi correspondere, duo propterea vellem dubia difficultè, aut nullo modo, solvenda, propонere, quomodo scilicet, & à quibus causis fiat rigor? Et quid causæ esset possit tam certi regressus febrium tertioquoque die? Difficile est adeò solvendum problema, ut tenuissimum meum ingenium ad id prorsus impar supponam. Garriant quidquid velint speculationum amatores, sua arrogantia, & fastu internas, & congenitas rerum causas penetrare volentes, natura enim in suis operibus constans, & provida, eorum conceptus scit optimè eludere, & ipsis ne cogitantibus, rerum causas, aliter quam ipsi per suas vanas hypotheses, explicare. Sic Galenici, humorum quadrigam in omnibus præ se ferentes, ab humore bilioso acri à venis extra venas expulso, & corporis habitum irritante, tremulum rigor-

ris motum fieri afferunt. Verum cum fateantur ipsi rigorem esse : *Dolorificam perfrictionem cum inaequali totius corporis concusione*, & praeter membrorum concussionem, refrigerationem etiam requiri, ad eam proinde explicandam mille ambages, inaneque rationes involvunt, ac dum his involvuntur, ipsius rigoris oblitus, frustra in eo explicando laborant; Chimici ad nescio quod acidum confugientes, idem causam rigoris, & febris esse defendunt, atque ex p[re]ceptis his hypothesisibus nascitur, ut insudantes hi in corrigoendo acido per alchalia, & volatilia ad rigorem, febremque extirpandos, ac laborantes illi in bile nimis calida, ad extirpandum rigorem refrigeranda, omnes simul dum in hisce laborant, oleum, & operam perdant. Libenter ergo ipse, si Tyronibus placeret, ab eo explicando recederem, ego enim cum Sidenahamio, Philosophi nomen non ambio; atque ad ea naturae penetralia accedens, ea planè me nescire fateor. Verum Tyrones scire sufficiat, in omni rigore irritationem debere adesse, in ipso meditullio nervorum, aut membranarum, qua istae vehementer agitantur, & concutiuntur. Sic dum pus fit, rigores adveniunt, atque in ulceribus, dum liquor aliquis mordax interiora fibrarum penetrat, rigores excitantur, idque in omnibus partibus corporis contingit, dummodo nervis, & membranis constituantur. Igitur in rigore febrium intermittentium irritatio adest in partibus membranosis, & nervosis, seu messengerii, seu ventriculi, seu spinalis medullae, seu denique cujusvis partis, ubi earum formes extiterit. Sed cum ad rigorem non tantum concussio membrorum ab irritatione, sed frigus etiam adsit, propterea considerare oportet, eam irritationem ab humore crasso, & frigido fieri, quatenus eo commoto in partibus nervosis, spiritus animales refrigerantur, undè torpor, frigus, retractio pulsuum, lividitas extreborum, initis accessionum observantur. Videant hac de re Tyrones tractatum nostrum de Febribus, Hispano idiomate scriptum, ubi haec longè discutiuntur.

29 Nunc autem circa redditum paroxysmorum tertioquoque die in tertiana, quartoquoque in quartana, &c. quibus

nori solum infallibiliter in hujusmodi febribus , dictis diebus ,  
sed & determinatis horis aegri miserè affliguntur , minus cre-  
dendum est antiquis , naturae cuiuscumque humoris febrem  
causantis , id tribuentibus ; talis enim esse naturae , ajunt , hu-  
morem biliosum tertianas producentem , ut propter ipsius  
tenuitatem , & calorem , tribus tantum diebus queat ad no-  
vam producendam accessionem cumulari ; è contra verò hu-  
morem melancholicum talis esse indolis , ut propter ipsius  
pondus , terreamque naturam quatuor indigeat diebus ad no-  
vam producendam accessionem , eoque penè modo quarto-  
quoque die repetit paroxismus in quartana , tertioquoque die  
in tertiana , &c. Haec opinio praeterquamquod plura supponit  
improbabilia , mille praejudiciis excogitata , praxeos operi-  
bus parum congruit , propter quod minus veritati est confos-  
na. Deindè cum incomprehensibile sit , solam bilem produce-  
re tertianam , solamque melancholiā causare quartanam , imò  
plusquam certum sit , omnes humores in qualibet febre concur-  
rere , cum sanguini commixti invicem perpetuo cohaereant ,  
comprehendi vix potest , quomodo sola bilis repeatat in ter-  
tiana , sicut solus humor melancholicus in quartana. Crediderim  
potius ipse ab eo pendere paroxysmorum repetitionem , quod  
vel febrilis materia de novo genita , quocumque modo id fiat , no-  
vas tragedias pariat , vel in una accessione tota non infumatur ,  
sed alia proindè maneat ad novum paroxysmum inducendum .

30 Quod si tenaciter instayeris , quid in tali materia adest ,  
ut ipsum paroxysmum per tertios , quartosve repetere cogat , id  
me ignorare certò scio , & aut occultae morborum indoli , aut  
incognitae eorum causae judico esse tribuendum. Neque enim  
solis intermittentibus febribus commune est , tertioquoque  
die repetere , plures enim observavi morbos suas periodos ha-  
bentes , tertianarum more ingravescere , quod sedulò notent  
Tyrones in praxi. Ego autem in opere pratico diutius circa  
haec meditatus , tum demum agnovi , periodos omnes in morbis  
ab occulto influxu aeris tamquam à causa efficiente procedere ,  
seu hic suas mutationes ab astris accipiat temporibus determi-  
natis , seu certis legibus moveatur ab Authore Naturae in per-  
petuum statutis. Cum vero spiritus aeris , qui est pars coelestis , &

subtilior cum ipso permeans , certis periodis , determinato ordine , & staturis legibus agitetur , & moveatur , necesse est spiritus humani corporis ejus motus sequi , & ejus mutationibus adaptari ; quod si Medici sedulò advertant , invenient nedum verum esse in periodis , sed etiam in crisis excitandis .

31 Circa causas materiales febris tertianaæ intermittentis (variis omissis opinionibus ) suspicantur aliqui cum Silvio De le boe , in bile , & succo pancreatico residere , dum enim glandulae , ductusque pancreatici à crassis humoribus occluduntur , adeò ut liber ipsi succo exitus per Virsungianum ductum in duodenum intestinum non pateat , fit ut hic diurna mora exaltatus , immodicum contrahat acorem , postmodum in intestinum extillans , ibidemque cum vitiosa bile partibus potissimum activis destituta , effervescentes , chilumque per idem intestinum transeuntem inquinans , usque ad sinistrum cordis ventriculum imò , & in ipsum sanguinem cum eodem chilo pervenientes , praeter naturales excitat in ipso motus , accessionesque producit . Haec est , eorum judicio , omnium febrium intermittentium causa , solumque in eo differunt , ut bilis tum vitio , tum copia excedat in tertiana , è contra pancreaticus liquor in quartana . Haec tamen non ita strictè intelligi velim , ut omnes tertianae , & quartanae ab his humoribus vitiosis semper procedant , nam vitium aliquando esse in liene , quandoque in intestinis , & mesenterio indubitatum prorsus est , imò aliquando somitem tertianarum in thorace existere , & pulmonibus , ac non semel in cerebro aliisque partibus pro certo tenendum ; quod sedulò notare oportet , ne forte credentes in prima regione perpetuo causam harum febrium hospitari , curationem eò collimare faciamus , quò fortasse non oportet .

32 Licet intermitentes febres periculo vacare vulgare sit , juxta illud divini Senis praeceptum : *Febres omnes continuae , quae tertioquoque die fortiores fiunt magis periculosae , quocumque autem modo intermitterint , periculum abesse significant , plures nihilominus sunt febres intermitentes cum decubitu materiae febrilis in caput , aut alias partes , quae periculosissimae sunt . Pejus est , tertianam duplicem esse , quam simplicem , & accessiones multum tem-*

*In quoque febris vobis accident , humorum multi-<sup>po-</sup>do ,  
co- malitia tua , cordis , circulatori visibut & efficienti-  
bus , multem certe in te debant , tempta quina le-  
nus , bis reaque , passi simus , & delectanam indolem +*

poris durare, multam enim materiae febrilis copiam adesse significant. Si accessiones non solum eisdem diebus, sed & eisdem horis invadant, longum morbum fore significant, juxta dictum magni Hipp. *Febre intermitenti habito, si accessiones cras eadem bora occupaverint, longitudinem morbi significant.* Si accessiones adeo longae sint, ut una aliam attingat, aut una finita, statim incipiat alia, tunc hujusmodi febres subintrantes dicuntur, & sunt periculosisimae.

33 Curationem febris tertiana intermittens incipiunt plurimi à venae sectione, eamque per venae sectionem perficere contendunt, quasi nihil aliud certè sciant, nisi sanguinem mittere, & purgare, eis propterea irridet Helmontius, quod Infantem Hispaniarum absque ulla ferè sanguinis gutta pro febre tertiana curanda reliquerint, eumque prius ab hac vita fugaverint, quam febrem; è contrario Chimici (Van-helmont potissimum, qui vanè, & futiliter, uti ipsi in more erat, quamcumque febrem intra quatriduum curare volebat) volatilibus, & spirituosis medicamentis ad acidum corrigenendum, harum febrium curationem moliuntur, quibus nihil aliud certè faciunt, quam febres minus periculosas, acutas reddere, & lethales; proinde Tyrones moneo, ut harum febrium curationem non incipient à venae sectione, quia celeberrimorum practicorum observatione notum est, post venae sectionem, tertianam simplicem fieri duplicem, & febrem prius intermittentem verti in continuam, nisi speciales circumstantiae aegri eam necessario excercendam postulaverint; tutius ergò est ab emetico incipere curationem, non semel enim in Xenodochio Regio cum Valentinae Universitatis Primario Professore, pratico celeberrimo, mihique conjunctissimo, observavi, febres intermittentes unius emeticci exhibitione omnino cessisse, quod saepissimè observavisse afferunt doctissimi alii, clarissimique viri in Xenodochiis.

34 Nec opus in praesenti est, Authorum opiniones circa emetica in hisce febribus praescribenda in medium adducere, certò enim scio plurimos ex Neotericis, medicamentum id caeteris aliis longè anteponere, quod experimento ipsum feliciter operari animadverterint, imò Galeno, & Hippocrati + <sup>fo-</sup> ~~decoevisse, est. qādēm quiescere, vel nata tērū p̄ealbūm purgati ob temp̄is sit deffectum. Tunc.~~

solemne erat, emeticum medicamentum in principiis febrium intermittentium, pro eis citò extirpandis, offerre, propterea nescio, an Medicorum indulgentia, an ignari vulgi petulantia, nunc in usu non sint, quemadmodum antiquis temporibus erant. Sic ergò praescribi potest.

R. *Vini emetici* ȝ. ii. *Vel*

R. *Pulv. hipeccahuanae* ȝ. i. *sumatur cum jure.*

35 Aliud etiam praescribi potest cum cautionibus in Pharmacìa nostra notatis, cap. de Emeticis. Hic obiter notandum emetica antimonialia certa Authorum observatione, ut ait Sidenahamius, pro hisce febribus curandis reliqua omnia superare, verum quia multis cautionibus opus est ad ea praescribenda, ideo ad alia blandiora consulo, Tyrones confugiant. Si aeger, uti nostris popularibus familiare est, ab emetico abhorreat, tunc purgandus est non citissime, sed aliqua spectata coctione.

36 Sedulò autem notandum est, in hujus febris curatione nimis insistendum non esse purgantibus, potius enim fugatur per alterantia, quam purgantia, idcirò tutum est adhibito medicamento emetico, hepatica vegetabilia praescribere, quibus si febris non cedat, ad potentiora febrifuga, ceu cortice peruviano maritata, ceu illo destituta, transeundum.

R. *Cortic. peruvian. pulverat.* ȝ. iv. *centaurae minor. radic. gentian. ana* ȝ. ii. *serpentariae virginianae* ȝ. i. *spirit. vini* q. s. *extrahe tincturam, secundum artem. Dosis ad* ȝ. i.

In usu etiam est specificum febrifugum Mangeti.

R. *Cortic. peruvian. lib. vi. serpentariae virginianae lib. i. s. diaphoretici martialis lib. i. destilla desuper spiritus vini*  
*Atque humora in bicillitatem præsidant et sanitati*  
*subsidiis vini cum insolentia et regnum cordis*  
*hunc certe, vim mendaci absolutam, quam deder.*  
*Salles*

*sale ammoniaco acuati q. s. post infusionem 30. dierum de-  
cantetur liquor, asservetur. Dosis ad 3. iiiij.*

R. Cortic. peruv. 3. i. sal tartari 3. ii. pulv. viper. anti-  
mon. diaphoret. ana 3. v. cum sirup. granator. fiat electua-  
rium, ex quo sumat aeger 3. ij. longè à paroxismo.

37 Notandum ergò est, tot in hisce saeculis à variis Au-  
thoribus tradi pro febribus tollendis remedia, ut omnium fe-  
brium vim longè superatura videantur, verum illis tanto numero  
existentibus, februm nihilominus ardores adeò molestant, ut his  
omnibus quantumvis efficacissimis exhibitis, facile permaneant.  
Soli ergò cortici peruviano, tamquam divino febrium antido-  
to subjugantur, atque tam salutaris remedii ope prorsus  
tolluntur; plura alia apud Authores non infimae notae pro  
eliminandis febribus venditantur arcana, ut sal cichor. cen-  
tauræ minoris, ejusque extractum, radix plantag. Zedoar.  
chelidoniae, major. imperat. gentian. angelic. valerian. asari,  
tormentil. item mirrha, alum, sulphur, vitriolum, imò  
pulvis ille militaris pirus; similiter aqua febrifuga Poterii,  
duplex aqua, temperata, & calida, D. Mayerne, emplastra  
etiam ex allio, sabina, ranunculo, theriaca, therebentina mer-  
curio adjuncta, camphora, araneis, & ovi pellicula, multa-  
que alia febrifuga adducta à Michaele Schrodero, & aliis,  
quae omnia magis apud mulierculas, & agirtas, quam Me-  
dicos exaltantur, eorum enim ratione februm incendia, nec  
compescuntur, nec superantur, imò febris in dies magis ar-  
det, & magis adhuc arderet, si speciali Dei beneficio, corti-  
cis peruviani usus in Medicorum caëtum non advenisset. Nec  
immorari nunc vellem in hujus saluberrimi medicamenti lau-  
dibus afferendis, quippè à clarissimis viris Mortono, Sidena-  
hamio, Thencie, & aliis ad nauseam factum suppono, atque  
licet apud ignarum vulgus minimi nostris hisce temporibus  
habeatur, id Medicorum culpae, imò agirtarum abusui judi-  
co esse tribuendum, eo quod extra tempus commodum, &  
nullis adhibitis cautelis eum exhibeant, proindè sciant Ty-  
rones duplēcē esse methodum chinam chiae praescriben-  
di,

di, in curatione scilicet libera, vel coacta; in curatione libera ex consilio Sidenahamii numquam exhibeat, nisi prius febris magnam exaltationem fuerit adepta, magnis remediis jam prius tentatis, & ut ejus verbis lequamus: *Antequam morbus se, suo marte, antecedenter satis protriverit, tunc enim corticis peruviani usus febrem extinguere potest abs metu futurae recidivae.* In curatione autem coacta (cum scilicet judicat Medicus jam sub initii vires impares esse pro febre, ejusque simpthomatibus superandis) statim in principio, nec venae sectione, nec purgatione praecedentibus est tribendum, ut morbo sic inducias dante, queat Medicus illico divina sua arte ei occurrere, antequam iterum denuo ingravescat. In quo casu in usu mihi est in clystere per inferiora ad tutiorem eventum eum praescribere.

38 Praeterea sciendum est, hujus medicamenti usum ad febres penitus extirpandas per plures dies, imo & hebdomadas esse continuandum, sic enim morbo penitus devicto, atque febrili fermento ab ipsa natura per insensibile transpiratum excluso, metus recidivae prorsus tunc distat. Circa operandi modum hujus tam salutaris medicamenti adeo digladiant **Authores**, ut ipsius naturae potius, quam eorum, judiciis litteram hanc absolvendam intelligam, alii enim figendo, alii praecipitando, alii sale quodam acri febres fugare contendunt, ipse tamen dixerim cum Richardo Mortono eum corticem speciale esse fermenti febrilis antidotum, cuius operandi modus à priori est nobis ignotus, licet à posteriori per multiplicem experientiam saeclices producere effectus, nobis pateat; probabilissime nihilominus dici potest, peruvianum corticem in intermittentibus febribus primam digestionem alimentorum corrigendo prodesse, sua enim amaritie, & fale fixo bili restituens principia activa, quibus destituitur, ac interim succi pancreatici aciditatem corrigendo, uti omnibus amaris solemne est, (*amara enim acidis dulcescunt, & contra*) & primam alimentorum coctionem inversam valet corrigerre, & causas febrium intermittentium ad naturalem statum revocare; verum eo modo tantummodo febrem tollere, id certò statuere non audeo. Antequam tractatum de

de Febribus tertianis concludamus , notare oportet , hu-  
c usque locutos fuisse de his febribus , quatenus regulares sunt ,  
& debitam communemque sibi naturam servant , nunc vero  
de tertianis , quae *perniciose* dicuntur , quaedam admonere con-  
venit . Igitur quandoque tertiana febres , malignam induen-  
tes naturam , à sua regulari indole adeo discedunt , ut aegros  
in summum vitae discrimen adducant . Eam tertianarum na-  
turam malignam primus explicit Hippocrates . Circa nostra  
tempora Ludovicus Mercatus , Pincianus Professor longè sa-  
pientissimus , tractatum edidit de tertianis perniciofis accura-  
tissimum . Hunc sequutus postea Franciscus Torti-Mutinensis  
Medicus , paraphrasi , & eleganti interpretatione illustravit .  
Hos Authores videant Tyrones , si liceat ; nos tamen hic , praeci-  
cipuam hac de re doctrinam , principaliora capita complecten-  
tem , proponemus . Igitur febris tertiana intermittens duobus  
modis fieri solet maligna , quoad effectus in praxi observa-  
biles . Primo , dum incipiente paroxysmo decubitus humorum  
fit in aliquam partem principem , exempli gratia , in stomachum ,  
cor , aut cerebrum . Ergo si incipiente accessione tertianae ,  
aeger in delirium , aut saporem delabatur , vel in sincopem  
pronus fiat , seu cardialgia maligna afficiatur ; quocumque de-  
mum ex his modis laboret , tertiana erit maligna , & pericu-  
losissima , etenim fieri potest , ut superata ab aegro una ac-  
cessione , alia adveniente fortasse pereat . Secundo , fit tertia-  
na maligna , quatenus impressionem quandam in humoribus  
inducit , ex se aptam ad ipsos summopere invertendos , & cor-  
rumpendos . Hinc , licet nullam noxam sensibilem in partibus  
praecipuis corporis inducat , tamen periculosa admodum est  
quoniam progressu temporis labefactatis nimium humoribus  
magnam etiam labem in caeteris partibus induci debere  
necessarium est . Certum est nihilominus , ex his duabus ter-  
tianae febris speciebus multò periculosiorem esse primam ,  
quam secundam ; ac sicut illa per simpthomata partium prin-  
cipalium agnoscitur , haec per sudores coliquativos , per pu-  
tredinosam mephitim , per vomitus immanes , diarrheam pro-  
fusam , aliaque humorum corruptorum indicia , innotescit . Om-  
nis ergo Mercati doctrina , si ad trutinam revocetur , ad ea

quae hucusque proposuimus, reduci potest, ex qua id utile in praxi deducitur, quod scilicet in talibus febribus intermittentibus malignis citò, nullaque expectata mora, per modum curationis coactae ad corticem chiae confugiendum, atque magnis, & repetitis dosibus ipsum praescribere oportet, donec sedata sit febris, & ulterius non repeatat. Neque purgans, neque emeticum, neque phlebotomia, neque quidquam aliud faciendum ante corticem; sed ipsum modo dicto praescribere citissimè oportet. Hoc facto, curatio regularis institui debet, ne febris revertatur, per amara, digestiva, leviter purgantia, quemadmodum de tertianis regularibus dictum est.

39 Circa quartanam febrim pauca nunc restant dicenda. Cognoscitur facilimè, & ab aliis febribus in eo distinguitur, quod accessiones, vel quartoquoque die invadant, vel saltèm sibi corrispondeant; incipit praeterea ab horrore, qui solum secundum magis, & minus distinguitur à rigore, eodem enim modo fit, & ab eisdem causis procedit, licet non ita intensis; accessiones similiter non nimis molestant, imò diebus liberis aegri solent consueta munia excercere. Longus est morbus, qui ad annum, & ultra aliquando progreditur, verum salutaris, atque aliis morbis superveniens salutem portendit, juxta illud divini senis praeceptum, 6. epid. sect. 6. *Quartana correpti à magno morbo non corripiuntur, si vero corripiantur prius, & accedat quartana, liberantur; propterea alibi ait, lib. 5. aph. sen. 70. Quartanis capti non admodum convulsionibus capiuntur, si vero prius capiantur, & quartana superveniat, liberantur;* similiiter quartanae fiduciam, & securitatem explicat his verbis, 1. epid. sect. 3. *Quartana securissima omnium, & facillima, ac longissima est.* Insuper hic notandum volo febres quartanas in alias graviores, aut hecicas transire posse, si nimium rebelles fuerint, quod innuit Cous noster, lib. 1. Coac. num. 166. *Quartanae hibernae quandoque in acutos morbos transeunt.* Ac tandem melius est aestate, quam autumno invadere, juxta illud: *Aestivae quartanae magna ex parte breves, autumnales vero longae.*

40 Curationem quod spectat, eam à venae sectione in-  
In modo acuto facta, omni auxilio destituta est  
in principio accessionis, in quo questione habeas  
epiburnus quamam, et aliqui aegri à morte ex  
accessione libertati sunt.

cipiunt Galenici , quemadmodum diximus de tertiana , verum eisdem rationibus hic refellitur , quibus ibi impugnatur : tuis ergo est curationem ab emetico incipere , eamque modo dicto in tertiana ulterius continuare . Verum dices , ex divini Senis doctrina , leniter , & blandè sunt tractandi melancholici ; ergò emeticum medicamentum prodesse non potest . Respondeo id verum esse , si emetica fortiora pro curanda quartana praescribantur , at si leviora tantum , quibus nunc satis pharmacia redundat , propincentur , magnum certè beneficium aegris quartana affectis inducent . Iterum dices Hipp. ipse : *Melancholicos plenius per inferiora purgabis.* Respondeo , per ea verba non excludere Hipp. purgationem per superiora , imò ipsam commendat in quartana , lib. 2. de Morb. num. 39. eamque utiliorem esse , quam illam experientia confirmat ; humor enim melancholicus peccans aciditate , purgantibus pa- rum obedit , quia nihil medicamentorum purgantium vim magis infringit , quam acidum ; granum Cnidium aceto mitescit , imò et vis quorundam mineralium corrosiva solis acidis temperatur , atque haec est ratio , cur medicamentis purgati melancholici , Medicorum intentioni non satisfaciant ; contra autem accidit in emeticis , quae acidum primarum viarum potenter expellunt , sic saepissimè vidi , adhibito emetico magnam humoris cujusdam viridis copiam cum levamine patientum fuisse excretam , quem , bilem porraceam , appellant antiqui , & viriditatem illam magni caloris effectum esse judicant , in quo falluntur , nihil enim aliud aliquando significat color ille viridis , nisi acidum summè exaltatum bili permixtum , haec enim est conditio bilis ut pro varietate humoris cui immiscetur , diversos induat colores , atque cum acidum nimis exaltatum eidem adhaeret , colorem viridem repraesentat , idcirco excretiones virides adeò frequentes sunt in pueris cum paucō calore , & absque illo periculo . Si ergò his medicamentis superius positis pro febre tertiana , quartana non cedat , tunc emeticum iterum est praescribendum , & in initio accessionis , ita enim vidit Joannes Freitagius , quartanarios ab aliis derelictos , & tamquam incurabiles habitos , solo adhibito emetico initio accessionis , fuisse saluti restitutos ; idem docet

*Tertianos quo tempore ob longitatem intermissionis , successu ad uno  
littere emetilans magnitudinem . Arie .*

Sunt febres sive ordine et tempore remanentes, ex quinta  
planeta

140

TRACTATUS IV.

Hippoc. dum scribit, lib. de Affect. n. 19. Si quartana apprehenderit, siquidem impurgatus fuerit, caput primum purgato, & post duos, vel tres dies, pharmacum sursum versus purgans dato in ipsa apprehensione. *3 diebus tertiis purgans dato in*

41 Sed dices, si tempore accessionis materia febrilis confusa est cum sanguine, quid quaeſo commodi ſequi potest, nisi naturam ab incepto opere revocare? Respondeo, accessiones febriles eō collimare, ut febrilis illa materia particularis uni accessioni destinata, per totam accessionem, in integrum despumationem veniat, atque ita non finitur accessione, donec illa particularis materia à natura supereretur, ideo sub accessionis fine apparere ſolent ſudores, alvi fluxus, aut aliae evacuationes, quibus materia, quae ad particularem despumationem venit, à corpore eliminatur, & in hoc ſenuſ intelligenda eſt celebris illa Hipp. doctrina: *Quotidie rigores fūnt, & febres ſolvuntur, id eft accessiones ſolvuntur;* verum materia antecedens, & primus morbi fomes, ſuperventurae accessioni tribuens occaſionem, eft in prima regione, ac licet, materia febrilis particularē causans accessionem, per adhibitum emeticum non evacuetur; antecedens tamen materia malum fovens, potenter per illud eliminatur.

42 Tandem, nondum Medici, ſed & vulgares multa jactant arcana pro febribus quartanis fugandis, nulla enim quantumvis vilis muliercula eft, quae adverſus Medicos non garriat, ſibi vellens pro hiſce febribus infallibile arcanum arrogare. Miror tamen, Riverium ſuum proponere antiquartanarium, adeo occultum, & incomprehendibile, ut neſciā certe, an ipſe, idem potuiffet explicare. Ex triplici hercule componi aſſerit, ſole, ſclicet, mercurio, & antimonio, quibus ita ab eo confuſe relictis, occaſionem arripuerunt plures ex Chimicis tale febrifugum parandi, & ſenſum Authoris extra-hendi, inter quos, caeteros, meo judicio, praeftat Joannes Hartmanus. Adeo infallibile ſuum praedicat arcanum Riverius, ut innumeros tum tertiana, tum quartana affectos eo fuiffe curatos memoret, unde nondum quartanis, ſed & tertianis utile eſſe commendat. An ergo ita certum ſit febrifugum, quemadmodum à Riverio commendatur, mihi certo fibrem contiam remanerat ratione, cum ſit ratiōne eius non partes in ſubſtantia, in qualitate acciduntia, & prius eunt ratiōne ordine. Nam modo caralico poteſitatis

non constat, quippè id adhuc in usum non adduxi, verum optarem ipse aliquos ex Medicis id experimentis comprobarent, quia si ita eset, ut ab Authore proponitur, toto certè generi humano magnum exinde beneficium sequuturum, non inficiabor; quod si aliquis hujus medicamenti vires expertus, ejus quoque utilitatem magnam esse agnoscar, in publicum quæsto offerat, ut artis medicae decus in dies crescat, & humani generis salus magis afulgeat. Pro corone addendum restat, quartanam febrem raro, aut numquam medicamentis cedere, sed tempori, adeò ut cum longissima sit, non fugatur, quoisque tempus, ipsi à natura datum, impleatur. Propterea minime insistant Medici in usu purgantium, nec pillularum, nec diureticorum, nam ea methodo nihil aliud efficiunt, quam febrem ex se benignam, & salutarem, reddere laboriosam, & malignam, ut saepè vidi-mus. Satis ergò est, aegros admonere, ut optima servata victus ratione, tempori, & naturae se committant, & medicamentis parum fidentes, completo tempore quartanae debito, tum demum, se convalituros, sperent.

## C A P U T

## DE FEBRIBUS SECUNDÆ

Regionis.

- 43 Inter febres secundæ regionis adnumerantur omnes febres ardentes, inflammatoriae, malignae, variolæ, &c. Febris ardens est, in qua calor ad tactum adeò intensus percipitur, ut ardere aeger videatur; duobus pathognomonicis signis dignoscitur, quae in omni febre ardenti infallibiliter adsunt, siti scilicet inexhausta, & ardentiissimo calore, atque febris erit magis, vel minus ardens, prout haec duo simpthomata sint magis, vel minus intensa; verum quia praeter dicta signa febris ardentis, alia etiam simpthomata eam committantur, quae totam Medici intentionem quandoque exposcunt, idcirco ea omnia prout ab ipsa natura offe-

coturantur ut in autumno tis, in aquatis temperie in aere. 5. Si in calore corporis corporis tis in virtute ermotu; a victu calo quimia augctui, a mictis autendur, ut eradicare faciat febum.

runtur, sedulò Tyronibus proponēmus. Febris ardens aestate potissimum invadere solet, ardente praesertim Sirio, totoque terrarum orbe solis caloribus aestuante; incipit frequenter sub falso titulo constipationis, uti omnibus febribus acutis commune est, & non immerito, numquam enim propter hominum negligentiam transpiratio citius impeditur, quam tempore aestatis, magno vigente calore, quia post aliquod exercitium, toto corpore benè transpirante, detractis repente vestibus, ut aliqui imprudenter faciunt, aurae frigidæ viam parant, undè transpiratione impedita, hujusmodi febribus, si non in totum, ex parte saltè tribuunt occasionem, proinde in febribus, aut alio quovis morbo curen̄ Medici, ut aegrī expeditam habeant transpirationem, per eam enim tot excrementa insensibiliter evacuantur, ut unius diei solius spatio, exce-  
dant quantitatē sensibilium excrementorum, quae respondent aliquibus diebus, ut optimè notat Sanctorius in suo libello de Statis Medicina. Ut ergo ad nostrum propositum revertamur, in-  
caep̄ta semel febris gravia adhuc sub initiis non habet simpthomata, imò in dies crescente febre, augentur, juxta illud: *Cir-  
ca principia, & fines omnia sunt imbecilliora, circa statum vero  
fortiora;* febris continua est, accessiones licet singulis diebus invadant, tertioquoque die sibi mutuò correspondent, qua-  
rè merito ab aliquibus dicitur: *Duplex tertiana continua.* Accessiones nec incipiunt rigore, nec horrore, durant solummodo ad decem, vel duodecim horarum spatiū, & levi quodam madore, aut sudore integro finiuntur. Pulsus inaequa-  
lis est, celer, & frequens; urina sub initiis parum distat à natu-  
rali, postmodum verò flammea, seu intensè flava, lingua sicca,  
aspera, nigra, praesertim in accessione, in qua omnia simpthomata ingravescunt, propter quod Tyroneſ rogo, ut dum aegrorum curationi incumbunt, febrientes accessionis tempo-  
re videant, ex ea enim totus indicationum ordo perfectè desumitur; lingua quandoquidem etiam lineam habeat nigrā,  
& scabram in medio, quam ex utraque parte cingit fimbria inalbescens. Praedicta simpthomata raro non committantur ar-  
dentes febres, verum alia etiam advenire solent graviora,  
quae in diversis aegrīs propter causarum externarum diver-

sitatem , aut temperamentorum varietatem occurrentia, magnam in Medico diligentiam exposcunt , & aegris quandoquidem pravum negotium faceant. Sic tremores , seu ut melius loquar , motus convulsivi sunt frequentes , delirium saepè adest , ac non raro post delirium coma , aut alias soporosus affectus febrem committatur , sic saepè vidi febre ardente laborantes sopore corripi non nimis profundo , atque pauca verba loquentes , ea delirando proferre ; cardialgia , seu dolor partis superioris ventriculi aliquos infestat , quam saepissimè sequitur tensio totius abdominis , & hipocondriorum. Diarrhaea supervenire etiam solet , quae est aliquando biliosa , quandoque serosa , & non raro cruda. Caput ab initio dolet , ac per totum morbi decursum vehementer offenditur. Tandem difficilis saepe adest respiratio , quae omnium aliorum simptomatum saevitiam longè antecellit.

44 Causam hujus febris , judicant antiqui , esse bilem illam porraceam , aut flavam nimis adustam , cor , & sanguinem immodicè calefacientem. Neoterici in varias scinduntur opiniones , verum probabilius est , hujusmodi febres à sulphure nimis exaltato , salibusque acribus , & alchalicis in sanguine existentibus pendere , omnia enim simptomata ab humore acri , nimisque effervescente produci testantur. Lingua enim nimis sicca , & scabra , acres , & ferocientes sanguinis particulas apertè demonstrat , sicut contra alba , & humida vitium in limpha , quod sedulò notent Tyrone , numquam enim in febribus continuis lingua est nimis sicca , nisi in dispositione sanguinis inflammatoria , dum scilicet propter ipsius sulphureas , & acres particulas exaltatas immodicè ardet ; croceus similiter urinae color non ab alio , quam à sulphure nimis exaltato dependet , eoque à sanguinis consortio diviso , & per urinam excreto. Delirium etiam in hisce febribus , aut à nimis perturbato ordine spirituum animalium , oritur , ut aliquibus placet , aut ab inverso fibrillarum cerebri , ejusque membranarum sistaltico , & vibratorio motu , ratione sanguinis confusè per eas transeuntis , ipsasque inordinatè pungentissimam diarrhaeam tandem ab acribus , sulphureisque particulis , per

per maximum earum orgasmum , stomachum , & intestina irritantibus provenire , nemo est , qui non asserat . Ab eadem causa oritur tam frequens in hisce febris cardialgia , & tensio hipocondriorum , quia cum fibrae , membranofae potissimum , quales sunt ventriculi , & intestinorum quavis de causa irritatae , sua innatae propensionis vi illico crispentur , & tendantur , idcirco materia febrili in stomachum , ut ita loquar , delabente , ejusque membranas , & intestinorum pariter tunicas sua acrimonia vellicante , non possunt hae non crispari , ac tendi , ex quibus tensione , & crispatura , & dolor partis superioris ventriculi , & totius abdominis tensio procedunt .

45 Hic obiter notandum , febrem ardente duplicum esse aliam exquisitam , aliam spuriam . Utraque cognoscitur per signa superius posita , ea tamen differentia , ut in legitima vehementiora multò sint simpthomata , quam in notha . Notare etiam oportet , exquisitam ardente in nostro climate raro advenire , notham vero frequentissimam esse , idque peculiare habet , ut in peripneumoniam facile transeat , quapropter in statu hujus febris saepissime adeat spirandi difficultas , quae aegros in magnum discriben adducit . Nascitur febris ardens spurea ex bile , & pituita putrefactis , & propter horum humorum admixtionem simpthomata etiam veluti mixta apparent ; sic adeat vigilia , quandoque somnus immodicus , lingua sicca est , attamen sitis non est molesta pro ratione adutionis , & sic in caeteris rebus quaedam anomalia observatur . Hinc Hipp.

„ Febris ardens corripit magis biliosos , corripit item pituitosos , in quibus humor simul est bilis , & pituita .

46 Febris ardens morbus est acutissimus , periculosus , & quam maximè lethalis , si pravis praesertim signis , aut simpthomatibus superius positis committetur , atque quo haec graviora , & intensiora erunt , eo febris erit magis acuta , & perniciosa ; ad quatuordecim dies extenditur , quandoque autem ad 21 . qui terminus esse solent morborum acutorum , juxta illud : *Acuti morbi quatuordecim diebus judicantur* . Si die undecimo , vel alio quovis die circa 14 . rigor adveniat aegro , ac post rigorem insignis aliqua evacuatio sequatur , sive per vomi-

mitum , seu per alvum , urinam , sudores , &c. bonum est , juxta illud : *Febre ardente laboranti , rigore superveniente , solatio fit.* Si autem rigor superveniat aegro jam debili , ac nulla humoris excretio modo dicto appareat post rigorem , pravum signum est , juxta illud : *Febre ardente laboranti , rigore superveniente , aegro jam debili , lethale.* Si tensio hipocondriorum statim sub initii adveniat , imò quocumque tempore febris , mala est ex Hippocrat. libr. Prog. com. 1. part. 27. frequenter enim delirium antecedere solet , propterea numquam recedant Tyrones ab aegris , nisi hipocondria inspiciant , ex eis enim attente inspectis , plura utilissima deducuntur ad praesagiendum , & curandum. Si urina prius crocea , repente fiat limpida instar aquae , delirium citò aduentum demonstrat , testante Hippocrat. 4. Aphorism. sentent. 72. tandem qui plura de his velit , legat Hippocr. nostrum , in prognosticis , epidemias , & aphorismis , ubi omnia quaecumque de his possunt offerri , longè explanantur , propterea rogo Tyrones , ut ipsum habeant prae manibus , plus enim , ut ait Duretus , sequitur utilitatis à lectione Hippocratis uno die , quam ab omnibus pragmaticis uno facculo.

47 Curationem hujus febris incipere solent Galenici plurimi , medicamento purganti , vulgo dicto *minorativa* ; sed fatalis ignorantia ! nescio enim an crassior error in medica arte hucusque fuerit observatus , quam aegros febribus acutis afflictos , purgationibus magis affligere , & animam potius , quam causam febris minuere , nihil enim aliud certè faciunt vulgares minoratores in febribus acutis , quam novum addere languini nimis effrenato , & ebullienti fomitem , ut in hanc , vel illam corporis partem irruens , nova simpthomata , ea que graviora producat , idcirco Hipp. 1. Aphor. sent. 22. *Concocta medicari oportet , non cruda , nisi humor turgeat.* Et alibi: *In acutis morbis raro , & in principiis , medicinis purgantibus uti , & hoc cum praemeditatione faciendum.* Nec obstant futilles quaedam rationes , & inania Authorum experimenta ad purgans medicamentum in principiis acutorum morborum praescribendum , quippè subtilis potius ingenii , aut inversae

Authorum intelligentiae sunt effectus , quam simpthomatum in morbis noviter à medicamento purganti apparentium, observationes , nec inquam obstat vulgare illud muliercularum effugium , medicamentum purgans leve scilicet esse praescribendum sub initiis , ut prima regione sic à fôrdibus liberata , tutius ad sanguinem mittendum Medicus accedat ; quoniam haec , insani vulgi sunt, turpia deliramenta , quippè cum materia morbosa altè tunc sanguini sit immersa , nihil ex ea certè educi potest , imò sanguis febrili perturbatione magis commotus , medicamenti purgantis ratione magis , ac magis perturbatur , ac licet in prima regione sint aliquae impuritates , haeque per medicamentum leve purgans excernantur , nihilominus vix dici potest , quanto majus sit detrimentum à medicamento purganti febrenti sanguini inductum , quam utilitas ex ventre mundo , ut vulgus loquitur , consecuta. Tu-  
tius ergo est , statim sub initiis , ubi metus praecipue est pravi humorum apparatus in mesenterio , clisterem refrigerantem , & emollientem adhibere , eumque si alvus non obediat , iterum propinare , ac si opus fuerit per totum morbi decursum repetere , postmodum vero venae sectio non semel solum , sed bis , si necesse sit , attentis viribus est exercenda. Eodem tempore finita accessione largus aquae frigidae , glacie , aut nive refrigeratae , potus est concedendus singulis diebus cum sequenti potionē ad eas febres utilissima.

R. Confect. hiacinth. incompl. & sal. prunel. ana 3. i.  
pulv. c.c. pp. 3. f. sirup. endiv. simpl. & aquae nimph. ana  
3. ii. me. Vel

R. Confect. hiacinthor. incomplet. 3. i. spirit. vitriol. gs.  
vi. sirup. granator. 3. i. aquae acetos. 3. iii. me.

48 Acida omnia generaliter sunt hisce febribus utilissima , quippè alchalicorum salium vires infringunt , & enervant . Propterea convenient in his febribus spiritus vitrioli , salis , sulphuris , & nitri , sirup. acetositat. citri , granatorum endiviae , sal prunelae , pulv. cristal. mont. c.c. ocul. crancr. & omnia absorbentia.

Cir-

49 Circa potum aquae frigidae in febribus , sciendum est aquam instar glaciei concretam , quam nunc profusa undique aulicorum voluptas , in publicis committiis magnarum Civitatum ad communem usum paratam habet , inutilem prorsus esse , imò & hominibus sanis judico esse perniciosissimam , ex ejus enim usu , ne dicam , abusu , sanguis immodicè cum limpha coagulatur , eorumque liquidorum motu impedito , fiunt illico stagnationes , & morbi ; verum aqua nive refrigerata , qualis apud nostrates in usu est , febrentibus omnibus est utilissima , atque finitis accessionibus est praescribenda. Bibitur ergò aqua in febribus , vel naturalis prout ex fontibus ipsis emanat , vel medicata , aliquibus medicamentis morbo appropriatis decocta , ac ne sciant nostri temporis Medici , ut notat Fuller , aquam aegris praescribere , nisi viperinam , aut saccharum , aut aliud quippam immisceant ; ipse autem judico aquam naturalem utilem valde esse , nam cum aliorum corporum particulis sit minus imbuta , sales in nostro corpore melius diluere potest , sicque magnum commodum praestare.

50 Si autem aqua herbis quibusdam cocta magis arideat , praescribatur in febribus ardentibus , aut ptisana ex succo limonum , & saccharo , aut decoctum radicum fragariae , & cichorii , aut denique decoctum album Sidenahamii , quod sic describitur .

R. Pulv. c.c. calcinat. ȝ. ii. micae panis albissim. ȝ. i.  
aquaæ fontis tb. iii. coque ad tb. ii.

51 Ea ergò methodo quiescere debet Medicus in his febribus usque ad diem 14. quo transacto , si febris cum simpthomatibus jam mitior fuerit reddita , atque natura , seu per vomitum , alvi fluxum , sudores , &c. evacuationem materiae despumatae moliatur , totum opus ipsi relinquendum , ac Medicus abstineat tunc à remediis , haec enim febris melius curatur per pauca , quam per multa medicamenta , imò ex multa farragine remediortim , ut nebulones faciunt , in dies magis exacerbatur ; si autem natura dictam evacuationem non aggre-

diatur, tunc materia febrilis, medicamento purganti levi, est extrahenda, aliter enim ex Hipp. *Quae relinquntur in morbis post judicationes, recidivas facere consueverunt.*

R. Rhabarb. ʒ. i. infund. in seri lactis depurati ʒ. iii. colatur. adde sirup. aur. ʒ. iiij. me.

52 Haec est Hippocratica methodus curandi febres ardentēs, sedula Naturae observatione assequita, quae ita exerceri debet, nisi aliquod gravissimum simpthoma eam alter faciendam exposcat, urgentiori enim succurrentum esse clamat medicina, unde non semel accedit, ut ratione simpthomatum nimis urgentium, curatio ad ipsa potius, quam febrem sit dirigenda. Inter simpthomata ergo, quae regularem hujus febris curationem invertunt, adnumeratur dolor in pectoris cavitate similis dolori pleuritico. Qui cum à lymphae stagnatione, salibus acribus refertae, proveniat, impedit acidorum, & coagulantium medicamentorum usum, in quo casu repetitis venae sectionibus quantum necesse sit, potio hujusmodi conducit.

R. Conf. alcher. incompl. & pulv. c.c. anà Ə. i. sirup. paver. rubri ʒ. ii. aquae card. bened. ʒ. iii. me. repetatur.

53 Cave tamen, ne pulverem sanguinis hirci pp. in his febribus, pro ea pleuritide spurea, praescribas, nam cum nimis dissolvens sit, atque sanguis, uti diximus in causis, sit nimis exaltatus, magnas injurias pariet. Insuper si coma, delirium, aut aliis capitis gravis morbus adsit.

R. Conf. alcherm. incompl. & pulv. marq. anà Ə. f. spirit. c. c. succinat. gs. vi. sirup. endiv. ʒ. ii. aquae card. bened. ʒ. iii. me.

54 Tandem, si ab initio adsit alvi fluxus, sedulo hic contemplandus, nam si biliosus, atut serosus sit, nihilominus venae sectio pro morbi ratione semel, & iterum est repetenda, ali-

aliter enim hujusmodi diarrhoeae hos morbos perfectè non iudicant , nec sub initiis sunt naturae opus , sed ejusdem à materia febrili irritatio. Nec obstat vulgaris doctrina : *Alvo fluente sanguinem non detrahas* , ibi enim loquitur de diarrhaea nimis cruda , in qua sanguinem mittere non confert , nec inquam obstat vulgare dictum illud Galeni : *Si fuerit febris cum alvi prostruvio , non est opus alia evacuatione , &c.* solummodo namque verum est in febribus messengericis. Si diarrhaea in his febribus fuerit cruda , attentè notandum est , num sit cruda propter acrem materiam in stomachum ex sanguine derivatam , & alimenta citius quam opus est , expellere cogentem , ventriculum scilicet , & intestina irritando , nam si ita sit , vena secunda est , imò non saepè vidimus , hujusmodi diarrhaeas ab adhibita venae sectione fuisse sanatas , atque non solum venae sectio est instituenda , sed & aqua frigida in simili casu est propinanda , non semel enim observavimus diarrhaeas crudas , quas omnium insignium stomachorum congeries curare non potuit , sola aqua frigida fuisse feliciter restitutas , verum in hoc , multa solertia , magna diligentia requiritur , nam in re ita ardua , si ita non fiat , mille committuntur errores . Si igitur diarrhaea cruda sit , vel ob debilitatem liquoris stomachici , vel ob summam inertiam bilis , tunc à venae sectionibus , & aquae frigidae potu est abstinentendum , nam fractis diarrhoeae causa , jam plusquam par est aegri viribus , non sunt amplius per venae sectionem invertendae. Sed dices , quomodo cognosci potest diarrhaeam crudam ab irritatione pendere , non ab inertia , & debilitate ? Respondeo facile agnoscere ex ipsa aegrotantium relatione , nam si ipsi referant dolorem in regione stomachi etsi levem , antecedere alvi fluxum , ac tempore dejectionis sensum caloris , & acrimoniae in intestini recti extremitate sentiri , si interim in materia excreta lineae quaedam veluti nigrae , aut flavae , reliqua existente alba , appareant , certò significant similem alvi fluxum ab irritatione potius , quam debilitate ventris procedere.

*Ab humoribus sanguinen non est. Tachis; rorante post operato-  
rium per venas fluxus sanguinis labitur. Gal. FE.  
Si corporam contum sanguinem affecere priuocata cum osse  
postesse potius sanguinem. Hipp.*

## FEBRIS MALIGNA.

55 **N**ihil inter vulgares communius, quam aegros mortuos febre maligna perire, unde haec eit quotidiana (ut Baglius de suis Romanis ait) per urbem fabula: *Febris maligna fuit, Medicus eam non cognovit, & aeger mortuus est;* huic igitur errori ansam dederunt vulgares Medici, qui febres ardentes, & alias quascumque, saevis stipatas simpathomatisbus, in malignarum classe reponunt, hinc adhibitis alexipharmacis, & calidis medicamentis ad fictam illam, quam supponunt, malignitatem impropere subjugandam, novum formatum febrenti sanguini addunt, & febrem prius fortasse levem reddunt ipsi malignam, proinde crediderim cum Sidenehamio plures dirae mortis saevitiae tradidisse fictum, & suppositum malignitatis nomen, quam inventionem pulveris piri, atque plures febres, quas vulgus malignas vocat, ex impropria, & intempestiva methodo potius, quam ex sua natura tales esse. Nec interim negamus, dari aliquas malignas febres, sed non ita frequentes, ut vulgus loquitur, statuimus, quapropter, ut Tyronibus notum sit, qua via in earum cognitione sit procedendum, eas prout à clarissimis in medicina viris, & expertissimis practicis traduntur, brevissime exponam. Febris ergo maligna magnam habet cum peste analogiam, atque ab ea penes magis, & minus solummodo discrepat, proinde apud aliquos febris pestilentialis audit, differunt tamen in eo, quod in peste plures intereant, quam serventur, in omnes populariter graftentur, & ab aere infecto ut plurimum pendeat; non ita febris pestilentialis, & maligna, quae aliquos solum invadit, & ex ea plures servantur, quam moriuntur.

56 Est ergò maligna febris propria, de qua hic loquimur (impropriam namque appellant communiter Medici quamlibet febrem diris simpathomatis stipatam) quae sub benigno praetextu magnas injurias parit, accidit enim, ut cum bonis signis, Medico, & assistentibus ne cogitantibus, aegri in manibus inopinatè pereant; atque cum diverso modo in-

*Contagionem pestilens ex oris ad clypeum, in molles grue-  
fibia ex nova putredine humorum ex substantia inde  
pestis communem cum omnibus modis, si non per contac-  
tum qualiter de maligna*

gruere soleat , propter causarum eam producentium diversitatem , idcirco ejus causas prius examinabimus.

57 Causam febris malignae , dixerunt antiqui esse humorum venenatum , seu sanguinem , naturam veneni aemulantem , quem humorem malignum appellant , verum in ea malignitate explicanda multum dissident . Alii dicunt in sordida , & totali humorum putredine , consistere malignitatem , alii in corruptione totali sanguinis , & humorum , alii in qualitate quadam maligna , alii denique , ut praedictas quaestiones uno verbo absolvant , in qualitate occulta , consistere judicant . Neoterici autem altius morborum causas inquirentes , febres malignas omnes , ex duplii asseruerunt fonte manare , ex coagulatione scilicet , ut voluit Thomas Uvilis , aut ex dissolutione , ut credidit De le bce Silvius , sic Uvilisius in febribus malignis acidum quoddam fixum sufferit , quod liquida coagulando , eorumque perennem motum impediens , ipsa minus liberè circulare facit , & simplicomatibus inde advenientibus ansam praebet , cui opinioni vehementer opponuntur aliqui cum Roberto Boyle , qui nullum acidum in sanguine hospitari , & rationibus , & experimentis suadere conatur , quod verum est in statu naturali , non in morboso . Silvius similiter in sale quodam volatili acri , nimiam sanguinis , & limphae dissolutionem molienti , malignarum febrium causam consistere judicat , in quam opinionem fertur clarissimus Zuingerus scribens : *Caeterum probabilior sententia videtur , malignitatem consistere in fermento acerrimo spirituoso , fluida corporis immutante , & solida irritante .* Haec tamen omnia non ita intelligi velim , ut febres malignas opinemur à dissolutione , aut coagulatione humorum pendere , nam dissolutio , & coagulatio sunt effectus febris malignae , non causa . Igitur , pro causa malignitatis , statuere oportet principium quoddam subtilissimum , acerrimum , activissimum specialis naturae , & indolis , quod humoribus nostris communicatum , eos mirificè turbat , & corruptit , & inter alios effectus , quos causat , eos quandoque coagulat , quandoque dissolvit . Attamen cum effectus in humoribus magis perceptibles , in febre maligna sint eorum coagulatio , & dissolutio ,

*variorum qualitatibus modiciora primas qualitates ad intemperie grandiora ; et alevia in primis qualitas modiciora loculus ut interiora . et ipsum modificari .*

prop-

propterea communem loquendi modum insequentes, de ipsa differemus, vel quatenus cum coagulatione, vel cum dissolutione procedit. Interim animadvertisimus, non raro febres malignas sub initiis inducere dissolutionem, accedente earum statu, magnam coagulationem causare, quas mutationes secundum varias humorum dispositiones contingere, in praxi observamus, easque Tyrones per sua signa cognoscere poterunt.

58 Causae externae potentes inducere febres malignas, seu pestilentes, sunt plurimae, inter quas primum locum sibi vendicat aer, tetrī vaporibus, nimisque corruptus exhalationibus, vel à cadaverum strage, ut tempore belli continet, vel è terrae criptis, locisque subterraneis vi alicujus terraemotus elevatis, vel speciali siderum influentia. Ea igitur labē, imbutus, febres malignas creare potest; cum enim aer nobis perpetuò necessarius sit, si hic magna aliqua labē fuerit infectus, eam liquidis nostri corporis communicando, ad malignos morbos disponit. Conducit etiam maximè alimentorum penuria, & annonae caritas, hinc namque fit, ut quaelibet gentium fors, pravis ad replendum stomachum alimentis sece ingurgitans, corpus ad cachochimiam disponat, atque ita facile in gravissimos morbos incidat, unde nascitur vulgare illud: *Post famem, pestis.* Febris maligna jam citò sub initiis adeò prava inducit symptomata, ut nullum sit certè in humana natura, quod febrem malignam quandoque non committetur, verum inter alia quae statim producit, sibi tamquam familiaris est debilitas virium, id enim hujusmodi febribus commune est, ut vires statim in principiis debiles reddant. Haec tamen virium debilitas non semper est essentialis, sed quandoque per agravationem, quod ad prognostim maximè conductit, quippè viribus ab initio debilibus per essentialiam raro, aut numquam aeger convalescit, è contrario, si debilitas sit per agravationem, & bona methodo tractetur, solet in curationem salutarem devenire. Neque Tyrones intendant virium has differentias per solum pulsum agnoscerre, nam necessario caetera etiam signa consulenda sunt. Si igitur aeger, quoad decubitum, respirationem, & somnum, &

*Placuisse ea nature debilitatis, prava sic est ergo intercedo, & quia oritur a malignitate & febri intensio, arietum*

alia, quae in ejus curatione offeruntur, benè se habeat, atque interim pulsus parvi sint, & debiles cum intermixta aliqua pulsatione fortiori, credendum est, vires esse debiles per agravationem, si verò pulsus parvi fuerint uniformiter, simulque delirium, & convulsiones cum spirandi difficultate, anxietatibus, malo decubitu, & membrorum impotentia conjungantur, certè vires debiles sunt per efficiam.

59 Hoc ergò simpthoma, debilitas scilicet virium, commune est omni febri malignae, sive haec cum coagulatione, sive cum dissolutione coniuncta sit, verum quia simpthomata reliqua pro causae diversitate variantur, idcirco claritatis gratia, simpthomata cuicunque propria sigillatim proponam. Febris ergò maligna cum coagulatione, praeter virium lapsum, incipere solet levi quodam horrore, aut rigore, qui semel, & iterum, ac inordinate saepius invadere solet. Post rigorem sequitur levis calor ad tactum, huncque levem calorem committantur lingua sicca, & sitis intensa, urina parum distat à naturali, anxietates magnae circa praecordia, ex sanguine ibidem stagnante, inappetentia summa, dolor gravatus in capite, quem postmodum coma, aut cathoche sequitur, extremitates frigidae, lipothimiae frequentes, parotides, ac tandem maculae purpureae, lividae, aut nigrae, quae certum esse solent, mortis jam jam instantis indicia; haec omnia misere aegros excruciant, paucò interim existente calore. Febris igitur maligna cum dissolutione incipit per rigorem, quem sequitur postmodum calor non nimis intensus, cum siti, linguae siccitate, & urina fere naturali, pulsus celer est, frequens, & parvus, dolor capitinis adebet, quem sequitur delirium, convulsiones, & tremores, hemorrhagiae, sudores simpthomatici, nimia jactatio, & inquietudo, vigiliae, & alvi fluxus serosi, aut variegati, signum fere certum febris malignae. Ac tandem plurima alia simpthomata, eaque anomala, & minimam inter se connexionem habentia, interveniunt, quibus certissimum additur signum sanguinis venae sectione educti, in febre enim maligna cum dissolutione, summè dissolutus, sicut in febre cum coagulatione, summè coagulatus appetet.

60 Prognosis hujus febris, à quacumque causa proveniat, incertissima est, quia plures cum bonis signis è medio sublati sunt, alii autem cum lethalibus, ab orci faucibus erupti fuerunt. Multi cum signis coctionis in urinis perierunt, alii sine signis coctionis levati sunt. Nihilominus si parotides in principiis appareant, aegrum pravè se habere significant, si autem veniant cum signis coctionis, quae nec majores sint, quam ferri possint à parte affecta, nec minores, quam purgare valeant, aut tollere morbum, si sint plus diffusæ, quam contractæ, citra nimium ruborem, & dolorem bonaæ sunt, sin contra malae. Si interim existentibus parotidibus alvus libera, & biliōsis humoribus fluat, spes salutis adhuc est ex Hipp. Interim maculae lividae, & nigrae in febre maligna, à quavis causa oriri solitae, certissimum sunt mortis indicium, praesertim, si ante signa coactionis, & simpthomatibus ingravescientibus, appareant; si fuerint rubrae non ita sunt periculosaæ. Si parotides, & maculae semel erumpentes, iterum abscondantur, & retrocedant, malum est, omnia namque simpthomata citò ingravescunt, & mors in propinquuo adest.

61 Curationem quod spectat, dubitant Authores de venae sectione facienda; alii nullatenus sanguinem mittendum esse volunt, alii totam salutis spem in sanguinis missione collocant, inter quos praesertim Botallus; alii ad diaphoretica, alii ad alexipharmacæ, seu antimaligna confugiunt, nos tamen pro varietate causæ diversa dicimus postulari remedias; nam si conjuncta sit febris cum coagulatione, ex usu sunt omnia dissolventia cum antimalignis mixta, v. g. antimonium diaphoreticum, bezoardicum animale, corallum, Unicornu, spirit. c.c. fuliginis, salis ammoniaci, urinae, sal volatile viperarum, & cornu cervi, camphora, & ex ea parata remedia, inter quae praecipua est tintura Thachenii, aqua similiter theriacalis Crolii, & Rhaenodei, seu simplex prout describitur à Palacios in sua Pharmacopea, item pulvis radicis contrayvae, serpentariae virginianæ, electuarium diascordi Fracastorii, & theriaca.

*In majorib[us] volatis, hoc est maligna, non R.  
tatione, id est purgatione sunt ut scilicet ip-*

R. Conf. alcherm. incompl. & pulv. contrayervae anà  
ð. i. spirit. c.c. succinat. ð. f. sirup. papaver. rubr. & aquae  
card. bened. anà ȝ. ij. me. Vel

R. Conf. alcherm. incompl. & aquae theriacal. Crol.  
anà ð. f. antimon. diaphoret. ð. i. sirup. viper. & aquae  
bugloss. anà ȝ. ij. me.

R. Conf. hiacinthor. fin. aromatib. & antimon. diaph.  
anà ð. i. camphorae gr. ij. spirit. c.c. gs. vi. sirup. & aquae  
vip. anà ȝ. ij. me.

R. Elect. diacord. Fracastor. & theriacae magn. anà  
q. s. fiat bolus, bis in die sumendus.

62 Hic bolus praecipue confert his febribus, dum diar-  
rhæa simpthomatica stipantur. Verum obiter notandum, non  
esse utendum camphoratis, aliisque calidioribus medicamen-  
tis, nisi in casu maximè coagulationis, praesertim si aeger  
viscerum intemperie calida gaudeat, tunc enim, satis est po-  
tione primo descripta, & saepius repetita, morbi curationem  
moliri.

63 Si febris conjungatur cum dissolutione, tunc conve-  
niunt acida temperata sanguinem, & caetera liquida, coagu-  
landi vim habentia, ut sunt ea medicamenta, quae pro fe-  
bribus ardentibus adducta sunt.

64 Adverte, nihil magis, & citius sanguinis immodi-  
cam dissolutionem impedire, quam opiata, quae in febre  
maligna cum dissolutione, moderata dosi exhibita, om-  
nem paginam adimplent; sicut nihil citius, & melius sangu-  
inem, coagulatum dissolvere, quam vesicantia, unde consulo,  
ut in febribus malignis cum coagulatione, emplastra ex cantha-  
ridibus, tibiis, aut femori applicentur, plures enim ab orci  
faucibus liberarunt; ac in febre maligna cum dissolutione lau-  
danum liquidum Sidenahami singulis potionibus praescriba-

Malignitas in febribus, in suspecto constatione  
erique ad secundum quantum diem spectanda. h. ȝ.

tur. Circa purgationem in principio idem dicendum, quod de febre ardenti. Circa venae sectionem judico, eam bis repetitam (nisi aegri aetas, aut temperamentum aliud postularint) utilem valde fore in utraque specie febris malignae, si exerceatur potissimum statim sub initiis, dum vires adhuc satis constant. Verum si parotides, aut maculae appareant, tunc à venae sectione est abstinentum, ne retrocedente humore, quem natura ad habitum corporis expulerat, morti tribuat occasionem. Denique advertere oportet, non nimis fidendum, in curatione malignae febris, medicamentis alexipharmacis, praesertim calidioribus, nam praeterquamquod eorum decantata virtus incerta est, id peculiare habent, ut dum partibus suis spirituosis naturam roborare creduntur, simul causam morbi ex se acrem, & urentem magis agitent, & dissolvant, unde gravissima mala producunt. Observavi tamen Gelatinam cornu Cervi, cum succo limonum paratam, & repetitis dosibus praescriptam, plus valere, quam caetera quaecumque alexipharmacata, quantumvis auro pretiosiora.

### DE VARIOLIS.

**S5** Inter morbos pestilentes merito adnumerantur variolae, in his temporibus adeò frequentes, ut nullum hominum genus intactum ferè relinquant. Infantes potissimum invadere solent, ac non raro adultos, licet ipse viderim, & agnoverim, qui eas unquam sint passi, ac extremo senio confecti, absque illis migraverunt ex vita. Variolae igitur, vel sunt confluentes, vel discretae; primae sunt, cum pustulæ exiguae, plurimæ tamen, & quasi planæ, parum instertitii ab una ad aliam relinquentes, apparent in facie, licet in trunco, & artibus aliter se habeant; discretae vero sunt illae, quarum pustulæ mediocrem magnitudinem habentes, nimis numerosæ non sunt, & aliquid spatii adinvicem relinquunt in facie, licet in reliquo corpore diverso modo procedant. Ad variolas igitur dignoscendas, primo confert constitutionem epidemicam agnosce-

re, nam si ea epidemicè grassante, pueri corripiantur febre intensa cum siti, nausea, &c. signum imminentium jam variolarum est. Secundo, in omnibus puerorum morbis semper Tyrone, aut de variolis, aut lumbricis, aut lactis corruptione in ventriculo, suspicari debent, tribus enim hisce morbis frequentissimè corripiuntur, ac nisi Medicus attentè in eis agnoscendis procedat, unum pro alio assumet, & plurimos necabit infantes. Verum licet in tribus hisce morbis febris adsit, simpthomata nihilominus diverso modo procedunt, nam in variolis febris adest intensa ab horrore leví incipiens, durat toto tempore ebullitionis, tribus scilicet, aut quatuor diebus, adeoque sibi similis existit ab initio, ut incrementa non habere videatur, sed semper sub eodem statu permanere, secus autem in febre verminosa, quae quantumvis efficax, ter, & amplius in die repetere solet, & pueri aliquando sibi benè videntur valere, ac statim iterum febris cum simpthomatibus invadit. Committantur ergò febrem variolarum rubor in facie, ardor satis vehemens, sitis ingens, dolor capitis cum gravitate, pulsus celer, vehemens, urina non dissimilis ab urina sanorum, tussis sicca, oculorum rubor, & lachrymae involuntariae, raucedo, difficilis respiratio, somnus profundus, motus epileptici, qui proximè jam erumpentium variolarum sunt certum indicium. Haec omnia si variolae adultos corripiant, facile ex eorum relatione innoteantur, verum si lactentes puerulos invadant, non nisi summa Medici solertia, & labore deprehenduntur. Igitur praefata simpthomata in eo statu se habent ad diem tertium, vel quartum, quo in superficie corporis apparere incipiunt pustulae numerosae, rubentes primum, postmodum vero, re jam in suppurationem vergente, subflavotalvae, quae signum sunt pathognomonicum variolarum.

66 Causam igitur variolarum, plures ex Medicis cum Rivelio tribuunt sanguini materno, unde à principiis generationis innatum sibi, & congenitum variolarum principium, quemlibet habere arbitrantur, sed haec opinio rejicitur, tum quod si ita esset, nullus in hac mortali vita à variolis esset immunis, cum nemo à principiis generationis non procedat,

quod

quod falsum est, ut superius diximus, tum quod apud anathomicos jam satis constet, sanguinem menstruum non esse causam materialem generationis, propterea Sidenahamius oneri succumbens, ait, causam proximam variolarum, numquam certò agnoscere; quidquid tamen sit, certum est, morbum esse inflammatorium, & ab inflammatoria, & acri sanguinis diathesi pendere, siquidem convulsiones, deliria, dolores, sitis, & alia hujusmodi, à materia acri procedere non dubitamus. Oportet tamen hic animadvertere, sanguinem, caeterosque nostri corporis humores diversis modis inflammari, adeò ut licet in qualibet inflammatione habeant dotes inflammationum proprias, ut sunt calor, acrimonia, crispatura solidorum, & alia hujusmodi, tamen speciales adsunt caracheres in ipsarum qualibet, in alia quantumvis simili non reperiendi. Sic sanguis uno modo speciali inflammat in phlegmone, alio in erisipelate, diverso in herpete, diversissimo ab iis omnibus in febre punctulari, & ita de aliis morbis inflammatoriis. Debet igitur Medicus nedum generales inflammationis notas, sed speciales cuiuslibet in particulari caracheres, ad perfectam curationem agnoscere, nam dantur remedia omni inflammationi congrua, qualia sunt venae sectio, nitrum, aqua frigida, serum lactis, & alia hujusmodi; dantur etiam cuique inflammationi propria, ut in erisipelate aqua fiorum sambuci, meliloti; in herpete, & impetagine decoctum fumariae, agrimoniae, & pimpinellae, flores sulphuris, & sic de reliquis. Variolae ergo sunt vera inflammatione cutis, seu varitus cumulus multarum inflammationum in cute, sed haec inflammatione specialis est naturae, & proprios habet caracheres, nullibi praeterquam in ipsis inveniendos.

67 Variolae ut plurimum morbus sunt adeò periculosus, ut infantes quam plurimos truculenta morte saepissimè interficiant. Si febris tertio, vel quarto die ab invasione, pustulis jam erumpentibus, desinat, bonum est, significat namque totam materiam variolarum, febrem, & simpthomata praefata producentem, integrè à natura despumari, & ad corporis habitum expelli; si autem post eruptionem variolarum febris

bris adhuc persistat , aut intendatur , malum est , quia indicat materiam febrilem , & variolosam perfecte non depurari , sed in sanguine adhuc permanere , majores tragedias ulterius excitaturam . Variolae confluentes semper periculosisimae , quippe gravissima simpthomata secum admixta habent , imo si pustulæ , postquam apparuerint , planæ admodum sint , atque non modo in dies non intumescant , sed decliviores fiant , signum lethale est . Interim , si post variolarum eruptionem , febre adhuc permanente , maculae purpureæ inter pustulas appareant , mortem praenuntiant , si autem pustulæ eminentiam habeant nigrum in medio , mortem præ foribus esse demonstrant . Si variolæ postquam semel eruperunt , iterum abscondantur , difficile accidente respiratione , intra 24. horas aegri moriuntur . Si pustulæ perfecte non suppurentur , imo colorem lividum secum habeant adjunctum , prius gangrena , dein mors in propinquio est . Si igitur mistio cruenta , aut alvi fluxus sanguineus accedit , mortem certissimè advenire praenuntiat . Similiter si delirium , alvi fluxus , aliaque hujusmodi simpthomata post eruptionem perseverent , malum . Denique si difficultas spirandi , his aliis simpthomatibus superveniat , mors citò ventura praedicenda . Bonae ergò , & salutares sunt variolæ , in quibus postquam eruperint , febris , & alia simpthomata , aut deficiunt , aut multum remittunt . Bonae praeterea sunt variolæ , quae postquam semel eruperint , integrè suppurantur , & squamulas furfuraceas in fine post se relinquunt . Ac tandem morbus est adeò incerti præ sagii , ut non semel peritissimis , & expertissimis Medicis illudat , accidit enim ipsis , quod febri pestilenti , multi enim moriuntur cum bonis signis , dum alii jam ferè desperati , cum pravis signis liberantur , undè monco Tyrone , ut cauti in præ sagiendo procedant , ac in hoc morbo , uti de aliis diximus , præ sens habent celebre illud Hippoc. dictum : *Autorum morborum , non sunt omnino certae praenuntiationes salutis , aut mortis.*

68 In curatione prius advertendum est , duo tempora in variolis esse consideranda , tempus nimirum ebullitionis , quod durat à primo morbi insultu , ad diem tertium , vel quartum ,

&amp;

& tempus despumationis , seu expulsionis , ab eruptione scilicet pustularum , usque ad integrum suppurationem , & maturitatem , quae circa diem 14. solet absolvī. Si igitur Medicus vocatus fuerit statim ab initio , tempore scilicet ebullitionis , antequam pustulae erumpant , praecipiat subito , ut ne torreantur infantes , appositis ignibus in cubiculo , ut Hispanis in usū est , sic enim non adjuvant eruptionem , ut ipsi volunt , sed sanguinem , plusquam par est , calefaciendo , magis , & magis perturbant , & miseris infantibus febrem , sicut , linguam asperam , & siccām , ac quandoquidem mortem accersunt.

69 Jubeant ergo , ut moderati regiminis ope tractentur , nec scilicet eos ignibus torquendo , nec frigore etiam externo nimis molestando , sed mediocriter in hisce omnibus procedendo. His factis , statim imperanda est venacectio , quae repeti potest , prout febris , plenitudo , aliae simpthomata postulaverint. Nec cogitent Medici de purgatione in variolis pro sordibus primae regionis expurgandis , ut nebulones imprudenter faciunt , quippè natūram , despumationem molientem à suo opere recedere faciunt ; quod si , uti pueris familiare est , stomachus , pravis ingestis abundet , omni opera curandum est , ut clysteribus refrigerantibus , & emollientibus sarcina illa educatur , ut sic natura opus perfectius assequi queat. Si igitur pustulis jam erumpentibus , Medicus accedat , ac post earum eruptionem desinat febris , & simpthomata remittant , expulsione benè procedente , tunc sanguis mittendus non est , ac nihil agendum , sed naturae totum opus committetur , sufficiet tunc levibus diaphoreticis expulsionem in totum perficere ; si autem erumpentibus pustulis , febris sit intensior , simpthomata graviora , sanguis , non obstante expulsione , detrahendus , quia sic natura ab onere levata facilius expellit , quod prius fortasse expellere non potuit , quia nimis oppressa. At si diarrhoea interim accidat , eaque fuerit biliosa , certius sanguis detrahendus , sanguine namque educto cessare solet diarrhoea , quae raro in variolis non est periculosa.

70 Praeterea ante variolarum eruptionem bibant pueruli

li, aut adulti aquam cum hordeo, rasura eboris, & floribus papaveris rhaeos alteratam, eaque ipsis concedatur ad satietatem; interim omnia acida, & temperantia conve- niunt, ut succus granatorum, citri, sirupus acetositatis ci- tri, acetosae, granatorum, violarum, sal prunelae, & alia hujusmodi.

R. Conf. hiacinthor. fin. aromatib. & sal. prunel. ana-  
θ. i. pulv. cristal. pp. θ. s. sirup. granator. ȝ. i. aquae por-  
tulac. ȝ. ii. me.

R. Confect. hiacinthor. incompl. & spirit. nitr. dulcif.  
ana θ. s. pulv. c.c. pp. θ. i. succi citri ȝ. i. sacchar. albif.  
& aquae portulac. ana q. s. me. detur cochleatim.

Si diarrhaea urgeat.

R. Conf. hiacinth. incompl. & pulv. coral. pp. ana θ. i.  
sirup. acetositat. citr. & aquae arnaglos. ana ȝ. i. me.

Variolis jam erumpentibus, si febris cum simpthomatibus  
adhuc urgeant.

R. Conf. hiacinth. incompl. & bezoard. animal. ana  
θ. s. sirup. endiv. simpl. & aquae portulac. ana ȝ. i. me.

R. Conf. hiacinth. incompl. & pulv. c.c. pp. ana θ. i. la-  
pid. bezoard. gr. iv. sirup. violar. & aquae bord. ana ȝ.  
i. me.

R. Conf. alcherm. fin. arom. & antimon. diaphoret.  
ana θ. s. sirup. endiv. & aquae bord. ana ȝ. ii. me.

71 Sic ergo procedendum, donec variolae maturescant,  
& febris remittat; cavendo ne fortibus diaphoreticis sanguis  
nimis excandescat, sic enim expulsio non perficitur, sed im-  
peditur, immo refrigerantibus, & diluentibus, leviora tantum  
diaphoretica immiscenda sunt, in quo casu ptisana supra

descripta pro toto morbi cursu confert. Si pustulis jam erumpentibus, febris aut desinat, aut remittat, ac interim suppuratio, & maturatio aequè percurrent, nihil aliud praeter gran. i. aut ij. lapid. bezoard. in singulis jusculis est offerendum.

72 Multa multi jactant, & undique venditant pro variolis sanandis arcana, verum minimè credam unquam impostoribus, & medicastris, imò inter celebres Authores aliqua laudantur, quae verè incertissima sunt, sic Dolaeus suo li-  
quore antivarioloso omnibus salutem offert, quam nescio certe, an revera ipse praestaret, quia *quisque suum laudat*. Multi etiam tegumentis rubris aegrum operiri imperant, & agnum in cubiculo detineri, humores enim avocare ad cutem hujusmodi apparatus credunt, ipse autem nescio, quid veritatis id ferat, etenim Magnates, & Principes, qui damascenis ser-  
cis, & pretiosis purpuris volvuntur, hocce morbo immani-  
ter pereunt. Si oculi difficilè aperiri queant, aqua malvarum abluendi. Guttur, & fauces decocto hordei, aut sirupo mo-  
rator. & granator. cochleat. sumpto defendi possunt. In cor-  
dis regione prodest inunctio ex oleo Mathioli, & theriaca. Arabes Medici, & cum ipsis Sennertus, eisque transcriptor Riverius, decoctum *lentium*, tamquam specificum in variolis ha-  
bent, at rectè Junquerus, expertus, & sagax Naturae scruta-  
tor, de hujusmodi virtute dubitat, neque scimus per ex-  
perimenta bene instituta, an quidquam boni in variolis len-  
tes praefliterint. Denique, Tyrones ignorare nolim, in variol-  
is omnibus circa septimum morbi diem, febrim, vel auge-  
ri, vel de novo accendi, idque contingit, quoniam earum  
suppuratio eo tempore, vel incipit, vel augetur. Inter Neo-  
tericos aliqui vocant hanc, *secundam variolarum febrem*, ut  
ipsam distinguant ab illa febre, quae incipientibus ipsis du-  
rat usque ad exactam expulsionem, modo quo dictum est. Haec  
secunda febris durat usque ad finem variolarum, & gravis  
est, atque totius morbi periculum in ejus cursu praecipue  
spectatur. Joannes Freindius, Medicus Anglus celeberrimus,  
intendit variolosos purgare hac secunda febre detentos, atque  
prolixè de ea re disputat in Epistola ad Ricardum Meadium,  
quae,

quae , inter ejus opera Parisiis excusa , extat . Attamen doctrina de purgatione in secunda variolarum febre , seu in earum suppuratione , incerta , & periculosa est , neque unquam Tyronibus commendanda , quia nova , & rectae praxeos observationibus minimè fundata . Fatemur , variolas morbum esse atrocissimum ; fatemur etiam nullum hucusque inventum esse remedium specificum pro his debellandis . Sed certò scimus numquam licere praescribere medicamenta , quae magis ad nocendum , quam ad juvandos aegros , sint opportuna . Atque abundè constat purgationem in maturatione variolarum , naturam turbare , suppurationem , quae ejus opus est , interruere , aegrosque , in magnam perniciem adducendo , trucidare .

## C A P U T

## DE FEBRIBUS PUE R PER ARUM.

73 **N**ihil difficilius in praxi , quam puerperas recte tractare , primis potissimum diebus à partu , quia levi quavis occasione facillimè aegrotant ; ut ergo Tyronibus notum sit , quid sit agendum , earum morbos in puerperio potissimum oriri solitos , breviter describam . Morbus puerperis valde familiaris est febris lactea , ita dicta , quod tempore , quo lac incipit apparere , frequenter invadat . Haec febris ingruere solet duobus , aut tribus diebus à partu , incipit ab horrore , quasi ab inferioribus partibus per spinam ascendentē in superiores , postmodum ingens subsequitur calor , cum faciei rubidine , siti , lingua modicè humida , & mammarum intumescentia ; durat solum per unius , duorum , aut trium dierum spatium , quo usque lac ex mammis fluat , eoque benè fluente , citò desinit . Dicta febris periculosa non est , etiam si ab initiis primo aspectu videatur gravis , quippè lacte jam in mammis existente , sponte saepissimè cedit , atque sub diariarum genere ab omnibus ferè Authoribus collocatur . In ipsius curatione , si lochia bene fluant , & sanguinis evacuatio

tio per uterum à partu benè procedat , nihil aliud facere convenit , nisi aegram refrigerantibus temperare , in quo casu commune est Valentinis Medicis aquam capillorum veneras , & viperinae pro potu ordinario nive , aut glacie refrigeratam imperare . Si ergò lochia recte non fluant , aut sanguinis evacuatio sit pauca , tunc opus est , non semel solum , sed bis , sanguinem mittere , nulla namque alia evacuatio , praeter eam , tunc indicatur , unde turpiter errant , qui clysteres acres , purgantia , aliaque hujusmodi puerperis offerunt , quippè his medicamentis sanguinem à partu satis commotum magis commoventes , acutas febres non raro excitare solent ; imò lac non potens prius propter nimiam naturae oppressionem , & onus in mammis apparere , facta venae sectione statim appetet .

74 Febris ergò , quae innumeras puerperas è medio tollit , expertissimosque Medicos quandoque fallit , est febris acuta puerperis valde communis ; haec febris incipere solet 3. 4. 5. aut alio die à partu , si lochia potissimum recte non procedant , & quod magis mirandum , lochis ritè fluentibus quandoque advenit . Dicta ergo febris saepe est de genere ardentium , ac non raro in pluribus , maligna . Incipit cum rigore , atque accessiones , tertioquoque die , ut plurimum sibi correspondent , lingua sicca est , urina parum distat à naturali , pulsus celer , & frequens , dolor in regione pubis , & lumborum , & alia adsunt simpthomata propria febrium ardentium , & malignarum . Verum simpthoma , puerperas in hisce febribus magis affligens , est diarraea serosa , variegata , aut cruda , quae innumeras morti tradidit .

75 Ulterius vero hanc febrem acutam puerperarum committantur simpthomata febrium ardentium , vel malignarum , cum praedominio eorum , quae ipsis correspondent , ea lege , ut si febris magis inclinet in ardentem , sitis , calor acris , linguae siccitas , & oris amaritudo dominantur ; si magis vergat in malignam , delirium , spirandi difficultas , convulsiones , & pulsus parvitas magis elucescant . Omnibus autem communia simpthomata sunt anxietas , inquietudo , oris ventriculi morsus , in animi delinquium propensio , tristitia , &

& formido; motus convulsivi, lochiorum suppressio, ventris tensio, vel convulsifica, vel dolorosa, & diarrhaea, ut diximus copiosa, variegata, & nihil proficiens. Causa hujus febris est inflammatio, vel erisipelas in utero, partibusque vicinis facta. Suppressio lochiorum non est causa, sed effectus hujus morbi, quia inflammatio utero, vasorum ejus minima obturantur, crispantur fibrae, adeo, ut nulli humoris patere exitus possit, hinc incipiente morbo lochia supprimuntur; si vero inflammatio mitescat, eaque de causa fibrae laxentur, & partes mollescant, tunc natura lochiorum expulsionem efficere jam potest, quoniam sunt patentes viae, quae antea erant occlusae. Imprudenter igitur se gerunt Medici, qui in tali febre, medicamenta praescribunt calida, & acria, pro lochiis excitandis, cum è converso convenienter refrigerantia, diluentia, & reliqua sanandis inflammationibus propria. Id unum advertendum, quod in morbis uteri, et si sint inflammatorii, cum temperantibus, aliqua roborantia miscenda, quia uterus pars est nervosa, & rebus frigidis molestari solet, propterea medicamenta hysterica superius praescripta, cum temperantibus semper miscere oportet. Febris igitur acuta puerarum periculosa est, eaque plures intereunt, potissimum si lochia non appareant, verum si apparere incipiunt, & postmodum recte procedant, reliquis bene se habentibus, affulget salutis spes.

76 In reliquis vero, eodem modo praesagiendum, quo in febribus ardentibus, & malignis. In curatione circa venae sectionem idem faciendum, quod ibi diximus, adeo ut potior curationis spes, in febribus acutis puerarum, sit in venae sectione collocanda. Deinde prisana ex capillis veneris, & radice viperinae, glacie, aut nive refrigerata eis praescribenda cum sequenti potionc.

R. Conf. alchermes incompl. & tintur. tartar. ana 3.  
f. sirup. capill. vener. & aquae ejusdem ana 3. ij. me.  
Vel

R. Conf. alcherm. incompl. & tinct. croci ana d. i.  
pulv. c.c. 3. i. sirup. capill. vener. & aquae ejusdem ana  
3. ij. me.

77 Interim , si dolor in regione pubis instat, omentum  
vervecinum vino albo mixtum , calide admoveri potest , aut  
inunctio ex oleo rutaceo , absinth. amigdal. dulc. cum ung.  
dialth. & balsam. catholico sine aromatib.

### C A P U T

## DE FEBRIBUS TERTIAE Regionis.

78 Inter febres tertiae regionis , primò occurrit febris hectica , quae licet ex prima regione , & secunda possit procedere , quia vero praecipue apparet in tertia , idcirco inter febres tertiae regionis adnumeratur. Hectica ergo febris est illa , quae , lento quodam calore , totum corporis habitum praecipue marcescere facit. Haec febris sequitur alias morbos , ut febres messentericas , inflammations internas , atrophiam , phthisim , hipocondriacam , scorbuticam , aut hysterica affectionem , solent enim febres , quae hosce morbos committantur , lentè procedere , & corpus contabescere faciunt. Causa igitur febris hecticae , semper est aliquis morbus alte in visceribus infixus ; dum enim in febribus ardentibus , malignis , & inflammatoriis crassa materia , cruda , & acris in visceribus detenta , neque per evacuationem , neque per abcessum expellitur , in dies magis figitur , & majori cohaerentia , atque acrimonia sensim praedita , natiram ad febriles motus perpetuo inducit. Sic post febres messentericas , & hipocondriacas affectiones , hecticae febres fiunt , quatenus humores illi in eorum visceribus impasti , acres adeo redundunt , ut chilum corrumpant , indeque labes toti sanguini communicetur. Ex pure similitex in phisicis , utpote acri , &

sanguini heterogeneo, oritur febris hectica. Ac tandem plures sunt, qui ex sua natura, sive id ab ortu jam habeant, sive postmodum assueuantur, sanguinem maximè dispositum habent, ut levi quavis de causa, in febres hecticas incident. Propterea dum similes aegrotantes in febrem ardentem, malignam, aut inflammatoriam incident, Medici interest, serio crism earum animadvertere, nam si haec fuerit perfecta, & fatalis, totum negotium naturae relinquendum; si vero fuerit imperfecta, & videat febriculam, ultra terminum acutorum morborum procedere, statim nullaque spectata morula asinum praescribat, & naturam quantum fieri possit adjuvet, ut abcessum ad crura efficiat, juxta auream magni Hippocrates sententiam: *In longa febre, ex qua tamen aeger liberari potest, si neque ob inflammationem, neque ab aliam manifestam causam, dolor infestat; aut tumorem, aut dolorosum in articulis abcessum expectare oportet, praecipue in imis partibus.* (a)

79 Tres gradus febris hecticae communiter distinguntur, ac licet in secundo, & tertio gradu, facile agnoscat, non ita in primo. Verum febris hectica, jam sub initiis, id proprium habet, ut calor ad tactum levis sit, aegri bene sibi videntur valere, quasi non febricitarent, febris continua est cum inaequalitate, & celeritate in pulsu, corpus sensim marcescit, ac nullum grave simpthomata appetit.

80 His accedit aliud signum, nempe austio caloris à cibo, nam tales aegri duabus, aut tribus horis, ab assumptione cibo, incalescunt plus solito. Galenus, ejusque Ascleiae hoc vocant proprium, & inseparabile signum febrium hecticarum, quod in ipsis credat semper, & necessario adesse, atque nullibi, praeterquam in hecticis, reperi. At certe fallitur, quia in hipocondriacis, scorbuticis, hysterics, aliisque aegrotantibus, calida viscerum intemperie laborantibus, post cibum, dum peragitur coctio, certo, & sensibiliter augetur calor, pedum tempore sanitatis, sed etiam si febre qualibet praeser-

(a) Hippoc. *Prognost. sect. 3. sent. 123.*

sertim messenterica laborent, quin propterea heftici sint; & converso in empiematicis, & pthilicis, calor non semper à cibo crescit, sed noctu perpetuo ingravescit, ut experientia constat, & magni Hippocratis oraculo confirmatur: *Qui ex pulmone, inquit, empjici funt, febres habent interdiu leves, de noctu fortiores, &c.* (a) Igitur augmentum caloris à cibo, in febribus exiguis communiter, & ut plurimum, significat, aut febrem esse hefticam, aut in ipsam facile transire posse. Quod si aliquando id deficiat, & caetera signa sufficienter arguant, febrem esse hefticam, pro tali tunc habenda est; immo etsi incalescat à cibo aeger, & febricitet, non ideo putandum ejus febrem hefticam esse. Oportet ergo, ut Tyrones, omnia signa hujus febris, attentè inspiciant, vide-licet ejus lentorem, aequalitatem, corporis extenuationem, & morbum fixum à quo haec omnia procedant, quibus si jungatur austio caloris à cibo, febris erit heftica, immo cum talibus signis, licet à cibō non incalescat aeger, sed potius noctu, febre heftica laborare, censemendum. In secundo autem, & tertio gradu, jam corpus adeò extenuatur, ut cutis vix ossibus haereat, facies squallida est, & tristis, oculi concavi, nasus acutus, tempora collapsa, aures subversae, & frigidae, quae facies Hippocratica dicitur, eò quod ab Hipp. pingatur, lib. 1. Prognost. in eo statu miserri aegri sunt gelidae mortis imago.

81 Praesagium hujus febris infelix est, nam praeterquam quod est longissima, omnia remedia, quantumvis efficacissima spernit, & aegros saepissimè jugulat. Si sit in primo gradu, adhuc admittit curationem; in secundo, aut in tertio, nullo modo curari potest. Alvi fluxus eidem superveniens solet esse colliquativus, & mortem citò venturam praenuntiat. In juvenibus difficulter, in senibus nullo modo curatur. Si accedente alvi profluvio, crura intumescant, mors ostia pulsat.

82 In curatione videndum est, quos morbos sequatur, nam tunc

---

(a) Hipp. Coac. praeonot. lib. 2.

tunc habita ratione morborum , eis , & febri simul est succur-  
rendum. Sic , si proveniat ab stomacho pravè digerente , ut  
commune est , curandum est , ut stomacho respiciatur , & fe-  
bri. Generice tamen , omni febri hecticae convenient restaurantia , humectantia , diluentia , & acres humores temperan-  
tia. Iater restaurantia locum habent juscula viperarum , ut

*R. Frustul. carnis vervecin. & pulli gallinac. fol. borrag.  
endiv. lactuc. anà manip. i. coque ut fiat jusculum , cui  
sub finem adde carnis viperarum frustul. i. leviter bul-  
liat.*

83 Sumatur hoc jusculum , per plures dies repetitum , ma-  
ritino tempore. Si febris hectica sit in hipocondriacis , &c-  
misceri possunt praedicto juri pulvis ocul. cancr. c.c. tartar-  
rum chalibeatum , tartarus nitratus , & alia dictis morbis ap-  
propriata. In usu etiam est , ad restaurandum , & humectan-  
dum , jusculum facere ex ranis , ostreis , aut testudinibus ; item  
gelatina c. c. quae sic describitur à D. Fuller.

*R. Ped. ovium numer. iiiij. ped. vitul. num. ii. rasur.  
c.c. ebor. anà ȝ. i. ichthyocol. ȝ. s. gum. arabic. traga-  
canth. anà ȝ. ii. aquae hord. depurat. lib. xii. coq. ad lib.  
iiiij. colatura adde sacchar. ȝ. iiiij. me. Usurpanda est re-  
cens , aliter enim citò putreficit.*

Inter restaurantia praescribi solet à Medicis Valentinis  
aqua , quae vulgo dicitur Palata , sic describitur.

*R. Testud. eviscerat. num. i. pull. gallinar. eviscerator.  
num. ii. ranar. eodem modo paratar. num. xij. panis al-  
bissimi recent. lib. i. folior. borrag. & lactuc. anà ȝ. iv.  
panis scindat. in taleolas , & humectetur cum aqua ro-  
sar. animalia eviscerata pistentur , & ex omnibus fiat  
stratum super stratum in alembico vitro , hinc destillent.  
secundum artem.*

Inter humectantia , & diluentia , & temperantia , locum  
habent emulsiones.

R. Amigd. dulc. praeparat. par. iiiij. semin. quatuor  
frigidor. major. ana 3. i. semin. lact. & papaver. alb.  
ana 3. s. cum aqua bord. extrahatur emulsio , cui adde  
sirup. violar. 3. i. me. & per plures dies repetatur ma-  
tutino tempore.

84. Item , convenient balnea aquae dulcis , quae usurpa-  
ri possunt , aegro satis robusto existente , alternis diebus , ita  
ut in nimios sudores non cogatur ; nec nimis calida sit aqua,  
sed temperata. Hora ingrediendi balneum est 9. matutina  
assumpto juscule , aut 5. vespertina , peracta ciborum digestio-  
ne. Post balneum , imo & in ipso balneo , dummodo aegri  
vires id postulent , iterum nutriendus juscule , modo jam dicto.  
Si his ergo medicamentis , febris non obediatur , tunc lac ca-  
prillum , aut asinimum , est praescribendum , equidem istud nu-  
trit , diluit , temperat , vitiosas ebullitiones coercet , & acres  
liquidorum particulas hebetat. Praescribi incipit matutino  
tempore , jejuno stomacho , & sub primis diebus propinatur  
ad uncias octo , magis , vel minus , pro majori , vel minori  
ventriculi robore , postmodum natura jam lacti magis assue-  
ta , dosis augenda est , ita ut mane , & vesperi praescribi  
posit , ac si opus sit , & aeger ferre possit , dieta lactea est  
reficiendus. Si lacte assumpto , acescat in ventriculo , aut cor-  
rumpatur , vel rugitus , & flatus praetermodum commoveat ,  
tunc ab eo abstinendum , & aliis remediis curatio est ag-  
gredienda. Denique sedulò notandum est , non raro accide-  
re , ut in conjugatis , propter immodicum exercitium coitus ,  
febres cum atrophia adveniant , easque sub tabis dorsalis  
nomine explicat Hipp. in quibus medicamenta refrigerantia ,  
& diluentia non conferunt , prosunt imo restaurantia , nu-  
trientia , & illa , quae sanguinem nimis depauperatum restau-  
rare valent , ut juscule viperarum , gelatina c.c. modo supe-  
rius adducto , &c.

85. Tandem sub febribus tertiae regionis numerantur fe-  
bres

bres diariae , ortae à constipatione , quae propter impediatam transpirationem saepissimè ingruunt , & unius , aut duorum dierum spatio finiuntur , propter quod inter diarias meritò enumerantur. Licet igitur plures sint febres diariae , à variis causis ortae , ut ab ira , insolatione , vigilia , animi moerore , &c. & ita dicantur , quia ultra unius diei terminum non progrediuntur , tamen cum omnes , eodem uno modo , currentur , trademus dignotionem , & curationem febris ortae à constipatione , qua cognita , reliquæ facile innotescunt.

86 Dum ergo incaute aliquis aurae frigidae repente occurrit , poris interim quavis de causa imminodice apertis , & liberè procedente transpiratione , febris oritur catharralis , ex diariae genere , vulgo à constipatione. Incipit per vehementem rigorem , quem adeò in aliquibus vehemens subsequitur calor , ut in ardore , saepius ardentes febres videatur aemulari. Facies rubet , caput gravitate primum , dein de dolore quasi lancinante atfiliatur , dolores simul vagi hinc inde molestant. Lingua , urina , & pulsus ferè sunt secundum naturam. Febris absque accessionibus per integrum diem , & amplius aliquando procedit , donec levi quodam madore finiatur. Praecipuum igitur signum ad has agnoscendas febres ex ipsa aegrotantis relatione desumitur , equidem ipse suspicionem de constipatione propter suscepsum frigus , habere refert. Galenus de Febribus diariis dignoscendis , longè feliciterque tractavit variis in locis , sed praesertim in initio operis de Methodo Medendi ad Glauconem , & certè quam maximè oportet febres diarias cito cognoscere , ne sub earum larva , putridae , aut malignae occultentur. Igitur aegros interrogare oportet de causis externis , quia febris diaria febre semper ab ipsis nascitur. Deinde observare oportet aegri calorem , qui in febribus diariis blandus est , & halitus , in putridis vero siccus , & acris. Praeterea , attentè inspicere oportet pulsum aegrotantis , qui celer esse solet , in febre diaria , cum pauca , aut nulla inaequalitate , secus ac accidit in febribus putridis. Sunt etiam urinae naturales , neque ullum simpthoma vehemens aegrum molestat. Accidit aliquando , ut febris diaria ortum suum trahat à reple-

tione ventriculi , in quo casu , tum vomitus ad sunt , tum crudorum ciborum egestiones , verum ex aegrotantis relatione , & ex signis hucusque propositis id Medicus , haud difficulter cognoscet.

87 Prognosis hujus febris faelix est , duorum enim , aut trium dierum spatio ad summum terminatur. Verum cum ipse observaverim omnes acutos morbos , sub falso constipationis praetextu , invadere , moneo Tyrones , ut in hujusmodi febribus ( si agnoscant praesertim per alia signa , patientem ad acutos morbos proclivem esse ) caveant semper , ne transeat in acutas , quia id frequentissimum est.

88 Curationem harum febrium natura ipsa satis absolvit , euidem levi commoto sudore , eas perfecte solet judicare , hincque mulierculae sua habent remedia , quibus Medicos ad has febres sanandas non vocant. Omnis ergo harum febrium curatio in levi movendo sudore , & augenda transpiratione sita est. Hoc faciet Medicus per levia diaphoretica , ut sal. card. bened. cum sirup. papav. rubr. & aqua bugloss. vel decoctum folior. the , aut florum cordial. calide forbillatum omnem curationem absolvunt : quae omnia medicamenta , sub febris declinatione , potius quam in initiis , conferre observamus. Interim corpus non adeo stragulis cooperendum , ut in violentos sudores adigatur , quippe plures sunt aegri , qui quavis adhibita diligentia minime sudant , sufficit ergo ad integrum harum febrium curationem , liberam reddere transpirationem , quod levi solum madore satis perficitur.

89 Haec ergo febrium notitia Tyronibus pro praxi exercenda sufficiet , quia non ex mentis conceptibus , sed ex ipsa praxeos doctrina , & observatione desumitur , & gravissimorum in praxi Authorum studio compensatur. Reliquas febrium species , ut triteiophilias , haemitraetaeos , tiphodes , assodes , elodes , lipirias , epialas , & alias hujusmodi non adduco , tum quia ad malignas , aut ardentes reducuntur , tum quia rarius in praxi occurrent , & apud Authores longe explicantur , ad quos Tyrones remitto.

F I N I S.

MO-

MONITA PRACTICA  
EX MEDICINA VETERI,  
& nova deducta, & in formam  
Aphorismorum disposita  
ad Tyrones.

**1** IN morbis ventriculi, hypocondriorum, aliorumque viscerum primae regionis, certum indicium dat urina earum aegritudinum, quae ipsa molestant. Tract. de Ur. cap. 1. n. 3.

**2** Si urina tenuis appareat in principio febrium acutarum, aut morbum capitisi citò venturum, aut aegrum in deteriorius ire demonstrat. Tr. de Ur. cap. 1. n. 6.

**3** Si urina tenuis in histericis appareat, instantis paroxysmi, est certum indicium, ibid.

**4** In scorbuticis, gallicis, & hypocondriacis talis urina, eos, magis quam par est, molestari demonstrat, ibid.

**5** In febribus tertianis, aliisque intermittentibus frequenterissimae sunt urinae crascae; fieri ergo solent à salibus diversi generis in sanguine hospitantibus, & febrilibus impuritatis in eo existentibus. Tr. de Ur. cap. 1. n. 8.

**6** Urina rubra cum lingua sicca, aspera, & nigra, si febris fuerit aliquo modo ardens, signum est dispositionis inflammatoriae in sanguine. Tr. de Ur. cap. 2. n. 14.

**7** Urina rubra cum lingua alba, spurca, ac viscida in febribus tertianis, in scorbuticis, hypocondriacis, à salibus muriaticis procedit, & venae sectionis usum dehortatur, ibid.

**8** Urina rubra cum lingua alba, & viscida, si febris fuerit acuta, & aeger in delirium, aut convulsionem proclivis, significat affectionem inflammatoriam, ibid.

9 Urina nigra in hypocondriacis , & ictericis cum duitie dextri , aut sinistri hypocondrii lethalis est ut plurimum , sin minus , longum fore morbum significat , ibid. n. 16.

10 Si in urina signa coctionis appareant , & haec , ultius procedente morbo , non augeantur , aegrum , vel moritum , vel longo tempore laboraturum indicium est. Tr. de Ur. cap. 3. n. 19.

11 Si in urina hominis acutè febricitantis appareat in superficie pinguedo , instar telae aranearum , aut faevi liquati , signum est magnae colliquationis , & gravissimi morbi ; si autem talis pinguedo in hominibus sanis appareat , aut in hypocondriacis , & scorbuticis , tum pravum signum non est , ibid. n. 20.

12 Si cum urina crassa veluti jumentorum aliquod signum in febre appareat malignum , nedum capitis dolorem , sed & convulsionem , & mortem significat. Tr. de Ur. cap. 4. n.

21. p. 19.

13 Cum urina stridendo mingitur , duo significat , aut hominem indigere medicamento purganti , aut morbum aliquem adesse in vesica , vel partibus ei proximis. Tr. de Ur. cap. 4. n. 21. p. 20.

14 Non est idem sanguinem mingere , ac urinam ejicere sanguineam , ibid. p. 21.

15 Si igitur sanguis mingatur , idque non saepius fiat , sed raro , neque tunc febris adsit , neque dolor , significat per renes plenitudinem expurgari , qua evacuatione lassitudo tollitur ; quod si sanguis cum febre , aut dolore excernatur , tunc scire oportet , urinam purulentam postmodum esse mingendam , ibid.

16 Urina mere sanguinea , seu sanguinis colorem exacte referens , pravam sanguificationem significat , eamque ex male affectis hypocondriis provenire , ibid.

17 Licet pulsus Magnus à virium robore fere semper procedat , tamen quandoquidem fallax esse solet , saepè enim accidit , ut cum pulsu magno aegri citò moriantur , potissimum in morbis pectoris , dum magna adest spirandi difficultas , qua inf-

instante, cum pulsū magno suffocantur aegri. Tr. de Puls. cap.

2. n. 4.

18 In magnis, vehementissimisque partium internarum doloribus, pulsus parvi fiunt, quapropter ne terreantur Tyrones in praxi, si doloribus incipientibus, pulsus parvi statim fiant, ibid.

19 Fatalis est pulsus intermittens in morbis acutis; verum in morbis chronicis appetet aliquando absque ullo periculo, potissimum in pueris, & senibus. Tr. de Puls. cap. 2.

n. 5.

20 Advertere oportet, non esse idem fibram tensam, ac robustam, nam si siccitas vigeat, fibra tensa est, & quandoque cum ea tensione debilis, ibid. n. 6. p. 29.

21 Qui ob duritatem ventris marcescunt, in his pulsus tensus, & vibratus est cum magna debilitate, ibid.

22 In quocumque dolore, si pulsus ex magnitudine in parvitatem transeant, aegri vires maximè debilitantur; quod si ab initio doloris jam pulsus parvi fiant, unum ex duobus significat, aut partem summe sensibilem laborare, quale os ventriculi esse solet, aut materiam aliquam malignam esse causam doloris, ibid. p. 31.

23 In omni inflammatione pulsus est durus, & veluti ferratus, varius tamen quoad magnitudinem, & parvitatem, nam in quibusdam inflammationibus magnus esse solet, in aliis autem parvus; celeritatem vero in omnibus habet inflammationibus, ibid.

24 Magna pleuritidis cruditas ex pulsū multum serratili deducitur, si vero haec pleuritis nimium cruda cum viribus debilibus conjungatur, mortem inducit, si autem cum facultate fortiori, aut morbum longum, aut in suppurationem vertendum demonstrat, ibid. p. 32.

25 Si procedente pleuritide, pulsus in magnam crebratatem, aut frequentiam mutetur, signum est syncopis, aut peripneumoniae venturae, si vero morbo crudo existente, neque sputo procedente secundum rationem, pulsus in tarditatem veniant, delirum aut soporem venturum indicant, ibid.

26 In omni peripneumonia semper aliquid comatosum adest,

adest , si vero parum comatis adsit , pulsus crebri sunt , si vero in magnum soporem morbus vergat , tunc pulsus tardi sunt , ibid.

27 Incipiente phrenitide tria haec necessario contingunt , vigilia pertinax cum dolore capitis ; pulsus parvi , celeres , nervosi , densi ; & febris acuta cum paucō calore , seu ut loquitur Coelius Aurelianus , febris difficile ad superficiem corporis ascendens , ibid. p. 33.

28 Orthophnoea dum vehementissima est , pulsus reddit tardos , quod velim Tyrones notent , ne in pectoris morbis fallantur , dum bonum pulsum videntes , aegrum moriturum , non ita gravatum , credant , ibid.

29 Stomachi inflammatio pulsum efficit similem pulsi phreniticorum. Langor vero , vomitus , singultus , aliaque hujusmodi oris ventriculi simpthomata , pulsum parvum , ibid.

30 Tyrones animadvertant , omnium remediorum maximum , ad tollendos morbos , esse ipsam naturam , quae vera est , ex Hippocrate , aegritudinum medicatrix . Tr. de Mat. Med. cap. 3. n. 4.

31 Maximum remedium est naturam relinquere , ut juxta leges sibi proprias , morborum curationem aggrediatur , ipsius motus minime turbare , ejus actiones salutiferas , quantum fieri posse , promovere , neque eam unquam divertere , ibid.

32 Quoad medicamentorum vires attinet , scire oportet , eam Medicinae partem , quae de his tractat , & Pharmaceutica dicitur , esse fallacissimam , & nugis ac erroribus plenam . Tr. de Mat. Med. cap. 3. n. 5.

33 Scire etiam Tyrones oportet , medicamenta simplicia , caeteris paribus , compositis semper esse praferenda , quippe natura simplicissime semper operatur , & inter composita ea praeferri debent , quae minus composita sint , ibid.

34 Minima in morbis , quantumvis minima , semper in Medicorum contemplatione sunt maxima , ac ex rebus iira minimis , basis curationis quandoque desumitur , ibid. n. 6.

35 Humorum crassities , lento , & coagulatio non à frigiditate , ut vulgus credit , sed quandoque ab immodico visce-

cerum, & sanguinis aestu procedunt, nihil enim fluida corporis humani citius coagulat, quam immodicus calor. Tr. de Mat. Med. cap. 4. n. 10.

36 Nullus est humor in humano corpore absolute frigidus. Tr. de Mat. Med. cap. 4. n. 14. p. 47.

37 Propterea quo magis crassi, & densi sunt humores, eo majorem indicant calorem, ibid.

38 Scire igitur convenit, dum humores calefiunt, & inflammantur, non uno, eodemque modo id fieri, sed aliter in erisipelate, aliter in phlegmone, aliter in herpete, multo aliter in cancro, & sic de aliis, ibid.

39 Oportet ergo, ut Tyrone generalibus alterantibus non acquiescant, sed ipsis semper miscent specialia, ibid.

40 Alterantia semper praecedant evacuantia, quippe humores prius concoquere oportet, & deinde à corpore eliminare, sequentes naturae legem, quae eo modo semper operatur in commodum aegrotantium, ibid.

41 Advertere oportet, curationes chronicorum morborum, alterantibus potius, quam purgantibus esse absolvendas, quippe natura tales morbos, magis humorum correctione, quam excretione curat, ibid.

42 Est advertendum ventriculi languores, & cruditates acidæ non raro ab immodico viscerum aestu procedere, ut accedit biliosis, & hypocondriacis. Tr. de Mat. Med. cap. 7. n. 34. p. 61.

43 Idque perpetuo tenendum, numquam calidiora stomachica convenire, ut spiritus, tincturas, olea essentialia, aliaque hujusmodi, quia nimis calefaciendo laedunt, ibid. n. 36. p. 62.

44 In cruditatibus nidorosis nihil magis confert, quam aqua simplex, cui mixtus sit liquor ex nitro, & marte compositus, ibid.

45 Experimento notum est, plures ex hypocondriacis, aliis remedii frustra tentatis, aquarum mineralium usu fere integrè restitutos. Tr. de Mat. Med. cap. 8. n. 38.

46 In principio doloris nephritici, nec acris purgantia, nec clysteres acres, nec fortia medicamenta convenient, sed

emollientia, laxantia, & fibrarum crispaturam corridentia.  
Tr. de Mat. Med. cap. 9. n. 48.

47 Urinæ ardore in senibus adeò frequentes, non tam ab immido eorum calore, quam primæ digestionis defectu procedunt. Quapropter fugienda sunt in dicto casu, medicamenta nimis temperantia, & frigida, ac obtundentia, ibid. n. 50.

48 Notare oportet, nulla esse medicamenta, quae directè habeant virtutem ad menses movendos, ibid. n. 51.

49 Animadvertere etiam oportet, nulla esse medicamenta, quae propria, & specifica virtute gaudeant ad calculos comminuendos, ibid.

50 Divisio purgantium in eradicativa, & minorativa, vana est, & aegrorum saluti perniciöissima. Tr. de Mat. Med. cap. 10. n. 55.

51 Ex conferentia, & tolerantia dignoscenda est utilitas purgantis, minimè ex numero, & quantitate dejectiōnum, ibid.

52 Advertere oportet, maximum esse errorem credere, cacochimiam esse objectum purgationis adeò, ut ipsa praesente, purgans medicamentum exhiberi possit, ibid. n. 70.

53 Errant quidam Medici, & maximo aegrorum periculo errant, qui titulo obstructionum tollendarum, neque humoribus praeparatis, neque coctis, perpetuo purgant, & morbos prorsus incurabiles reddunt, ibid.

54 Si humores pravi, ab aliqua internarum partium diathesi, & intemperie, procedant, purgando frequenter, nihil aliud efficiunt Medici, quam laterem lavare, & partes morbo oppressas magis offendere, ibid.

55 In magnis, & vehementibus partium internarum doloribus, praesertim convulsivis, ut colica hysterica, convulsiva, illiaca passione, & aliis, non sunt exhibenda purgantia, nisi prius emollientia, & laxantia praecedant, ibid.

56 Multiplici experimento constat, solius quandoque emeticci exhibitione, omnibus frustra tentatis, fuisse integre sanatas febres intermittentes. Tr. de Mat. Med. cap. 11. n. 78.

57 Pleuritis licet à vomitu frequenter incipiat , vomitorium non indicat , imò venae sectiones moderate praescriptas , quod de omnibus inflammationibus intelligendum , ibid.

58 In omnibus morbis à repletione ventriculi , vel depravata digestione nascentibus , praestantius non est remedium emeticum medicamento , ibid. n. 79.

59 In empyematicis , aliisque pectoris morbis convenire diuretica docuit Hipp. attamen remedia ex vegetabilibus desumpta plus prosunt , quam omnia quaecumque inventa ex chimiae furnis deprompta , ibid. cap. 12. n. 83.

60 In ulcere renum , & vesicae nullo modo sunt adhibenda diuretica , ibid. n. 84.

61 In principiis acutorum morborum , in inflammatoria scilicet sanguinis diathesi , cane pejus , & angue fugienda sunt diaphoretica. Tr. de Mat. Med. cap. 13. n. 89.

62 In colica convulsiva , carminantia , & purgantia aegros in mortem ducunt ; praescribenda potius , tunc sunt laxantia , emollientia , & anodina , quae dicto morbo specificè occurunt. Tr. de Mat. Med. cap. 14. n. 97.

63 Dum Medici tensiones hypocondriorum , & ventris , in febribus , aliisque morbis inspiciunt , non statim confugiant ad carminativa , id à flatibus provenire judicantes , quippè aliquando fit à materia acri , fibras purgante , ibid.

64 Suppositoria , & clysteres non sunt applicanda his , qui haemorroidibus , siccis praesertim , laborant , nec his , qui hernia afficiuntur ; minus prægnantibus , & puerperis , ibid. n. 104.

65 Si materia multa impacta sit in pulmonibus , eaque levem difficultatem spirandi producat , tunc medicamenta appropriata superius adducta , prius sunt offerenda , ad materiam in pectore existentem educendam , & postmodum praescribantur opiata , aliter enim , haec materiam illam in pulmonibus magis , ac magis incrassant , & ejus motu impedito , ibidem diutius stagnans majorem spirandi difficultatem producit. Tr. de Mat. Med. cap. 15. n. 106.

66 Nec solum cruribus , sed ipsi thoracis regioni , quorumdam Graecorum more , applicare vesicantia oportet in

astmate , & ortophnoea , nam in his morbis applicata in parte posteriori thoracis inter scapulas , naturam quam optimè juvare solent . Tr. de Mat. Med. cap. 15. n. 108.

67 In apoplexia si vesicantibus adhibitis , vesiculae non excitentur , malum , ibid. n. 109.

68 Falsissimum est , quorumdam Neotericorum placitum afferentium , solam plenitudinem esse indicans venae sectionis . Tr. de Mat. Med. cap. 16. n. 110.

69 Pro regula firmissima praescribimus , ut Tyrones leges revulsionis , & derivationis , non ex libris , neque ex Authoribus inter se disceptantibus , sed ex ipsa natura , vias monstrante , ducant . Tr. de Mat. Med. cap. 16. n. 110.

70 Falsum est , in morbis acutis capitum secundam esse veniam ex pede , quia nimius est impetus sanguinis ad caput , qui ejus conversione ad pedes sistitur ; quia haec omnia hypothesis nituntur , & experientia non confirmantur , ibid.

71 Falsum etiam est , quod dicitur , derivationem non esse instituendam , nisi praecedente prius revulsione , nam haec regula observationibus non innititur , ibid.

72 In omni morbo acuto à fluxione inflammatoria pendente , derivationem potius , quam revulsionem convenire , cum Hipp. suadeo , ibid. p. 108.

73 Tamquam certum teneo in praxi preeceptum , in pueris , & senibus raro sanguinem esse mittendum , ibid. n. 112.

74 Cum vero , in mittendo sanguine , vires semper contemplari oporteat , scire nunc expedit , plurimum esse discriminis inter valens corpus , & obesum , inter tenue , & infirmum , ibid. n. 113.

75 Si sanguis vacuatur , cum neque copia , neque humoris superat caliditas : refrigeratio , cruditas , malisque habitus succedit . Tr. de Mat. Med. cap. 16. n. 113.

76 In fluxionibus , & destillationibus humoris serosi à capite , item in nimio sanguinis fluxu , & in morbis à bile , seu pituita pendentibus , non est sanguis mittendus , ibid. n. 114.

77 Si duas simul concurrant indicationes , altera scilicet  
pur.

purgandi humores crudos , altera vero mittendi sanguinem cum urgentia , satius est primum , sanguinem detrahere , & postmodum cruditati succurrere , ibid. n. 116.

78 In cholera morbo , in cardialgia , & affectionibus oris ventriculi , periculorum est sanguinem mittere , nam in his casibus virtus facillimè labitur , ibid.

79 Maximè periculosum est , multum sanguinem una vice extrahere , cum possit aeger syncope confectus perire . Tr. de Mat. Med. cap. 16. n. 118.

80 Verum non est , solam venae sectionem , & purgationem esse remedia magna , ibid. n. 120.

81 Divisio plethorae in eam , quae est ab vires , & ad vasa , tamquam inutilis est rejicienda , quoniam in praxi difficile est , imò impossibile , eas exacte distinguere , ibid. p. 115.

82 Oportet Tyrones admonere , phrenitidem morbum saevissimum , & communissimum , sub larva febris messentericae frequenter ingruere , & Medicos licet expertos saepissime fallere . Tr. de Febr. cap. 2. n. 25. p. 127.

83 Februm intermittentium curatio non est incipienda à venae sectione , quia celeberrimorum practicorum observatione notum est , post venae sectionem , tertianam simpliçem fieri duplicem , & febrem prius intermittentem verti in continuam , nisi speciales circumstantiae aegri eam necessario excercendam postulaverint . Tr. de Febr. cap. 2. n. 33. p. 133.

84 In tertianae febris curatione , nimis insistendum non est purgantibus , potius enim fugatur per alterantia , quam purgantia , ibid. n. 36.

85 Duplex est methodus chinam chinæ praescribendi , in curatione , scilicet , libera , vel coacta , ibid. n. 37.

86 Tertiana intermittens duobus modis fieri solet maligna , quoad effectus in praxi observabiles , ibid. n. 38.

87 In febribus intermittentibus malignis citò , nullaque spectata mora , per modum curationis coactae , ad corticem chinæ confugiendum , atque magnis , & repetitis dosibus ipsum praescribere oportet , donec sedata sit febris , & ulterius non repeatat . Tr. de Febr. cap. 2. n. 138.

88 Nihil aliud aliquando significat color ille viridis in humore, qui per vomitum, & diarrheam expellitur, nisi acidum summè exaltatum, bili permixtum, ibid. n. 40.

89 Minimè insistant, Medici curantes quartanam, in usu purgantium, nec pillularum, nec diureticorum, nam ea methodo, nihil aliud efficient, quam febrem ex se benignam, & salutarem, reddere laboriosam, & malignam, ibid. n. 42.

90 Numquam in febribus continuis lingua est nimis sica, nisi in dispositione sanguinis inflammatoria. Tr. de Febr. cap. 3. n. 44.

91 Numquam recedant Tyrones ab aegris, nisi hypochondria inspiciant, ex eis enim attente inspectis, plura utilissima deducuntur ad praesagiendum, & curandum, ibid. n. 46. p. 145.

92 Minimè medicamento purganti, dicto *Minorativa*, ut licet in principiis febrium ardentium, ibid. n. 47.

93 Num diarraea, quae cruda dicitur à debilitate, num à nimio calore procedat, videndum. Tr. de Febr. cap. 3. n. 54. p. 149.

94 Coagulatio, & dissolutio humorum non sunt causa, sed simptomata febris malignae. Tr. de Febr. cap. 3. n. 57.

95 Medicamenta alexipharmacæ ad febres malignas, incertæ sunt virtutis, & operationis, ibid. n. 64.

96 Oportet animadvertere sanguinem, caeterosque nostri corporis humores diversis modis inflammari, adeò ut licet in qualibet inflammatione habeant dotes inflammationum proprias, ut sunt calor, acrimonia, crispatura solidorum, & alia hujusmodi, tamen speciales adsunt caræcteres in ipsarum qualibet, in alia quantumvis simili, non reperiendi, ibid. n. 66.

97 Variolæ sunt vera inflammatio cutis, seu varius culmulus multarum inflammationum in cute, sed haec inflammatio specialis est naturæ, & proprios habet caræcteres, nullibi, praeterquam in ipsis, inveniendos, ibid. n. 66.

98 Secunda febris variolarum maximè perniciosa est, in eaque purgationem instituere yelle, temerarium est, ibid. n. 72.

Fe-

99 Febres acutae puerperarum, cum lochiorum suppressione frequenter incedunt, attamen ab ipsis suppressis raro, aut numquam originem trahunt, ibid. n. 75.


100 In inflammatione, & erisipelate uteri, cum temperantibus, & diluentibus, roborantia miscere oportet, ibid. n. 75.

101 Omnis febris haemistica ab alio morbo necessario dependet. Tr. de Febr. cap. 4. n. 78.


102 Auctio caloris à cibo non est signum perpetuum, & inseparabile febris haemisticae, ibid. n. 80.



88. Lopice sacre heraldum, cum postea quod  
89. latus usque ad ipsam, scilicet ad ipsam postea  
90. ac utrumque origine natus, videtur.  
91. In insuffatione et cunctis hinc, cum postea  
92. tuncque, et quicunque, poterit suffici.  
93. Quis regis postea da illi modo locutione  
94. boc est. Et si regis dicitur, dicitur.  
95. Anglio regis et regis soni et regis locutione  
96. insuffatio pars regis, p. 8.



97. Auctor non vobis inserviat, caro non servat  
98. vestris militares, sed ut natus, et caput, sed ut occulatum  
99. fuisse, et hoc non solum de corpore, sed et de membris  
100. et organis, sed et de membris, et organis, sed et de membris  
101. et organis, sed ut natus, et caput, sed ut occulatum, se  
102. tuncque, et quicunque, poterit suffici.



*A* que quisiere cobrar baya ala  
calle de los angelos puesto que  
los buenos conseguimos

